

Recuent galodoo xten xtidx Dios

Resumen del Antiguo Testamento
Zapoteco de Mitla



Todas las ilustraciones son propiedad de ©1978 David C. Cook
Publishing Co., y son usadas con el permiso correspondiente.

Primera edición
Resumen del Antiguo Testamento
Zapoteco de Mitla
zaw 09-034 5C

©La Liga Bíblica, A.C., 2009
México, D.F.

PRÓLOGO

El Antiguo Testamento es un conjunto de libros que se presentan como una de las dos secciones de la Biblia. En esos libros se narra cómo se relacionó Dios con la gente hace mucho tiempo. Fueron escritos por israelitas, durante un periodo que abarca aproximadamente un milenio. Aunque el Antiguo Testamento hable mayormente de la relación entre Dios y la gente israelita de aquella época, provee rica sabiduría para cualquier persona hoy, y se ha traducido a muchos idiomas del mundo.

El libro que usted tiene en las manos relata algunas de las cosas importantes que sucedieron en la época del Antiguo Testamento. Hay otros sucesos que no se incluyeron, para hacer este libro más corto y más fácil de leer. Le aconsejamos que, después de leer este libro, se esfuerce para leer el Antiguo Testamento completo.

Índice

Dios gusloj bejn guiraa ni yu' lo guedxliuj.	1
Che bejn Dios te niguii näj gunaa.	2
Niguiganid näj gunaganid bejn dojl	3
Primeer yälrugut sa'ni	5
Nisguiro	7
Dios bejn di rebejn guinii tejsi diidx	9
Gule Dios Abraham	9
Abraham con Lo't Gula' Sa'reni	10
Dios bia'n diidx con Abraham	12
Abraham canab lo Dios xcuent rebejn Sodoma.	14
Dios basnitloj Sodoma, luxh baslaani Lot	16
Te yäldijl gusloj rolijz Abraham xcuent rexingaanni	17
Dios bateed Abraham te prueeb	18
Caguilreni chu gac chää'l Isaac	20
Jacoob näj Esaú	23
Basguee xi'n Isaac xtadni	24
Xpacal Jacoob	27
Bidxääl Jacoob chäälni	28
Laj Jacoob bidxaa te birilajni Israel	30
Rdxe'ch rebejtz José lojni	31
Di dojl niujn gaan José sa'csi sanälajzni Dios	33
Ni rsiajc José cheni yu'ni latzguiib.	34
Basule' José xhi sáloj nani guinxcal faraón	35
Najc José gubernadoor xten Egipto	36
Ruteed José rebejtzni prueeb	39
Rdzunnäj Jacoob guiraa resa'ni guejdx Egipto	41
Rcanäj Dios biuxbäz ni laa Moisés	44
Gurejdx Dios Moisés te gacnäjni rexpejnni.	45
Chaninäj Moisés faraón xten Egipto	47
Baxhal Dios gaa cuaa plaag lo reEgiptos	48
Ruxhal Dios stee yälguwdx, te biza'reni tzuu, biunejzti rexpejn Israel Egipto	51
Badeed Dios leii xholi gac xlani pascw	53
Rdejd rebejn Israel stelaad nisdoo ni laa Xnian	53
Badeed Dios xhi gauu rebejn Israel nez lo reyubijdz	55

cazob Sabd. Rujnzareni yälguhtis, dxejc rujnzareni castiigw renani di guzoob rextidx Dios.

Lagajc neñ reijzga bachagsa' te cuaa reben Israel renani laa fariseos. Lajre sáloj: bejn ni abibee. Laareni cua'reni si'c xtzunreni gapcheereni rextidx Dios, gucuaareni rediidxga loj guijtz te di nitni. Yu' reni gusloj caguteedreni rediidxga loj te guijtz nacoob. Naareni cagucuaareni rediidxga, sa'csi gajd remac guiricaj. Loj redee bejnreni te dzunsa'c, luxh di niaclaa cayac nayechreni, dxejc gusloj cayäjpreni xhi sáloj releii si'ctis rlajzreni, si'ctis rchaloren, luxh gusloj cayujnzareni releii nacoob, luxh riururení releii nacoob ni bejnreni loj releii xten Dios nani badeedni lo guejdx xten rexpejn Israel.

Guyu'za stee cuaa bejn nani laa resaduceo. Redee garenca najcreni loj refariseo, ni najc xhidalduxh bejn. Guxii najc resaduceo, luxh bejnajnreni, yu'za reni rajp xhidalduxh meel. Yu'reni najc xagdoo bejn ni gunibee lo rebixhojz ni laa Zadoc nani bejnuzuun lo toteii David. Rebejnre di rlajz gacreni rebixhojz te gunreni xtzun Dios, alga rlajzreni gacreni bixhojz te gac guinibeereni loj rebejn, te ga'pzareni yälguhtis lo guejdxga. Resaduceos direni chalilajz nani caj lo guijtz xcuent yälguibansac bejn lo yälgujt; niclaza xcuent reangl, niclaza xcuent reaim; rililajzisreni nani caj lo rexquijtz cadro caj releii. Direni jiu recostumr xten retoxtadgolodooreni, rniizareni chutis bejn sajc guinii xhi sáloj rexleii Dios si'ctis ni rlajzreni.

Neñ reijzga, che ni rnibee regriegw guideb guedxliuj, bisieed guiraa rebejn tejis didxsaj, ni najc diidx griegw. Dxejcti rexleii Dios näj reguijtz cadro caj rediidx ni bazule' reniguii ni rnii xtidx Dios, nani caj ganax didx hebreo, gubixlojreni, cuajreni lo guijtz con ganax didx griegw.

Che gudejd xhero, bejn reroman gaan loj regriegw. Dxejcti gusloj cagaa xcälrnibee reroman lo guideb guedxliuj, guslojza cagusquijxreni bejn xhiroob meel, luxh dizareni ga'p yälruaslajz loj nicla tej reguejdxga cadro bejnreni gaan. Agujc maazdi gayojn ijjz rnibee reroman loj rebejn Israel cheni biääd Dad Jesucrist lo guedxliujre.

guinii. Si'c najc renani runxgaa xhigab xhi guiniireni; laareni najcreni bennanduxh.

Baslii xi'nlu lał ni sajł guisieedni, te na'c gusaanlu xlia'si guibajnni.

Siliä'p xpala'n te niguii ni najc bensa'c, luxh chicbaa rexínni palga chanuureni xnezyuj xtadreni. Siembee bejn xho najc te bi'n xcuent nani rujnni, luxh huenliisi sacbeereni che fii bejn la laaca o et laadi najc nani rujnni.

Baluii loj te biuux te nezyusa'c, te cheni aguroobni, dini guibicaj lojni.

Yälnatont yu' nen lastoo rebi'n, luxh palga xca'ni tela' yajg te gusliinini, sisasisa'cni, luxh diruni gun cosgijidx.

Na'c guidxejblu yälgsliilu bi'nga, sa'csi te tio'p-chon ni gutiäjluni tla' yajg, dilu gugu'tni. Palga gusliiluni, suslaaluni, dini guet.

Xtd te xinsa'c näj te ni yu' xcäriensa'cni, sajpni por guibalajzni.

Si'c te guejdx cheni rut cayajptini, si'c najc te niguii nani di guibansa'c.

Reyajg näj yälruslii rudeed yälnduxh, alga biuux huii, rustujyni xnanni.

Baslii xi'nlu, te si'c nabedxi lajzlu guideb ni guibajnlu, te laani guniidxní yälrbalajz nen lastoolu.

¿La bahuiilu loj te niguii nani di gun xhigab xhi rniini?

Maazru sujn te bennaxhejn que la laani.

Maazru sajc te bi'n ni najc proob niluxh nanduxhni loj te reii bengool ni natont, nani di gucuadiajg reyälrulijdx.

Apéndice: Gaii diidx xcuent tajp gayuu ijz ni gudejd che bicoob guejdx Jerusalén cheli biääd Dad Jesucrist lo guedxliuj

Neñ reijzga, tej rereii griegw rlajz nudxoijnni gan rexpén Israel Dios, ni'cni baxhañni chu benchee te piääñ neñ guidoo xten Jerusalén, te gunibeeni gun rexpén Israel yälrbibyaal loj te banäjb. Dee bachechduxh rexpén Israel, ni'cni huäjsreni, bachagdijlreni regriegw, te dxejcli gunibeereni lagajc laareni si'cti tegayuu ijz.

Neñ reijzga benchee rexpén Israel rexquidobázreni, nalajznu reyu' cadro sajc guidxagsa' rebejn te gucuadiajgreni xtidx Dios cazob Sabd. Reguidobázre najczareni si'c scueel. Neñ cade tej reguidobáz rbe rebejn chu guinibeereni, luxh reni rnibee rbe chuni'c sajc gol xtidx Dios näj chuni'c cueedx-guiniab loj Dios

Badeed Dios nis loj <u>rebejn</u> Israel nez lo reyubijdz, gucnäjzani bejnreni gaan loj renani rdxechnäjreni	57
Badeed Dios tzuu madamient lo <u>rexpen</u> Israel lo dajn ni laa Sinaí	57
Rexpen Israel bia'n diidx guzoobreni rdtiidx ni guinibee Dios	59
Dios ruluii lo <u>rexpen</u> Israel xho guncheereni te yuguid cadro chuchee recosdzan	60
Runchee <u>rexpen</u> Israel te banäjb te <u>ganrenini</u>	62
Runchee <u>rexpen</u> Israel te yuguidro	64
Basacsí Dios tio'p bixhojz	66
Ruzule' Dios loj <u>rexpen</u> Israel xhini'c sajc gaurení	66
Xho gac naya te gunaa che chu te xi'nni, näj yälrnibee xcuent reni rajc yälgujidx ni ral tiejxhni	67
Dxej ni gusiäjl-lajz Dios xtojlreni	68
Rudeedru Dios leii näj yälrlulii loj <u>rexpen</u> Israel	69
Yälrlacle' par reni ruzobdiidx, näj xhi sajc nani di guzobdiidx	70
Bidzujn <u>rexpen</u> Israel loj rexpazaa guedx Canaán	71
Rlajz Coré gacni bixhojz mase di Dios nibeeni	73
Rulaslajz Dios <u>rexpen</u> Israel mase rbe'creni quej	76
Di Dios nusaan nusobde Balaam renani aguleni	78
Gujt balti <u>rexpen</u> Israel sa'csi huile'creni gojn loj rexpanäjb Moab	81
Rejt remadianitas sa'csi basgueereni <u>rexpen</u> Israel	82
Rca' rexfamil Rubén näj Gad yuj nejz cadro rliejn gubijdx	84
Balijdx Moisés <u>rexpen</u> Israel steetis huält	84
Gule Dios Josué te guinibeeni <u>rexpen</u> Israel	86
Biu' <u>rexpen</u> Israel nez reyuj Canaán	88
Sibebä'n Jericó	89
Xtojl Acán	91
Basguee regabaonitas Josué	93
Lult diidx nani balijdx Josué reben <u>Israel</u>	95
Gule Dios rejuejs te laa reben <u>Israel</u>	97
Te angl xten Dios rrinäj Gedeón	98
Racnäj Dios Gedeón te rbeni resoldaad ni gunibeeni	100
Rujn Gedeón gaan lo remadianitas	101
Xcient te niguii ni laa Jefté	102
Rusäbdiidx Dios gal Sansón	105
Sa' xten Sansón	106

Xcälnadipduxh Sansón.	107
Sansón näj Dalila	109
Xcient Rut, te gunaa ni siääd ste'ca lajt	111
Gunii Dios loj Samuel	114
Bidzujn dxej gujc Samuel juejz	116
Saúl gujc reiganid xten rebejn Israel	117
Che bejn David gaan lo Goliat	120
Xhetlaadi bejn Saúl sa'csi dini nuzoob xtidx Dios	122
Rdxebeduxh Saúl sa'csi agulälajz Diosni	124
Xcälrnibee David	125
Rusäbdiidx David xi'nni Salomón gac reii nacoob	126
Cua' Salomón yälnduxh sa'csi gunabnini lo Dios	127
Ruzuj Salomón guidoo xten Dios, dxejcti runijt lastooni xnezyuj Dios	128
Gujc gala' yälrnibee	130
Baxhal Dios xhi gauu Elías, bejn nani rusule' xtiidxni	131
Elías bachagloj reprofe't xten Baal	133
Badeed Dios te yälriäliuj loj Elías	135
Sanä Dios Elías	136
Huij Naamán lo Eliseo te gusiajcnini.	139
Jonás, ni rnili xtidx Dios	141
Profe't Oseas.	144
Amós ni rnili xtidx Dios	146
Sanäreni rexpen Israel lo guejdx xten reben Asiria	146
Isaías, ni rnili xtidx Dios	147
Miqueas ni rnili xtidx Dios	152
Joel ni rnili xtidx Dios	153
Abdías ni rnili xtidx Dios	154
Nahúm ni rnili xtidx Dios	154
Habacuc ni rnili xtidx Dios	154
Sofonías ni rnili xtidx Dios	154
Jeremías ni rnili xtidx Dios	155
Ezequiel ni rnili xtidx Dios	158
Rnii Daniel xhi säloj ni gunixcal reii Nabucodonosor	160
Xcient choñ niguu nani di bajl nudxuii	163
Rusule' Daniel stee yälrnixcal xten Nabucodonosor	165
Rusule' Daniel xhi säloj reletr ni caj cuä' padeer.	167
Dios ruslaa Daniel loj releon.	167
Rbisac rexpen Israel lajdxni	169
Ruslaa Dios rebejn Israel te di nitlojreni nen guedx Persia	171

Beñladxä, colchalilajz xtidx Dadga; laani najc nani racnäj, nani rcanäjza nuure. La'tu, rebixhojz, colchalilajz Dadga; laani najc nani racnäj, nani rcanäj nuure. Guiraa la'tu ni rliä'p xpala'n Dadga, colchalilajz laani; laani najc nani racnäj näj rcanäj nuure. Xhidajl huält agucnäjni nuure; runle'ni nuurnu näj rexi'nnu. Dadga runle'ni renani rajnni, mase aguroobreni, mase bázreni.

Xcälrlulijdx Salomón loj redad näj rexi'nreni

(Proverbios 1:7-8; 3:12; 6:20, 23; 10:1, 19; 13:1, 3, 24; 15:5, 20; 17:25, 27-28; 19:18; 20:7; 20:11; 22:6, 15; 23:13-14, 24; 25:28; 29:15, 17, 20; Eclesiastés 4:13)

Reyälnduxh rsloj xcient yälrdxejb nez loj Dios, luxh rebejn naxhejn rbälajzreni yälnajn näj yälrluluii.

Bacuadiajg, xinganbidä, rexcälrlulijdx xtaglu, na'c cuälajzlu rexcälrluluii xnanlu.

Si'cni rusacsí redad xi'nni nani sanälajzni, sigajcza Dios rusacsí rexi'nni sa'csi sanälajznireni.

Bazoob, xinganbidä, nani rnibee xtaglu, näj na'c jiällajzlu rexcälrluluii xnanlu sa'csi rexcälrnibee xten xtaglu najc si'c te gandeel ni rusanij näj yälrluluii xten xnanlu najc si'c te bajl. Nanab jiunu yälrlulijdx palga rlajznu gacnu beñnajn.

Te xi'n bejn ni nanduxh ruspaa lajz xtaglu, niluxh te xi'nni ni naxhejn ruteedni xnanni trabawduxh.

Nani entis caniini, guyasi rujnni dojl, niluxh nani rusäuu ro'ni, nani rguchee lujdxni, najcni te beñnajn.

Te xi'n bejn ni nanduxh riuni rexcälrlulijdx xtaglu, niluxh nani ruxhisnäj bejn, nicla jiejn diajgni che rquidxa' xtaglu.

Te beñnajn runxgaa xhigab xhini'c guiniini, luxh te benguijdx, rguilitnsi yälrdxagdijl.

Nani di gun castiigw xi'nni nani rujn latsiaj, dini chanälajzni; alga nani sanälajz xi'nni, di gaclaa gusliinini che rujnni te cosgijidx.

Ni naxhejn, rdxe'chni lo yälruslii xtaglu, niluxh nani riu yälrusliiga, sajcpacni te beñnanduxh.

Palga xi'n bejn najc beñnanduxh, ruspaalajzni xtaglu, luxh palga najc xi'nni naxhejn, rbälajzni xnanni.

Palga najc xi'n bejn naxhejn, sac-huinni lajz xtaglu, dxejc naa xnanni: "xlia'si badedä xhanijni."

Nani najc beñnanduxh, dini guniduxh, dizani gac nayedx, luxh te bejn ni najc naxhejn, suchalo bejn nasiinni palga dini

Ni'cni xhet cayädxädi. Ruspaani lazä te rinäni narä loj nesiusa'c te guiliä'pä xpala'n lajni.

Cheni guidzujn dxej nani guetä, dina guidxebä sa'csi ananä Dad suga' cuä'ä, luxh xpañni näj xpastonni xten baxtoor sacnäreni narä.

Laani susucheeni mex te gauä nez loj renani rdxe'ch loä. Nacä si'c te nani rdon loj te lanij, rusälzani se't yecä, näj ruchadoozani xco'pä, li rxhe' ro'ni. Xcälrinälajzni näj xcälruspalajzni yunäjreni narä guiraa redxej ni nabañä, luxh rolizni sibäzä par tejpas.

(Salmo 51)

Aii Dios, balaslajz narä sa'csi luj najclu hueen, luxh rinälajzlu nuure. Bejn hueen, basiällajzlu guiraa redojl nani benä. Racbeä abenä dojl, abenä dojl lojtislü, sa'csi dina nuzobä xtiidxlu, ni'c riäjä gacuacuajilu narä, riäjä gusacsilu narä. Che nuuli xnanä narä nacä beñdojl. Luxh guejblu rchaglajz rebensa'c, abaluiilu ni'c loä te racbeäni. Ni'cni rniabä lojlu, gusialu narä, gusiällajzlu dojl ni benä.

Na'c gudzucajlu narä loj guejblu, na'cza gudzucaj guejblu Sprit Dxan xtenlu loä. Basaan gacbeä stee huält xcient ni baslaa guejblu narä, dxejc sibaa lazä stehuält. Dxejc, palga gacnäj Spritlu narä, suluiä renani abejn dojl xho gunreni te guszoobreni xtiidx guejblu.

Badzucaj narä loj reyälrusacsí nani nungäjä gac renani rugu't bejn, te golä loj guejblu redij ni rliä'p xpala'n guejblu. Sa'csi nanä guejblu di rlajz jiädgundixä reguidxaa lojlu, alga rlajz guejblu na'c gacä si'c rebenro, rlajzpac guejblu gacbeä abenä dojl, ni'cni rquinä guejblu.

(Salmo 115:1-13)

Na'c guiliä'p bejn xpala'nnu, alga guiliä'preni xpala'n guejblu xcient rexälsanälazdukh guejblu näj sa'csi najc guejblu Dios nani guliipac.

¿Xhicuent rnii rebejn: “¿Caro suga' Xtiostu, ä?”

Ni najc Xtiosnu suga' guibaa, niluxh laani rujnni xhitis ni rlajzni gunni. Rebanäjb xten rebejn naccheereni oor näj pla't, niluxh najcreni rexhicos nani benchee bejn con naareni. Yu' ro'reni, luxh di gacdi guiniireni; yu' rebalojreni, luxh di gacdi fiireni; yu' xi'reni, niluxh di gacdi gusobxi'reni; yu' naareni, luxh xhet rajcdi guiniaazreni; yu' ni'reni niluxh di gacdi sareni. Nicla tej diidx di guirii guejnni. Sigajc najcreni najc reni runcheereni, näjza renani rajnreni.

Xhidajlru rebejn Israel gubi' lajdxreni, sanääreni Esdras näj Nehemías	179
Te niguii ni laa Job	181
Di Job ninii dini gumbee Dios mase cadejdni trabawduxh . .	182
Gaii dij ni rol rexpen Israel:	
(Salmo 1)	185
(Salmo 23)	185
(Salmo 51)	186
(Salmo 115:1-13)	186
Xcälrulijdx Salomón loj redad näj rexi'nreni	187
Apéndice: Gaii diidx xcient tajp gayuu ijj ni gudejd che bicoob guejdx Jerusalén cheli biääd Dad Jesucrist lo guedxliuj	188

gaureni, dxejcti riäjtreni te rniaazrenini. Palga dilu gan, niclaza gacbeelu nicla tej redee, ¿xhicuent rlajzlu chanuu jieinäjlu narä?

Dxejctiru räjp Job lojni:

—Agujc xchej riejn diagä xcuentlu, niluxh naj aracbeä dina gunä xhigab si'c ni rujnlu xhigab. Sacduxhlu, luxh nanduxhrulu loä. Narä nanä xhet sajcdi gunä palga rutilu, ni'cni rusiechläzä.

Dxejcti räjp Dios loj jion rexamiigw Job nani sugaränjni:

—Cadxe'chä lojtu sa'csi ditu guinii didxgulii xcuent narä, si'cni gunii xmosä Job. Naj colca' gajdz bicer näj gajdz xilro te cue'ctu gojn loä, golguiniabza loj Job te cuedx-guiniabzani xcuenttu. Sajcsi si'ctis sajc gusiällazä xtojltu sa'csi ditu ninii didxgulii xcuentä.

Rexamiigw Job bejnreni si'c ni gunibee Dios gunreni, dxejc gunabreni loj Job te cuedx-guiniabni lo Dios. Dxejc gunab Job lo Dios xcuent rexamiigwni. Che gulujx guredx-gunab Job loj Dios, basiajc Dios Job, luxh badeedni tio'p cuaa guiragajc nani gojpni galoo. Ni'cni guzajc Job te gojpni tzudaj mil rexiil, xho'p mil cameii, te mil xnejz regon ni ra'n, näj te mil buł. Guyu'za sgajdz xingaanni näj schoŋ xindxa'pni. Dxejc gubajn Job te gayuubitiuu iż, gojlza bahuiini loj rexajgni näj rexagdooni.

Gaii dij ni rol rexpen Israel

(*Salmo 1*)

Rbalajz renani di jiu xtiidx rebendojł, dizareni chanuu lo xnezsiuj reni rujn dojł, dizareni guchaagsa' renani rniyaj Dios.

Laareni rbalajzreni sa'csi rujnreni nani rlajz Dios gunreni. Dxej, yää'l rnaj lajzreni rextidx Dios.

Najcreni si'c te yajg ni sobga' ro' te gueuu, nani sanuutis rcaj ninejxh lojni casob iż, niluxh repalajgni dini guigol, dizareni guitejb. ¡Guiraa nani rujnreni laaca najcni!

Niluxh renani di chalilajz xtidx Dios, direni gac si'c. Najcreni si'c guixha' xten triuu nani guyasi rinä bejni. Diren iaa, digacdiza sunäjreni renani rinälajz näj reni rliä'p xpala'n Dios.

Renani sanälajz xtidx Dios, lagajc Dios caguluiinireni xho gunreni ni'cni laaca sääreni. Niluxh renani di chalilajz xtidx Dios, renani di rlajz guluii Diosreni, reni'c sinijtreni.

(*Salmo 23*)

Dadga rajpni narä si'c te baxtoor nani rajp rexiilni, rinäni narä cad nejz yu' guixhasa'c näj nez ro' regueuu cadreo rbedxi nis.

—Narä dina guiniä nunc benä dojl. Narä nanä nacä te bendojl, luxh paru guinii Dios xhicient nanab tedä trabajw naj, sibaalazä.

Dxejctiru stee xamiigw Job guslojni caniini, räjpni:

—Pet abejnlu xhidajl dojl. Palga Dios gusacsílu xcuent guiraani, dilu gun huant. Ni'cni rajp Dios yälrlulaslajz lojlu ni'cni dini gusacsílu xcuent guiraareni.

Dxejc bazejc Job diidx, räjpni:

—Xlia'si caniitu sa'csi xhetliidi racbeetu. La'tu najctu si'c redoctor nani di gacbee xhi remeed rquiin te benracxhuu. Maazru huen na'cru guiniitu. Rlazä gcuadiagä nani guinii Dios loä, sa'csi narä nancheä dina niunä nicla tej cosgijdxdi. Nanä nabajnpac nani guslaa narä, niluxh mase guetä, sidzujnpac dxej cheni fiä loj Dios guideb tiejxhre. Par narä sajcru gcuadiagä xtiidx Dios lacuaa ni gauä.

'Nanä susacsí Dios renani rsialajz ste'ca gunaa, per narä gajdna gunä si'c. Gajdna guiniä didxxhii, gajdna gusgueä rebejn, gajdna gudzuca'ä xhixten rebejn. Gajd lazä guisia' rexcunaa rexpisinä, dizana gusacsíä rexmosä; dina gusgueä reproob, alga rulaslazäreni. Abadedä loj reproob xhitis ni rquiinreni. Dina chanälazä meel, alga sanuutis rinälazä Dios. Dipacna ganä gubijdx niclaza bääi si'c dios. Abasiällazä reni rdxe'ch loä, dina gusquixäreni, niluxh racnää rexcompanierä. Suguiniipac Dios palga gulii nani caniitu, najtu cadedä trabajw xcuent recosgijxh nani benä.

Dxejctiru biääd te bidojn, luxh nez galäii bidojngä gunii Dios loj Job, räjpni lojni:

—¿Chu luj te reactio'p lajzlu xcuent nani runä narä? Luj xhet najndilu. Guiraa nani runä najc hueen. Narä rnibeä loj guira'ti rebejn, reguidxaa, reman xhaguibaa, näj guira'ti ni yu' xhaguibaa. Luj dilu gan xho bencheä reguibaa, näj guedxliuj, näj guiraa nani yu' lojreni. Dilu gan xho rapä guedxliuj te di jiajbni. Dilu gan xho ruscuäzä nisdoo te di guisiäbni loj guideb guedxliuj. Luj di gacdini gunlu jianij lo guedxliuj. Dilu gan xho rajc rdxee niclaza guxhijñ, niclaza xho racchee te guixob. Dizalu gan caro siääd bej, nicla nisguij, niclaza nis gojp. Mase guiniilu: “¡Sujiajñ nisguij!”, di gacdi gunpaclu jiajb nisguij. Dilu gan xho najc rebajle' xhaguibaa. Dizalu gan xho rdxäjl reman xhaguibaa xhi rajw rexi'nreni, niclaza xho najc te cabaii nadipduxh. Dilu gan xho rajc rutajt rebisij lacti jiaduxh, dizalu gacbee xhicient rujn rebisidoo rexpitiääzreni jiaduxh, niluxh ro'cli ruhuiireni renani rlajzreni

Según el Antiguo Testamento Recuent galodoo xten xtidx Dios

Dios gusloj bejn guiraa ni yu' lo guedxliuj

(Génesis 1:1-2:3)

Galodooli xheti guedxliuj, xheti xhaguibaa, xheti gubijdx, xheti bääi, xheti balxhaguibaa, rutiza bejn. Xhetpa'c yu'di. Xtebtis Dad Dios nabajñ. Laatisni par tejpas nabajnni.

Dios benchee xhaguibaa näjza guedxliuj. Guedxliuj najc ganaxh nis dxejc, luxh guidební najc nacäjy.

Dxejc räjp Dios:

—¡Suchu bajl!

Dxejc guyu' bajl. Dios bahuui sacru yu' bajl, dxejc badzucajnini lo yälxcäjy. Bajl gulälajni dxej, dxejctiru nacäjy gulälajni guxhijñ. Ni'c bejn Dios tej dxej.

Dxejc ni barojp dxej räjp Dios:

—¡Gac gala' nisdoo! Gala'ni jia'n jiaa, sgala'ni jia'n jiät.

Dxejc gac gala' nis. Dios gulälajni ni jiaaga xhaguibaa. Ni'c bejn Dios ni barojp dxejga.

Ni biojn dxejga, räjp Dios:

—Renis ni bia'n jiätga, guidxajni te jien yubijdz.

Si'c gujc. Renis ni bidxaj gulälajni nisdoo. Dxejc ni bia'n nabijdz, Dios gulälajni yuj. Dios bahuui sacru najcni. Dxejc räjpni:

—Suguiroob reyagnagaa näj reyagninejxh, reni sajc gauni.

Si'c biroob reyagnagaa näj yagninejxh ni sajc gauni. Dios bahuui sacru najcni. Ni'c bejn Dios ni biojn dxejga.

Che badajp dxej, räjp Dios:

—Suchu bajl xhaguibaa te gusanijni lo guedxliuj näjza te guluiini redxej, rebäii, reijz.

Dxejc bejn Dios tio'p bajl. Ni guroobru rusanij rdxee, ni bázruga rucuaguij guxhijñ. Bejnzani rebajle'. Dios benchee

gubijdx, bääi näj rebalxhagubaa te gusanijreni lo yuj dxejc bahuiini laaca najcreni. Ni'c bejn Dios rdajp dxej.

Che gojl gaii dxej, räjp Dios:

—Suchu bälj lo renisdo, lo regueuu, suchuza remanguibaa.

Si'c bejn Dios rebälj, reman; xhidajl cuarenii bejnni. Dxejc bahuiini lojreni, laaca najcni. Dxejc räjp Dios:

—Guidajltu, chaläjztu guideb guedxliuj.

Ni'c bejn Dios che gujc gaii dxej.

Che gojl xho'p dxej, räjp Dios:

—Suchu guiraloj man: remandajn, reman ni rajp bejn, näjza rebejx näjza reman ni rxhee lo yuj.

Si'c bejn Dios reman, näj rebäl. Dxejc bahuiini lojreni, laaca najcreni. Dxejc räjp Dios:

—Jiennu te niguii ni najc si'c nuurnu, ni guinibee lo rebälj, lo reman, lo rebäl.

Dxejc bejn Dios bejn. Ganid bejnni te niguii, dxejcti bejnni te gunaa. Dxejc räjpni lojreni:

—Cuääztu ree lo guedxliuj. Colguidajl lo guedxliuj. La'tu sajptu yälnibee lo guiraa ni yu' lo guedxliuj. Sunidxä xhi gautu, guiraa recuaan näj reninejxh ni rcaj lo reyajg. Loj guiraa reman näj loj rebäl näj loj reman xhagubaa gudedä recuaan gauren.

Si'c bejn Dios rebejn. Dxejc bahuiini lojreni laaca najcreni. Ni'c bejn Dios che gujc xho'p dxej.

Che gojl gudxej ni rxho'p dxej, agulujx xhagubaa, agulujx guedxliuj näj guiraa reman ni yu' lojni. Cheni gujc gajdz dxej, basilajz Dios loj guiraa redzuun ni bejnni, ni'cni benle'ni dxegajdzga, gulälajnini dxej ni rusilajzni.

Che bejn Dios te niguii näj gunaa

(Génesis 2:7-9, 15-25)

Cheni bejn Dios niguiganid, cua'ni che'n guxhuj lo yuj te bencheeni niguiiga. Balejbnii bej neñ xi'ni te badeedni yälnabajn lojni. Si'c gusloj gubajn niguii. Niguii ganid birilaj Adán. Nez lad ni rliejn gubijdx guyu' te yuj ni laa Edén cadro rcaj ninejxh. Ro'c bazuj Dios niguiiga te xcanäjni reyajgga. Galäii Edén bazujni tio'p yajg. Ninejxh ni rcaj loj tej reyajgga rudeed yälnasin te racbee bejn xhi najc laaca näjza xhi najc dojl. Lo stee yajgga rcaj ninejxh ni rudeed yälnabajn par tejpas loj rebejn.

Dios gunibee, räjpni lo niguiiga:

—Sajc gaulu ninejxh ni rcaj lo guiraloj reyajg neñ jardínre.

yääl, niluxh nicla tejreni di ninii lojni sa'csi bahuiireni cadejdni trabajwdxh.



Dxejc gusloj canii Job, räjpni lojreni:

—Maazru hueen na'c nialä te si'c dina nidedä trabajw ni cadedä naj. Maläii sajc guetä. Xhetliidi dojl benä, luxh dina gacä benploj.

Dxejctiru te rexamiigwni nani sobganäjni räjpni lojni:

—Cadejdlu trabawduxh sa'csi dilu guicäjp bejnlu dojl. Xhicuent dilu guxhobdojl loj Dios rextojllu, ä? Si'c sidejd rexcälracxhuulu.

Räjp Job lojni:

—Gunii, xhi dojl benä, ä? Xlia'si rchalolu benä dojl, sa'csi xhet cosguijdxdi benä.

Stee xamiigwni räjp rediidxre lojni:

—Paru guliilu najclu ben'sa'c, Dios niacnäjlu te di rexi'nlu niejt. Niluxh racbeenu palga jiallajznu Dios, sidejdpacnu trabajw.

Dxejc bazejc Job rediidxre:

Guyu' Job yärsiaduxh. Bazuxhijbni loj yuj te räjpni loj Dios:

—Che golä, xhet golnäädi, niluxh cheni guetä, xhetza chanäädi. Guiraa ni rapä baniidxluni loä Xtiosä, niluxh guiraazani abazucajlu; guiliä'pä xpala'n lajlu Xtiosä.

Nicla dxejc, di Job nibälajz Dios.

Stee dxej guibi' bëndxbab, huisuuni nez loj Dios. Dxejc räjp Dios lojni:

—¿Caro siäädlu, canejz huijlu?

Dxejc räjp bëndxbab lojni:

—Huacanzaä guideb lo guedxliuj.

Dxejc räjp Dios lojni:

—¿La gajdlu fii loj xmosä Job, ä? Loj guedxliujre ruti stee niguii nani najc benhuenduxh, bënsacdukh si'c najcni. Lacti rililajzni narä, luxh agubicajni loj recosguijdx. Naj rililazsjcni xtidxä mase abadzucajlu guiraali rexhixtenni.

Dxejcti räjp bëndxbab loj Dios:

—Paru gacxhuu Job, suhuiilu gan xho guiniini dini gumbeelu.

Dxejc räjp Dios loj bëndxbab:

—Laani yu'ni ladznaalu, luxh najc ju'tluni.

Birii bëndxbab nez loj Dios te huihuañni Job, te bejnni birii guedxbaduxh guideb tiejxhni, patni'lini asta bitiuyejcn. Ni'cni huicue Job galaii cadro tre' cobdäj, te rgunni tiejxhni con te la' bisin xten te gues la!. Dxejc räjp chäälni lojni:

—Palga cayujn Dios cadeedrulu trabawduxh, ¿xhicuent sanuu rajnluni? ¿Xhicuent dilu guiniyajni te jiom guetlu, ä? Si'c dirulu ted trabawduxh.

Luxh laani bazejcni diidx, räjpni:

—Rniilu si'c te bejn nani di gumbee Dios; sa'csi palga rca'nu recossa'c nani runiidxni, nanabza guica'nu recosguijdx.

Nicla si'c, di Job niniyaj Dios, dizani niujn dojl lo Dios.

Di Job ninii dini gumbee Dios mase cadejdni trabawduxh

(Job 2:11-13; 3:1-3, 26; 4:1; 5:6-8; 6:24, 30; 8:1-22; 10:2;
11:1-6; 13:4; 16:1; 19:25; 23:12; 31:1-35; 38:1-39:30; 42:1-17)

Cheni gucbeereni guiraa recosro nani casajc Job, chon rexamiigwni biäädreni te cuecdxireni lajzni. Niluxh cheni bahuiireni lojni, dirureni niembeeni, dxejc guredxa'lireni cayoonreni. Gurenäjrenini loj yuj guideb gajdz dxej näj gajdz

Räjpzani:

—Na'c gaulu ninejxh ni rcaj lo yajg ni rudeed yälnasin te gacbeelu xhi najc laaca, xhi najc dojl, sa'csi palga gauluni, sejtlu —räjp Dios lojni.

Dios cua' guxhuj xten yuj te bejnni reman, rebäj näj reman xhaguibaa, dxejc huinäniren lo Adán te fiini don xho cuälajniren. Dxejc gulälaj Adán guiraareni, luxh si'c laareni najli.

Di Adán ga'p chu su cuä'ni te gacnäjnini. Dxejc räjp Dios:

—Xhet laadi chu xteb niguui. Naj guncheä tej ni sunäjni, te gacnäjnini.

Dxejcn i gudixhguejs Dios niguiga. Lal ni nagayejsni, gulää Dios te xcustiini. Cua' Dios custiiga te bencheeni te gunaa. Dxejc huinänini, huiliuinini lo niguui. Cheni bahuui niguiga lojni, räjpni:

—Xcompanierä guccchenäj xpälä näj rextzutä, naj guirilajni gunaa sa'csi Dios bennäjnini xcustii niguui.

Ni'cni cheni rdxälreni gunaa, rusa'n reniguii xtadreni dxejc guiro'preni rdzujn rajcreni si'c tejsi bejn. Adán gulälaj chäälni Eva. Dxejc Adán näj Eva suga'reni xabaälreni luxh direni gutuuj.



Niguiganid näj gunaganid bejn dojl

(Génesis 3:1-24)

Guyu' te bäl, luxh najcni nasinru loj guiraa reman ni bejn Dios, dxejc gunabdiidxni loj gunaa:

—¿La gulii naj Dios lojtu, na'c gautu reninejxh ni caj loj reyajg ni yu' lo jardin, ä?

Dxejc räjp gunaaga lojni:

—Sajc guidaunu reninejxh xten guiraa reyajg, niluxh digacdi guidaunu ninejxh ni rcaj lo yajg ni suga' galäii jardin, sa'csi Dios gunibee na'c guidaunu niclaza falnu ninejxh ni rcaj lo yajgga, te di guetnu.

Dxejc räjp bälga loj gunaaga:

—Ditu guet! Dios nanchee cheni gautu ninejxh ni rcaj lo yajgga, sacbeetu xhini'c najc laaca, xhini'c najc dojl, dxejc sajctu si'c Dios.

Gunaga bidxeljni ninejxh ni rcaj lo yajgga, bahuiini sacruduxh najcni, luxh bisäblajzni gaunini te gacni te gunaa nasiñduxh palga gaunini. Dxejcti cua'ni tej ninejxhga, gudajwnini, badeedzanini lo chäälni te gudajwzanini. Lagajc dxejc gucbeereni sugaxabälneni. Dxejcni gudijbreni rebalajg te gojtreni.

Che biejn diajgreni biääd Dios cansajni lo jardin gudxej che niälyuj, dxejc niguiiga näj gunaaga bacuatzlojreni neñ reyajg. Dxejcni gurejdx Dios niguiiga, räpni:

—¿Caro suga'l?

Dxejc räjp niguiiga:

—Ree suga'ä. Abiejn diagä cansajlu lo jardin, dxejc bidxebä sa'csi suga'ä xabälä, ni'cni bacuatzloä.

Dxejc gunabdiidx Dios:

—¿Chuni'c naj lojlu suga'l xabäällu, ä? ¿La gudajwlu ninejxh ni rcaj loj yajg ni guniä lojlu na'c gaulu, ä?

Dxejc räjp niguiiga:

—O'n, gudauäni. Gunaa ni baniidxlu gac xcompanierä, laani baniidxnini.

Dxejc gunabdiidx Dios loj gunaaga:

—¿Xhicuent bejnlu si'c, ä?

Dxejc räjp gunaaga:

—Sa'csi basguee bäl narä, ni'c gudauä ninejxhga.

Dxejc räjp Dios lo bälga:

—Sa'csi si'c bejnlu, nadé gaclu lo guiraa reman. Nadxej guisloj guixheeb xque'l lu lo yuj lañni saalu. Yujtis gaulu, näjza gunä luj näj gunaa guidxe'ch lo sa'tu, näjza guiraa rexii'ntu sidxe'ch lo sa'reni. Tej rexingandoo gunaare sutzujl ni rujnlu, luxh luj digacdi gutzujllu ni gun xingandooni.

Dxejcti räjp Dios lo gunaa:

Te nigui ni laa Job

(Job 1:1–2:10)

Nez lo yuj ni laa Uz, guyu' te niguii nani laa Job. Najc Job te benša'c nez lo Dios sa'csi rililajzni xtidx Dios. Rajpni xhidalduxh meel. Rajpni gajdz mil xil, choñ mil cameii, gaii gayuu nejs gon, gaii gayuu buç, näj xhidalduxh xmosni. Yu'za gajdz xingaanni näj choñ xindxa'pni. Guixe-guixee rbedx-rniab Job loj Dios xcuent rexii'nni, gaxhäjsi bejnreni dojl.

Te dxej, Satanás, nalajznu bendlxab, gusujni nez lo Dios. Dxejc gunabdiidx Dios lojni:

—¿Caro siädlu, canejz huijlu?

—Hua'a guideb gabi lo guedxliuj, ro'c huacanzaä.

Dxejctiru räjp Dios loj bendlxab:

—¿La gajdlu fii lo xmosä Job? Loj guedxliujre ruti stee niguii nani najc te beñnaya näj te beñsacsduxh si'c najcni. Guliipac rililajzni xtidxä niluxh dizani gun xhigabguijdx.

Dxejc räjp bendlxab lojni:

—Najn Job luj rcanäljuni, näj rolizjni, näj guiraa nani rajpni, ni'cni rililajzni luj. Abenleduxhluni. Palga gudzucajlu guiraa nani rajpni, suhuicalu siniini dini gumbeelu.

Dxejc räjp Dios loj bendlxab:

—Sac gunlu preebni, guiraa nani rajpni yu' latznaalu, niluxh xcälnabajntisni digacdi fallu.

Dxejc biunejzti bendlxab nez lo Dios.

Guxii dxej gudejd chela bidzujn te mos xten Job cadro suga'ni te räpni:

—Yu' rexconlu caya'n loniaa, luxh reburç cayajw guixha' gajxh ro'c cheni bidzujn gubaan, bagu'treni rexcompanierä, te sanäreni reguidxaaga. Narätis gulaä, ni'c siädnää rediidxre loj guejblu.

Lal ni canii mosre, bidzujn stee mos ni räp:

—Bajl xten Dios xhaguibaali biääd baze'cni rexii'l näj remos, li biujyreni. Narätis benä gaan gulaä te siäds'a'nä diidx loj guejblu.

Canisijc mosre chela bidzujn stee mos ni räp:

—Biääd reni rdxe'ch lojlu, gulajnreni recameii, bagu'tzareni rexcompanierä. Xtebtis narä gujc gulaä te siädnää rediidxre.

Lal ni canii mosga, bidzujn steeni, räpjni:

—Rexi'nlu näj rexindxa'plu sobga'reni cayajwreni neñ xyu' bisian-galooreni, chela biääd te beduxh nani gulecbä'n yu'ga. Guiraareni gujt; xtebtis narä gujc gulaä te siäds'a'nä diidxre.

—Te xi'n bejn rliä'p xpala'n xtadni, te mos rliä'p xpala'n xlämni. Palga narä nacä xtadreni, ¿xhicuent direni guiliä'p xpala'nä, ä? La'tu rebixhojz ruxhiznäjtu narä cheni riägusalajztu reguidxaa ni natiä'p, reni natiunc, näjza reni racxhuu. ¿Laa laaca najc nani rujntu, ä? La'tu agubicajtu loj nezyusa'c, abejnzatu diru bejn jiu xcärnibeä xcuent nani ruluiitü näj nani rujntu. Ni'cni narä gunä cuälajz rebejn la'tu, gunä di rebejn ga'p respe't la'tu sa'csi ditu gusoob rediidx xcuent ni gunibeä guntu.

'Diru gacdi xca'ä reyärlusalajz xten rebejn nani abaro'n chää'lreni. Diru gacdi xca'ä rexçärbibyaalreni, sa'csi rlazä gacreni bensa'c loj gunaa nani abachñaareni, te ga'p rexí'nreni respe't par narä. Naj colyejnta xhigab xhini'c cayujntu, sa'csi dipacna guidxaglazä rebejn ni di guza' diidx ni bia'nreni, luxh ruro'nreni chää'lreni.

'Neñli redxej ni gubajn rexcuzajntu, agubicajtu loj rextidxä, niluxh diru rlajztu gusobdiajtureni. Colguibi' loä te narä guibi'ä lojtu. Niluxh la'tu rniitu: "¿Xhicuent sajpnu por guibisacnu, ä?" Narä rniä agulajntu nani nungäjl xca'ä, sa'csi ditu guniidx yärlusalajz loj renani rajptu. Coltanä tej la'lo cazob tzuu la' nani rajptu, te fiitu lacti nadjc xcälnasacä. Sunidxäza xhidajl yälracle', yälracleduxh.

'Rextiidxtu nani rniyajtu narä lacti rsina'reni, lacti naguijdzni sa'csi la'tu rniitu: "¿Xhi yälnasa'c rca'nu riennu xtzuun Dios? ¿Xhi yälnasa'c rca'nu riennu guiraa nani rnibeeni jiennu? ¿Xhi yälnasa'c xca'nu guxhobdojlnu nez lojni, ä? Abahuiinu xho nabansa'c rebenguijdx, luxh rebenguidxduxh gustli nabajñreni."

'Narä ni nacä Xtiostu, rniä lojtu renani rajnpac narä najcreni si'c te yälnasacduxh par narä. Susiällazä xtojreni si'c rusiällajz te dad xi'nni. Siäädza te dxej ni nanladuxh si'c te orn, cheni guiraa rebenguijdx näj renani rchalo najcreni benro sejcreni si'c guijxh, niluxh renani ruzuxhijb, te rajñreni narä, siliaa xcälnabajñreni.

'Colguinalajztu leii ni badedä loj xmosä, Moisés.

'Narä suxhalä lojtu Elías, niguii ni rniliit xtidxä. Ganid laani jiäädni, dxejcrui siääd dxej xten Jehová, nani nadjc te dxero näj te yälrdbeduxh. Laani gun cuedxilajz reguzajn nezloj rexí'nreni, näjza rebiuux nez loj reguzajn, sa'csi palga et si'cdi gacni, narä siälä te gusacsia' guedxliujre, gusnitloäni par tejpas.

—Cheni chu xi'nlu, nayanduxh gaalni. Niluxh mase nayanduxhni, sujnlu huaantni sa'csi sidxaglajzlu cuäznäjlu chäällu, luxh laani sinibeeni luj.

Dxejc räjp Dios lo niguiiga:

—Sa'csi bacuadiajglu xtiidx chäällu, gudajwzalu ninejxh ni rcaj lo yajg ni rniä lojlu na'c gaulu, yujre gac nadé xcuentlu. Con yälnaj gunlu gaan xhi gaulu guideb guibajnlu. Siliejnza reguejch lo yuj luxh gaulu recuaan. Sujnlu dzuun, sisiunijzlu te gunlu gaan xhi gaulu, dxejli ni guidzujn guibisaclu lagac lo yuj ni guccchenäjlu. Yuj najclu, luxh sibixlosac gaclu yuj.

Dxejc benchee Dios xhajbreni, cua'ni xquidlajd reman te gojt niguii näj chäälni, dxejc räjpni:

—Naj niguii gubixhloj si'c nuure, najnni xhini'c nadjc laaca, xhini'cza nadjc dojl. Na'c gauni ninejxh xten yagyälnabajn, te di guibajnni par tejpas.

Dxejcn i gulää Dios niguii näj chäälni nen jardin ni laa Edén. Dxejc baxhalni niguiiga gunni dzuun lo yuj. Baxhal Dios rexanglni te xcanäjreni yag xten yälnabajn te rut guidzujndi gau ninejxhga.

Primeer yälrugu't sa'ni

(Génesis 4:1-22, 25-26; 5:3-5, 9-29; 6:1-3)

Dxejc cheni biriireni Edén, guyu' tio'p xi'n Adán con chäälni. Xinroobreni birilaj Caín, xinhuinreni birilaj Abel. Abel cuannäj xiil, Caín bejn dzuun lo yuj.

Gudejdti reijz, dxejc te dxej gurop rebejtz huinä lo Jehová Dios te gojn. Huinä Caín rexcose'chni. Abel huinä te xiilni ni sajcrui. Bibalajz Jehová Dios bahuiini lo Abel näj gojn ni biädnäni. Niluxh loj Caín dini nuhuii si'c, nicla loj gojn ni biädnäni. Dxejcn bidxechduxh Caín.

Dxejc räjp Jehová Dios lo Caín:

—¿Xhicuent rdxe'chlù, ä? Paru niädnälu te gojn sa' ni biädnä bejtzlu, te xiil, dxejc sibalaznää luj. Sa'csi dilu niujn ni rlazä, ni'cni naj yu' xtojllu. Palga guzobdiajglu xtidxä, dxejc sujnlu gaan lo dojl.

Gudejd reijz, che gojlti te dxej bidxagsa' Caín näj Abel. Dxejc bagu't Caín bejtzni. Dxejcti gunabdiidx Jehová Dios lo Caín:

—¿Con bejtzlu, ä?

Dxejc räjp Caín:

—Dina ganä. ¿La narä riäjl xcanä betzä, ä?

Dxejc räjp Jehová:

—Mase dilu guiniini loä, ananä bagu'tlu bejtzlu, ni'cni gunä jialu. Xcastiigwlu gac dee: cheni gunlu dzuun lo yuj, di cose'ch gac. Sicansajlu nezree, nezrec lo guedxliuj, top caxäjsi guidxäjllu te yusa'c, luxh nicla tej lajt di xcose'chlu gac.

Dxejc räjp Caín lo Dios:

—Dina gunä huant castigwdxuhre. Palga chacansaä loj ste'ca yuj, dxejc chutis ni guidxagä, sugu'tni narä.

Dxejc räjp Dios:

—Chutis ni ju'tlu sajcni te yälrusacsiduxh.

Dxejc bacuaa Dios te bee lo tiejxh Caín te chutis ni guidxaagni, di ju'tni. Biunejzti Caín cadro gusunäjni Dios bijyreni diidx, biriini ro'c saläjzni ste'ca lajt ni laa Nod.

Dxejc bachñaa Caín. Guyu' te xi'nreni ni gulälajreni Enoc.

Dxejc guläxtiej Caín te guejdx. Guyu' te xi'n Enoc ni birilaj Irad. Guyu' te xi'n Irad ni laa Mehujael. Guyu' te xi'n Mehujael ni birilaj Metusael. Guyu' te xi'n Metusael ni birilaj Lamec.

Gojp Lamec tio'p gunaa. Loj rexii'n Lamec, tejni gujc ni ganiddoo guläjz neñ te yuguijd, ni gojp reguidxaa, steeni gujc ni ganiddoo bil bizej näj arpa, dxejc steeni gujc ni ganiddoo najc gubetzguiib.

Cheni guyu' Adán te gayuu galbitzuu ijz, guyu' xtee xi'nni ni laa Set. Guyu'zaru balti xi'nni. Xchej gubajn Adán, baza'ni gaa gayuu galbitzuu ijz. Guyu' te xi'n Set ni birilaj Enós. Set näj Enós huinälajzreni Dios.

Xingangaloo Enós birilaj Cainán, dxejcti guyu'ru xi'nni.

Xingangaloo Cainán birilaj Mahalaleel, dxejcti guyu'ruza xi'nni. Xingangaloo Mahalaleel birilaj Jared, dxejcti guyu'ruza xi'nni. Xingangaloo Jared birilaj Enoc, dxejcti guyu'ruza xi'nni. Xingangaloo Enoc birilaj Matusalén, dxejc guyu'ruza xi'nni.

Rucuadiagpac Enoc xtidx Dios, riuuzani xtiidxni. Ni'c cheni yu' Enoc choñ gayuu gayoñbigaai ijz, sinä Diosni xhaguibaa. Di Enoc niejt, guideb nabajñni siini xhaguibaa.

Guyu' te xi'n Matusalén ni birilaj Lamec, dxejc guyu'ruza xi'nni. Gujt Matusalén cheni yu'ní gaa gayuu, gayoñbigaai ijz. Guyu' te xi'n Lamec ni birilaj Noé, dxejc guyu'ruza xi'nni.

Si'c gusloj guyu' xhidajl bejn lo guedxliujre. Sigajcni gusloj bidajlreni, sigajcza gusloj bidajl dojl. Ni'cni gunii Dios:

—Diruna gusa'nä guibajñreni xchej. Agujc xchej rac-huin lazä che ruhuiä xhi rujnreni, sa'csi rujnreni nani rlajztisreni. Te gayuu gjalts ijj gusa'nä guibajñreni.

**Xhidajlru rebejn Israel gubi' lajdxreni,
sanääreni Esdras näj Nehemías**

(Esdras 7:1, 6-28; Nehemías 1:1-2:8, 17-20; 4:10-23;
Malaquías 1:1, 6-8; 2:8-9, 13-16; 3:7-10, 3:13-4:6)

Agujc xcheduxh ni gubi' primeer cuaa rexpen Israel lo guedx Jerusalén. Reicoob nani rnibee Persia laani Artajerjes, najcni xi'n Asuero. Guedx Persia rbäjzza te bixhojz ni laa Esdras. Najcni te bixhojz nani nanduxh rexleii Moisés. Te dxej niguiire gunabni loj reii gusanlaani gubi'ni guedx Jerusalén. Dxejc cuäjb reiiga guibi'ni, näjza guiraa renani rlajz guibi' lajdxreni, sa'csi Dios yunäj Esdras. Luxh badedxlia'za reiiga xhidajl oor näj pla't te guscheereni guidoo.

Dxejcti batie' Esdras guiraa reni rlajz guibi'; loj reni bire' najcreni te mil xhujn gayuu niguii. Dee najc ni rojp cuaa renani gubi' guedx Jerusalén. Gusajreni tajp bääili te bidzujñreni guedx Jerusalén, luxh che bidzujñreni, guslogajc cayunsa'creni guidoo. Gurejdx Esdras xhidajl rebixhojz te gunreni xtzuun Dios si'cni bejnreni galoo, näjza gusloj cayolreni xtidx Dios loj rexpejñreni, te gunreni nani rlajz Dios gunreni.

Loj rexmos reii Artajerjes yu' te niguii ni najc ben Israel ni laa Nehemías. Rujnni dzuun loj reii, runcheeni xhi rä' reii. Te dxej biejn diajgni gajd remur xten guedx Jerusalén guisloj gaccheerenini, ni'c guc-huinduxh lajzni. Dxejc gurejdx-gunabni loj Dios gusaan reii guibi'ni lajdxni. Huijni loj reii te gunabni permis chääni guedx Jerusalén te fiini chanuu dzuun te chäs remurga. Dxejc basaan reii guibi'ni, gunibesacni luxga remur xten guedx Jerusalén, luxh gunibeeni gac Nehemías gubernadoor xten Judea.

Si'ctis ni bidzujñni guedx Jerusalén, batie' Nehemías rexcompanierni te guslojreni cayujnreni dzuun. Cheni ayu'reni cayujnreni dzuun caläsreni mur, biääd choñ bejn nani di gac ben Israel, biädgusiedy'a'reni reni cayujn dzuun. Biädguxhiznäjreni nani cayunchee rebejn Israel, biädhagdijlreni rebejnga. Dxejctiru rexpen Israel nani cayujn dzuun, rajpreni sulistreni palga jiädgucuanäjreni laareni. Ni'cni tejreni rujn dzuun, lał ni naaz steega te lanz. Ni'cni reni rdxe'ch lojreni rdxejbreni guibigreni. Luxh Nehemías sanuu caguquiilni gun reben guejdxga dzuun.

Lagajc neñ redxejga, guyu' te niguii nani gule Dios nani rnili xtidx Dios, ni laa Malaquías. Gunii Dios rediidxre lojni te guzule'nireni loj rebejn Israel:

Dxejctiru bahual resoldaad Amán loj duu nani basucheeni lagajc laani te guhualni Mardoqueo.

Lagajc dxejga badeed reii Asuero loj reina Ester rolizz Amán, niluxh Mardoqueo biädsuj nez loj reii, sa'csi aräpxgaa Ester lo reii yu' chu rajcnini. Dxejc badeed reii loj Mardoqueo niil nani galoo badeedni loj Amán, dxejc räjpza Ester lojni guinibeeni rolizz Amán.

Dxejc sanuu canii Ester lo reii, guzuhijbni nez lojni. Dxejc gunabduxhni guidxaa guijtz nani baxhal Amán te gusnitlojreni rebejn Israel. Räjpni loj reii:

—Palga rchalo guejblu laacani, aii reii, bejn te guijtz cadro guinibeelu na'c soob xtiidx guijtz ni bejn Amán nani baxhalni loj guiraa reguejdx loj xcälrnibeelu te gunitlojreni rexpenä, sa'csi narä dina gunä huant fiä nitloj rexpenä.

Dxejctiru räjp reii loj Ester näj loj Mardoqueo:

—Bacuua te guijtz loj rexpejñlu, bacuua nani rchalojtu laaca, dxejc bacuua laä ni' guijtzga, colyejn seiini con xnilä, sa'csi di gac guichaanu guijtz nani bejn Amán, sa'csi caj laä näj seii xtenä lo guijtzga. Niluxh nani sajc jiennu, sajc guxhalnu te leicoob lacuua ni baxhalnu galoo.

Dxejc gurejdxreni reni rucuua guijtz xten reii te bacuareni guiraa nani räjp Mardoqueo lojreni. Si'c te diidx nacoob baxhalreni loj regubernadoor xten reguejdx näj loj guiraa rexpen Israel nani rbäjz cadro rnibee reii Asuero. Loj reguijtzga caj didxsaj nani rnii bejn lo cade tej reguejdxga, luxh guijtzga rnibee sajc tilnäj rexpejñ Israel renani rdxch lojreni cheni rlajzreni ju'treni rexpejñ Israel. Si'c bidzujñ reguijtzga loj guiragajc rebejn nani rbäjz guideb nez loj xcälrnibee reii.

Bidzujñti dxej nani bachalo reni rdxch loj rexpen Israel tilnäjreni rebejngä te gusnitlojreni rebejngä, luxh alga garenca gujcni, li gubixhlojni sa'csi rexpen Israel bejnreni gaan loj renani rlajz nusnitlojreni. Rexpen Israel bire'reni neñ cazob guejdx lo xcälrnibeega gunaazreni guiraa renani rdxch lojreni, te bagu'treni rebejngä. Bahualreni guitzuu rexil Amán loj yajg, dxejc basilajzreni, badxaag sa'reni, bejnreni te lanij sa'csi rbaalajzreni bejnreni gaan.

Bidzujñ dxej ni gujc Mardoqueo ni rajp yälrnibee lo guejdxga; reiitis rajpru yälrnibee lojni. Dxejc calä'p rexpen Israel xpala'n reii Asuero sa'csi xcuent reiiga nabajñreni loj yälrbedxilajz.

Nisguiro

(Génesis 6:5-18, 20, 22; 7:1-8:22; 9:1-3, 11-13)

Cheni bahuui Dios abidalduxh bejn, luxh rujnreni xhigab gunreni ganaxh cosguijxh, dxejc guc-huinduxh lajzni sa'csi bejnni rebejn. Dxejc räjpni:

—Xlia'si bencheä rebejn, naj gusnitloäreni lo guedxliujre, sigajcza remanro, remanbäz, näj rebäl, näj reman ni rutajt. Naj runä xhigab xhet laadi benä bencheäreni.

Guyu' tejtis niguii ni bahuisa'c Dios lojni, niguiiga laa Noé. Noé najc te bensa'c ni rucuadiazg xtidx Dios. Xteb Noé nabajñ si'c ni rlajz Dios. Guyu' choñ xi'n Noé: Sem, Cam, Jafet laareni.

Dxejc räjp Dios lo Noé:

—Abenä xhigab gusnitloä guiraa rebejn lo guedxliujre sa'csi abenduxhreni dojl, rujnreni xhigab ganaxh cosguijxh, ni'cni gusnitloäreni lo guedxliujre. Niluxh suslaä luj näj guiraa resa'lü. Rlazä guncheelu te barcw yajg. Dxejc nenga gunlu reyu' te sajc cuääz guiraa resa'lü. Dxejc guideb nez dejtzni näj guideb nez nenñi cääblu brea te di jiu' nis nenñi. Remediid ni gac barcwre najc scree: tegayuu galbitzuubigai metr ni sioolni, galbichon metr ni gulajgni, dxejc tzudaj metr ni jiaani. Choñ yu' yejc sa'ni gacni jiaa. Dxejc gunlu te ventaq si'cti garol metr punt yecyu'ga, näj tej puert xcaj tejsi laad. Cheni abaluuxlu barcwga, dxejc guinibeä jiajb te nisguiduxhej lo guedxliujre te gusnitloä guiragajc rebejn näj reman ni nabajñ lo guedxliujre. Dxejc xteblu näj resa'lü guslaä lo nisroga.

Bejn Noé guira'ti si'c ni räjp Dios lojni. Cheni gulujx barcwga, dxejc räjp Dios:

—Biú' neñ barcwga näj guiraa resa'lü, sa'csi loj guiraa rebejn ni nabajñ naj, xtebtis luj basobdiajglu xtidxä.

Dxejc biunäj Noé sa'ni neñ barcwga. Biunäjni chäälni, rexilnni, rexculijzni, te di niejtreni loj nisguiduxhga. Dxejc näj tiop-tio'p guiraloj reman biu' nenga, tejni najc man niguii steeni najc man gunaa, si'ctis ni räjp Dios lo Noé gunni te di guejt guiraareni. Niluxh reman ni sajc gauren, xho'p man niguii näj xho'p mangunaa biu'reni neñ barcw. Cheni gudejd gajdx gubijdx, guiraareni abiu'reni neñ barcw. Dxejc Dios basäuu ro' barcwga. Dxejc guslogajc cayajb nisguiduxhga.

Tiuv dxej, tiuv yääl biajb nisgujj. Cheni gusloj gurej nis, guläsnii barcw lo yuj, gusloj bilo'ni. Dxejc duur rä'p nisga, basäu nis redanro. Dxejcti guläjz nisgujj.



Cheni gudejd tiuu dxej, baxhal Noé ventan_u xten barcw te baslaani te palom te nuhuiini donnu la gubijdz lo yuj. Dxejc gubi' palomga nen_u barcwga sa'csi dini nidxäl te lajt ni nabijdz te gusilajzni, sa'csi tresijc nis lo yuj. Dxejc gunaaz Noé palomga, basiu'nini nen_u barcw. Guläjzni sgajdz dxej, dxejc baxhalsacni palomga. Cheni gusloj cayu' guxhij_u gubisac palomga, ca'ni tla' balajg xten yajg, dxejc gucbee Noé cabijdz nis lo yuj. Dxejc guläjz Noé sgajdz dxej, baxhalsacni palomga, niluxh diru palomga nibi' lo barcw. Dxejc badzucaj Noé tla' yejc yu' xten barcw, bahuiini agubidzsa'c lo yuj.

Dxejc räjp Dios lo Noé:

—Birii nen_u barcw, näj chäällu, näj rexi'nlu, näj rexculijzlu. Gulääza reman, näj rebäl, näj reman ni rutajt te chääreni guideb lo guedxliuj te guidajlreni.

Biriitireni nen_u barcw. Dxejcti bejn Noé te piändxan te ganni Dios. Lo piändxan base'cni gaii man näj man ni rutajt si'c te yälrudexlia' lo Dios. Cheni bahuii Dios lojni, bibalazduxhni. Dxejc räjpni:

—Diruna gunsacä guilo' guedxliuj xcient xtojl niguii, sa'csi cheni najclini bi'n rujnni xhigab ganaxh cosgijdx. Dizana gusnitloä guiraa reman si'cni benä naj. Guideb ni chu guedxliuj su' dxej ni rbe'c binij, näj dxej ni rdojp gäjl; su' bäii najl näj bäii nanlaa, su' bäii yejg näj bäii nisguij, su' dxej näj yää'l.

—Rchaglazä xcälrulijdxlu. Naj cu'a' te traj näj te cabaii, te huiyejn guiraa nani bazule'lu loj te bejn Israel nani laa Mardoqueo, na'c jiällajzlu nicla tej cosbäz loj guiraa nani entis gulujx guniilu.

Bia'nti Amán, xheti cad nejz guiriini. Ni'cni cua'ni te traj, gudojbni ro' te cabaii, dxejc huijni, basucheeni Mardoqueo, bascuiibnini dejtz cabaii, te sanänini nez loj rebejn, lal ni cabedxa'ni: "Dee najc nani runnäj reii te niguii nani rlajzni guliä'p xpala'nni."

Che gulujxti redee, gubi' Mardoqueo cadro rbejnni roxlä' rolizj reii, luxh li ruxun Amán, gubi'ni rolizn, rtuiduxhni, li niäuu te baii yejcni.

Gojl stera't bidzuj_n rexmos reii te chanärenini loj xhuej nani abasuchee reina. Lal ni cayajwreni, gunabdidxsac reii lo Ester:

—¿Xhini'c rlajzlu guiniablu, reina Ester? Xhitis najcni, narä sunidxäni.

Dxejc bazejc reina diidx, räjp lojni:

—¡Aii reii! Palga gulii guejblu abenä gaan yälsanälajz xten guejblu, palga xcäbla guejblu, basl_a xcälnabanä näj xcälnabaj_n xten rebejn_n ni najc resa'ä, sa'csi narä näj rexpenä abido'nu loj renani rlajz gusnitloj nuure, luxh laareni direni gusilajz palga direni gun gaan gusnitlojpacreni nuurnu.

Gajdni guluux gузule'ni diidx chela gunii reii, gunabdiidxni:

—¿Xhini'c rniilu? ¿Chuni'c najc nani rajp yälrnibee te guchejbni la'tu si'c, ä?

Dxejc räjp Ester lojni:

—Bejn_u nani rdxe'ch lojnu najc ben_ulatsiajre, Amán.

Che biejn diajgni diidxre, bidxebduxh Amán, ligurugbejni, sääli xse'ni suga'ni nez loj reii näj reina. Dxejc huisulii reii, cadxechduxhni. Biriitini cadro cayajwni, te sääni loj huert xten palas, alga Amán gusloj canabduxhni loj Ester guslaani xcälnabajnni, sa'csi anajnni rlajzpac reii gusacsíduxhnini. Lal ni canabni loj reina, sa'csi canijtni sperans, biajb Amán, li gojtni lo siyoon cadro sobga' Ester. Lagajc dxejc gubi' reii, luxh cheni bahuiini lojni, bachaloni rlajz Amán nianäjni reina. Dxejc maazru bidxechduxhni, ni'c gunibeeni gunaaz xsoldaadmni.

Dxejcti tej resoldaadga räjp lojni:

—Abenchee Amán te yajg ruhuäl te ju'tni Mardoqueo, rolizn sugar' yajgga lo le'!

—¡Colchahualnini ro'c nagajc! —gunibee reiiga.

—Reina Ester gurejdx narä naj reii loj te xhuej nadxej, luxh rutru bejndi biääd. Luxh guixee susucheeni stee xhuej, luxh agurejdxzani narä. Niluxh guiraa dee xhetliidi sajc che rdxagä Mardoqueo, ni najc ben Israel. Laani dini gusajb yejcní nez loä, dizani gan narä.

Dejctiru räjp chäälni näj rexamiigwni lojni:

—Basuchee te yajg cadro galni te guixee gojs lo reii gusaanni guhuallu Mardoqueo lojni, te cheni abejnluni, gustli chäälu lo xhuej, gaunäjlu reii.

Bichaaglajz Amán nani balidxrenini, ni'c baxhañni chu benchee te yajg cadro gal bejn.

Luxh guxhijngä, di niajcdi niejs reiiga, ni'c baxhañni chu huixii reguijtz cadro caj guiraa nani casajc loj xcälrnibeeni, te golrenini lojni. Gusloj cayolreni guijtzga, chela cayolreni cadro caj xcient xho gucbee Mardoqueo rlajz tio'p xpejn reii gugu'trenini, näj xho gule'cni xquejreni.

Dxejc gunabdiidx reii loj reni rujn dzuun lojni:

—¿La yu' xhi badeednu loj Mardoqueo xcient nani bejnni, ä?

Dxejc reni rujn dzuun lojreni räjpreni:

—Xheti, xhetliidi yälnasa'c cua'ní.

Biobgajc gunabdiidx reii:

—¿Chuni'c suga' loj le' naj?

Lagajc dxejc, bidzujn Amán rolizz reii, suga'ni nez lo le', nez dejtz rolizz reii. Biäädni te guiniabni lo reii gusaanni gusääbni Mardoqueo lo yajg nani abencheeni. Dxejc räjp remosga loj reii:

—Amán najc nani suga' nez lo xle'lu.

—Suteedni —gunibee reii.

Dxejc biu' Amán. Cheni gubigni, gunabdiidx reii lojni:

—¿Xhini'c nanab gunnää te niguii nani rlazä guliä'pä xpala'nni?

Bengajc Amán xhigab pet rlajz reii guiliä'p xpala'nni, ni'cni räjpni lojni:

—Narä rulidxä loj guejblu jiädnäreni te xhajb xten reii näj te cabaii nani rbijb guejblu, näj te coron chu yejcní. Dxejc gacrejdx te reniguii nani maazru sajc loj xcälrnibee guejblu, te gushuajcwni xtraj guejblu lo niguii nani rlajz guejblu guiliä'p xpala'nni. Che abijbni cabaii, suchanänini nez roguidoo lał ni cayäjpni loj guiraareni: “Scree rujn reii te rliä'pni xpala'n nigui nani rlajzani gudeedni xquixtios lojni.”

Dxejcti räjp reii loj Amán:

Dxejcti Dios benle' Noé näj rexí'nni räjpni rediidxre:

—Suchu xi'ntu, suguidajtu, colchäj guideb guedxliuj. Laatu guinibeetu loj guiraa reman ni tre' lo guedxliujre, loj reman guibaa, loj rebäl, loj remane', näj lo rebäj. Guiraa reman näj recuaan sajc gautuni. Diru stee nisguiro jiajb ni gusnitloj guedxliuj. Naj badzubä xquit gubijdx si'c te sen ni diru guibisac jiajb nisguiduxh ni gusnitlojtu.

Dios bejn di rebejn guinii tejsi diidx

(Génesis 10:32–11:9)

Che agudejd nisguiduxhga, rebejn ni gułaa guyu' xhidajl xi'nreni si'c gujc bidajl rebejn lo guedxliuj. Neñ redxejga guiraa reben guedxliuj rnii tejsi didxsaj. Dxejc te dxej räjpreni:

—Do'o jiencheenu te guedxro näj te yu' ni najc jiaduxhtej nani guscheloi rebejn, te na'c guilia'nu loj sa'nu lo guedxliuj. Saruru guiläjznu tejsi lajt.

Che bahuii Dios lo guejdxga, näj lo yu' ni najc jiaduxh, ni cayunchee reniguii, bejnni xhigab: “Aguläxtiejreni te dzuun, luxh rut guscüäzzireni. Guiraareni rniireni tejsi didxsaj, ni'c racbeereri xtiidx sa'reni te rujnreni xhitis ni rujnreni xhigab. Naj jiätä te guxhidä xtidxsajreni te di gacbeereri xhini'c rnii resa'reni.”

Ni'c Jehová Dios baxhiid xtidxsaj guiraa rebejn. Ni'cni basa'nreni dzuun, direni nuluux dzuun te niujnreni guedxga. Dxejc bire'chreni guideb lo guedxliuj. Ro'c birilaj Babel, sa'csi ro'c bixhiid xtidxsaj guiraareni.

Gule Dios Abraham

(Génesis 11:10, 27-32; 12:1-20)

Guyu' te niguii ni laa Taré ni najc te xhajg Sem. Guyu' te xi'n Taré ni laa Abraham. Bachñaa Abraham te gunaa ni laa Sara, luxh lojreni yu' te sobriñreni ni laa Lo't. Rbäjzreni nez xyuj recaldeos, neñ te guejdx ni laa Ur.

Te dxej räjp Dios lo Abraham:

—Basa'n rexyujlu, reprimlu, näj rolizz xtadlu, te gac chäälu lo yuj nani guluiä lojlu. Gunä gac rexfamily lu te guedxdukh, gunle'älu, guidxeloj bejn luj, gaclu te yälracle' xten xhidajl bejn. Sunle'ä reni runle'lu, sigudeä reni rgudelu. Xcient luj, guiraa reben guedxliuj sica'reni yälracle'.

Taré, ni najc xtad Abraham, biriini loj xyujni, sanäni Abraham, näj Sara, näj Lo't te sääreni nez ste'ca yuj ni laa Canaán. Che

bidzujnreni guedx Harán, ro'cti bia'nreni, guläjzreni ro'c. Ro'c gujt xtrad Abraham, neñ guedx Harán.

Che gujt xtradni, bazobdiajg Abraham diidx ni räjp Dios lojni. Birii Harán, sanäni Lo't, näj rexilni, rexquidxaani, näj rexpaxtoorni. Bidzujnreni te lajt ni laa Betel, nez xyuj Canaán. Rebejn ni laa cananeo rbäjz nejzga. Dxejc räjp Dios lo Abraham sudeedni yujga lojni, näj loj resa'ni. Dxejcti benchee Abraham te piääñ, bagu'tni te man, badeednini si'c te gojn lo Dios.

Dxejc guyu' te gubinduxh, xheti yälrajw guideb nez lo reyujga. Bejn Abraham xhigab di xhi gauni chu, ni'c huiläjzni guedx Egipto, sa'csi biejn diajgni ro'c yu' yälrajw.

Cheni sadzujnreni Egipto, räjp Abraham lo chäälni:

—Narä nanä najclu te gunaa sacruduxh. Cheni fii reEgipciós lojlu, sisiaduxh lajzreni luj. Dxejcti sugu'treni narä te jiannäjreni luj. Ni'cni gäblu najclu bisianä.

Che bidzujnreni Egipto, reEgipciós bahuiireni saruduxh rujn loj Sara. Dxejcti huiye'tzreni lo faraón, ni najc ni rnibee loj reEgipciós, sacruduxh rujn loj gunaaga. Dxejc huigajnreni Sara chää rolizj faraón te don la sicäjbni guchñaareni. Faraón bejn xhigab nica'nini si'c te rechäälni. Ni'cni badedxlia'ni loj Abraham rexil, revaag, rebur, recameii näj remos. Niluxh di Dios nidxaglajz nani casajcreni. Dxejcti basacsíni faraón näj rechäälni, näj rexil'nni, gujcreni te yälguijdx. Dxejc baxhal faraón chu huiteidx Abraham, räjpni lojni:

—¿Xhicuent bennäjlu narä scree, ä? ¿Xhicuent dilu ninaj najc gunaare chäällu, ä? Ni luj najlu bisiajnluni. Cuäjbzalu cua'äni gacni chäällu. Aree chäällu. ¡Cua'ni, coljiunejz!

Dxejcti birii Abraham Egipto, näj chäälni näj guiraa ni rajpni.

Abraham con Lo't Gula! Sa'reni

(Génesis 13–14)

Cheni birii Abraham Egipto, huinäni chäälni näj guiragajc ni rajpni, gubisacni nez yuj xten recananeos. Näjza xsobrinni Lo't gusaj. Che bidzuñsacreni Betel cadro galoo benchee Abraham te piääñ, ro'c guzudxini te bagu'tni te guidxaa si'c te gojn, te badeedni xquixtios lo Dios.

Abraham rajp xhidajl xhixtelli; rajpni oor, näj pla't, näj xhidajl guidxaa. Rajpza Lo't xhixtelli, sigajc rajp xtiuuni Abraham, rajpni xhidajl xiil, näj vaag. Per cadro re'reni, di ro'c gal gauu reguidxaa. Diru niajctini nibäjzreni tejsi lajt sa'csi reni

—Na'c gunlu xhigab laalu sa'csi yu'lü rolizj reii laj ni cagugu'treni guiraa resa'nu, rexpen Israel. Palga luj gusäutislu ro'lü xcuent ni cayajc naj, suslaa Dios nuure ladznaa ste'ca bejn, per luj näj resa'lü sejtnu. Pet gucnäj Dioslu yu'lü rolizj reii parsi gacnäjlu nuunu najpac.

Baxhalsac Ester xmosni te räjpni loj Mardoqueo:

—Gunä si'c ni najlu, per ganiddoo bachagsa' rexpejn Israel ni rbäjz guedx Susa te gucua'nreni xcuentä; xhetlidi gauren, xhetlidi yäreni chon dxej näjza chon yääl. Sigajcza gunä narä, te dxejc chasuä nez loj reii, mase dini nibejdx narä, xhet najcdi mase guetä.

Rusquenduxh Mardoqueo, sääni te bejnni si'ctis ni räjp Ester lojni. Guiraa rexpen Israel bire'reni te bacua'nreni chon dxej, chon yääl.

Ni riojñ dxej, gojt Ester xhabsa'cni xten reina te biu'ni cadro rbej reii. Reii sobga'ni loj xyaghilsa'cni ni suga' cadro rajc ruhuiini ro' puert. Cheni bahuiini loj reina siääd nez lo le'ga, gunigajcni xchan, basgaani xpar-oorni lojni. Dxejc biu' Ester, gudajnni yejc bar-oor xten reii, dxejc gunabdiidx reii, räjpni:

—¿Xhini'c rlajzlu, reina Ester? ¿Xhini'c rlajzlu guiniablu? Garol cadro rnibeä sunidxä lojlu palga guiniabluni.

Dxejcti räjp Ester lojni:

—Rniabä jiädlaa guejblu nadxej gun guejblucompan narä, jiädnäza guejblu Amán loj te xhuej nani benä.

Dxejc gunibee reii:

—Colchatejdx Amán te jiäädni loj te banque't, sa'csi reina Ester cabejdx nuure.

Ni'cni, lagajc dxejga biääd reii näj Amán ni cayujn companni, biädtajwreni xhuej nani bejn reina. Dxejc gunabdiidx reii loj Ester:

—¿Xhini'c rlajzlu? Guniini te gunidxäni; mase rlajzlu garol xcälrnibeä, sunidxäni.

Räjp Ester lojni:

—Dee najc ni rniabä, guixee jiääd guejblu näj Amán, jiädtajwtu stee xhuej nani gusucheä, te dxejcti gusule'ä nani rlazä.

Siti Amán rolizj, cabaalajzni, guidxa lastooni yärbalajzdukh. Luxh che biriini ro'c, bidxaagni Mardoqueo ro' xlä' reiiga, niluxh sa'csi dini nusajb yejcti te gannini, bidxecheduxhni; per bejnni huant xcälrdxe'chni, huinuuni xnezyujni te bidzujnlini rolizj. Ro'c ruijnyi diidx loj chäälni näj loj rexamiigwni xho bejn reiini, gulä'pni xpala'nni. Dxejc räjpzani:

Dxejc gulää reiiga te niil bicueñaani te badeednini loj Amán, räjpni lojni:

—Bahuila, di rlazä xca'ä xmeellu. Huij, te bejn nani rchalolu najc hueen.

Biobgajc gurejdx Amán reni rucuaa xquijtz reii te räjpni xhi diidx gucuaareni te jiini loj guiraa rebejnro neñ reguejdx; cade tej reguijtzga caj lagajc xtidxsajreni. Dxejc ni' reguijtzga, basoobni laj reii Asuero, bejntza seiini con xniil reii. Dxejcti baxhalni sii reguijtzga loj guiraa reguejdx xten yälrnibeega. Lo guijtzga caj diidx gugu'treni guiraa rexpen Israel, guiraa báz näj bengool, biuxé' näj gunaa. Guiraalireni guet che gal tzu'n xchebäii ni laa Adar, luxh reni ju't rebejngä sajc jiannäjreni guiraa rexhixtenreni. Ni'cni gujc xhidajl reguijtzga, caj xtidxsaj cade tej reguejdx xten yälrnibee, te guideb guedxliuj gacbeereni xhi gunreni che gal dxejga.

Che gucbee Mardoqueo xhi xhigab cayujn Amán, guchinduxh lajzni. Gojtni te ladngoodx, basälni cobdäj yejcni, gurejtini ro' xlä' reii, sa'csi di gacdi jiu' bejn roxlä' reii che najcwni te ladngodx. Guideb nez yälrnibeega cheni bidzujn xtidx Amán, gojt rexpen Israel ladngodx, dxejc gusloj cagucua'nreni, cayonduxhreni.

Che gucbee Ester sobga' Mardoqueo roxlä' reiiga, najcwni ladngodx baxhalni te xmosni chanää te lajd te gacwni, te nibäänni ladngodxga. Luxh dini nicäjb. Dxejc baxhalni te rexmosni te gunabdiidxni loj Mardoqueo xhi casajcni, xhicuent suga'ni si'c.

Mardoqueo bazule' lo mosga guiraa nani gusajcni, räjpzani xcuent meel nani nudeed Amán lo reii palga guinibeeni guet guiraa rexpen Israel; badeedzani te la' guijtz sa' ni baxhal Amán loj guiraa reguejdx. Guiraa rediidxre räjpni te gacbee Ester xhi casajcreni te gacza chanabni xcuent rexpejnni nez loj reii. Ni'cni gubi' mosga te bijni diidx loj reina xcuent guiraa nani räjp Mardoqueo lojni.

Dxejc räjp Ester:

—Gubi' loj Mardoqueo te gojs lojni rut sajedi jiu' loj reii palga di reii cuedxni, luxh palga yu' chu litis jiu' lojni, yu' te leii ni rnii nanab guet bejngä. Tejtis ni sajc guslaa bejn: palga reii gusgaani xpar-oorni ni yu' naani loj bejn nani litis biu!. Gojsza lojni agujc te bääi gajd reii cueedx narä cha'a nez lojni.

Dxejc badzu' Mardoqueo diidx loj Ester, räjpni lo xmosni:

rajp xquidxaa Abraham rdilnäjreni renani rajp xquidxaa Lo't. Ni'cni te dxej räjp Abraham lo Lo't:

—Luj najclu sa'ä: ni'cni di guchaag guidilnu, nicla nuure, niclaza rexpaxhtoornu. Maazru hueen guilia' sa'nu. Arec reyuj, te cuelu don caro cuääzlu. Palga luj chäälü labägw, narä cha'a ladbee; luxh palga luj chäälü ladbee, narä sia'ä labägw.

Lo't bahuii lo lajtz xten gueu Jordán, bahuiini nejzga yu' sijl nis, najcni si'c te xjardin Dios. Dxejcti gule Lo't guideb relajtz Jordán te chaläjzni neñ te guejdx ni tre' nejzga. Huiläjz Lo't neñ guedx Sodoma, cadre najcreni benguidxduxh, rujnreni dolduxh.

Bia'n Abraham nez neñ redajn xten Canaán. Dxejc räjp Dios lojni:

—Bahuisa'c guideb gabi cadro rbäjzlu. Narä gunidxä guiraa reyujga nani ruhuiilu, par tejpas gacni xtenlu näj xten rexagdoolu. Narä gunä gac rex'i'lalu si'c guxhuj ni tre' lo guedxliuj. ¡Huistie, huicansaj lo yuuga, bahuii lacti siolni, lacti gulajgni, sa'csi narä sunidxäni lojlu!

Dxejcti guläs Abraham rexyulajdni te saläjzni nez te dajn ni laa Mamre, ni naga' gajxh nez lo guedx Hebron. Ro'c bencheeni te piäään te bagu'tni te guidxaa ni badeedni si'c te yälrusalajz lo Dios.

Lañni guläjz Abraham nez dajn Mamre, rereii Sodoma näj Gomorra gudilnäj rereii xten sgaii guejdx. Guiro'p rereiire gunijt. Stecuaga bejn gaanreni, dxejc baxunreni nez lajtzga. Nejz lajtzga yu' xhidajl guedro. Cheni baxunreni nejzga, bitejbreni neñ regueedga. Dxejc bejn gaan rereii biu'reni Sodoma näj Gomorra, sanäreni reyälrajw näj guiraa ni sajc ni yu' ro'c, sanäzareni balti regunaa. Che biriireni ro'c, gudejdreni nez rolizj Lot, xsobriñ Abraham, ni rbäjz guedx Sodoma. Dxejc gunaazreni Lot, sanärenini pres; cua'zareni guiraa ni rajpni.

Niluxh te xmos Lot bejn gaan baxunni lojreni, biädye'tzni loj Abraham xhi guzajcreni. Che gucbee Abraham sanäreni xsobriñni pres, batie'ni guiraa rexmosni. Bialojreni choñ gayuu tzunbichon niguii. Birinajlreni rereii, nez guedx Dan biga'reni. Ro'c gudilnäj Abraham näj rexpejnni rereiiga. Dxejc huinajlurenri rereiiga nez Hob, luxh ro'c guläyalni guiraa ni sanäreni. Si'cti gucnäj Abraham xsobriñni Lot te cuasacni guiraa xhixtenni nani gulajn rereiiga. Baslaaza Abraham regunaa näj guiraa rebejn ni sanääreni pres.

Che gubi' Abraham, che abejnni gaan lo rereii, reii xten Sodoma näj te xpixhojz Dios biriireni biädcaglojreni Abraham.

Bixhojzga laa Melquisedec, najczani reii xten Salem. Benle' Melquisedec Abraham, guniini rediidxre:

—Dios ni bejn xhaguibaa näj guedxliuj, sunle'pacni luj. Siliä'p xpala'n Dios sa'csi laani baniidxni yälnadip te bejnlu gaan loj renani rdx'e'ch lojlu.

Dxejcti cuá' Abraham yälNASA'c ni badzucajni loj rereii, bejnnini tzuu la', dxejcti badeedni tej la' loj Melquisedec.

Dxejc rájp reii Sodoma lojni:

—Baniidx rebejnre, biannäj rexhicosga.

Per badzu' Abraham diidx, rájpni:

—Bia'nä diidx con Dad Dios ni yu' jiaduxh, ni benchee guibaa näj guedxliuj, dina xca'ä ni nadj xtenlu te di guiniilu luj benri'cwlü narä.

Dxejcti gubi' Abraham lo xyulajdni.

Dios bia'n diidx con Abraham

(Génesis 15:1-6, 13-14, 18; 16:1-12, 15-16; 17:1-21, 23-27)

Cheni gulujx guiraa redee, gunii Dios loj Abraham, rájpni:

—Abraham, na'c gac-huin lajzlu sa'csi narä nacä ni gacnäjlu, ni fiilu. Xcälnasa'clu sidajl.

Abraham badzu' diidx rájpni:

—¿Xhi gunä nani guniidxlu loä? Luj najnlu ruti xi'nä.

Dxejcti Dios huinä Abraham te lajt cadro riensa'c xhaguibaa, rájpni:

—Bahuisa'c guibaa, balab rebajle', caxhäj sajc gulablureni, sa'csi si'cti chuza rexajglu, rexaggoldoolu.

Huililajzpac Abraham sujn Dios si'ctis ni najni gunni, ni'cni nez loj Dios nadjci te niguisa'c. Sanuuti caninäj Dios Abraham, rájpni:

—Rlazä gacbeelu dee xcient rexagdoolu; siläjzreni neñ te guedxzijt. Ro'c churení si'c mos, luxh susacsí bejnreni tajp gayuu iż. Luxh narä susacsíä guejdxga nani gun gacreni mos. Siliaa rexajglu, siriireni ro'c, luxh sajcreni xpaxhuaan xhidajl xhixtenreni. Yujre sudedä loj rexajglu, yuj ni tre' nez ro' gueu Egipto par nez ro'li gueuro, ni laa Eufrates.

Agudejd maazdi tzuu iż räjp Dios lo Abraham sudeedni lojni näj lo rexfamilni yuj ni laa Canaán, niluxh gajd xi'n Abraham chunäj Sara. Rolijz Abraham yu' te gunaa ni laa Agar ni siääd Egipto, rujnni dzuu lo Sara. Te dxej räjp Sara lo Abraham:

—Bahuui, gajd Dios gusaan chu xi'nä. Naj rniabä lojlu, gudiesnäj xmosä ni laa Agar, gaxhäj sajc chu xi'nlu con laani.

loj Vasti. Leii ni gucuaa guejblu, nanab sule' leiiga loj guiraa xpejnlu te gumbeerenni cadrotis rnibeelu, guiraa regunaa riäjl gusobdiajgreni, guzoobreni xtidx chäälreni, na'c gunreni si'c ni bejn Vasti.

Bichaglajz reii rexhigabga, ni'c bejnni si'c ni balijdxrenini. Dxejc baxhalni guijtz loj guiraa reguejdx, lo cade tejreni bacuäni lagajc xtiidxzareni, te guideb guedxliuj gacbee xhini'c rnibee leiiga.

Guedx Susa rbäjz te niguii, te ben Israel, ni laa Mardoqueo; guedx Jerusalén siäädni. Yu'ni loj rebejn ni biädnäreni che bidxagdijl Nabucodonosor reguedx Judea. Niguiire bastioobni te dxape' ni laa Ester, ni nadj xprimni. Cuanäj Mardoqueoni si'c xi'nni sa'csi rexuczajnni agujt. Nadjci te dxa'p sacruduxh näj nadolajz, luxh cuánnini si'cpac xi'nni.

Cheni gusloj rexpejn reii caguil te gunaa sacru'e' te gacni chääl reii, huinäzareni Ester roliz reiiga. Cheni biembee Asuero Ester, bidxaglazduxhnini. Bejnni xhigab gacni chäälni. Niluxh laani xhet rájpdini xcient caro siäädni, niclaza chu bejn nadj resa'ni, sa'csi balijdx Mardoqueo xhet gäbdini. Dxejc reii huinäni Ester rolizni, huinälajzruzanini loj guiraa regunaaga. Badzuubni yejcní te coron xten reina, luxh che bachnaareni gujc te laniro.

Neñ redxejga, biejn diajg Mardoqueo canii tio'p rexpejn reii nani rdxechnäjreni reii, cayujnreni xhigab ju'trenini. Huiye'tz Mardoqueo loj Ester, dxejc laani huiye'tzni loj reii. Che gucbee reiiga, baxhalni chu bahual guiro'p reniguiiga loj yajg. Guiraa redee caj lo guijtz cadro caj xcient xcälrnibee Asuero.

Che gudejd redee, badeed reii te dzunroru loj te niguii ni laa Amán. Ni'cni guiraa reni riu' roxlä' palasga sajpreni guzuxhijbreni, gusajbreni yejcreni nez loj Amán sa'csi si'c agunibee reii. Per di Mardoqueo guzuxhijb, dizani gusajb yejcní, ni'cni bidxechduxh Amán. Niluxh bejn Amán xhigab nadjci te cos báz gusacsíni Mardoqueo. Bejn Amán xhigab maazru hueen gusnitlojni guiraa rexpen Israel nani rbäjz guideb cadro rnibee reii Asuero, guiraa renani nadj rexpejn Mardoqueo. Ni'cni huij Amán te guninäjni reii, rájpni lojni:

—Rexpen Israel rbäjz lajdxnu, niluxh nare'chreni neñ guiraa reguejdx nani rnibeelu; luxh niclaza si'c, direni guzoob rexleiilu, niclaza jiureni releiiga. Palga rchalo guejblu laaca nadjci, ¿xhicuent di guejblu gucuaa te guijtz te nitlojreni? Te dxejc gunidzä xhidajl meel te chuduxhru xmeel guejblu.

bire'reni nen guejdx ni laa Susa sa'csi ro'c najc cabeseer xten xcyälrnibeeni. Gajdz dxejli bejnreni lanij, luxh biäädza guiraa rebejn ni rbäjz Susa. Sucheduxh yu' cadro bire'reni te gudajwreni. Rebancwga naccheereni ganaxduj oor näj pla't, sigajcza rebas näj repla't. Bire' regunaa te laad te gaunäjreni chää'l reii, ni laa Vasti.

Che gojl ni rgajdz dxej, dxej ni luux lanij, cayä' reii Asuero, dxejc baxhalni chu saxii chäälni Vasti. Laani rlajzni guluiinini loj guiraa renani runnäjni dzuun, näjza loj rebejn, te fiiren lacti sacru najcni. Niluxh di rlajz Vasti gunni najni canab reii, ni'cni bidxechduxh reii. Dxejc gurejdxni guiraa rebenajn te gunabdiidxni xhini'c riäjl gunnäjni reina Vasti, don xhi caj lo xleiireni sa'csi dini nuzoob xtiidx reii, dxejc räjp rebenajnga lojni:

—Palga rchalo guejblu laaca, gun guejblu te leii xten reii, nani gusule' diru Vasti gac reina, niluxh diru gacdi fiini loj guejblu. Quiilti reii stee gunaa ni gac reina, tej ni najc maazru nasa'c



Cuäjb Abraham, bejnni si'cni räjb Sara. Dxejc gudiesnäjni Agar. Che gucbee Agar nuuni bäz, gusloj xhet laadi ruhuiini lo Sara. Dxejcti gunii Sara xcuentni lo Abraham. Dxejc räjp Abraham lojni:
—Bahuii, latznaalu yu' gunaare ni najc xmoslu. Bennäjni nani rlajztsisu.

Dxejcli gusloj cadxe'ch Sara lojni, gusloj rusacsínini. Dxejc diru Agar niujn huant, biriini ro'c, sääni nez nen dajn. Dxejc xhangl Dios bidxälnini nen dajnga, cuä' te gudxnis. Dxejc räjpni lojni:

—Gubi' lo Sara xlamlu. Basoob xtiidxni. Su' xhidajl xajglu, xagdoolu. Xi'nlu ni chu cualajluni Ismael, sa'csi Dios abahuii lacti trabajw cadejdlu. Che tioobni, sucuanäjni chutis bejn, luxh laareni sucuanäjzareni laani.

Dxejc gubi' Agar rolizj Abraham. Cheni guyu' xi'nni, gulalaj Abrahamni Ismael. Cheni guyu' Abraham tabitzuubigaa ijj, biricaj Dios lojni, räjpni lojni:

—Närä nacä Dios ni rnibee guira'ti. Gubajn te yälnabansa'c nez loä, na'c gunlu dojl, te gac jia'nä diidx con luj. Gunä gac xhidalduxh rexajglu, rexagdoolu, luxh lojreni chu reni gac reii, sajcreni balti guejdxro. Dee najc diidx ni jia'nä con luj näj con guiraa rexajglu, rexagdoolu. Narä gacä xtioslu näjza xtiosreni par tejpas. Lojlu näjza lojreni sunidxä guideb yuj Canaán, ni najc yuj cadro rbäjzlu naj. Sunidxäni si'c te yälnasa'c par tejpas luxh närä gacä xtioslu. Na'c jiällajztu nani aguniä. Dee guntu: guiraa reniguii ni najc sa'lu gucuaareni te bee tiejxhreni, guiru' tiejxhreni; ni'c najc si'c te seen xten diidx ni bia'nnu. Ni'cni najli par tejpas guiraa rebäz niguii ni najc xajglu nanab xcaj te bee tiejxhni che gusa'reni xhujn gubijdx. Ni'cni beega jia'n tiejxhtu guideb guibajntu si'c te seen xten diidx ni bia'nä con luj. Nani di rlajz chu beega, di gacdi guibannäjni la'tu sa'csi dini jiu xtidxä ni bia'nä con luj.

Räjpza Dios lo Abraham:

—Sunidxä chu te xi'nlu ni guu Sara.

Guzuxhijb Abraham, gulajli cuajni lo yuj, lałni cayujnni xhigab ensilaani: “Xhaa sajc chu xi'n te niguii ni yu' te gayuu ijj, xhaa sajc gacni dad, ä? Xuxh la sajc chu xi'n Sara ni ayu' tabitzuu ijj?”

Dios räjp lojni:

—Närä aguniä suniidz chäällu Sara te xi'nlu. Cuälajluni Isaac. Su' xi'n Sara steb ijj naj.

Bazoob Abraham xtidx Dios. Basälni bee xi'nni Ismael lagajc dxejga; näjza basälni bee guiraa rexmosni ni racnäjni, guiraa reniguii ni rbäjz rolijzni, bejnni si'ctis ni räjp Dios lojni. Näjza Abraham guyu' bee.

**Abraham canab lo Dios xcient
rebejn Sodoma**
(Génesis 18)

Te dxej biricaj Dad lo Abraham. Sobga' Abraham ro' xyuguijdni cheni bahuini siääd chon niguii nez lojni, luxh tejni najc Dios.

Cheni bahuui Abraham lojreni, huisuligajcni, huichaglojnireni, räpgajcni:

—Coltaa, gusilajztu nez xpala te yajgre.

Baxhalzani chu huica' nis te guidiib ni'reni. Baxhalzani chu huica' xhi gauren. Che gulujx gudajwreni, gunabdiidx rebioozga lo Abraham:

—¿Con chäällu, Sara, ä?

—Ani yu' nen yuguijd —räjpni.

Dxejcti tejreni räjp:

—Stee ijz guibiä, jiädhuiä conlu, sa'csi dxejc aguyu' xi'n chäällu Sara.

Biädla Sara yu'ni nen yuguijd, cagucuadiajgni guiralii diidx ni cayujyreni. Abraham näj Sara anajcreni bengolduxh. Ni'cni di Sara niujn huant, baxhijzni. Dxejc räjp Dios lo Abraham:

—¿Xhicient ruxhijz Sara, ä? ¿La yu' xhi rchalotu nagantej, ni di gacdi gun Dios, ä?

Dxejcti gusulii rebiooz, gusloj sasajreni nez guedx Sodoma. Dxejcti bejn Dios xhigab: "Maazru huen gäpä lo Abraham nani gunä, sa'csi laani gacni xtad te guedxro ni sisiudzu'tz. Luxh abia'n diidx gunle'ä guiraa reguedxro ni tre' guideb lo guedxliuj xcientni; aguleäzani te guluiini gusoob rex'inni näj rexajgni xtidxä ni baluiäreni, te gunreni guiraa recoshuen, recossa'c, te si'cza narä gusaloä guiraa nani abia'nä diidx gunä."

Ni'cni räjp Dios loj Abraham:

—Rebejn Sodoma näj Gomorra najcreni benguijdx. Yuduixh xtojlreni. Naj chahuiä nejzga don la guliini yuduixh xtojlreni si'cni najreni loä. Palga si'c najcni, narä sacbeä.

Stio'p rebioozga sääreni nejz Sodoma per biannäsijc Dios Abraham. Dxejcti gunabdiidx Abraham lo Dios, räjpni:

Nen redxejga nabajn tio'p niguii ni rnili li xtidx Dios. Tejni laa Hegeo, steeni laa Zacarías. Guiro'preni rniliireni xtidx Dios. Ruzule'reni loj rebejn rextiidx Dios nani ruluiloj Dios lojreni.

Räjp Hageo loj rebejn, sa'csi direni gan Dios, dizareni guzoob xtidxni, ni'cni xheti cose'ch, luxh cadejdreni yälrliaan. Dxejc räjpzani lojreni xcient rediidx nani bia'n Dios lojreni, che räjpni xcanäj Diosreni par tejpas. Che biejn diajgreni rediidxga, bibalajz rebejn, guslosac cayujnreni xtzuun xquidoo Dios.

Zacarías, ni rnili li xtidx Dios, najczani bixhojz, ruspaalajzni rebejn te guluuxreni dzuuun te gacsa'c guidoo. Te dxej, badeed Dios loj Zacarías rediidxre te gudeednini loj Zorobabel:

—Gojs lojni et xcient resoldaad, niclaza xcient yälnadip, alga xcient Sprit Xtenä ni sajc gun naatu dzuuun te jiojb guluuxtu guidoore, sigajc ni guläxtiejni dzuuunre.

Tajp ijz gujc redzuun xten guidoore, dxejli ni guslosac cayujn Zorobabel näj rexpen Israel dzuuun nani basa'nreni galoo. Nen redxejga, rnibee Persia te reii ni laa Darío, nani gudijx guiralii xcient xtzuun guidoo nani bejn rexpen Israel lo guedx Jerusalén.

Cheni agulujx guidooga, gojn rexpen Israel Dios, biädnäreni xhidajl guidxaa si'c te yälrlulazlajz dxejc badeedzareni xquixtios loj Dios xcient xcälrunle'nireni.

Dxejcti badeedru Dios rediidx lo Zacarías xcient nani churu gajc. Räjpni lojni:

—Gojs loj rebejn Israel guibaa lajzreni sa'csi jiääd te reii nani gusläareni, ni gunza yälgxuhtis, laani sajcni te niguii proob, luxh bijbni te buç che jiäädni.

Räjpzani:

—Guiraa rebejn suhuii lojni, nani abagu'treni.

Stehuält räjpzani:

—Che abagu'treni baxtoor, guiraa rexii ni rcanäjni, sire'chreni.

Rusłaa Dios rebejn Israel te di nitlojreni nen guedx Persia

(Ester 1; 2:1-10, 15-18, 21-23; 3:1-9;19; 10:3)

Cheni gujt reii Darío, xhidajl rebejn Israel rbäzsijcreni nen reguedx Persia. Reii nacoobga laa Asuero, laazani Jerjes. Niguiire gunibee loj te gayuu galbigajdz estaad, reyuj ni ria'n cadre laa India hasta cadre laa Etiopía.

Ni riojn ijz ni canibeeni, reii Asuero bejn te laniro par rexpejnni nani runnäjni dzuuun loj xcälgubierni. Guiraareni

guidoo guedx Jerusalén. Ni'cni guiraa rebejn nani rlajz guibi' lajdxreni te gunsa'creni guidoo, sajc gunrenini che rlajztisreni. Renani di rlajz guibi', sajc gacnäjreni, gudeedreni meel näj guira'ti nani rquiin renani guibi!. Luxh sajcza gacnäreni, gudeedreni yälrusalajz te gac guncheereni roliz Dios.

Dxejctiru birii renani rnibee loj renani najc sa' Judá näj Benjamín, näj rebixhojz, näj relevitas, näjza guiraa renani rbalajz chääreni te gunsa'creni guidoo xten Dios lo guedx Jerusalén. Dxejc guiraa renani bia'n Persia, gucnäjreni, badeedreni nani rquiinreni, luxh badeedruzareni si'ctis ni rajpreni voluntaad, te gacnäjreni gacs'a'c guidoo.

Reii Ciro badzu' guiragajc rebas oor näj pla't nani galooli gubajn Nabucodonosor che guläänireni nen guidoo. Ni'cni xhidajl rexpen Israel gubi'reni lajdxreni. Lojreni sää tio'p niguii ni guinibee lojreni. Tejni laa Zorobabel, nani gulereni gac gubernadoor lo guedx Jerusalén; steeni najc te bixhojz ni laa Josué. Guiraa renani gubi' najcreni garol gayuu mil niguii.

Che bidzujnreni guedx Jerusalén, ganiddoo bencheereni te piiän cadro guze'creni reyälrulaslajz nez lo Dios cazob rsil näjza cazob guxhijn, sa'csi rdxejbreni rebejn xten reguejdx ni tre' gajxh. Di niaclaa gusloj cayunsa'creni guidoo.

Cheni gusloj cagusujreni cimient xten guidoo, gusuuli rebixhojz, ca'reni trompe't ca'ch, relevitas ca'reni platii, rexpen Israel cayolreni dij, guiraareni cagudeed xquixtios loj Dios, räjpreni:

—Dios najc hueen sa'csi par tejpas najc xcärlulazlajzni loj rexpen Israel.

Guiraa rebejn rbedxa'reni, rgapnaareni, rbalajzzareni, cayolreni dij loj Jehová sa'csi casuj cimient xten roliz Dios.

Niluxh guyu' te yälrudxojn cheni cayujnreni repadeer xten guidoo, sa'csi bidzujn reniguii ni siääd Samaria, räjpreni:

—Jiacnänu la'tu gacchee guidoo sa'csi nuure rililajznu lagajc Xtiostu.

Di Zorobabel nichaglajz diidxga, sa'csi najnni xhet guliidini, sa'csi reSamaritan rajnreni rebanäjb. Ni'cni di Zorobabel nusaan niujnreniuzuun loj ni cayacs'a'c guidoo. Ni'cni bidzechduxh reSamaritan, huiyejreni quej loj xreii Persia; nen redxejga ni najc reii najc Artajerjes. Gunibee reiiga cuääzuzuun xten guidoo. Si'c gujc guläjzuzuunga guideb tzunbitez ijj, cheli gusloj canibee reii Darío.

—¿La sujnlu guet reni xheti xtojlreni sigajc guet reni yu' xtojlreni, ä? Palga yu' garol gayuu bejn ni xheti xtojlreni lo guejdxga, ¿la sajplu yälrulazlajz loj guiraa rebejn ni rbäjz guejdxga xcient garol gayuu bejn ni xheti xtojlreni, ä? Di gac hueen ju'tlu ni xheti xtojlni con reni yu' xtojlni. Luj najclu juejz ni rnibee guidebgajc guedxliuj, sujnlu cossa'c par tejpas.

Dxejcti räjp Dios:

—Palga guidxälä garol gayuu bejn ni xheti xtojlreni nen guedx Sodoma, xcient laareni sulazlazä guiraa reni rbäjz ro'c.

Abraham gunabdidxsac:

—Bejn perdon narä cayunä te yälrniabdidxduxh lo Guejblu, ni najc Gueb Dios, niluxh narä ganax guxhuj naccheä. Palga cayäädx gaii bejn ni xheti xtojlni te guisa' garol gayuu, ¿la susnitloj Guejblu guideb guejdxga sa'csi cayäädx sgaiiga, ä?

Dxejc räjp Dios:

—Palga guidxälä tiuubigaii bejn ni xheti xtojlni, dina gusnitloäreni.

—Pet yu' tiuutis bejn ni xheti xtojlreni. ¿Palga yu' tiuutis bejnga, la susnitlojlu guejdxga, ä? —räpsac Abraham.

—Xcient tiuuga, dina gusnitloä guejdxga —räjp Dadga.

Gunabsac Abraham:

—Rniabä lojlu, na'c guidxechnäjlu narä sa'csi rniabdidxsacä lagajc dee, per palga sidxällu galbitzuutis bejn ro'c ni xheti xtojlreni, ¿la susnitlojlu guejdxga, ä?

Dxejc räjp Dios:

—Palga guidxälä galbitzuu bejn, dina gusnitloä guejdxga.

Dxejc räpsac Abraham:

—Xtadä, pet najd lazä rniä lo Guejblu scree, per ¿la susnitlojlu guejdxga palga guidxällu gajl bejn ni xheti xtojlreni, ä?

Dxejc räjp Dios:

—Xcient gajl ni xheti xtojlni, dina gusnitloä guejdxga.

Niluxh Abraham räpsac:

—Balazlajz narä xtadä, na'c guidxechnäjlu narä, deetis guiniä naj, diruna gusiedä Guejblu; ¿la susnitlojlu guejdxre palga guidxällu tzuutis ni xheti xtojlreni, ä?

Dxejc räjp Dios:

—Xcient tzuu bejn ni xheti xtojlreni, dina gusnitloä guejdxga.

Cheni gulujx guninäj Dios Abraham, biunejzni ro'c. Dxejc gubi' Abraham lo xyuguidni.

Dios basnitloj Sodoma, luxh baslaani Lot

(Génesis 19:1-29)

Entis cayu' guxhij_n cheni bidzuj_n tio'p rexangl Dios guedx Sodoma, rie_nloj niguui najcreni. Sobga! Lot cadro riu' bejn_n ro' guejdxga. Cheni bahuiini redade'ga, huisuni, huichaglojnireni. Basajbni yejcni nez lojreni, räjpni:

—Dad, rniabä guejbtu xcäjbtu jiäädtu rolizä, teditu guxhij_n, dxejc guixee rsilru sajc chanuutu xnezsijuutu.

Dxejc bazejcreni diidx, räjpreni:

—Xquixtiostelu, per sajc guteednu guxhij_n nezlad nezsijuutu.

Sanuutis canabduxh Lot, dxejcru cuäjbreni huinä Lotreni rolizjni. Che bidzuj_nreni, gujc te xchej ni badeed Lot lo rebiooz, gudauxchej rebiooz.

Gajd galdi guesreni, chela guiraa reniguii ni rbäjz nen guedx Sodoma guzuj guideb gabu yu'ga. Rebi'n sigajc rebengool gusloj cabedxa'reni lo Lot:

—¿Con reniguii ni biädjia'n rolizlu naguxhij_n, ä? ¡Gulääreni! ¡Rlajznu guidiesnäjnuren!

Dxejcti birii Lot, guninäjniren. Cheni biriini basäusacni rolä'ga nejz dejtzni, dxejc räjpni:

—Colyejn te hueen, rexamigwä, na'c guntu dolduxhre.

Niluxh laareni räjpreni:

—¡Gubicaj ro'c!

Guslogajcreni cadilnäjreni Lot, rlajzreni gutienta'reni rolä'ga. Rexangl Dios basgaareni naaren, basiu'reni Lot nen yu'ga, basäugajcreni rolä'ga. Bascäjyreni baloj reniguii ni suga' gabu yu'ga. Guiraaren, rebi'n sigajc rebengool bia'nreni lotiä'p, bidxajgtireni caguiilreni rolä'ga.

Dxejc räjp rebiooz lo Lot:

—Cua' rexindxa'plu näj rebi'n ni guchnaareni, näj guiraa ni rajplu nen guejdxre, gulääreni, huinäreni zift ree, sa'csi susnitloonu guejdxre. Agujc xhidalduxh xquej guejdxre siääd lo Dios xcent xtojl rebenguejdxre, ni'c baxhal Dios nuure te gusnitloonu guejdxre.

Dxejcti huihuii Lot reniguii ni guchnaa rexindxa'pni, dxejc räjpni lojreni:

—¡Colcho! guiriinu ree sa'csi Dios susnitloj guejdxre!

Di reniguiiga nililajz xtiidxni, luxh sa'csi acayanij lo guedxliuj, räjp reangl lo Lot:

—Aii, Reii, Xtiosä baxhal te angl nani basäuu ro' releon te di niujnreni daan narä sa'csi nez lojni xheti xtolä, nicla nez loj guejblu xhet latsiajdi benä.

Cheni biejn diajg reiiga xse' Daniel, bibaduxh lajzni, gunibeeni guläärenini neñ gueed cadro niäuuni. Cheni guläärenini, bahuiireni xheti nicla tej lajt cadro bixejbni, sa'csi rililajzpacni xhi sajc gun Xtiosni.

Dxejc gunibee reii jiädäreni rebejn_n ni gule'c xquej Daniel, te gusälreni rebejn_n gueed cadro yu' releon, nägaj rexihreni näj chääreni. Luxh nicla gajdreni guidzuj_n xhajn gueedga chela gunaaz releonreni, li basujyreni rebejn_n.

Che gubi' reii nez rolizjni, bacuaani te guijtz loj guiragajc renani rbäjz cadro rnibeeni, rujyni diidx xho bejn Dios baslaani Daniel, balijdxzani rebejn_n chalilajzreni Dios nani nabaj_n, ni najc Dios xten Daniel.

Yu' Daniel guedx Babilonia cheni bilni nani bacua Jeremías, dade' ni rnili xtidx Dios. Ni'cni gucbeenai nanab cuääz rexpen Israel ro'c gayonbitzuu ijj luxh guiraa reijzga rut cuääzdi guedx Jerusalén. Anajc Daniel bengool, niluxh najnni agojl guisa' reijz nani agunixgaa Dios. Ni'cni guixe-guixee che rbejdx-rniabni loj Dios, rniini loj Dios:

—Aii, Dad, bacuadiajg nani rbedx-rniab xpejn_n. Racbeenu abiennu dojl nez lojlu, niluxh dinu nuzoob xtiidxlu; niluxh rniabä lojlu Dad, jäällajzlu xtojlnu, näj guslaalu nuure ladznaa rebabilonios, si'cni gulääu retroxtadgoldoonu guedx Egipto con xcälrnibeduxhlu. Basaan guibi'nu lajdxnu, te si'c jiennu chä'p xpala'nlu sa'csi naj guideb guedxliuj ruxhisnäj guedx Jerusalén näjza nuure ni najcnu rexpejn_n.

—Naj, Xtiosnu, bacuadiajg xtiidx näj yälriab xten xmoslu, najc gusa'nlu chanuu nagabä'n xquidoolu si'c najcni naj.

Rbisac rexpen Israel lajdxni

(Esdras 1:1-2:2, 64-65; 3:1-3, 10-12; 4:1-6, 21, 24; 5:1-2; 6:7-8, 14-17; Hageo 1:1-15; Zácarías 1:1; 4:6-9; 9:9; 12:10; 13:7)

Agujc xhidalduxh ijj biunejz reben Israel lajdxreni, najcreni pres, che guyu' te reii xten Persia ni laa Ciro. Luxh te gucle' xtiidx Dios ni bacua Jeremías, bejn_n ni rnili xtidx Dios, bascoodz Dios lastoo reiiga te räjpni loj rebejn_n Israel nani rbäjz nen reguejdx Persia:

—Jehová, Dios ni yu' xhaguibaa, abaniidx loä guiraa reyälrnibee ni yu' lo guedxliuj, niluxh agunibezani gusobä te

basoobni chon president. Gunibeeni Daniel najc tej representantga. Di niaclaa baluiloj najc Daniel ni maazru nasiñ loj guiraa regubier näj representant, ni'c bejn reiiga xhigab gudeedni guinibee Daniel loj guiraareni. Ni'cni resa'ni gujc selos, bidxeclajzreni, gusloj gudilreni top yu' xhi gun Daniel ni xhetlaadi, te gac cue'creni xquejni loj reii.

Räjpreni:

—Colcho' guila'tznuni te guidxälnu xhi rujnni te sajc guile'cnu xquejni, te jiobgajc choye'tznuni loj reii.

Luxh mase balatzduxhrenini, di niajcdi nidxälreni nicla tej falt; laani najeni te bejn nazobdiidx, te bensa'cduxh. Chon huält nen teb dxej ruzuxhijbni te rbejdx-rniabni loj Dios.

Por lult, regubernadoorre huijreni loj reii te rajpreni:

—Aii Reii, nuure, regubernadoor, bia'nnu diidx guiniabnu gun guejblu te leii, gungacza guejblu firmni. Dee najc leii: Galbitzuu gubijdx ni siääd, chutis bejn ni guiniab loj xtiosni o loj ste'ca bejn nani di gac guejblu, sisiäuu bejngä nen gueed cadro niäuu releon.

Reiiga bidxaglajz nani rajpreni lojni, ni'c bejnni firm leiiga, si'cpac gunabreni lojni.

Mase najn Daniel xhi caj lo leiiga, rijni rolizni te ruzuxhijbni, rbejdx-rniabni loj Dios sa'csi najc xcostumbrni rbejdx-rniabni loj Dios chon huält nen te dxej. Dxejctiru bire' regubernadoor näj representant, huijreni roliz Daniel. Ro'c bidxälrenini cabejdx-canabni loj Dios. Huigajcreni, rajpreni loj reii di Daniel niuñ si'c ni caj lo leii, alga lałtis chon huält nen te dxej rbejdx-rniabni loj Xtiosni.

Che biejn diajg reii requejre, guyunalazduxhni sa'csi Daniel najc te niguii nani racnäduxhni loj yälrnibeega. Dxejc gudiilni mood te nuslaanini. Luxh sa'csi di niajcdi nuchaani leiiga, gunibeeni biädnärenini, dxejc, lagajc gudxejga basälrenini nen guedro cadro yu' releon. Dxejc basätureni te guiro ro' gueedga, bacuaati reii te sen con xnilni lo guijga te si'c rut sajcdi cuäänini ro'c.

Sä'ti reii lo xpaliasni, niluxh dini niajw. Cheni gojtni, di niajcdi niesni, sa'csi cayujnni xhigab ni guzajc Daniel. Che baraa yää'l, rsilru huistieli te säguxhu'nni cadro niäuu releon. Cheni bidzujnni, guredxa'ni loj Daniel:

—Daniel, xmos Dios nani nabajn, ¿la gujc baslaa Xtioslu luj loj releon?

Dxejc rajp Daniel lojni:

—Basquejn! Huijie, huinä chäällu näj gurop rexindxa'plu, colrii ree palga di rlajztu guettu cheni guisloj gusacsínu rebejnre.

Niluxh sa'csi cayaclaa Lot, gunaaz reangl naani. Gunazzareni chäälni näj rexindxa'pni. Sa'csi balazlajz Diosreni, ni'c gulää reangl guiraareni nen guejdxga te guibajnreni. Cheni biriireni guejdxga, tej reanglga räjp:

—Baxu'n te laatu! Na'c gudzurétu lojtu, na'cza sudxitu lo nejz. Colchäj lo redajn palga rlajztu guibajntu.

Per Lot rajp lojreni:

—Na'c, rextadä! Colnalajz narä! Guejbtu agucnäduxhtu narä, abalazlajztu xcälnabañä. Di gacdi chonnu nez nen redajnga, endi ro'c yu' xhi guisajcnu, luxh chela guidonnu alga jie'tnu nejzga. Arec te guedxbäze!. Gajxh naga'ni, ro'c sajc cholääznu, ro'c sajc laanu. Colgusaan jionnu ro'c.

Dxejti rajp tejreni lojni:

—Mbj, hueenca. Gunä nani rniablu. Dina gusnitloä guejdxga nani najlu. Colgusquejn, colchäj ro'c, sa'csi xhet gacdi gunä palga ditu guidzungajc ro'c!

Cheni abianij lo guedxliuj, luxh abidzujnza Lot guejdx ni laa Zoar, dxejc bejn Dios biajb guiboo näj azufre guedeb guedx Sodoma näj guedx Gomorra. Basnitloj Dios reguejdxga näj guiraa rebejn ni rbäjz ro'c. Basnitlojzani guiraa recuaan nani rga' guideb relajtzga. Chääl Lot, ni siädnajl Lot, gubiréni, bahuiini nez dejtzni, dxejc ro'cti huijia'nni, sa'csi gujcní si'c te bensejd, diruni niniib.

Che bara yää'l, rsilru, huij Abraham cadro guninäjni Dios. Bahuiini nez reguedx Sodoma näj Gomorra, näj guideb nejz lajtzga. Bahuiini guidebgajc nejzga caya'p te guxhduxh, azcanu te balroduxh cayejc. Si'c bejn Dios che bejnni xhigab gusnitloj reguejdx ni tre' rolajtz cadro guläjz Lot, te banaj lajzni Abraham, guläxgaani Lot nen guejdx nani basnitlojni.

Te yälrdijl gusloj roliz Abraham xcuent rexingaanni

(Génesis 20:1; 21:1-4, 8-21)

Che gulujx gunitloj reguedx Sodoma näj Gomorra, birii Abraham cadro yu'ni te saläjzni te guejdx ni laa Gerar. Ro'c goj xi'nni, dxejc gulälajnini Isaac. Che basa'nni xhujn gubijdx, basälni bee tiejxhni si'c gunibee Dios gunni.

Gudejdti redxej, siädroobti Isaac. Che yu'ni si'cti tio'p ijjz, bejn Abraham con guiraa xmosni te laniro xcient xi'nni. Niluxh

Sara bahuii lo Ismael, ni najc xi'n Agar, caguxhiznäjni Isaac, cagusacsínini. Dxejc bidxe'ch Sara, huiye'tzni loj Abraham:

—¡Barilaagw Agar näj Ismael! Di Ismael xca' nicla tla' xhixtenlu; ni najc xi'nnu Isaac ni'c jiannäj guiraa xhixtenlu.

Ni'cni gucnaduxh lajz Abraham, sa'csi di rlajzni gurilaagwni Ismael. Dxejc räjp Dios lojni:

—Bejn guiraa nani rniab Sara gunlu, sa'csi su' xhidajl xajglu, xagdoolu xcient Isaac. Sigajcza sunä guidajl rexamil Ismael sa'csi najczani xi'nlu.

Che barayääl, rsildoru, huistie Abraham badeedni lo Agar yätxtiil näj te guijd guidxadoo nis, dxejc basadiidxnini. Agar sanä xi'nni, cuansajreni nejz cadro rut rbäjzdi, luxh nicla gacbeeni caro chääni. Cheni gubijdz nis ni yu' nen guijdga, basa'nni biuuxga xhajn te yajg sa'csi cayacnanladuxh. Säätini, huicueni zift, di rlajzni fiini guet biuuxga xcient yälriojl nis. Gusloj cayoon biuuxga. Dxejc biejn diajg Dios cayoon biuuxga, xhaguibaali gurejdx angl xten Dios Agar, räjpni:

—Agar, na'c guidxejblu, sa'csi abiejn diajg Dios cayoon biuxe' ro'c cadro naga'ni. Cuanäj xi'nlu, sa'csi Dios sujn chu xi'nni; siliaapacni, sibäxtiejni te guejdxro.

Dxejcti bejn Dios bahuii Agar lo te bisie cadro calejn nis, ro'c huichajni guijdga nis te badeednini gu' Ismael. Dxejcti guläjzreni gajxh ro' bisie cadro calejn nisga. Gucnaduxh Dios biuuxga, gunisni, guläjzni nez reyubijdz. Niluxh bisieedni rucuasa'cni con arcw. Xnanni basguchnaani te gunaa ni siääd Egipto. Dxejc bidalduxh xagdoo Ismael.

Dios bateed Abraham te prueeb

(Génesis 22:1-18)

Gudejd xchej, dxejc Dios bateed Abraham te prueeb te don la rinälajzpacni Dios. Räjpni lojni:

—Abraham, cua' ni najc tejtis xi'nlu, Isaac, nani sanälajzlu. Huijti nez lo yuj ni laa Moriah, nez Canaán. Che guidzujnlu ro'c, guniidxlu xi'nlu si'c te gojn, guse'cluni yejc te dajn cadro guiniä.

Che barayääl, rsildoru huistie Abraham. Bacuaani lajd dejtz xmanni, batinni yajg te gudeedni gojn lo Dios, säätini nejz yuj cadro gunibee Dios chääni. Sanätzani xi'nni Isaac näj tio'p rexmosni. Gusajreni chon dxej. Che gojl zijtru bahuiini asiäddzujnreni lo yujga, räjpni loj reni racnäjni:

Rusule' Daniel xhi säloj reletr ni caj cuä' padeer

(Daniel 5)

Gudejdti balti ijj, dxejcti te rexajg Nabucodonosor, ni laa Belsasar, gojl najcni reii.

Te dxej bejn Belsasar te laniro, biääd te mil nani runnäjni dzuun, dxejc cayä' guiraareni silro bin. Luxh cagustont binga yejcni, ni'c gunibeeni jiädnäreni rebas ni najc ganaxduj oor näj pla't ni biädnä xtadni Nabucodonosor che guläänireni neñ guidoo guedx Jerusalén. Biädnäreni rebasga, gu'rureni sijru bin neñni. Dxejc gusloj calä'preni xpala'n rebanäjb ni nacchee oor, näj pla't, näj bronz näj guuib, näj yajg, näjza guij.

Lal ni cayajc lanijga, biricaj naa te niguii, gusloj cagucuaani cuä' padeer xten palasga. Guiraareni bidxejb, niluxh gusloj reiiga cabedxa'ti te jiäädga remagw reni rajc rujn divin. Cheni bidzujnreni, di niajcdi niniireni xhi säloj nani bacuaa bicuenaaga. Dxejcti baxhal reiiga chu huitejdx Daniel.

Cheni bidzujn Daniel, bilni rediidx ni caj cuä' padeer, dxejc räjpni loj reii:

—Guejblu, sa'csi najc guejblu xajg reii Nabucodonosor, nanchee guejblu xho bennäj Dios nani yu' xhaguibaani, xho bastujynini cheni bachalo lastooni najcni te bejnro. Niluxh mase guzajc guiraa redee, luxh nansa'c guejbluni, di guejblu gac nadolajz nen lastoolu, alga agudxaj yälbenro lastoo guejblu, te gulälajz guejblu Dad ni yu' xhaguiba. Lo lanij ni cayajc naguxhijñ, gunibee guejblu biädnäreni rebas xten guidoo xten Dios, te neñreni gunäj guejblu renani runnäj guejblu dzuun näj reni rinälajz guejblu. Luxh et ni'ctis, alga guejblu näj rexpiooz guejblu gusloj cagajntu rebanäjb ni nacchee pla't, näj oor, näj bronz, näj guuib, näj yajg, näjza guij, luxh rebanäjbga direni fii, dizareni guinii, dizareni gacbee, niluxh di rlajz guejblu gan guejblu Dios ni najc guliipac. Ni'cni dee najc rediidx nani caj cuä' padeer: “Dios abahuiloj xho najc guejblu näjza xcälrnibeelu, ni'cni naguxhijñpac suteedni la'tu ladznaa remedos näj repersas.”

Lagajc guxhinga biääd Darío, ni najc reii loj reben Media, näj rexsoldaadni, bagu'tni Belsasar te cua'ni xcälrnibeeni.

Dios rusłaa Daniel loj releon

(Daniel 6:1-27; 9:2-17)

Gula' Darío yälrnibeega, bejnnini te gayuubigajl guejdx. Nen cade tej reguejdxga basoobni te gubernadoor, näj yejc reni'c

nicla tela' troncga, niclaza xlobaani, sa'csi yälgujidxre su' gajdz ijztis; xcäriejnni sichaa, sajcni si'c xcäriejn te guidxaa, te gacbee rebejn yu' te Dios xhaguibaa nani rajp yälrnibee loj rereii, luxh rnibeezani loj guira'ti."

'Dee najc nani bahuiä, nani biejn diajgä lo xpacalä. Luj, Beltsasar, guiniilu xhini'c sälojni. Luj sajc gunluni sa'csi Sprit Dxan xten Dios yunäju.

Gurej Daniel, cayunduxhni xhigab; si'cti teb or biandxitisni. Cadxejbni xcuent ni säloj yälrnixcalga. Por lult räjpni loj reiiga:

—Yajg nani bahuii guejblu loj bacal najc guejblu, Xreiä. Dios gun gunit guejblu xcäriejnlu, gajdz ijj sajc yejclu. Sajw guejblu gääb lo niaa si'c te gon, luxh sisiunäj guejblu reguidxaa lo niaa. Lom dejtz guejblu sajdxni loj regojp nani jiajb xhaguibaa che tedli gajdz ijj, näj che gacbeeli guejblu Dios ni yu' xhaguibaa rnibeepacni loj guiraa rereii. Che agudejd gajdz ijj, sibisac xcäriejn guejblu, stehuält sajc guejblu sigajctis ni najc guejblu, te guinibesaclu. Ni säloj na'c tiuug troncre näj rexlobaa yajgga najc dee: che agudejd reijzga, sinibesac guejblu. Ni'cni, Xreiä, bacuadiajg xcälrulidxä, na'c chanuu gun guejblu dojl; na'cru gun guejblu latsiaj, gucnäj renani yu' xhi rquiinreni, te caxäjsi si'c chanuu sarú guibajn guejblu, te chu yälrbedxilajz, te guidajlza rexhixten guejblu.

Che gudejd tebijz, sasaj Nabucodonosor, cansajni neñ cordoor xten xpelasni neñ guedx Babilonia, cayujnni xhigab: "Narä rapä yälrnibeduxh, naräpac benä lacti siädroob Babilonia, luxh sa'csi nacä te bejn ni sacduxh, guiraa rebejn rliä'p xpala'nä."

Nicla gajdni guluux cayujnni xhigabga, chela biejn te xse' xten te ni gunii xhanguibaali räjpni:

—Bacuadiajg, reii Nabucodonosor, diidx ni caniä lojlu.

Nadxejli diru yälrnibeere gac xtenlu.

Lagajc orga, gubixloj reiiga gusloj cayajc yejcni, luxh guläcajrenini loj rebejn; rajwni cuaan si'c regon, niluxh rajdxni loj regop ni riajb xhaguibaa. Rexquidxecni biga' si'c deeb xten bisij; rebixhugnaani biga'za si'c rebixhugni' reman xhaguibaa.

Che gudejd gajdz ijj, badedsac Dios xcäriejn reii Nabucodonosor, dxejcti räjp reiiga:

—Rudedä xquixtios, rliä'päza xpala'n Reii ni yu' guibaa, nani rujn yälgujhtis loj guiraanu, nani rajpza yälrnibee loj guira'ti, luxh rusabyejcni renani rchalo najcreni beñro.

—Ree coljiannäj reman. Chanää xi'nä chonnu chodeednu gojn lo Dios, dxejcti guibi'nu.

Gudob Abraham reyajg te guze'cni gojn, batzuubnini lo xhajcw Isaac. Cua'zani guchiil näj guij ni rbää bixhijl. Sä'tireni, guiro'ptsreni. Agusajreni tla' cheni räjp Isaac loj xtradni:

—Paé, ria'pnu yajg näj bixhijl te gunni bajl, naj ¿con xiil ni gac gojn, ä?

—Diosti najn caro chaca'ni te xiil ni gac gojn —räjp xtradni.

Cheni bidzujnreni yejc dajnga, bejn Abraham te piäään, guleccheeni yajg, guslogajcni caguliibni xi'nni Isaac, gudixhnini lo piäään yejc reyajg. Che cua'ni guchiil te ju'tni xi'nni, te angl xten Dios guredxa'ni lojni xhanguibaali, räjpni:

—Na'c ju'tlu biuuxga. Naj agucbeä luj riupaclu, ruzoobpaclu xtidx Dios. Luxh dilu nudxoijn ni najc tejtis xi'nlu che gunab Diosni lojlu.



Dxejcti badzure Abraham lojni, bahuiini loj te xiil, naxhid xca'chni neñ te yajg. Dxejc huinaaz Abraham xiilga te badeednini lo Dios si'c te gojn, base'cnini lacuua xi'nni. Räjp Dios loj Abraham:

—Sunleduxhälu xcuent ni bejnlu, sa'csi dilu nudxoijn xinxteblu. Gunä gac rexajglu, rexagdoolu xhidaldukh si'cni najc rebajle' ni yu' xhaguibaa näj si'c reyuxhdäj ni tre' ro' nisdoo. Luxh guiraa reguejdx ni tre' lo guedxliuj sacle'reni sa'csi bazooblu xtidxä, bejnlu si'ctis ni guniä gunlu.

Caguiilreni chu gac chää'l Isaac

(Génesis 23:1-2, 17-19; 24; 25:5, 7-10)

Cheni guyu' Sara tegayuu galbigajdz ijz, gujtni. Dxejc Abraham gunab guto' rexpisinni tla' yuj neñ guejdx Siquem te guncheeni te baa te gucua'tzni chää'lni nani gujt. Bato'reni tla' yujga lo Abraham, te ro'c bacua'tzni chää'lni.

Dxejc anajc Abraham te bengolduxh, luxh Dios abenle'ni lo guiraliiti. Te dxej gurejdx Abraham nani najc maazru bengool loj rexmosni, nani rnibee guiraa xhixten Abraham, räjpni:

—Bia'n diidx nejz lo Dios ni benchee guibaa näj guedxliuj, na'c gusaanlu guchñaa xi'nä Isaac te gunaa Canaanre. Chääpaclu ladxa, ro'c lo rexprimä cuelu te gunaa ni gac chää'lni.

Dxejcti räjp xmosni:

—Palga di gunaaga xcäjb jiädnääni, ¿xhi gunä dxejc? ¿La sianää xi'nlu lajdxlu?

Dxejc räjp Abraham lojni:

—¡Na'c! ¡Na'c chanäjlu xi'nä ro'c! Dios gulää narä ro'c te guniidxnri yujre loä, näj loj rexagä, ni'cni nanab jia'n xi'nä ree. Suxhal Dios te xanglni chanidni lojlu te ro'c guidxällu te ni gac chää'l xi'nä. Palga di rlajz gunaaga jiädnäluni, xhetru xhi diidxdi rajplu con narä. ¡Per dipacna rlazä chanälu xi'nä ro'c!

Dxejcti bia'n mosga diidx sujnpacni si'ctis ni gunab Abraham gunni. Guletini xhi chanäni, ganax recossa'c loj guiraa ni rajp xlamni. Gulenini si'c te yälgudedxlia!. Cua'ni tzuu cameii te chanänireni lo guejdx Harán ni tre' gajxh Mesopotamia. Cheni siäddzungajxh mosga nez ro' guedxroga, agusloj cacäjy. Lagajc orga riäädpac regunaa näj rebiuxgunaa riädcä'reni nis. Bascuäzdxı mosga recameii gajxh nez cuä' te bisie nis. Gusloj cabedx-canabni lo Dios, räjpni:

—Jehová, Dad Dios, xlam Abraham, benlaa te hueen Abraham, banidxlaa te seen ni guiniabä lojlu. Ree cueä cua' bisie, lañni jiädcä' rebiuxgunaa nis. Gunlu te hueen, dxape' nani gäpä lojni: “Bejn te hueen, gulät xtie'lu te xca'a che'n nis yä'ä”, lagajc dxape'ga sinii loä: “Xho di gacdi yä guejblu nis, luxh chaca'äza nis te yä rexcameilu.” Dxape' ni guzejc diidx si'c loä, laani najc ni agulépaclu gac chää'l Isaac. Si'c gacbeä abenle'lu xlamä.

Nicla gajd guluux cabedx-canabni lo Dios, chela bahuiini siääd te biuxgunaa, sacruduxh rujn lojni, sojb xtie'ni ro' xhajcwni. Dxape'ga laa Rebeca, te rexindxa'p Betuel, xi'n Nacor ni najc bejtz

Dxejctiru gurejdx Nabucodonosor jion rexamiigw Daniel, räjpni:

—Sadrac, Mesac, Abed-nego, xmos Gueb Dios ni yu' xhagibaali, colgurii nen ornga, coltaa ree!

Dxejc jionreni birii nez galäii balguibooga. Cheni bidzujnreni nez loj reiiga, guiraa reguxhtis, regubernadoor, recapitan näj reni rulijdx reii gubigreni te bahuiireni lojreni. Lacti bidxelojreni che bahuiireni di bajlga nudxui tiejxhreni nicla xquidxejcreni, nicla xhajbreni, dipaczareni guiliaa gujxh.

Dxejc räjp Nabucodonosor loj rebejn:

—Nagajcli guiliä'pnu xpala'n Dios xten rebi'nre. Laareni rililajzpacreni xtidx Diostis che najreni loä: “Dinu guizuxhijb nez loj nicha tej banäjb, sa'csi rililajztisnu nani najc Diospac ni nabajn, niluxh anajnnu ruti chu stee Dios.” Guliini, Xtiosreni bahuiipacni laareni, baxhalni te angl ni baslaareni lo balguiboo. Naj narä, ni nacä reii xten guedxliujre, rnibeä chutis bejn nani di guiliä'p xpala'n Dios xten rebi'nre, xhet najcdi caro siäädni o xhi didxsaj rniini, sirugya' tiejxhni, sibecbä'nza rolizzni, sa'csi nicla tej banäjb sajc gun nani bejn Xtios xten rebi'nre.

Dxejctiru badeed reiiga te dzuun loj Sadrac, Mesac, näj Abednego te rajprureni yälrnibee loj regubier xten Babilonia.

Rusule' Daniel stee yälrnixcal xten

Nabucodonosor

(Daniel 4:4-19, 24-37)

Te guxhijn, gunixcal Nabucodonosor stehuält. Baxhalni chu huitejdx guiraa renani najn lo guedx Babilonia te gusule'reni nani gunixcalni. Cheni abire'reni, bazule'ni xhini'c gunixcalni, luxh nicla tejreni di niajcdi niajpi xhi sälöjni. Dxejc gurejdxni Daniel, bazule'ni lojni ni gunixcalni, räjpni:

—Gunixcalä ruhuiä lo te yajg ni najc jiaduxh galäii loj guedxliuj. Yajgre sanuutis rsiutijpni, caroobruni, cayajcni jiaaru, rrdzujnni xhaguibaali te guiraa reben guedxliuj rajc ruhuii lojni. Rexpalajgni naya'reni, nagaazareni, luxh caduxh ninejxh lojni; rudeddi xhi gauu guiraa rebejn. Loj xpalaani rigaa regon näj rexii, näj loj reramga runchee reman xhaguibaax xpitääzreni. Bahuiäza loj te angl siädyäjt xhaguibaali, cabedxanai dipduxh: “Colgutin yajgga, colgutiuug rexramni, colgutie'chza xninejxhni; sujiunejz guiraa reguidxaa nani naga' xpalaanni näj reman xhaguiba'e nani rbäjz loj rexramni. Na'c gutiuugtu

ga_nni, lagajc orga susälreni la'tu ne_n te orn nani cayejc, niluxh ruti te dios nani sajc guslaatu.

Dxejc jionreni bazejcreni diidx, räjpreni:

—Nuurnu dinu jiu xhi guisajcnu sa'csi palga gusälreni nuurnu ne_n orn nani cayejc, Xtiosnu sajc guslaani nuurnu. Luxh mase dini guslaa nuurnu, dinu ga_n rextiostu, dizanu guzuxhijb te ga_nnu banäjb oorga nani benchee guejblu.

Che biejn diajg Nabucodonosor diidxre, bidxechduxhni, dxejc gunibeeni chec orn gajdz huält maaazu nanlaa loj nani cayejcni. Gunibeezani jiääd reniguii nani maaazu nadip loj resoldaad xtensi te gulibreni jion reniguiire te gusälreni rebi'nga lo guiboo.

Sa'csi nanladuxh ornga, cheni bacuua resoldaad rexamiigw Daniel loj balduxhga, rebajlg a birii ro' ornga, bagu'tni resoldaad.

Sobga' Nabucodonosor cahuiini guiraani. Dxejc huisuyälgajcni, cadxebduxhni, räjpni loj rexcuxhtisni:

—¿La et chontis niguii basälnu ne_n ornga ni cayejc, ä? Niluxh naj ruhuiä lo tajp niguii nani xhet naliibdireni, xhet cadxejbireni cansajreni galäii rebajlg a, niluxh nani rdajpg a rujn lojni si'c te Dios.



Abraham. Lacti laguij najc Rebeca, luxh dxapstebni. Bidzujnni ro' bisie, bachajni xtie'n i, säsacni nez rolizn che ruxun xmos Abraham huichaagni, räjpni lojni:

—La dilu gun te hueen, guniidxlu ro' xtie'lu yä'ä che'n nis.

—Yä guejblu nis, dad —räjp dxape'ga.

Dxejc gulätgajcni xtie'n i badeedni nis gu' dade'ga. Cheni gulujx gu'n i nis, dxejc räjp dxape'ga lojni:

—Chalä'p'ä nis te yä rexcameilu.

Nasejs guda'n i nis cadro rä' reguidxaa nis. Balti huält gubi'n i ro' bisie te gulä'pni nis yä guiraa recameii. Luxh mosga cahuiitisni, xhet caniidini, sa'csi rlajzni gacbeepacni Diospac baxhal dxape're. Cheni gulujx gu' recameii nis, dxejc cu'a' niguiiga te niil oor bahualnini ro' xi' gunaaga si'c najc xcostumbrreni, badeedzani tio'p pulseer oor ni chu naani, räjpni lo dxape'ga:

—Gunilaa chu xi'n najclu, näj don top yu' te lajt roliz xtradlu cadro gac gutedä guxhijn.

Laani räjpni:

—Narä nacä xindxa'p Betuel ni najc xi'n Nacor. Nez rolizn yu' lajt te ted guejblu guxhijn, yu'za xhi gau recameii.

Dxejcti mosga guzuxhijb nez loj Dios, räjpni:

—¡Xquixtios runidxä lo Dios xten xlamä Abraham, agucnäduxhluni, luxh abaluiizalu narä nezyuj ni rij roliz resa'n i!

Ruxunli gunaaga, gubi'n i roliz xannni, huiyeyni diidx xcent guiragajc nani gusajcni. Yu' te bisiajnni ni laa Labán nani ruxhunli, huijni nez ro' bisiega. Huitiilni niguiiga, sa'csi abahuini lo niil näj lo pulseer ni ca' bisiajnni. Biejnza diajgni diidx ni ruju bisiajnni xcent nani räjp niguiiga lojni. Bidzujn Labán nez ro' bisiega, räjpni lo niguiiga:

—Xquixtioste Dios biääd guejblu. Gudaa rolizä. ¿Xhicuent ria'n guejblu nez detzree? Abasucheä te lajt rolizä cadro gueslu, näjza te lajt cadro jiäuu rexcameilu.

Dxejcti huij mosga roliz Betuel. Labán guläjt cargw dejtz recameii, badeedzani xhi gauren. Biädnäzani nis te budiib ni' mosga näj ni' rebejn ni siädnäni.

Cheni bida' xhi gauren, dade' ni najc xmos Abraham räjp:

—Dina gauä palga dina guinixgaä xhini'c siälä.

—Guinii guejblu —räjp Labán.

Dxejc räjpni:

—Narä nacä xmos Abraham. Abenleduxh Dios xlamä luxh abastalduxhni xhixtanni. Abadeedni xiil, gon, pla't, näj oor,

mosniguii, näj mosgunaa; cameii näj bur. Luxh Sara, ni najc chäälni, guyu' te xi'nni cheni anajcni bengool. Naj xi'nni abiannäj, guiraa ni rajpni. Laani bejnni bia'nä diidx con laani, najni loä: "Na'c gusaanlu guchnaa xi'nä te gunaa ni najc ben Canaán. Chääpaclu lo resa' xtadä, te ro'c lo resa'ä quiillu tej ni gac chää'l xi'nä."

'Ni'cni nadxej bidzuñä nez ro' bisie, ro'c cabedx-canabä lo Dios: "Jehová Xtiooz Abraham, palga guliilu huenga siälä biajre, guiniabä lojlu naj ni suga'a cuä' bisiere, gunlu scree: dxa'p nani jiädca' nis nani gäpä lojni: Bejn hueen, basa'n yä'ä che'n nis ro' xtiejlu, niluxh naani: Yä guejblu, näjza chata'ä nis te yä rexcameiliu, dxa'pga gac nani agulelu gac chää'l xi'n xlamä."

'Lal ni cabedx-canabä lo Dios, bahuiä siääd Rebeca sojb te re' ro' xhajcwni. Che biäjtni ro' bisie saca'n ni, räpä lojni: "Bejn hueen, baniidx che'n nis yä'ä." Dxejc laani gulätgajeni re', najni: "Yä guejblu. Sudedäza nis yä rexcameiliu." Laani baniidxni nis, badeedzani xhi gu' rexcameiä. Biobgajc gunabdidxä: "¿Chu xi'n najc guejblu?" Dxejc laani najni: "Narä nacä xindxa'p Betuel, xtadgolä laa Nacor." Dxejcti basälä niilga xi'n, badeedäza tio'p pulseer. Dxejc guzuxhibgacä badeedä xquistios guläpä xpala'n Jehová, Xtios xlamä Abraham, sa'csi baluiipacni loä nezyuj, te gac cueä xajg betz xlamä gacni chää'l Isaac. Naj, guinii guejblu palga gactu hueen con xlamä. Palga xheti, colniizani loä, te gacbeä xhoni gunä.

Dxejcti räjp Labán näj Betuel:

—Guiraa dee cayujn Gueb Dios, digacdi gusdxojnnu, guiniinu di gacdini. Bahuii gaan, aree Rebeca. Sajc chanä guejbluni te gacni chää'l xi'n xlamä guejblu, si'cpac ni agunibee Dios gacni.

Cheni biejn diajg xmos Abraham rediidxre, gulä'pni xpala'n Dios. Biobgajc gulääni rexhicos pla't, oor, näjza ladsa'c te badeedni lo Rebeca. Näjza lo bisiajnni, näj lo xnanni bejnni te yärlusalajz. Dxejcti laani näj rexcompanieerni gudajwreni, gu'reni, ro'c bateedzareni yääl.

Che baraa yääl, cheni huistiereni, räjp mosga:

—Colgusaan guibi'ä roliz xlamä.

Niluxh bisiajn näj xnan Rebeca räjpreni:

—Basaan sujianäj dxape're nuure stzuu dxej, dxejcti sajc chanä guejbluni.

Dxejc räjp mosga:

—Na'c gunlaatu narä. Dios abejn laaca biricaj xpiäjä; naj colgusaan guibi'ä roliz xlamä.

ni'c ruluiloj nani gac reii dxejc sajpni che'n yälnadip näj che'n yälnayedx. Guij nani basujy ni rluuloj si'c niguii sälöj suxhal Dios te bejn nani guinibee par tapas. Dxejeti sinitloj guiraa reyälnibee nani yu' loj guedxliujre. Dee najc nani sälöj nani gunixcal guejblu, reii Nabucodonosor.

Bidxeloduxh reiiga, li guzuxhijbni nez loj Daniel, räjpni:

—Guliipaclu Xtioslu najc Dios xten guiraa redios, najczani Reii xten guiraa Rereii.

Gunibee reiiga gac Daniel gubernadoor loj guiraa reguejdx ni tre' nez Babilonia. Banaj lajz Daniel rexamiigwni ni siääd Israel, ni'c gunabni loj reii gacnäjrenini te xcacuentreni guiraa xhixten reguejdx ni tre' nez Babilonia.

Xcient chon niguii nani di bajl nudxuii

(Daniel 3)

Baxhal Reii Nabucodonosor chu benchee te banäjb ni rluiloj si'c niguii; ganadxuoj oor bencheerenini. Najcni galbidzuu metr ni jiaani, chon metr ni gulajgni. Dxejc basujrenini lo te lajtz. Cheni agulujxni, baxhal reii chu huitejdx renani rulijdxni näj renani rnibee gubier, näj recapitan xten resoldaad, näj regubernadoor xten reguejdx näj reguxhtis xten guiraa reguejdx nani tre' cadro rnibeeni, te jiäädreni lanij xten benäjb ni rluiloj si'c niguii nani bencheereni.

Cheni abidxagsa' guiraareni nez cadro basoobreni banäjb nani benchee reii, dipduxh gunii xmosni:

—Guiraatu colgucuadiajg. Cheni jiejn diajgtu xse' trompe't ca'ch näj guiraa reinstrument, colguzuxhijb te gañtu banäjbre. Chutis te bejn nani di guzuxhijb te gañnini, susälnurenienen te orn nani cayejc.

Ro'c suga' jion rexamigw Daniel: Sadrac, Mesac näj Abednego. Cheni biejn diajgreni xse' reinstrument, guiragajc rebejn, xhet najcdi caro siäädreni, bazuxhijbreni te gañreni banäjb nani nacchee oor, nani gunibee reii gucchee. Niluxh jion rexamiigw Daniel, direni nuzuxhijb, dizareni nigañ xpanäjb reii. Gaii niguii huiye'tzreni loj reii xcient reben Israel ni di nusoob diidx nani gunibeeni, dxejctiru bidxe'ch Nabucodonosor, baxhalni chu huixii Sadrac, Mesac näj Abed-nego. Cheni bidzujnreni, räjpni lojreni:

—¿La guliini ditu nigañ xtiosä, dizatu nigajñ banäb oor nani gunibeä gucchee, ä? Sunidxä stee chans. ¿La rlajztu guzuxhijbtu, te gañtu banäjb che jiejn diajgtu xse' trompe't ca'ch, ä? Palga ditu

Dxejc huij Daniel rolijzni te guini diidx loj resa'ni nani gusajcni nezloj reii, räjpzani badeed reii tej guxhij_n te gac gusule'ni yälrnixcalga. Dxejc Daniel näj resa'ni gunabreni loj Dios ga'pni yälrulaslajz laareni, guluiloj ni yälrnixcalga. Guxhij_nga, baluiloj Dios loj Daniel nani gunixcal reii, ni'c badeed Daniel xquixhtios loj Dios.

Che bara yääl, huij Daniel loj Arioc te räjpni:

—Na'c gugu'tlu rebejn najn. Huinä narä nez loj reii te narä gapä xhi sälöj xpacałni.

Dxejc huinägajc Arioc Daniel nez loj reii. Cheni biu' Daniel, gunabdiidx reii lojni:

—¿La rchalolu sajc guiniilu xhini'c gunixcalä nägajc xhi sälöjni, ä?

Dxejc räjp Daniel lojni:

—Nicla te niguii mase maazru najnni, sajc guiniini sa' cosga: nicla narä di gacdi gunäni. Niluxh yu' te Dios xhaguibaa nani ruluiloj xhitis cos xhiga'tz, luxh laani aguniini loj xpacal guejblu nani churu gac, asta cheni nitlojli guedxliuj. Dee najc ni bahuui guejblu lo yälrnixcal: bahuui guejblu suj te ni rluiloj si'c te niguii, luxh suga'ni nez loj guejblu. Bitiuyejcni najc ganaxduj oor, lastooni näj rexajcwni najc pla't, xque'ni näj recujdni najc coobr, reguenni'ni najc guiib, te tla' reni'ni najc guiib stee la' ni'ni najc ganax bajn. Loj yälrnixcal xten guejblu bahuiza guejblu biricaj te guij ni gurobduxh cuä' dajn, ni'c balaro nani rluiloj si'c niguii, luxh basujynini, luxh si'c guixhbiuy sanä bejni. Luxh guijga birobd湘西n, bachajlini guideb guedxliuj. Dee najc yälrnixcalga, naj guiniä xhini'c sälöjni.

'Aii Reii, abejn guejblu gaan loj xhidajl reii, näjza lajdxreni sa'csi Dios ni yu' xhaguibaa baniidx yälnadip näj yälnajn loj guejblu. Dee sälöj bacalga: nani rluiloj si'c niguii, bitiuyejcni najc guejblu, sa'csi agajc rnibee guejblu loj rebejn guideb guedxliuj. Cheni ted xcälrnibeelu näj xcälrnibee rexajglu, siääd stee nani guinibee, luxh laani sajpni guxiiru yälrnibee näj guxiiru yälnajn loj nani rajp guejblu. Nani rluiloj dee najc lastoo näj rexhajcw xten nani rluiloj si'c niguii. Dxejtz dee siääd stee bejn nani gunibeeza guideb guedxliuj. Nani rluiloj dee najc xque' näj cujd xten nani rluiloj si'c niguii. Ni rdajp bejn sinibeeza guideb guedxliuj. Nani rluiloj dee najc ni' xten nani rluiloj si'c niguii, luxh guiibga sälöj xcälnadipni. Che gunixcal guejblu, bahuui guejblu repatni' xten ni rluiloj si'c niguii najcreni guiib näj bajn;

Dxejc bazejcreni diidx, räjpreni:

—Cueedxnu dxape', don xhi naani.

Dxejc gurejdxreni Rebeca, räjpreni lojni:

—¿La sijlu, chanä dade're luj lagajc naj?

Dxejc räjp dxape':

—Sajc cha'a.

Dxejc basaanreni sij Rebeca näj te name' nani rcanaj Rebeca.

Dxejc benle'reni Rebeca räjpreni diidxre:

—¡Bisanbide'nu, o! ¡Suchu xhidajl xi'nlu! ¡Sugun rexajglu, rexagdoolu gaan lo guiraa reni rche'ch lojreni!

Dxejctiru Rebeca näj rexcriäädni gubijbreni recameii, sanätireni dade' ni najc xmos Abraham.

Te dxej birii Isaac te yälrsiaj cheni acacäjy lo guedxliuj, che gojl bahuiini siääd gaii cameii. Cheni bahuui Rebeca lo Isaac, biäjtni dejtz cameii. Dxejc mosga bijy diidx lo Isaac guiraa nani guzajcni. Dxejc huinä Isaac Rebeca lo yuguid xten xnanni, bachñaanini. Isaac huinälazduxh Rebeca, luxh si'c guläjz yälrunhuinlajzni xcient xcälgujt xnanni.

Gujt Abraham cheni yu'ni tegayuu gayonbitzubigaii ijjz. Rexi'nni Isaac con Ismael bacua'tzrenini cuä' tochäälni Sara. Isaac biannäj guiraa xhixten toAbraham.

Jacoob näj Esaú

(Génesis 25:11, 19-34; 26:1-5, 12-14, 34-35)

Yu' Isaac tiuu ijjz che bachñaani Rebeca. Guläjzreni nez lo yuj xten reguedx Canaán. Benleduxh Diosreni. Di niajedi niu' xi'n Rebeca, ni'cni gunab Isaac lo Dios xcient laani. Biejn diajg Dios xcälrnibeelu, dxejc nuu Rebeca bätz. Laani dini niacbee nuuni cua'ch. Che gusloj rdijl rebäzga neñni, gunabdiidxni lo Dios xhicient cayajcni si'c. Dxejc räjp Dios lojni: "Cua'ch chu xi'nlu." Räpgajcni: "Rexajg nani gaal ganid sajcreni xmos nani gaal lult." Räjpza Dios: "Guiro'preni sajcreni familroduxh, sajczareni tio'p guedxroduxh."

Bidzujnti dxej ni gaal rexpäz Rebeca, guyu' xi'nni cua'ch si'ctis ni naj Dios. Nani gojl ganiddoo najc xquidxejcni naxniaa näj yu' guijch guideb tiejxhni. Gulälajrenini Esaú. Dejtz Esaú golgajc bejtzni, naazni xhanxtiuni' Esaú, ni'cni gulälajrenini Jacoob, ni sälöj 'nani rudzucaj xhixtendi'.

Gunisti gurop rebiuuxre. Esaú gujc te niguii ni rchaglajz lo dajn, rugu'tzani remanguijxh. Luxh Jacoob rluii najcni te niguii

nani rbedxilajzni, nani rajp xiil. Sa'csi rajw Isaac remanguijxh nani rugu't Esaú, ni'cni sanälajzrunini. Niluxh Rebeca sanälajzruni Jacoob.

(Najc costumbr nen redxejga, che rejt xtad te bejn, dxejc xingangalooni ria'n xcuentni, rajcni nani rnibeeni resa'ni. Luxh dadre, che gajd galdi guetni, rudeedni xcälracle' Dios lojni. Xingangooolni rca' tio'p cuaa rexhixten xtadni, dxejc rexinganhuiinni rca'reni tejtis cuaa cade tejreni.)

Te dxej cayujn Jacoob xhi gauni, chela gubi' Esaú lo dajn, abadxagliini. Räjpni:

—Baniidx che'n xlentejlu gauä sa'csi calanduxhä.

Dxejc räjp Jacoob lojni:

—Sunidxä xlentejä palga luj gusaanlu guinibeä si'c te xingangaloo.

Dxejc räjp Esaú:

—Xhi sajc gapä yälrnibee xten xingangoool palga cagugu't yärlilian narä? Palga guniidxlü xlentejlu, sunidxä yälrnibee, gaclu si'c xingangaloo.

Dxejctiru Jacoob badeedni xlentejni lo Esaú te gudajwni.

Benleduxh Dios Isaac. Luxh nen redxejga guyu' te yärlliaan, te gubijn guidebgajc nen reguejdx ni tre' nejzga. Dxejcti räjp Dios lo Isaac:

—Na'c chäälu Egipto, bia'n ree te narä sunä te huenduxhlu. Guiraa nani bia'nä diidx lo xtadlu Abraham, guiraani sisiojb, sa'csi laani huililajzni xtidvä, bejnzani si'ctis ni gunibeä gunni. Sidalduxh rexi'nlu, rexajglu, luxh xcuentreni sunle'ä guidebgajc guedxliuj.

Cheni gule'c Isaac binij, gucdukh xcäjlni. Dios benleduxh Isaac, bidalduxh guiralii nani rajpni.

Che yu' Esaú tiuu ijj, bachñaani tio'p gunaa ni siääd Canaán. Dxejc guc-huin lajz Rebeca näj Isaac xcuent rechääl Esaú.

Basguee xi'n Isaac xtadni

(Génesis 27:1–28:2)

Anajc Isaac bengolduxh, diru lojni jien. Te dxej gurejdxni Esaú, räjpni lojni:

—Xi'nä, anacä bengool, luxh sidzujn dxej guetä. Rlazä gunle'älu ansde guetä. Ni'cni rlazä chäälu dajn, chanälu xharcwlu näj rexfle'chlu te chagu'tlu te man, gunluni te guisaad nixduxh si'cni rchaglazä te jiädnäluni gauä.

Sadrac, Mesac näj Abed-nego. Guidajp reb'i'ne badzu'reni reyälrajw ni badeedreni lojreni sa'csi etlaadi sa' yälrajw nani rnibee xtiidx Dios gauu rexpen Israel.

Nicla niujnreni preebni, sa'csi di rlajzreni cuälajzreni xtiidx Dios. Xmos reii nani siädnä xhi gaurenä räjpni lojreni:

—Palga ditu gausa'c, siojb guilastu, niluxh palga fii reii lojtu, lacti lastu, susacsíni narä.

Dxejctiru räjp Daniel näj resa'ni lojni:

—Rniabduxhnu lojlu, gunlaaluni tzuu dxejts, guniidxlü ganaxtis recuaan te guidaunu näj nis te guidunnu. Cheni ted tzuu dxejga, fiilu la cacaj lajznu o la nadaannu.

Cuäjb mosga gunni si'c ni gunabreni, si'c bejnni cazob tzuu dxejga. Cheni gudejd tzuu dxej, Daniel näj rexamiigni maaazru rluisa'creni loj guiraa reb'i'n nani gudajw sigajc rajw reiiga; luxh dipac lajzreni nicaj. Näj sa'csi basobdajgreni xtidx Dios, badeed Dios yälnasinduxh lojreni te racbeereni guiraa rele'tr näj guiraa yälrabee xcuent guedxliujre. Loj Daniel badeedzani yälnajn te gusule'ni nani rnixcal bejn.

Te guxhijn, gunixcal Nabucodonosor luxh bidxebduxhni. Rsilru, baxhalni chu huitejdx reben lajdxni nani najn didwdxab te gusule'reni xhini'c säloj nani gunixcalni. Che bidzujnreni nen yuro, guzujreni nez loj reii, dxejc räjp reii lojreni:

—Yuduxhä yärsia' xcuent nani gunixcalä, ni'cni rlazä gacbeä xhi säloj yälrnixcalga. Palga la'tu guiniitu xhini'c gunixcalä näj xhi säloj yälrnixcalga, sunidxä xhidajl xhixtenä lojtu, siliäpä xpala'ntu. Luxh palga ditu guinii xhi gunixcalä, näj xhi sälojni, suxhalä chu gugu'ttu.

Niluxh rut gujcdi guinii xhi säloj bacal xten reii. Dxejctiru reben didwdxabga räjpreni lojni:

—Aii, reii, gunii xhini'c gunixcal guejblu, sa'csi si'ctis sajc guiniinu xhi sälojni. Sa'csi ruti nicla tej bejn guedxliujre ni sajc gusule' xhi säloj nani gunixcal guejblu palga dini gan xho najc yälrnixcalga.

Sa'csi di niajcdi niäjpreni xhi gunixcal reii, bidxe'chni gunibeeni gugu'treni guiraa reniguii nani najc benjn nen guedx Babilonia. Niluxh capitän ni rajp ro'c, nani laa Arioc, gudiilni Daniel näj rexcompanierni te guetnäjreni guiraareni. Cheni gucbee Daniel xhini'c cayajc, huijni nezloj reii te gunabni gudeedni ste guxhijn te gac gäbni xhini'c gunixcalni näj xhi säloj yälrnixcalga. Cuäjbti reii gacni si'c.

direni guzoob xtiidxlu, sanuutis rujnreni dojl, laareni sejtreni xcient rextojlreni, per xhet dojldi rajplu xcient xcälgujtreni.

Baxhal Dios Ezequiel te gäbni loj rebejn rediidxre: "Sa'csi narä nabanjä, di rlazä guet rebendojl, alga rlazä gusa'nreni yälrundojl te gac guibajnpacreni. Ni'cni guiraa la'tu ni najctu rexagdoo Israel, palga di rlajztu guettu, colcuääz rujntu dojl."

Stee huält räjp Dios loj Ezequiel:

—Cheni guläjz rexpen Israel lajdxreni, baxhinreni lajdxreni sa'csi et laadi nabajnreni, direni nusiechlajz. Ni'cni bidxechduxhä lojreni, gulääreni lajdxreni te baxhaläreni chaläjzreni neñ garen-garen reguejdx. Luxh cadrotis bidzujnreni, rusväjyreni xpala'nä sa'csi rebejn ni rbäjz reguejdxga canii: "Redee najc rexpen Dios, niluxh abiunejzreni lajdxreni." Lacti rusyajn rediidxre lastoä, luxh sidzujn dxej ni gunä guibi'reni lajdxreni, te gusyaä lastooreni, te dirurenı chanälajz rebanäjb. Lacti naguijdz lastooreni, ni'cni di rlajzreni guzoobreni xtidxä, luxh suchä lastooreni te guibaali lajzreni guzoobreni xtidxä. Suxhalä Xsprit Dyan te gacnäjni sareni loj xnezyüä, te gunpacreni nani rnibeä gunreni. Sibäjzreni nez loj reyuj nani bia'n diidx xca' toxtadgollooren; guiraareni sidxagsa'reni te gunreni tejsi xhigab, te ga'preni tejsi reii. Guiraa dee gunä sa'csi narä aguleätu niluxh narä nacä Xtiostu, et sa'csi yu' xhi bejntu te gunäni.

'Lacti gunleduxhätu, luxh dirutu guiliaan. Sidajltu, te si'c guiraa rebejn ni rbäjz neñ reguejdx ni tre' guideb gabi la'tu sacbeereni narä rususacä guiraa ni nabijl, luxh stehuält rbe'cä binij cadre xhet rliejndi.

Rnii Daniel xhi säloj ni gunixcal reii Nabucodonosor

(Daniel 1:17; 2)

Cheni bidzujn rexpen Israel guedx Babilonia, räjp reiiga loj te xmosni:

—Gule loj rebi'n ni siääd guedx Israel nani najc maazru nasin, renani rsiusa'c, renani rluisa'c te baluiireni xtidxsajnu näj rexcostumbrnu, te gunreni dzuun ree cadre rbäzä.

Si'c bejn mosga, guleni balti bi'n lo rexpen Israel. Lojreni yu' tajp ni siääd loj xfamil Judá, laareni Daniel, Ananías, Misael näj Asanías. Redee gusloj casieedreni didxsaj xten reben Babilonia näj rexcostumbrreni. Gunibee reiiga chon ijjz guseedreni rebi'nga, luxh gudeedzareni xhi gaureni si'ctis ni rajw reii. Xmos reii ni cahuii guidajp rebi'nre, bachaani lajreni, basoobni laj babilonios lojreni: Daniel gulälajni Beltsasar, dxejc loj schonga gulälajreni:

Luxh cayejn diajg Rebeca nani cayäjp Isaac loj Esaú, ni'cni gurejdxni Jacoop, räjpni lojni:

—Bejn nani guiniä lojlu te gac guniidx xtaglu yälracle' xtenni lojlu. Huixhii tio'p dxib ni guro'pac, gudanäreni ree te guncheä te guisaad ni najc nixduxh sa' ni rchaglajz xtaglu, te luj chanäluni lojni. Si'c guniidxni yälracle' lojlu, sa'csi dee biejn diagä räjp xtaglu lo bejtzlu.

Niluxh Jacoop räjp loj xnanni:

—Xlia'si gunä si'c, sa'csi betzä yu'duxh guichtiejxhni, niluxh narä xhetini. Palga caan xtagä narä, dxejc sacbeeni et Esaúdi narä.

Dxejc räjp xnanni:

—Na'c guidxejblu, bejn si'ctis ni caniä lojlu. ¡Huixhii gurop redxibe!

Dxejcti huixhii Jacoop redxib, bagu'tniren. Dxejc huinäniren lo xnanni, te bencheeni te guisaad nixduxh, si'cpac ni rdxaglajz Isaac. Gulää xnanni xhabsa'c Esaú te gojt Jacoopni. Dxejc cu'a'i guijd xten dxib, batejbnini naa Jacoop, näjza nez guejnni cadre xheti guijch, badeedzani guisaadga lojni.

Dxejcti Jacoop huinänini cadre sobga' xtagdi. Dxejc räjpni:

—Paa, gudajw te la' man nani bagu'tä.

Dxejc räjp Isaac:

—¿Chutej rexenä najclu, ä?

—Narä nacä Esaú, xingangaloolu —räpsi Jacoop te gusgueeni xtagdi. Abenä nani najlu. Aree xquisaadlu, gudajwni te dxejcti guniidxlu yälracle!

Dxejc Isaac gunabdiidx lojni:

—¿Xho bejnlu biojb bidxäjllu man, ä?

Dxejc räjpni:

—Gucnäj Dios bidxäläni, ni'c biojb biädnääni —räjp Jacoop.

Dxejc räjp Isaac:

—Gubig loä te canälu, te don la gulii najclu xi'nä Esaú.

Dxejc gubig Jacoop loj xtagdi te gudajw xtagdi. Sas räjp Isaac lojni:

—Xse'lü najc xse' Jacoop, niluxh naalu najc naa Esaú.

¿Guliicalu najclu Esaú, xi'nä, ä?

—O'n, narä nacä Esaú —räjp Jacoop.

Huililajz Isaac laa Esaúni, sa'csi yu' guijch guideb naa Jacoop, si'cpac ni yu' naa Esaú. Gudajwti Isaac guisaadga. Che guluux gudajwni, dxejc benle'ni Jacoop, guniini rediidxre:

—Guniidx Dios yälناسا'c lojlu näj loj rexajglu; guniidxni cose'ch ni nasa'cru loj ni rajc lo guideb guedxliujre, näj suchu xhidajl bejn lojtu, te gacnäjreni rexajglu, rexagdoolu. Gacle'za chutis bejn ni gunle'l lu, ni gunle'za rexajglu, rexagdoolu.

Gulujxti benle' Isaac Jacoop. Entis birii Jacoop cadro suga' xtadni, che gubi' Esaú ca'ní man nani bagu'tni, bejntini te guisaad. Ca'ti Esaú xquisaadni, te guisaad nixduxh, biunänjini cado suga' xtadni. Dxejc räjpni:

—Huistie Paa, te gaulu te la' man nani bagu'tä te guniidxlu yälرacle!:

Dxejcti Isaac gunabdiidx:

—¿Chuluj, ä?

—Narä nacä Esaú, xingangalolu —räjpni.

Dxejc bidxeloj Isaac, racsejsli xse'ni, räjpni:

—¿Chuxni'c biädnä guisaad loä nagaje'ga, ä? Narä gudauäni ansde guidzujnlu, luxh abadedä yälرacle' lojni.

Cheni biejn diajg Esaú ni canii xtadni lojni, biinni sa'csi rdxechduxhni. Guredxa'lini, räjpni:

—¡Agujc tio'p huält caca' betzä nani riäjl xca'ä! Ganiddoo badzucajni xcälrnibee te xingangaloo, dxejctiru naj abadzucajni yälرacle' nani nungäjl xca'ä, ni'cni laaca birilajni. Bejn te hueen xtadä, benle'za narä.

Dxejc bijy Isaac diidx xho gusajcni benle'ni bejtzni, räjpzani lojni:

—Xheti stee yälرacle' nani sac gunidxä lojlu.

Dxejc sanuutis räjp Esaú:

—¡Benle'za narä!

Dxejcti räjp Isaac:

—Sidiñäduxhtu bejn, xi'nä, näjza rexajglu, näj rexagdoolu, sa'csi sajctu rexmos bejzlu, näj rexmos rexhajgni, näjza rexagdooni. Tej o tio'p huält sujntu gaan, siliaatu lojreni, niluxh empac laareni sinibesacreni la'tu.

Dxejcli gusloj rdxechduxh Esaú lo Jacoop sa'csi gulajnni xcälracle'ni nani nudeed xtadni lojni. Te dxejti najni:

—Xtadä anajcni bengool. Di gaclaa guetni, dxejcti sugu'täpac betzä.

Che gucbee Rebeca xhi xhigab cayujn Esaú, baxhalni chu gurejdx Jacoop, te räjpni lojni:


—Bahuilaare, bejzlu rlajz ju'tlu. Ni'cni nanab gusquejnlu guiriilu ree. Huij rolijz bisianä Labán. Ro'c huijia'n lał ni ted

Ni'cni räjp Ezequiel loj rexpen Israel ni yu' nen guedx Babilonia, sidzujn dxej che sinitloj Jerusalén sa'csi laareni abasa'nreni Dios te laad, alga rajnreni rebanäjb.

Sigajc gunii guiraa reniguii ni rnili xtidx Dios, sigajcza räjp Ezequiel lojreni: susacsí Dios renani tilnäj rexpen Israel. Räjp Dios si'c gunni te gacbee guideb guedxliuj laatisni najcpacni Dios, ruti stee ni najc Dios.

Stee dxej räjp Dios loj Ezequiel:

—Guluiä lojlu nani nanab gäblu loj rexpejnlu. Gojz lojreni yu' chu gusacsíreni palga direni gusiechlajz, te gusa'nreni rexpanäjbreni näj guiraa rextojlreni, sa'csi narä aräpä loj nani rujn dojl: “Bendojl, sejtpaclu.” Palga luj dilu guzule' diidx xcient xtojlreni, laareni sejtreni xcient rextojlreni, niluxh luj sajpzalu dojl xcient xcälgijtreni. Luxh palga luj guzulexgaalu diidxre lojreni, gäblu gusacsí Diosreni palga chanuu gunreni dojl, luxh



bäz sigajc rebengool. Siällazä xtojlreni, luxh diru lazä guinaj rextøjleni.

Dxejctiru räjp Dios loj Jeremías sujn reben Babilonia gaan guedx Jerusalén, sinázareni gubernadoor pres, sa'csi dini nuzuxhijb lo Dios.

Dxejctiru huij Jeremías, räjpni lo gubernadoor, luxh laani alga gunibeeni jiäu Jeremías nen latzguiib, luxh ro'c gudejdruni trabaw. Basälrenini nen te bisie ni najc jiätro ni suga' nez lo le' xten latzguiibga. Nen bisiega, xheti nis, ganaxtis bajn yu' neñni. Cheni basälreni Jeremías nenga, bidzujn bajnga ro' xhijblini.

Nicla tej rebejn lajdxni di nulaslajzni; alga guyu' te dade' ni siääd Etiopía huijni nez loj gubernadoor te huinabni cuääreni Jeremías nen bisie, te di guetni xcient yärliaan. Ni'cni gunibee gubernadoor guläärenini nen bisie, per jia'nni nen latzguiib.

Agudejd sbalti ijjz chela huäjz gubernadoor xten Judá, gudilnäjni reii Nabucodonosor. Ni'cni reiiga baxhal nani rnibee rexsoldaadni te gudzucajni Sedequías si'c gubernadoor, dxejc huinänini guedx Babilonia. Dxejcti gubi'ni guedx Jerusalén, baze'cni guidoo nani benchee Salomón, batienta'zani padeer nani guyu' guideb gabi guedx Jerusalén. Cua'ni pres xhidajl rebejn Israel, sanätzani retrast nani rquiin nen guidoo. Luxh guiraa rebejn Israel ni najc proob basa'nnireni ro'c te xcanäjreni reyuj cadre suj yaguub näjza cadro suj reyagoliiv.

Yusijc Jeremías nen latzguiib cheni biädsac rebabilonios, luxh nani rnibee resoldaad xten Nabucodonosor baslaanini, direni ninäni pres, alga bia'nni nen guedx Judá, te sanu caguzule'ni rextidx Dios lojreni.

Ezequiel ni rnili xtidx Dios

(Ezequiel 1:1-3; 2:6-7; 7:23-27; 33:7-11; 36:16-36)

Guyu' te bixhojz nen guedx Judá ni laa Ezequiel nani agulexgaa Dios gacni bejn ni gunili xtiidxni. Cheni biääd Nabucodonosor Judá te sanäni pres xhidajl rexpen Israel, näjza Ezequiel sanäni lo guedx Babilonia. Ro'c baluiloj Dios lojni guiraa nani gac, räjpni lojni:

—Na'c guidxejblu palga quidxa' bejn lojlu, guidxe'chreni lojlu, sa'csi nanabpac guzule'lu rediidx ni guiniä lojlu. Xhet najcdi palga rlajzreni gucuadiagreni, o palga di rlajzreni, sa'csi najcreni beñnadduxh.

xcälrdxechlajz bejtzlu, lał ni jiallajzni nani bennäjluni. Dxejc narä suxhalä diidx che asajc guibi'lü.

Dxejcti räpgajc Rebeca lo Isaac:

—Palga Jacoob guchnaa te gunaa ni rbäjz Canaán, si'cni bejn bejtzni, sugu't yäluuinlajz narä.

Dxejc gurejdx Isaac Jacoob räjpni lojni:

—Dina rlazä guchnaalu te gunaa Canaán. Huij roliz xtiuulu Labán te ro'c guchnaalu tej rexindxa'pni.

Xpacal Jacoob


(Génesis 28:10-22)

Si'c gujc, ni'c birii Jacoob roliz xtradni, gunazni nezsiuj ni rij nez Harán. Che bidzujnni te lajt, ro'cti bateedni yääl, sa'csi abiäaz gubijdx. Dxejc bacuugni te reguij ni naga' nejzga, gojtni, gudiejstini. Lał ni nagaguejsni, gunixałni cahuiini te scaleer ni suga' lo yuj dxejc rdzujnni xhaguibaali, luxh rexangl Dios rä'preni näj riäjtreni lojga. Bahuiizani suga' Dios yejc scaleerga, caniini lojni:

—Narä nacä Xtios xten xtadgollu Abraham näjza xten xtadlu Isaac. Lojlu näj loj rex'i'lü, rexajglu, sunidxä yuj cadre naga'lü. Laareni sajcreni xhidalduxh, dxejc guiraa rebejn ni nabajn lo guedxliujre sacle'reni xcient luj näjza xcient rexajglu ni churu chu. Narä sugaränäälü, sapä luj nez cadrotis chäälü. Jiädnääpaclu stehuält nezree.

Che gubajn Jacoob lo xpacalni, bejnni xhigab: “Narä rlazä xtebäitis yu'ä ree, niluxh xhet si'cdini, sa'csi suga'za Dios ree. ¡Dee najc roliz Dios, näjza rola' xhaguibaal!”

Bidxebduxh Jacoob. Dxejcti cua'ni guij nani bacuugni, basuliinini si'c te pilajr, gudiäbni se't yejcn, si'c bejnnini si'c te



gojn lo Dios. Gulälaj Jacoob yujga cadro gudiejsni Betel, ni säloj: Rolijz Dios. Ro'c bia'nni diidx con Dios:

—Palga Dios chanä narä luxh xcanäjni narä lo biajre; palga guniidxnxi xhi gauä näj ni gacwä, laani sajcni Xtiosä, luxh narä sudedä lo Dios te la' loj cade tzuu la' nani guniidxnxi loä.

Bidxääl Jacoob chäälni

(Génesis 29:1-31:3; 17-33, 55)

Huinuu Jacoob xnezyujni nez guedx Harán. Nejz lo yuj gajxh Harán, bahuiini yu' te bisie. Gajxh ro'ga cagusilajz xhidajl rexiil näj rexpaxtoorreni. Rebaxtoorga rliä'p nis bisiega rudeedreni loj rexiil te rä'reni. Gunabdiidx Jacoob loj rebaxtoorga, räjpni:

—¿La numbeetu Labán, xajg Nacor?

—O'n, numbeenuni —räjpreni.

—¿Yu'ga xcälnadaanni, ä? —gunabdidxsac Jacoob.

—O'n, laaca yu' Labán —räjp rebaxtoor—, ahuii rec siääd xindxa'pni Raquel näj rexiilni.

Lañni caninäjni rebejngä, bidzujn Raquel näj rexiil xten xtagndni. Si'ctis ni bahuii Jacoob lojni siädnäni rexiilga, huijni lo bisie te badeedni nis gu' rexiilga. Räjpzani lojni laani najcni xi'n Rebeca, xsobriñ Labán xtag dxape'ga. Dxejcti ruxuñ Raquel huiye'tzni lo xtagndni. Che biejn diajg Labán bazä'tni Jacoob, xi'n bisiajnni, ruxuñlini sachaglojnini, te sanänini roliznzi.

Yu' tio'p xindxa'p Labán. Lea najc dxapro, Raquel najc dxaphuin. Rajc loj Lea, biäldä saruduxh rujn loj Raquel. Che aguyu' Jacoob roliz Labán te bääi, räjpni lo Labán:

—Gunä dzuun lojlu gajdz ijj palga guniidxlü Raquel guchñaä.

Dxejc räjp Labán:

—Mbj. Gunidä Raquel xca'lü, palga chulu loä.

Ni'cni gajdx ijj bejn Jacoob dzuun lojni te xca'ni Raquel. Luxh par laani ascanu tera'tsi gudejd gajdz ijjza, sa'csi sanälazduxhni Raquel.

Che gudejdti gajdz ijjza, räjp Jacoob lo Labán:

—Baniidx xcunaä te guchñaäni, sa'csi abisa' ijj ni bia'n diidx gunä dzuun lojlu te xca'ani.

Niluxh basguee Labánni, alga badeedni Lea, ni najc gunagoolga.

Dxejc bidxe'ch Jacoob, räjpni lo Labán:

—¿Xhicuent bennäjlu narä si'c, ä? ¿La et benä dzuun lojlu te guniidxlü Raquel, ä? Naj ¿xhicuent basgueelu narä, ä?

ni gunii Dios, li basujyreni guiraa rexhicos oor nani rujn sirb näj ni rusuchee guidoo ni benchee toSalomón.

Che sanä resoldaad rexpen Israel, badeed Dios te bacal loj Jeremías. Lo bacalre bahuini loj tio'p dximiyag iigw ni suga' nez lo guidoo. Neñ tej redximiyagga yu' iigwsa'c, neñ steega yu' iigw ni aguyujdx. Guyuduxduxhreni, nicla gac gau bejnreni.

Räjp Dios lojni:

—¿Xhini'c ruhuiilu, Jeremías?

Dxejc räjp Jeremías:

—Iigw, iigwsa'c ni gau bejn, näjza iigw guyujdx nani di gacdi gau bejn.

Dxejc räjp Dios lojni:

—Reiigwsa'cga najc rexpenä nani baxhalä loj Babilonia. Narä chunäärni, te jiädnäärni te guibi'reni lajdxreni, näj rexi'nreni, näj rexajgreni, te gudedä te lastocoob lojreni, te gumbeereni narä, te chanälajzreni narä. Reiigw guyujdxga najc Sedequías, ni najc gubernadoor ni rnibee Judá näj reguxhtisni näjza guiraa reni bia'n lo guedx Jerusalén. Lojreni guxhalä reni rdxe'ch lojreni te gugu'trenini. Stee cuareni guet xcient yälrliaan näj yälgujdx, te nitlojreni loj yuj nani badedä lojreni näj loj retoxtadgoldoreni.

Neñ redxejga bacuaa Jeremías te guijtz ni baxhalni loj rebejñ nani yu' neñ latzguiib lo guedx Babilonia. Lo guijtzga caj rediidxre:

“Lojtu nani huinä Dios guedx Babilonia canii Dios lojtu, guntu rolijztu lagajc cadro yu'tu; colguchñaaza te chu xhidajl xingaantu, xindxa'ptu, näjza rexajgtu. Sajptu por guntu dzuun, näj colguiniab loj Dios jiääd yälrbedxilajz lo reguedx Babilonia, sa'csi ditu guibi' lajdxtu dxejli ni ted gayonbitzü ijj. Na'c gusaantu gusguee reni rnii didxxhii lacuaa guiniliireni xtidx Dios, renani yu' lagajc lojtu. Na'c cuääz chalilajztu xtidx Dios, sa'csi sile'pac guiraa nani aguniini lojtu.”

Stee huält bazule' Jeremías xtidx Diosre loj rebejñ:

—Siääd te dxej cheni jia'nä diidx con rexajgtu. Mase agujcreni tio'p cuaa, narä ruhuiä lojreni si'c tejtis bejn. Redidxcoob ni jia'nnu, dini gac si'c ni bia'nä diidx con retoxtadgoldootu cheni guläärni guedx Egipto, sa'csi laareni bejnreni dojl, baxhinreni rediidx ni bia'nnu. Naj dini gac si'c, diidx ni jia'nnu naj sajcni garenca, sucuaä xleiä neñ lastooren te gacä Xtiosreni. Niluxh laareni gacreni xpenä. Nicla tejreni di guluii loj sa'reni, gäbreni: “Gudaa te gumbeelu Jehová”, sa'csi guiraaren siembée narä.

Ni'c naj diidx ni räjp Dios loj Jeremías.

Huijti Jeremías gusujni ro' guidoo te räjpni loj rebejn:

—Si'c naj Dios: “Gusacsíä guiraa reni yu' neñ guejdxre näj rebejn neñ reguejdx ni tre' gabire; gusacsíäreni, guxhalä guiralii yälrusacsí si'cpac ni agunixgaä, niluxh sunäni sa'csi bennajdtu lastootu, ditu nucuadiajg xtidxä.”

Pasur, ni najc bixhojzro, biejn diajgni caguzule' Jeremías rextidx Diosre, dxejc gunibeeni gudijñrenini, dxejc bacuaduureni Jeremiás ni' yajg ni naga' gajxh roxlä' Benjamín, ni suga' gajxh ro' guidoo.

Che bara yääl, baslaa Pasur Jeremías cuä' yajgga, dxejctiru räjp Jeremías lojni:

—Diidxre rnii Dios lojlu: “Suhuiilu jiääd resoldaad xten Babilonia, suhuiloju ju'treni rexamiigwlu. Sudedä lo reii xten Babilonia guiraa reyälnasa'c xten guejdxre, sutedäza guiraa rexhixtenlu ladzñaa renani rdxe'ch lojlu. Niluxh luj, Pasur, näj guiraa renani yu' rolijzlu, sijreni si'c pres lo guedx Babilonia, ro'c guettu, ro'c guiga'tztu, luj näj guiraa renani huililajz didxxhii ni guniilu.”

Caniiza Dios lojlu: “Che guiza' guiraa redee, lagajc narä jiädnää renani abia'n loj renani aguleä gac xpenä, renani nare'ch nez balti guejdx, te guibi'reni, gacreni tejsi bejn; sidzujñza dxej che gac te xajg toreii David xreiireni, te laani guideb yälguhtis guinibeeni loj guiraa rebejn guedxliuj.” Guiniiza Dios che guinibeeni, suslaani rexagdoonu te guibajñreni lo yälbedxilajz, luxh rut gusieeddireni.

Che gudejd xhidajl ijj, reii xten Babilonia, ni laa Nabucodonosor, huij lo reguedx Judá. Luxh si'cpac gunixgaa Jeremías, bidzujñni te bidxagdijñni rexpen Israel. Gunaaz resoldaad xten Nabucodonosor xhidajl rexpen Israel, sanäreni rebejnäga näj xreiireni ni laa Joaquín, sa'csi dirlajzni tilnäjnireni. Sanätzareni choñ mil rebejn ni rnibee neñ guedx Judá, näj gajdz mil soldaad, näj te mil ni rajc rujn dzunsa'c. Niluxh nicla niuureni rebenproob.

Dxejcti gule reii Nabucodonosor te gubernadorcoob te guinibeeni renani bia'n loj reguedx Judá. Najcni lagajc xsobrin xten reii Joaquín. Sedequías laani, luxh yu'ni galbiteb ijj cheni gulerenini gacni gubernadoor.

Sanä resoldaad guiraa rexhicos ni yu' neñ guidoo ni nacchee oor näj pla't. Sanätzareni guira'ti reyälnas'ac xten reii. Gujc si'ctis

Dxejc räjp Labán lojni:

—Ree dinu jiejn costrumb guchñaxgaa xindxaphuin lo xindxapgpool. Naj bachñaa Lea, basa' xmaan xte sa', dxejc sunidxäza Raquel, palga chulu loä, gunluuzuun sgajdz ijj.

Si'c gujc. Bejn Jacoob dzuun tzuudaj ijj te cu'a'ni guiro'p chäälni. Dxejc huinuu bejnni dzuun saxho'p ijj loj Labán te bejnni gaan rexquidxaani.

Lañni cayujn Jacoob dzuun tzudaj ijj neñ guedx Harán, guyu' tzubiteb xi'nni. Redee najc laj rexi'nni: Rubén, Simeón, Leví, Judá, Dan, Neftali, Gad, Aser, Iscar, Zabulón, näj José. Guiraa reiż ni guläjz Jacoob guedx Harán, bidajlru rexquidxa Jacoob loj rexquidxa Labán. Ni'cni Labán näj rexi'nni rdxechlajzreni lo Jacoob.

Te dxej räjp Dios lo Jacoob:

—Guibi'llo lo guejdx cadro rbäjz xtadlu, luxh narä sacnäålu.

Dxejctiru räjp Jacoob lo guiro'p rexcunaani nani räjp Dios lojni, niluxh xhet räjpdini lo xtadsuegrni. Lañni sää Labán ste'ca lajt te saguyaanni rexii, batie' Jacoob rexhixtenni te guibi'ni guedx Canaán, cadro rbäjz xtadni Isaac. Gulajn Raquel redxan xten resa'ni, nani rajp xtadni, te sanäniren. Si'cti biriireni roliz Labán.

Gudejd choñ dxej, chela gucbee Labán abiunejz Jacoob, sanäni rexcunaani, rexi'nni näj guiraa ni rajpni, abaxuñnäjnireni. Agulajnzareni redxan ni guyu' rolijzni. Dxejc birinäjni resa'ni sanajlnireni. Che gudejd gajdz gubijdx, biga'reni neñ redajn Galaad. Dxejc räjpni lojni:

—¿Xhicuent birixhiga'tzlu, ä? ¿Xhicuent gulajnlu redxan xtenä, ä?

Dxejc räjp Jacoob lo Labán:

—Bidxebä, bennä xhigab pet sudzucajlu rexindxa'plu loä. Xhet siädnäädi ni najc xtenlu. Niluxh palga yu' tej ni siääd ree ni siädnä rexchanlu, suguetni.

Di Jacoob gan Raquel gulajn redxan.

Biu' Labán neñ yuguijd cadro rbäjz Jacoob, dini nidxäjl redxan sa'csi basäl Raquelni neñ te yagxhiil, guregajcni yejcn. Dxejc Labán gudiilnireni guedeb neñ yuguijdga, niluxh dini nidxäjl redxan.

Bara yääl, rsilru huistie Labán, badeedni te bixhid lo rexhajgni näj rexindxa'pni, gunabni yälracle' par laareni, dxejc gubi'ni lajdxni.

Laj Jacoob bidxaa te birilajni Israel

(Génesis 32; 33:1-11, 18; 35:1-6, 16-20, 27-29)

Gajd Jacoob guidzujn lo xyuj xtdnai che baxhalxgaani rexmosni te chaye'tzreni lo bejtzni Esaú abirii Jacoob rolizj xtiuuni Labán, luxh siädnäni xhidajl guidxaa, bur, xiil, dxib näjza xhidajl mos näj crialad, luxh rlajzni sarú jiädhagloj bejtnini.

Che gubi' remos, biädnäreni diidx lo Jacoob, asiääd bejtzni Esaú, siädnäni tajp gayuu bejn. Che biejn diajg Jacoob diidxga, bidxeduxhni, naani siädgut Esaúni. Dxejcti gusloj cabedx-canabni lo Dios, räjpni:

—Dios, saruduxh abiädnälu narä reeli, cayacnäjzalu narä. Aguniliilu suhuilu narä. Naj bejn te hueen, baslaa narä ladznaa betzä Esaú.

Baxhal Jacoob te yälnasa'c lo Esaú, xhidajl dxib, xiil, cameii, gon, vaag, näj bur sa'csi bejnni xhigab: "Guiraa redee ni guxhalä susiäjl xcälrdxe'chni ansde guidzunä."

Cheni bidzujn Jacoob con rechäälni ro' te gueubäz, dxejc räjp Jacoob lo regunaaga näj recriaad näj guitzubiteb xi'nni, chanidreni lojni, chajia'nreni stelaad gueuuga. Dxejc bia'n xteb Jacoob, te gutedni yääl stelaad gueuuga. Te angl xten Dios ni rien si'c te niguii bacuanäjni Jacoob guideb guxhijnga. Che bianij lo yuj, sa'csi bahuui anglga dini gun gaan Jacoob, badeedni te golpni, guläyälni ro xtzut-bägw Jacoob, lajni cagucuaarureni, niluxh baraj xfuerzni te nucuaaruni. Dxejcti räjp niguiiga lo Jacoob:

—Baslaa narä, sa'csi acayanij lo yuj.

—Palga dilu gunle' narä, dina guslaä luj —räjp Jacoob.

—¿Chulaalu? —gunabdiidx niguiiga.

—Narä laa Jacoob —räjpni.

Dxejc räjp niguiiga:

—Na'cru guirilajlu Jacoob. Naj guirilajlu Israel, sa'csi abacuanäju Dios näj reniguii luxh abejnlu gaan.

Gulälaj Jacoob lajtga Peniel, sa'csi najni: "Abahuiloápac Dios, luxh nabänsi'cä." Sarii Jacoob Peniel che calejn gubijdz, sanuu cayajn xtzut-bägwni, ni'c rsiacojni.

Cheni bidxaagni Esaú loj nezsiuj, ruxuñ Esaú, gudääznini, badeedni te bixhid. Gusloj cayoon guiro'preni. Dxejc Esaú räjp lo Jacoob:

—Dina rlazä rexhixtenlu. Rapä xhidajl xhi xtenä. Biannäj nani najc xtenlu.

Räjpza Dios:

—Susnitloä guiraatu, renani di guzobdiajg xtidxä, alga ruzuxhijbtu loj rebanäjb. Susnitloä sigajc reni rbäjz guedx Jerusalén, sigajcza reni rbäjz guideb guedxliuj. Gusa'nä guibajntis renani lałtis ruzobdiajg xtidxä.

Sofonías räjp lojreni:

—Rebetzä, colgusa'n yälrujn dojl te di guntu jiääd xcälrdxe'ch Jehová yejctu. Colguil Jehová, guiraa la'tu ni nadolajz nen lastootu; colguzoob xtiidxni te guntu cossa'c. Colgusajb yejctu, gaxhäjsi si'c siliaatu nen dxej ni guidxe'ch Jehová. Sa'csi Dios et nuutisnu gusnitlojni, susnitlojzani rexpen refilisteos, näj remoabitas, näjza reamonitas, guiraa reni baxhiznäj nuure, rebejn ni agule Dios.

Jeremías ni rnili xtidx Dios

(2 Reyes 24:10-20; 25:1, 7-21; Jeremías 1:1-3; 19:1-10, 14-15; 20:1-6; 23:3-6; 24:1-10; 29:1-14; 30:1-3; 31:31-34; 32:1-5; 38:6-13; 39:1, 11-14; 40:6)

Gule Dios te niguii ni guinili xtiidxni, te bixhojz xten rexpen Israel, ni laa Jeremías. Rbäjzni lo reguejdx Judá. Laani ruzule'ni loj rebejn ni rbäjz ro'c rediidx nani rudeed Dios lojni.

Te dxej räjp Dios lojni:

—Huij loj nani runchee guejs te gusii te guesxhuaag bajn, huinägajcnini rolajtz xten Ben-hinom; huinäza rebengool xten guejdx, näj rebixhojz ni rnibee. Ro'c gojs lojreni rediidx nani gunidxä lojlu.

'Gojs lojreni narä ni najc Xtiosreni, suxhalä cosgijdx lo guejdxre sa'csi basa'nreni narä, luxh agule'creni reyärlrianejxh lo ste'ca redios. Bencheereni te piään lo Baal te ro'c baze'creni lagajc rex'i'neni si'c te yärbibyaal lo Baal. Dipacna ninibeä gunreni si'c. Ni'cni nen redxej ni siääd, renani rdxe'ch lojreni sugu'treni rexpejntu con madxed, niluxh narä sunitloä guejdxre; luxh sunäni te yälguidxebduxh par guiraa renani fii lojni. Luxh reni rdxe'ch lojtu sisiuj guideb gabitu, sugu'treni la'tu, dxejc narä sudedä tiejxhtu loj regolbetz näj loj rebä'cw. Dxejc renani jia'n, silianduxtejreni, gaulireni xpääl xi'nbidreni. Chutis bejn nani ted nejzga, sidxelojreni xcient guiraa recosgijdx nani guxhalä.

'Che luux gäblu rediidxre, gula' guesxhuaagga nez loj rebengool, gojs lojreni: "Scree guilia' Dios rebejn näjza guejdxre, si'cni rlia'ni te tas bajn, luxh diru gacdi guichaquidni te jiansacni si'c ni gujcní galoo."

gubijdx xcuent gujxhga, näjza bääi sajc xniaa ansde jiääd dxejro näj yäldxejbro che jiälä te gunä yälguxhtis loj rebejn guedxliu. Niluxh guiraa renani guiniab yälracnäj loä, reni'c silaareni.

Abdías ni rnili xtidx Dios

(Abdías 1:1-4, 10, 19-21)

Gunii Dios xtiidxni loj Abdías. Räjpni gusnitlojni rebejn Edom, renani najc rexamil Esaú sa'csi gulajnreni loj rexpen Israel, mase tejsi najc xtadgolodooreni. Ni'cni sidejdreni yälrusacsí, luxh sujn reni rdxe'ch lojreni gaanreni, te dxejc xca' rexpen Israel xyujreni.

Nahúm ni rnili xtidx Dios

(Nahúm 1:1-2)

Badeed Dios gunii Nahúm xtiidxni loj rebejn. Räjpni guedx Nínive, ni najc guedxro xtenreasirios, sinitlojni sa'csi nez reguedx Samaria birinajlreni rexpen Israel, luxh najcreni bejn ni agule Dios.

Habacuc ni rnili xtidx Dios

(Habacuc 1:1-2:8)

Bahuii Habacuc xho sanuu cayujn rebejn dolduxh. Dxejctiru gunabni loj Dios gusacsínireni. Dxejc räjp Dios lojni, xhidajl ben Babilonia siääd te gunreni gaan lojreni. Dxejc räjp Habacuc loj rebejn Israel:

—Dad agunii loä, siääd reben Babilonia te cuääreni la'tu loj reyujre, sa'csi la'tu abejntu dojl nez lojni. Dxejc, che agudejd xhidajl ijj, sunitlojni reben Babilonia sa'csi si'c bejnreni loonu, luxh najcnu bejn ni agule Dios.

‘Rebendojl, sa'csi nayechreni, rujnreni xhigab sajc guslaareni lagajc laareni. Niluxh niguii ni najc benša'c, ni rinälajz Dios, sa'csi rililajzni xtidx Dios, ni'cni sibajnni par tejpas.

Sofonías ni rnili xtidx Dios

(Sofonías 1:4-6; 2:1-13)

Badeed Dios diidx lo Sofonías te guiniini loj rexpejn Israel, räjpni:

—Sibääreni la'tu loj rexyujtu, näj guiraa repurđtu, näjza rexcontu, näjza guiralii nani rajptu, sa'csi ditu nuzuxhijb loä, alga rajntu rebanäjb.

Dxejc gusunajd Jacoob lojni:

—Na'c. Bejn te hueen, cua'ni sa'csi rbalazä cahuisacä lojlu. Luxh sa'csi gunabduxh Jacoob, cuäjb Esaú cua'ni rexhixtenni. Dxejc huinuu Jacoob xpiajni, bejnni gaan bidzujnni lo guedx Sequem ni tře' lo yuj ni laa Canaán. Ro'c basujni rexyuguidni. Ro'c bejnni te piään lo Dios te badeedni xquixtioos lo Dios. Dxejc gudäänni te bisie te chu nis yä rexiilni, redxib, recameii, revaag, näj rebur nani rajpni.

Te dxej räjp Dios lo Israel:

—Huisu te chäälu Betel te ro'c gunlu te xpiänä sa'csi ro'c baluiloä lojlu lo bacal cheni caguxuñlu lo bejtzlu Esaú.

Dxejcti räjp Jacoob loj rexamilni näj loj guiraa rebejn ni yu' lojni:

—Colcuää guiraa rexdxantu, colgajz, colguchaa xhajbtu.

Riojb chonnu Betel, te ro'c jiencheenu te piään lo Dios sa'csi ro'c guenäjni narä che yu'ä lo te yäldxejb, luxh gucnäjni narä cadrotis cuansaä.

Biädnäti rebejngä guiraa redxan ni rajpreni. Bacua'tz Jacoob redxanga nen yuj, dxejc biojb sää guiraareni Betel. Ro'c benchee Jacoob te piään. Dxejcti biriireni Betel sääreni gajxh Efrata, nani laa naj Belén. Ro'c gojl te xi'n Raquel, te biuxniguii ni gulälajreni Benjamín.

Cheni gojl Benjamín, gujt Raquel. Dxejc bacua'tzrenini cuä' nezyuj ni rij nez Efrata. Birii Jacoob ro'c, bidzujntini guedx Mamre, cadre rbäjz xtadni. Ayu' Isaac te gayuu con taj ijj cheni gujtni. Rexi'nni, Esaú näj Jacoob, bacua'tzrenini nez Mamre, ni laa naj Hebrón.

Rdx'e'ch rebejtz José lojni

(Génesis 37:2-34)

Cheni yu' José, xi'n Raquel, tzunbitio'p ijj, rsianäjni rebejtzni rigajpreni rexiil. Cheni rbi'reni rolizzreni, rujyni diidx lo xtadni guiraa relatsiaj ni rujnreni. Jacoob sanälajzru José lo guiraa rexilnni sa'csi anajcni bengool che gojl José. Ni'cni bencheeni te xhajbni nani najc saruduxh. Che gucbee rebejtzni sanälajzru xtadreni José lo guiraareni, bidxe'chreni lojni.

Te huält guinixcal José, dxejc rujyni diidx xcuent bacalga lo rebejtzni; niluxh laareni maazru bidxe'chreni sa'csi räjpni:

—Gunixcalä guiraanu dxunnu rolajtz, catiugnu trigw, cayennuni däätz, cheni huäjz xtäzä gusuliini. Dxejc rextääztu gusuj guideb gabi xtenä, basajbreni yejcreni nez loj xtäzä.

Dxejcti räjp rebejtzni:

—¿Xhi säloj xtiidxlux? ¿La gaclu si'c te reii nani guinibee loonu, ä? Maazru bidxe'chreni xcuent rexpacalni. Stee huält gunixcal José, dxjec bijyni diidx lo rebejtzni näj lo xtradni, räjpni:

—Ni'cla gantu, gunixcalä stehuält. Bahuiä gubijdx, näj bääi, näj tzubiteb rebal xhaguibaa, nazuxhijbreni nez loä.

Cheni biejn diajg xtradni si'c, gudilnänjnni räjpni:

—¿Xhi säloj bacal ni gunixcallu, ä? ¿Xha guizuxhijb xnanlu, rebejtzlu, näj narä nez lojlu, ä?

Rebejtzni sanuu rdxe'chreni lojni, niluxh xtradni runduxh xhigab xcuent guiraa redee.

Te dxej sää rebejtz José zifton, satiilreni guixha' te gauu rexiiil xtradni. Gudejd tio'p cho'n dxej, dxejcti räjp Jacoop lo José:

—Bahuii, rebejtzlu yu' zifton, cayajpreni rexiiil. Rlazaä chahuiilu xho yu'reni. Huij, bahuii xho yu' rebejtzlu con rexiiil, te jiojb jiädnälu diidx loä xho yu'reni.

Dxej sää José, satiilni rebejtzni. Laareni bahuiireni siädsajni zifton, dxej räjpreni lo sa'reni:

—¡Colhuii, rec siääd nani rnixcal! Colcho' guigu'tnuni, dxejc guisälnni neñ te bisiebijdz, cadro xheti nis.

Cheni biejn diajg Rubén diidxga, rlajzni guslaanini lo rebejtzni, dxej räjpni:

—Na'c ju'tnuni; na'c guxhe'tu rejn. Maazru huen guideb nabajnni colgusälñni neñ bisiebijdzre.

Si'c räjp Rubén sa'csi rlajzni guslaani xcälnabajnni, te guxhalsacnini lo xtradni.

Cheni bidzujn José cadro suga' rebejtzni, laareni badzucajreni lajd ni najcwni, gunaazrenini, basälrenini neñ te bisiebijdz nani xhet yu'di neñni, dxejcti gurejreni, gudajwreni.

Che gojl stera't, bahuiireni siääd xhidajl reni rsiaj biaj, rsuireni, ruto'reni, siädnäreni xhidajl xhi cos ni nuu recameii, ni sanäreni lo gudedx Egipto. Dxejcti räjp Judá lo rebejtzni:

—¿Xhi jiennu gaan, guigu'tnu bejtznu, ä? Maazru huen guito'nuni loj rebejñre ni ruto'.

Dxejcti gulääreni José neñ bisie, bato'renini, cuareni gajl melpla't. Si'cti gujc te sanä rebejñre José lo yuj ni laa Egipto.

Cheni gubi' Rubén nez ro' bisie, dini nidxäjl José nenga, dxejc guc-huinduxh lajzni. Gubigajcni cadro suga' rebejtzni, räjpni lojreni:

—¡Rutiru biuuxga neñ bisie! ¿Naj xhi gäpä lo xtradnu, narä ni nacä bengool lojtu?

—Xtiosnu susacsítu xcuent rextojltu nani rujntu sa'csi rexcuxhtistu rinälajzreni rebanäjb, luxh ruteedreni sa'reni trabajw, te rca'reni meel ni rudedxhiga'tz rebejñ lojreni. Rebixhojz rujntisreni dzuun te rujnreni gaan meel, reni rnili xtidx Dios ruto'reni xtiidxrreni. Ni'cni sinitloj reguedx Samaria näj gudedx Jerusalén näj guiraa rebanäjb ni rajpreni, luxh sinäreni la'tu garen-garen lajdxreni te ro'c gactu pres.

'Niluxh agunii Dios loä, che agudejd guiraa redee, siääd te dxej che guibi'ni te gutie'ni nani jia'n loj rexpen Israel, te jiadnäsacnireni lajdxreni.

'Neñ redxelult, cheni guinibee Dad guideb gudedxliuj lal ni yu'ni gudedx Jerusalén, diru gueñ nicla reyäldrijl chu loj gudedxliuj. Dxejctiru sudeed bejñ rexspaadni te xca'reni te garad, sudeedzareni rexlanzreni te xca'reni te guiboz. Niluxh rutru gundi gueñ sa'csi agulujx guiraa reyäldrijl, diruza bejñ guidxejb. Si'c rnili Dios.

Bazule'za Miqueas stee xtiidx Dios loj rexpen Israel, räjpni:

—Mascä najc Belén te guejdx bäge'ru loj reguejdxre, su' xpalaanni sa'csi ro'c guirii te bejñ ni guinibee par tejpas loj guiraa rexyagdoo toAbraham.

Joel ni rnili xtidx Dios

(Joel 1:1-2:14, 28-32)

Dee najc rediidx ni baxhal Dad loj Joel te guniini rediidxga loj guiraa rexpejñ Israel:

—La'tu sidejdtu trabajw sa'csi sinitloj guiraa rexhixtentu. Luxh sinäreni la'tu garen-garen lajdxreni cadro gactu pres.

Räjpzani rediidxre:

—Sunleduxh Dios la'tu palga gusiejch lajztu; palga cuäätz guntu dojl te guibi'tu lojni guideb lastootu, sa'csi laani najcni huenduxh, raclaa rdxe'chni. Rdxaglajzni jiällajzni xtojltu niluxh diru lajzni guinaj xtojlnu.

Niluxh xcuent nani churu gac cheni jiääd Sprit Dxan, räjp Dios loj Joel:

—Neñ redxelult suxhalä Sprit xtenä loj rebejñ guiedeb gudedxliuj, luxh rexajgreni susule' rextidxä. Sinixcal rebengool, suhuiiza rebi'n si'c lo bacal xho gului Dios xnezyujreni. Suxhaläza Sprit xtenä loj renani yu' loä, nigung näj gunaa, neñ redxejga, te guzule'reni xtidxä. Sunä remilargw xhaguibaa näj loj gudedxliuj, dxejc sidxejb guiraa reben gudedxliuj. Xhaguibaa sibixhloj naxniaa si'c rejñ, sajc te balro, näj te gujxhro. Sicäjy

Siliä'p Dios xpala'nni sa'csi laani biini xtojl guiraliinu. Bachalo rebejn najcni te bendojl, luxh alga laani abiini rextojlnu.

Badeedza Dios rediidxre guniini Isaías, ni rnili xtiidxni:

—Guiraa renani rlajz guibajn, sujiäädreni loä te gudedä yäl**nabajn** lojreni; sica'reni yäl**nabajn**, luxh xhet quiixdireni.

'Na'c siitu yälrajw nani di guchaj xque'tu, na'cza chasiitu nani di guyaantu. Mas colgucuadiag xtidxä te gausa'ctu. Colchalilajz xtidxä te gac guibajntu. Dxejctiru guzobä diidx nani bia'nä con toxtadgoltu David, te guxhalä tej ni gac reii, nani guinibesa'c loj guiraa rebejn güedxliuj, te gacni dad näj mastr xten guiraalitu. Laani sibejdxi reben güedxliuj nani rut numbeedi, te guxunlireni jiäädreni loä, sa'csi narä, ni nacä Dad, agulä'pä xpala'nni.

'Colquail narä lał ni sajc guidxältu narä; colcuedx narä lał ni suga'ä gajxh. Ni najc benguijdx, sugusa'nni xnezsieguijdxni; ni najc bejn dojl, su guchaani xmoodni te jiusacni lo rexnezyüä, sa'csi narä nacä Xtirosreni nani rulaslazäreni te rusiällazä guiraa rextojlneni. Sa'csi rexhigabä di gac si'c najc rexhigabreni, niclaza xnezyujreni si'c ni najc xnezyüä. Si'c ni najc guibaa maaazru jiaa lo güedxliuj, si'cza najc rexhigabä näj xcäriennä masru nasa'c loj rexhigabtu, loj xcäriejntu.

Narä ruxhalä nisguij näjza guejg xhaguibaali niluxh direni guibi' cheli ruscojpreni lo yuj te gac nani rbe'ctu; te si'c renani rujn dzuun lo niaa rajpreni xhi gaureni, rajpzareni binij te cue'creni. Sigajcza najc xtidxä, et xlia'si rniäni, alga rujnni si'c ni rlaszä, nani najc laaca.

'Sibalajztu guiriit, niluxh ditu guidxejb sa'csi bejn ni guxhalä sului nezyuj loj guiraa reni guibi' loä; sarú guibajnreni niluxh direni guidxejb. Lacuua xhet sajcdireni, su'reni loä, sigajnzareni narä par tejpas.

Räjpza Isaías lojreni bejn nani guxhal Dios lojreni siniini rediidxre: "Sprit xten Dios xtradä, yunäjpac narä. Laani agulenai narä, abaxhalzani narä te guiniä xtidxsa'cni loj rebenproob, te jiädecdxiä lajz reni di lastooni cuedxi, te guslaä renani yu' latzguiib, te gudedä yälruhuij loj reben lotiä'p, te jiajcz renani racxhuu. Baxhalzani narä te gusa'nnä diidx sidzujn dxej cheni siällajz Dios rextojlneni, näj susquiixni renani rdxe'ch lojreni."

Miqueas ni rnii xtidx Dios

(Miqueas 1:1-12; 2:12-13; 3:11; 4:2-4; 5:2)

Gudilnäj Miqueas rexpen Israel xcient xtojlreni, räjpni:

Dxejc basule'reni diidx lo Rubén xho bejnreni, bato'renini lo reniguii nani ruto!. Dxejcti bejnreni xhigab, ju'treni te dxibe' te guxhe'reni xtiejn dxibe'ga lo xhajb José. Si'c bejnreni, te cheni bidzujnreni rolizj xtadreni, räjpni:

—Dee bidväälnu. ¿La et deedi najc xhajb José?

Biembee Jacoob lajdga. Dxejc räjpni:

—¡O'n, laacani! Te remanguijh gudajw xi'nä.

Dxejcti biaduxh lajz Jacoob sa'csi rujnni xhigab agujt José.

Di dojl niujn gaan José sa'csi sanälajzni Dios

(Génesis 39)

Cheni sanäreni José Egipto, te bejn ni laa Potifar gusiini José lo redade' ni sanäni ro'c. Najc Potifar capitán loj reguxhtis ni rcanäj faraón, ni najc reii xten Egipto. Yunäj Dios José, huenduxh guyu'ni lał ni rbäjzni rolizj Potifar. Gucbee Potifar Dios cayacnäj José, rujn Dios entis laaca rujn José. Ni'cni bejnni gujc José te ni rnibee rolizjni, te ruhuiipacni guiraa nani rajpni. Neñ redxejga, benleduxh Dios Potifar xcient José.

Najc José te beñnsa'c. Saruduxh rujn lojni, luxh rchaglajz bejn ruhuii lojni. Ni'cni gojl te dxej bidxaglajz chääl Potifar José, räjpni lojni:

—Gotnäj narä.

—Na'c. Filaa guejblu, xlamä basannäjni narä guiraa ni rajpni, lajni yu'ä ree, xhet yärsia'di riu'ni. Nez neñ yu're, rut yu'di ni sajcru loä; di xlamä güdxojn niclä tej xhi cos loä, mascä guejblu, sa'csi najc guejblu chäälni; ni'cni ¿xho gunä cosguijdxre, gunä dojl lo Dios?

Luxh laani rsiunajdni lo José, guixe-guixee rniabni lojni ganäjnini, per di José jiuni. Te dxej biu' José rolizj Potifar, te gunni xtzuunni ro'c. Luxh sa'csi rut suga'di ro'c, gunaaga xhajb José, räjpni lojni:

—Gotnäj narä.

Per birii José ro'c, baxuñni, luxh bia'n xhajbni ladznaa gunaaga. Cheni bahuiini bia'n xhajb José ladznaani che baxu'nni, gurejdxni guiralii ni rujn dzuun rolizjni, räjpni lojreni:

—Colhuilaa, chälä biädnä te bejn Israel parsi naj ruxhiznäjni nurnu. Rlajzni ganäjni narä, per guredxaduxh. Che biejn diajgni guredxaduxh, ruxuñlini biriini, bia'nti xhajbni ree.

Dxejc gulucheeni xhajb José lałni bidzujn chäälni rolizjni.

Bidxechduxh Potifar che biejn diajgni nani räjp chäälni lojni. Dxejc baxhalni chu huixhii José te basäunini neñ latzguiib.

Niluxh mase yu' José nen latzguiib, Dios yunäjni, bejnni bichaglajz nani rniibee latzguiibga José. Dade'ga badeed yälrnibee lo José te fiini gun respresuzuun ni riäjl gunreni ro'c.

Ni rsiajc José cheni yu'ni latzguiib

(Génesis 40)

Lal ni yu' José latzguiib, faraón, ni najc reii Egipto, bidxechnäjni tio'p reni rujnuzuun lojni: te bejn ni rudedd xhi rä'ni näj te bejn ni runchee yätxtiil. Gunibeeni jiäureni lagajc nen latzguiib cadro yu' José.

Te dxej, rsilru gudejd José ro' latzguiib, sahuiini xho yu' reni niäu ro'c, bidxäjlni ni rudedd co'p näj ni runchee yätxtiil, cayunduxhreni xhigab, sas gunabdiidxni:

—¿Xhicuent gayac-huiin lajztu?

Dxej räjpreni:

—Cade tejnu gunixcalnu, niluxh rut rajcdi rusule' xhi sälojni.

Dxejcti räjp José:

—Dios sinii xhi säloj nani gunixcaltu. Colyejy diidx loä xhini'c gunixcaltu.

Dxejcti ni rudedd co'p bijy diidx xhi gunixcalni, räjpni lo José:

—Gunixcalä suga' te yaguub nez loä. Yajgga yu' chon xhajcwni luxh lacti biojb bixijchni, gulägajcni guii, reguiga gubixlojni gujcreni uub guyaj. Narä nazä xco'p faraón, dxejcti cua'ä reuubga, baxhiäreni nen co'pga. Dxej lagajc narä badedä co'pga lo faraón, gunaaazpacnini. Ni'c gunixcalä.

Dxejcti räjp José lojni:

—Nani gunixcallu, säloj dee: chon xhajcw yaguub säloj chontis dxej churu guejblu nen latzguiibre. Che guisa' chon dxej, faraón sunidxsacniuzuun loj guejblu, te gudedsaclu co'p loj faraón, si'ctis ni bejnluni galoo. Cheni guisa' diidxre, guinaj lajz guejblu narä. Gucnälaa narä, bazätlaa narä lo faraón te cuääni narä ree, sa'csi xhet latsiajdi benä.

Dxejcti ni runchee yätxtiil bijy diidx ni gunixcalni, räjpni lo José:

—Dee najc nani gunixcalä: chon dximyagbäz yätxtiil sojb yejc sa'reni. Dximbäz ni sojb jiaa guidxa guiralolii yätxtilnejxh par faraón, niluxh reman xhaguibaa siäädreni, siädtajwreni nani yu' nen dximbäzga nani sojb yejcä. Ni'c gunixcalä.

Dxejcti räjp José lojni:

—Dee säloj ni gunixcallu: guidxon redximyagbäzga säloj chontis dxej churu guejblu nen latzguiibre. Che guisa' chon

'Rijza reniguii, rutinreni te yajg, luxh lagajc lo yajgga ni rujnni yajg ni rejc rodäj, runcheezani te banäjb, dxejc ruzuxhijbni lojni. Gala' reyajg ni cua'ni te chec, ruzälñini rodäj te cueni te laad, guidxa'lajzni, ro'cza rugüiini xhi rajwni, che rajwni, rdxaj xque'ni, dxejc rniini: "Lacti saru rejc yajgre, abacha'lini nen yu'." Dxejcti rca'ni sgarol yajgga nani bennäjni te banäjb, ruzuxhijbni loj banäjbga, rniini: "Gucnäj narä sa'csi luj najclu xtiosä."

'Niguiiga xhetti xcäriejnni. Dini gun xhigab, xheti xcäriejnni te gacbeeni garol yajgga base'cni rodäj luxh loj guibooga bigue' yäjt, bigue' bääl te gudajwni. Dxejcti ¿xhicuent nanab guzuxhijbni loj stela' lagajc yajgga, ä? Najctisni te la' yajg, niluxh stee la' yajgga anajcni ganaxduj cobdäj. Lastonajd xten niguii rujn rbicajni lo yälgulii, ni'c di xaimni laa. Dini gacbee cagusgueeni lagajc laani.

Guiraa rediidxre gunii Isaías loj rexpejnni sa'csi Dios baluiinini lojni.

Guniiza Isaías xcient nani churu jiääd te gacni reii xten reben Israel:

—Xhidajlreni sidxeloya'reni loj ni najc xmos Dios, sa'csi masru rniaj lojni loj chu stee niguii. Nuure suhuiinu lojni, niluxh xhet guidxäldinu lojni te guidxaglajznuni. Sibälajzza rebejnni, suro'nrenini, sajcnii te niguii ni racbee xho najc yälnaj, sidejdzani trabajwduxh, niluxh nuure ligudzurénu, cuälaznuni.

'Niluxh guliipac laani suuni rexcälguijdxnu näjza rexcälrachuinnu. Siniinu laani cayajcni xcälrusacsí Dios lał ni cadejdni trabajw. Luxh susacsírenini xcient xcälguyalajznu, niluxh siguijnrenini xcient rextojl. Yälrusacsí nani nungäjl gacnu nuure, alga laani gacnini te cuäcajni nuure loj xcälrwdx'ch Dios, näj xcient trabajw ni tedni siajc yälguijdx xtenu. Guiraanu bire'chnu si'c rexiil, cade tejnu gunaaz xnezsiujni, niluxh dejtznii basguu Dios rextojl guiraliinu. Suxhisnäj bejnni, luxh mase cagusacsírenini, xhetlidi rniini. Sinärenini si'c rinä bejn te xile' cadre guetni, niluxh si'c te xiil cheni guigajni, xhet guiniidini.

'Sigubeerenini, luxh xhet bejndini, rutiza chu su cuä'ni te guiniini xcientni; siguilguijdxrenini te gudzucajrenini lo quedxliujre. Nicla tej bejn di gacbee cayani te quixhni xtojl rexpenä. Mase dipacni niujn dojl, rutza basgueedini, empac suteed Diosni trabajw. Cheni abadeedni xcälnabajnni si'c te yälrusalajz xcient redojl, sibañsacni xchej, suhuiinu rexhagdooni. Suhuiini xhi basaloj xcient guiraa nani guzajcni, dxejc sibaalajzni.

Dad Par Tejpas, Reii xten Yälrbedxilajz. Lagajc sa' yälrnibee ni gunibee toDavid, si'cpac guinibeeni par tejpas, con yälguxhtis, luxh sunnäjni guiraa rebejn si'c ni riäjl gunni.

'Laa Sprit Dyan xten Dios ni chu loj te rexajg Isaí, te gudeedni yälnajn näj yälnadip. Laani dini gun yälguxhtis si'c ni riennu, riunu nani ruhuiiu, nani riejn diajgnu; alga laani sunsa'cni yälguxhtis. Loj xcälrnibeeni sibäjz te cuyo't cuä' te xile', beedz näj dxibe' sijreni cuä' sa'reni; biceer näj león näj reman ni yu' nen gurajl sisianäj sa'reni, niluxh te biuxe' sajpreni. Rebaag näj reos sajwreni guixa', rex'i'nreni sisianäj sa'reni, niluxh león sajwni guixa' si'c ni rajw reguidxaa. Dirureni gun daan, sa'csi loj guideb guedxliuj sidxaj xcälrumbee Dios si'c ni rdxaj nis loj nisdoo.

'Reni najc lotiä'p, sajc fiireni, reni najc diagcua't, siejn diajgni; rexhatio'tz sitiäsjiaareni si'c bidzujn, niluxh regop sajc golreni dij. Dee najc nani gun Dad.

'Loj reben laadxnu sienloj tej ni cuedxa' nez lo reyubijdz: "¡Dadga basiääd! Colcuääz rujntu dojl, colgusoob xtiidxni, te gac chanuutu nezsiuj nani guluiini lojtu. Di gaclaa guxhal Dios nani jiädguslaa guideb guedxliuj."

'Dxejcti biejn diagä xse' te ni naj loä: "Guredxa!", dxejc gunabdidxä: "¿Xhini'c cuedxa'ä?" Dxejc bazejc se'ga diidx, najni: "Gojs lojreni guiraa rebejn najc si'c cuaan, näj guiraa xcälnasa'creni najc si'c reguui ni rial lo niaa. Recuaanga sibijdz, reguiga sigol, luxh rextiidx Xtiosnu najcni par tejpas, dipacni nitloj."

'Naj Dad Dios: "Narä nacä Jehová, ni'cpac najc laä, niluxh narä dipacna gusanä xca' chu stee bala'n nani najc xtenä. Dina gusanä gañreni rebanäjb. Naräts nacä Dios, ruti chu steedi. Dina gumbeä stee dios."

'Renigui ni runchee rebanäjb xlia'si nabajnreni; mase sacruduxh najc rebanäjb ni runcheereni, xhet sirbdireni. Lagajc renani runchee rebanäjb nanchee di rebanäjbga fii, dizareni gacbee, luxh nungäjl gutuyreni sa'csi bencheereni rebanäjbga. Gubedzguiib rca'n i xtrastni, rujnni dzuun lo guiboo, rgubejnini te rbäxnejznini, luxh guiraa ni rujnni, runnäjnini yälnadip xten xajcwni. Runduxhni dzuun, rliaanni, rijojlni, dxejc li rtiolni. Luxh xlia'si rujnnini.

'Ni rutiu' yajg, rurejxhnini, rucuaani te seen loj tla' yajgga, rutiaanini, rujnnini si'c te niguii, niluxh cheni abencheeni te banäjb, rinäänini rolizzni te rajnnini si'c xtiosni.

dxejga, sinibee faraón ju'treni luj. Susäbreni luj lo te yajg te ro'c gau reman tiejxhlu.

Cheni gudejd choq dxej, bejn faraón te laniduxh. Biääd guiraa reni rnibeeni ro'c. Loj copeer badedsacni xtzunni. Luxh gunibeeni guet nani runchee yätxtil, baxhalni chu bahualnini lo yajg, si'ctis ni räjp José lojni. Niluxh copeerga, diruni ninaj lajz José.

Basule' José xhi säloj nani guinxcal faraón

(Génesis 41:1-45)

Gudejdti tio'p ijz, dxejc te guxhijn gunixcal faraón te nani bachebduxhni. Che bara yääl, rsilru gunibeeni jiääd guiraa rebenajn ni yu' Egipto. Cheni bijy faraón diidx xcient ni gunixcalni, nicla tejreni di niajcdi niäjb xhi sälojni. Dxejcti räjp copeer loj faraón:

—Cheni guyunää nani ruchee yätxtil latzguiib, guiro'pnu gunixcalnu. Ro'c guyunäjnu te bi'n ni siääd nez loj reyuj Canaán, bieeinu diidx lojni xcient ni gunixcalnu, dxejc laani basule'ni xhi sälojni. Luxh gusajcnu guira'ti si'ctis ni najni gac.

Dxejcti baxhal faraón chu satejdx José. Gulägajcrenini nen latzguiib. Cheni bidzujnni nez loj faraón, räjp faraón lojni:

—Gunixcalä, luxh nicla tej bejn rajc rusule' xhi sälojni; luxh najreni loä cheni riejn diajglu te yälrxical, rajc rusule'lu xhi sälojni.

—Et narädi runnäni —räjp José—, Dios najc ni gusule' diidxga lo guejblu. Guinii guejblu diidx xcient nani gunixcal guejblu.

Räjp faraón lo José:

—Gunixcalä suluiä ro' te gueuu. Lo gueuuga birii gjajdz guidxaa, lacti guro'reni, cayajwreni guixha' cuä' gueuuga. Dejtz reni'c birii sgajdz guidxaa, lasdijt najcreni, xho rniajreni. Dxejc gudajwreni gjajdz guidxaguro' na'nii birii ganid. Cheni guluux gudajwreni, nicla guiluiini; laltis rniajreni, lasdijtreni. Dxejc gunixcalä stee; bahuiä gjajdz doj triuu. Sioolni, jiaani, guroobreni, astoo tejsi najcreni. Dxejtz reni'c siädroob sgajdz doj. Doj huin najcreni, direni gacsa'c. Redoj dopre gudajwreni redorob. Ni'c najc nani gunixcalä.

Dxejcti räjp José lo faraón:

—Guiro'p nani gunixcal guejblu, tejsi säloj. Dios cagulii lo guejblu nani agojl gunni. Guigajdz reguidxaa ni guro' näjza

guigajdz dojro najc gajdz ijj cheni sacduxh cose'ch. Niluxh guigajdz guidxalas näjza guigajdz doj huin najc gajdz ijj cheni su' gubijn. Siääd gajdz ijj cheni sacduxh cose'ch lo reyuj xten Egipto. Dxejcti siääd gajdz ijj cheni sajc gubijn. Siojb gun Diosnini. Ni'cni nanab quiil guejblu te niguii ni nasiñduxh, tej ni nanduxh, te fiini xcuent reguejdxre. Gun guejblu scree: guigajdz ijj cheni gacdukh recose'ch, guire'reni, gacreni gaii la', dxejc cua' tej la' te chucheeni, te chu xhi gauu rebejn̄ nen̄ regajdz ijj che xhet chudi.

Faraón näj reni rnibee ro'c bidxaglajz xhigabga, ni'cni räjp faraón lojreni:

—Niguiire sinibesa'cni guideb lajdxnu. Di gacdi guidxäälnu stee niguii ni najc sa' niguiire, nani rajp sprit xten Dios.

Loj José räjpni:

—Rut yu'di ni najc maaazru nasiñ, ni najnru lojlu. Bejn Jehová Dios najnlu guiraa dee. Narä gunä gaclu bejn ni rnibee guideb reguejdxre, niluxh guiraa reguejdxre susobdiajg nani guinibeelu gac. Naräts gacä bejn ni maaazru sajc lojlu, sa'csi narä nacä reii.

Cheni canii faraón scree, gulääni te niil nani yu' naani, dxejc basälnini naa José. Gunibeeni gushuajcwreni José reladsa'cru. Bahualni te cadeñ oor yejnni, dxejcti gule'cnini lo te carsa'c sa' xtensi, huitlgajcni tej regunaa ni yu' Egipto te gacni chää'l José. Si'c gujc te bia'n José te benro lo reben Egipto.

Najc José gubernadoor xten Egipto

(Génesis 41:46–42:38)

Yu' José galbitzuu ijj che gunibee faraón gacni gubernadoor xten Egipto. Gucluxh recose'ch guigajdz ijjza. Batie' José guiralii triuu loj guiraa reguejdxga nen̄ guigajdz ijjza. Gunibeeni gucchée reyuduxh nen̄ cade tej reguejdx te ro'c chuchee triuu ni bidojp loj reyuj ni tre' gabi reguejdx.

Che gajd guisloj reijz xten gubijn, guyu' tio'p xi'n José näj chäälni. Biuxgalooga gulälajni Manasés, xte biuxga gulälajni Efraín.

Gudejd gajdz ijj cheni gucluxh recose'ch nen̄ Egipto, dxejc gusloj guigajdz ijj gubijn. Guyu' yärlliaan guira'ti lajt, mas et najdi nen̄ Egipto. Cheni caraj xhi gau reben Egipto, huinabreni triuu lo faraón. Dxejcti räjp faraón lojreni:

—Colchahuii lo José.

dxejc najni loä: "Bahuii dee abadxuii guidro'lu, niluxh agubicaj rextojllu."

'Dxejcti biejn diagä xse' Dadga nani canii: "¿Chuni'c guxhalä te chasule'ni xtidxä?"

'Dxejctiru räpä: "Anaree, baxhal narä." Dxejc naj Dios loä: "Huij, gojz loj bejn: la'tu riensa'c diajgtu, niluxh di'tu gacbee. Rien̄ lojtu, niluxh ditu jiembee. Ni'cni gunä gacnajdru lastootu te di gacdi guzoobtu diidx, susäüä rebalojtu te digacdi gacbeetu. Guiraa dee gunä sa'csi di rlajztu gusa'ntu recosguijxh ni rujntu, ni'cni ditu laa."

'Narä gunabdidxä: "¿Gucli gusiechlajzreni, Dad?" Niluxh laani najni: "Cheli nitloj reguejdx luxh rut rbääzdi ro'c, luxh najc reyujga ganax yubijdz; cheli gurilagwä reni rbäjz ree. Luxh empac sibi' te cuaa bejn ni cuääz ree, sa'csi rexpenä najcreni si'c te yajg nani rdijn: sia'n ganaxtis troncga, luxh troncga sixijchni."

Neñ reijz nani gujc Acaz reii guedx Judá, reii xten Siria näj reii xten Israel bachagsa' rexsoldaadreni te rlajzreni gusnitlojreni guedx Jerusalén, niluxh direni niujn gaan.

Dxejctiru baxhal Dios Isaías te gäbni loj Acaz na'c guidxejbni, sa'csi digacdi gun rereiiga nani rujnreni xhigab gunreni. Huij Isaías, räjpni:

—Si'c naj Dios: "Na'c guidxejblu, Acaz. Di guiro'p rereiire gun gaan lojlu. Sunidxä te sen̄: Te dxape' chu te xi'nni nani cuälajni Emanuel, nani säloj Dios sugarän nuure. Ni'cni che gajdli biuuxga guisieed gusiäxhajnni recosguijxh te cueni cossa'c, reyuj xten guiro'p rereiire nani rudxejblu sianxteb, luxh sinitloj rexpejñreni."

'Che agudejd xchej, susacsíduxh Dios reben̄ laadxnu sa'csi siääd reii xten Asiria näj xhidajl xsoldaadni, suluuxreni gaurení guiraa nani bile'cnu. Sunitlojreni reyajg uub, sugu'treni rexil, regon, redxib, niluxh sinäreni nuure lajdxreni, susätureni nuure nen̄ latzguiib.

Stee dxej räjp Isaías loj rexpejñni:

—Gunii Dios loä et par tejpas chu yälnayääl näj yälrwdxeb nez lo reyuj xten Zabulón näj nez lo rexyuj Neftalí; sidzujñpac dxej ni guchajni xhanij lo nezsiuj ni sii nez ro' nisdoo, stelaad ro' gueu Jordán, neñ Galilea cadro rbäjz renani di gac rexpen Israel. Guejdx cadro cansaj rebejn̄ loj yälnayääl suhuiireni loj te bianiduxh, luxh reni nabajn̄ loj xpalaal yälgujt, siliabicha' lojreni sa'csi sidzujñ lojreni nani gulepac Dios.

'Sajl te bätz ni gacnäduxh nuure, luxh sinibeeni guideb guedxliuj. Sirilajni Yälrwdxeloi, Nani Rulijdx, Dios Nadipduxh,

Guniiiza Isaías loj rebejn:

—¡Aii, rexpen Jacoob! Dios agulälajztu sa'csi rinälajztu rebanäjb. Cheni guidzujn dxej che gusacsí Diostu, xlia'si gucuzllojtu neñ rebiliää. Ditu laa, sa'csi gulälajztu Dad. Luxh sidzujn dxej laatismi chanälajztu.

Neñ ijz cheni gujt reii Uzías, Isaías ni rnili xtidx Dios, gunixcalni, luxh lo bacalga bahuiini sobga' Dios loj te tron ni sojb jiaa, luxh sacru najcni. Lacti siool xhajbni, ruchajlini guideb neñ guidoo. Yu' gaii angl guibaa ni cagutajt guideb gabini. Cade tej reanglga yu' xho'p xhigani. Tio'p xhigaaga rusäuu lojreni, stio'pni rusäuu ni'reni, dxejc con stio'pni rutajtreni. Luxh caniireni:

—Dad Jehová Dios najc dxanduxh; guideb guedxliuj guidxaj xcälrnibeduxhni.

—Lał ni cayolro' reangl —naj Isaías— repilar xten guidoo binibsejsreni, niluxh gujxh guchaj guidoo. Dxejctiru guredxa'ä loj bacal: “¡Aii proob narä! Nacä te niguii ni yu' xtojlni sigajc guiraa rebejn. Setä sa'csi nacä benguiidx, niluxh abahuii loä loj Dios ni rajp guiraali yälrnibee.”



’Dxjectiru batajt tej reangl, biäädni nejz loä, siädnäni te la' guiboo nani cu'a'ni loj piäään xten Dios. Badzuubni guibooga ro'ä

Guiraa rebejn ni rbäjj ste'ca guejdx rdzujnreni Egipto, siädsireni triuu lo José, nicla tej reguejdxga rajp xhi gauren.

Canaán cayajcza gubijn. Che gucbee Jacoob yu' triuu guedx Egipto, räjpni loj rex'i'nni:

—Colchäj Egipto. Colchasi triuu te gac chanuu guibajnnu.

Dxejcti guitzuu rebetzgool José sääreni Egipto te siireni triuu. Niluxh Jacoob dini nusaan nisiaj Benjamín, bejtz huinreni.

Che bidzujn rebejtzni Egipto, biu'reni nez loj José, basajb yejcreni nez lojni, per direni niembeen. Biembegajc Joséreni si'ctis ni bahuiini lojreni, niluxh bejnni si'cni dini niembeereni. Dxejc gudidxa'ni lojreni:

—¡La'tu! ¿Caro siäädtu, ä?

—Sio'pnu nez lo yuj Canaán, siopsiinu triuu —räjpreni.

Sas räjp José lojreni:

—Dini gac si'c. La'tu najctu reni rula'tz, siädhuitistu xho najc laadxnu.



Dxejc laareni räjpreni:

—¡Et si'ctini, Dad! Nuurnu najcnu xmos guejblu, sio'pnu te siinu triuu. Guiraanu najcnu xi'n tejsi dad. Najcnu bensa'c.

—Xhet guliiditu —räjp José—, la'tu siäädtu siädhuiitu xho najc lajdxnu, te fiitu caro cayäädxnu yälnadip.

Rebejtza bazejcreni diidx stehuält:

—Nurnu najcnu xmos guejblu, najcnu tzubitio'p bejtz, xi'n tejsi dad, luxh rbääznu nez lo reyuj Canaán. Ni najc betzhuiinu biannäjni xtadnu, steega rutiruni lojnu.

Dxejc räjpsac José lojreni:

—¡Najcni si'ctis ni guniä! La'tu najctu renani rula'tz, con dee guihuiinu don la guliit. Ditu guirii ree palga ditu jiädna betzhuintu. Suchää tejt chaxhiini. Guiraatu coljia'n latzguiib. Guihuiinu don la didxlili ni caniit.

Basäuu José guiraareni neñ latzguiib choñ dxej. Ni riojn dxejga gurejdxniren. Cheni bidzujnreni cadro suga' José, räjpn lojreni:

—Gaa guejbu chanä triuu te gau rexfamilytu, tejt jia'n ree neñ latzguiib. Coljiädänägajc betzhuintu te guihuiinu don la gulii diidx ni rnii. Palga xhet si'cdi najcni, sejtu.

Cheni biejn diajgreni scree, gusloj caniireni lo sa'reni:

—Scree caguijxnu xcuent ni biennu lo bejtznu José, dinu niuni cheni canabni lojnu guilazlajznuni, che ruhuiinu cadejdni trabajw. Ni'cni naj cadejdzanu trabajw.

Räjp Rubén lojreni:

—Narä gunabä lojtu, na'c niujntu latzsaj biuuxga, niluxh ditu niu xtidxä.

Rebejtza direni gaan racbee José xtiidxreni, sa'csi che rninäjniren, yu' te bejn nani rnii guiro'p didxsaj te rusule'ni xtiidxreni. Biejn diajg José cagusnaj lajzreni latzsaj ni bennäjrenini. Dxejcti gubicajni lojreni, gusloj cayoonni. Cheni gujc guniini lojreni stehuält, guleni Simeón, dxejc gunibeeni biliibni. Dxejc gunibeeni bidxaj triuu xngodxreni, näj gudzu'reni xmeel cade tejreni, gusälzareni meelga neñ cade tej xngodxreni, näj xca'reni xhi gaurenlo nezyuj. Si'c bejnreni. Dxejcti basguureni triuu dejtz rebur, biriireni ro'c, sätireni.

Cheni bidzujnreni cadro tedreni guxhijn, tejreni baxhal ro' xngodxni te gudeedni xhi gauu xpurñi, bahuiini axmeelni yu' neñ ngodxga. Cheni räjpn lo rebejtzni, bidxebduxhreni. Che bidzujnreni rolizj xtadreni bijreni diidx lojni guiraanu gusajcreni; guiraanu ni gunii gubernadoor lojreni, näj xho bidxääl tejreni meel neñ xngodxni. Räjpreni lo xtadreni:

—Che chonnu Egipto stehuält, sa'pnu chanänu Benjamín te guslaareni Simeón.

Niluxh cazob cuaareni rajpreni rextiosreni, luxh basoobreni rediosga neñ reguidobätz nani benchee rebejn Israel. Ro'c bejnreni yälrbibyaal loj xtiosreni, yu' reni nani xi'n bidlireni baze'creni loj bajl si'c yälrbibyaal loj xtiosreni.

Si'c bejn rebejnäga; rajnreni Jehová lal ni sanuu cauzuhijbreni loj rebanäjb. Si'c bejnza rexí'nreni näj rexajgreni, luxh si'cza rujnreni najli.

Isaías, ni rnili xtidx Dios

(Isaías 1:1-6, 11-13, 18-31; 2:1-11; 6:1-13; 7:1-25; 9:1, 6-7; 11:1-9; 35:5-6; 40:3-8; 42:8; 44:6, 9-20; 52:13-53:12; 55:1-13; 61:1-3)

Gule Dios te niguii ni laa Isaías te gacni te ni gузule' xtiidxni loj rebejn ni rbäjz neñ reguejdx ni tre' Judá. Gunili Isaías xtidx Dios guiraa reijz ni gunibee Uzías, Jotam, Acaz näj Ezequías. Guniini rediidxre:

—Scree rnii Dios: “La'tu najctu xi'nä, nani galooli rcanää. Luxh naj diru rlajztu guzuhijbtu loä. Colhuila xho numbee te gon baxhuaanni, luxh buq numbeezani rolizj xpaxhuaanni, niluxh la'tu ni najc rexpenä, di'tu gacbee, dizatu gumbee narä. Najctu bendojl nani riällajz narä, Xtiostu.”

Badeedza Dios diidxre loj Isaías te räjpn lo rebejn:

—Rebejn Israel, xhi gunä xhidajl xcälrbibyaaltu. Xlia'si riädnätu yälrusalajz; na'cru jiädnätureni palga ditu gusa'n yälrundojl. Coltaa loä te gusiaåtu. Mase xhidajl najc xtojltu, narä siällazä xtojltu, sunle'äza la'tu.

‘Palga di rlajztu gusa'ntu yälrundojl, palga ditu gucuadiajg diidx nani gunibeä, siääd renani rdxe'ch lojtu te ju'treni la'tu sa'csi narä Dios, suxhaläreni.

‘Guiraa reni rlajz gusiechlajzreni te guibi'reni loä, siliaareni. Niluxh renani di rlajz gusiechlajzreni, sejtre ni sa'csi di rlajzreni gacnääreni.

Stee dxej räjp Dios rediidxre loj Isaías xcuent guedx Judá näj guedx Jerusalén:

—Neñ redxelult, sajc Jerusalén te guedxro, niluxh guidoo xtenä ni suga' ro'c sinibee loj guideb guedxliuj. Sidzujn xhidajl bejn ni siääd guiraa nejz, gäbreni: “Colcho' guedx Jerusalén, lo xquidoo rexpen Israel, te guicuadiajgnu rextiidx Dios, sa'csi ro'c laani sului loonu rexneziujni.”

Si'c guiniireni sa'csi Jerusalénli jiädnibee Dios, luxh sibäjz guiraa reyälrucuanäj resa' bejn.

—Si'ctis sajc laatu. Si'cpac agunii Dad Dios.

Amós ni rniliu xtidx Dios

(Amós 1:1-2:6; 5:20-27; 6:14; 9:11-12)

Najc Amós te baxtoor xten xiił, rbäjzni gajxh guedx Belén, nez reguedx Judá. Te dxej gule Dios Amós te guiniliini xtiidxni loj rexpen Israel näj loj rexpejnni ni rbäjz lo reguedx Judá. Dee najc rediidx ni badeed Dios guinii Amós lojreni:

—Guiraa reguejdx nani tre' guideb gabitu, susacsäreni xcuent latsiaj ni bejnreni lojtu nani najc xpenä ni aguleä. Ni'cni gusaciä resirios näj refilisteos näj rebejn ni rbäjz guedx Damasco, näj rebejn ni rbäjz nez lo reguedx Gaza, näj guejdx Tiro, näj reguejdx Edom, näj reguejdx Amón, näj reguejdx Moab. Luxh di lazä jial bejnztatu dojl. Xlia'si siädnätu yälrlulaslajz, sa'csi dina xca'äni. Colchanä rexçälrolro'tu, sa'csi dizana gucuadiagwä rexalabanztu, sa'csi dizatu gusobdiidx.

—Palga ditu gusa'n yälrundojl, sinäreni la'tu latzguiib loj ste'ca guejdx cadro gactu mos loj reni rbäjz guejdxga. Guiraa rexyuju sinitloj.

—Luxh sidzujn dxej che guiliä'p rexajgtu xpala'nä, sujnzareni xtzunä si'c ni bejn rebejn che nabajn toDavid. Si'c gunä te guiraa rebejn guiliä'p xpala'nä.

Si'c gunii Dios, luxh rediidxga gunilii Amós loj rexpen Israel.

Sanäreni rexpen Israel lo guejdx

xten reben Asiria

(2 Reyes 17:5-6, 24-41)

Dxejcti bidzujn te dxej che bacuanäj rebejn Asiria rexpen Israel, dxejc lajdxreni sanäreni rexpen Israel nani rbäjz ro'c. Si'cti bire'ch rexpen Israel, sgaiitisreni huijia'n nen guedx Israel.

Sbale'si dxej gudejd, dxejc biädnä reii xten Asiria ste cuaa bejn te cuääzreni loj xyuj rexpen Israel, loj reyuj ni laa Samaria. Reguedx Babilonia näj stee cuaa reguejdx siääd rebejngä. Che gusloj cabäjzreni loj reyuj xten Israel, sa'csi direni chanälajz Jehová Dios, ni'c Dios baxhal xhidajl rebeedz näj xhidgijxh ni cagu't rebejn. Dxejc laareni huiye'tzreni loj reii xten reAsirio. Reiiga gunibeeni guibi' te bixhojz xten rebejn Israel te guluiini rebejnre rexleii Dios. Dxejc gubi' tej rebixhojz nani sanä reAsirio pres, biädnärenini Samaria te guluiini rebejn xho gunreni te gañreni Jehová Dios.

Cheni balajtreni xngodxreni, bahuiireni yu' xmeelreni nenga, dxejc bidxejbreni, laareni sigajc xtadreni.

Räjp Jacoob loj rexen:

—La'tu rlajztu guetä xcuent yälhuinduxh. Ganid José gujt, dxejc bia'n Simeón latzguiib neñ guedx Egipto, naj rlajztu gudzucajtu Benjamín loä che gubi'tu.

Dxejcti räjp Rubén lo xtadni:

—Na'c gunlu xhigab; bateed Benjamín ladznaä. Narä jiädnäsacäni lojlu. Palga dina jiädnäåni, sajc ju'tlu guiro'p rexen.

Niluxh räjp Jacoob lojni:

—Xhetliidi mood; ditu chanä Benjamín.

Ruteed José rebejtzni prueeb

(Génesis 43:1-44:2)

Sanuu cayajc gubijn guejdxga. Ni'cni che baluux Jacoob näj rexen: gudajwreni triuu nani huica'reni Egipto, räjp Jacoob lojreni:

—Colchäj stehuält, colchasiiru triuu te guibajnrunu.

Dxejc räjp Judá:

—Palga dinu chonää Benjamín, xlia'si chonnu. Nani rnibee Egipto anajpacni loonu: “Palga ditu jiädnä nani najc betzhuintu, na'c jiädhuiitu narä.”

Dxejcti gunabdiidx Jacoob:

—¿Xhicuent räjptu lo niguiiga yu' stee bejtztu, ä?

Dxejc räjpreni:

—Laani gunabdiduxhnxi xcuent nuurnu näjza xcuent resa'nu, najni: “¿La nabajn xtadtu, ä? ¿La yu' stee bejtztu?” Xho jiennu xhigab guinibeeni chonänu bejtznu.

Dxejc räjp Judá loj xtadni:

—Palga di rlajzlu guetnu xcuent yälrliaan, basaan chonänu biuuxre te jiojb chonnu. Narä fiä jiädnäsacäni.

Dxejcti räjp xtadreni:

—Palga nanab chääpac Benjamín, colchanäza xhi gudedxlia'tu loj gubernadoor. Chanäzatu meel, te gudeedsactu meel nani badzu'reni, gaxäj direni gan badzu'renini. Colca' bejtztu, colchäj stehuält, colchahuii dade'ga. Rniabä lo Dios ni rajp yälrnibeduxh gunni ga'p dade'ga yälrlazlajz la'tu, te gusaanni guirii Simeón näj Benjamín. Palga xhet si'ctini, palga sapä jianxtebä, ruti xi'nä, sugacni si'c.

Birii guitzu rexil'n Jacoob stehuält sääreni nez reguejdx Egipto. Che bidzujnreni nez loj José, bazuxhijbreni. Bahui José bidzunnäjreni Benjamín. Dxejc räjpmi loj nani rnibee remos ni rujn dzuun rolizjni:

—Huinä reniguiire rolizä, bagu't te guidxaa, gacni xhi guidauunu sa'csi gaunäjreni narä che gal läidxej.

Cheni bidzujnreni rolizj José, bidxejbreni, räjpreni lo sa'reni:

—Biädnäreni nuure ree xcient meel nani badzu'reni loonu xhi dxejga. Sitiñäjreni nuurnu, gunreni jiennu dzuun si'c xmosreni, nuurnu näjza rexmannu.

Ni'cni che bidzujnreni royu'ga, guibigreni loj xmos José, te guninäjrenini, räjpreni lojni:

—Xhi dxejga che bio'pnu, gusiinu triuu, che gubi'nu roliznu, che bixhalnu ro' rexngodxnu, bidxaälnu xmeelnu neñ cade tejreni. Dinu gacbee chu basäl meelga neñ rengodx. Naj biopnäsacnu meelga te guidzu'nuni, siopnäzanu meel te guisiirunu triuu.

Dxejc nani rujn dzuun ro'c räjp lojreni:

—Colcuecdxi lajztu, na'c guidxejblu. Pet Xtios guejbtu basäl meel neñ rexngodxtu. Narä cua'a meel nani gudijx guejbtu.

Nani rnibee remos loj José gulää Simeón neñ latzguiib te sanänini cadro suga'reni rolizj José. Dxejcti badeedni nis te bidiib ni' guiraareni, badeedzani xhi gau rexpurreni.

Che gojl läidxej, bidzujn José rolizjni, dxejc guitzubiteb rebejtz badeedxlia'reni lojni nani biädnäreni, dxejc bazuxhijbreni, bidzujn locuajreni lo yuj, nez loj José. Gunabdiidxti José lojreni:

—¿Xho yu' xtadtu? ¿La nabansijcni, ä?

Bazejcreni diidx, räjpreni:

—Laaca yu' xtadnu, xquixtioslu —dxejc basabsacreni lojreni nez loj José.

Bahui José guideb gabini. Bahuiini lo Benjamín, bejtni, räpgajcni:
—¿La dee najc betzhuintu ni bazä'ttu loä?

—O'n —räjpreni.

Dxejc räjp José lo Benjamín:

—Dios gunle'lü biuux!

Cheni guniini scree, bibalajz José bahuiini lo betzhuinni, biädli te gaan goonni. Ruxuñlini biriini ro'c, gusloj cayoonni. Cheni guläjz biinni, gudiibni lojni te biu'ni stehuält. Rebejtz José gurejreni si'cni cayäjb José lojreni, si'c ijj ni yu'reni, ganid ni najc bengool, dxejc ni najc huinru. Guiraareni bidxeloya'reni, ruhuiireni lo sa'reni, niluxh gajdreni gumbee chu najc José.

'Sa'csi di xpejñlu gañ narä, ni'c najcreni si'c chäälu nani sanälazduxhlu, niluxh laani abaro'nni luj, ahuiläsnäjni stee niguii, niluxh dini gutuju. Palga direni cuälajz rebanäjb, susacsäreni. Niluxh sidzujn dxej ni gudzucaä laj rebanäjb ro'reni, te na'cru gusä'treni lajreni.

Dxejc gunisac Dios lo Oseas, räjpnii:

—Huitiil chäällu, gudanäni, te chanälajzluni, mase najcni gunaguijdx, sa'csi si'c najc xcälrinälazä loj rexpen Israel, nani sanälajz garenca redios.

Dxejctiru huij Oseas, gusiini chäälni. Biädnänini rolizjni, räjpnii lojni:

—Luj gaclu xtenätiis xcheduxh. Na'c guesnäjlu stee niguii, luxh narä gacäza par lujtis.

Dxejcti räjp Oseas loj rebejn:

—Dee najc te seen sidzujn dxej loj guedxliujre cheni di xagdoonu ga'p te reii, nicla xpiään Dios, dirureni guze'c yälbibyaal loj Dios, niclaza loj rebanäjb, luxh ruttriu bixhojz lojreni. Che guidzujn redxejga, xhidajlreni siguiilreni Dad Dios stehuält. Neñ redxejga sigajñreni ni najcpac xreiireni, te xagdoo xten toDavid nani churu jiääd.

Te dxej räjp Oseas loj rebixhojz:

—La'tu ni najctu bixhojz, sidejdtu trabajwdxsa'csi la'tu bejntu gubijxh lastoo rebejñ te bejnreni cosguijdx. Per mase bejntu si'c, Dios canii lojtu: "Rlazä gunleduxhätu, per di gacdini sa'csi di'tu gusaan rujntu doj."

Dxejc räjp Oseas loj rebejn:

—La'tu ni rbäjztu neñ guedx Israel, dirutu cuäätz ree. La'tu, näj rexíntu näj rexajgtu sibäjztu ste'ca guejdx, sicansajtu nez xhidajl reguejdx.

'Rniiza Dios rediidxtre lojtu: "Reasirios gac rexreiitu, sa'csi di rlajztu nibi'tu loä. Narä nacä nani guxhalä reasirios gunreni gaan la'tu te chanäreni la'tu latzguiib lajdxreni, luxh suxhiñreni guiraa rexyuju. Guiraa dee sisajctu sa'csi di rlajztu nuzuxhijbtu loä."

'Luxh mase sajctu guiraa redee, rlajz Dios gacbeetu dee: renani rniab lo Dios jiällajzni xtojłreni, susiällajzni xtojłreni. Riäj guiniireni rediidxtre: "Dad, bial-lazlaa xtolä, balaslajz narä, basaan guibi'ä ladxä te guiliä'pä xpala'nlu. Diruna chalilajzä sajc guslaanu lagajc nurnu. Diruna gañä rebanäjb, sa'csi xtebtis guejblu najc Dios, niluxh guejbtislu sanälajz nuure."

Räjpta Oseas lojreni:

gubijdx, gubijdz cuaanga. Dxejctiru baxhal Dios te belaa, näjza rliaj gubijdx yejc Jonás, guyunajni, rlajzni guetni.

—Maazru huen guetä loj ni chanuu guibañä —caniini.

Dxejc rájp Dios loj Jonás:

—¿La rchaloonu najc huen cadxe'chlu sa'csi gubijdz cuaanga, ä?

Laani rájpni:

—Rdxe'chä sa'csi cayetäli xcuent yälnanlaa ree.

Dxejc rájp Dios lojni:

—Dipaclu nibe'c cuaanga, dizalu nustioobni. Tej guxhijn_{gulejnni}, stee guxhijn_{gubijdzni}, luxh rulaslajzluni. Ni'cni maazru nungäjl gulaslazä guedx Nínive, nani najc te guejdxro cadre yu' maazdi tegayugajl mil bejn nani di gacbee con ni najc xladbeereni conza ni najc xlabäjgwreni, luxh yu'za xhidajl guidxaa.

Profe't Oseas

(Oseas 1:2–2:3, 16, 17; 3:1-5; 5:1-4; 6:11; 7:1; 9:17; 11:5-7; 14:1-8)

Guiraa reijz ni gunibee reii Jeroboam, nani rnili xtidx Dios najc te niguii ni laa Oseas. Laani basule'ni loj rexpen Israel rediidx ni gunii Dios lojni. Bejnniuzu si'cti tiuu ijjz.

Te dxej rájp Dios loj Oseas:

—Chaguchñaalu te gunaguijdx te gacbee rebejn_{lajdxlu} nez loä laareni najcreni si'c te gunaguijdx sa'csi agubicajreni loä, alga rajnreni rebanäjb.

Dxejc cua' Oseas te gunaa ni laa Gomer. Di niaclaa baseñ nuxi'nni, dxejc gojl xi'nni, te bätz niguii.

Dxejc rájp Dios loj Oseas:

—Cuälajlu xi'nlu Jezreel, sa'csi narä susnitloä xcälrnibee Israel; niluxh che gunijtreni, sajeni nez lajtz ni laa Jezreel.

Cheni guyu' stee xi'n Gomer, te dxape', rájp Dios loj Oseas:

—Cuälajlu xindxa'plu Lo-ruhama, ni säloj: diruni ga'p yälria, sa'csi diruna jiaä reben_{Jerusalén}.

Che gudejd schej, gojl stee xi'n Oseas. Rájp Dios lojni:

—Basoob lajni Lo-ami, ni säloj: dini gac xpenä, sa'csi la'tu dirutu gac xpenä, diruna gacä Xtiostu.

'Mase jiäloj guiraa redee, sidajl rexpen_{Israel}, digacdi guigabreni, sa'csi najcreni si'c reyujxh ro' nisdoo nani digacdi guibijxh, digacdiza guigabreni. Niluxh cadre rájpreni lojni: "La'tu et xpenä di najctu", lagaj ro'c säjpreni lojni: "La'tu najctu rex'i'n Dios ni nabajn." Sire' rex'i'n Judá näj rexpen_{Israel}, te churenloj tejtis ni guinibee lojreni.

Gurej José lo te mex, rebejtzni lo ste'ca mex, si'c ni najc xcostumb reben_{Egipto}. Dxejc gunibee José loj rexmosni gudeedreni tejga plat loj cade tej rebejtzni, ni luxh loj Benjamín gudeedreni gaii huält xhidajlru loj ni badeedreni loj rebejtzni. Si'c guiraareni gudajwreni, gu'reni, bibalajzreni.

Cheni guluux gudajwreni, gunibee José loj nani rujn dzuun lojni, rájpni:

—Huichaj rexngodx redade're triuu si'ctis ni sajc chanäreni, basälgajc xmeelreni nen_{xngodxreni}. Basälza co'p pla't xtenä nen_{xngodx} betzhuinreni, näjza meel xcuent xtriuni.

Ni rnibee remos bejnni si'ctis ni gunibee José gunni.

Rdzuññä Jacoop guiraa resa'ni guejdx Egipto

(Génesis 44:3–46:7; 46:26, 27, 29-30; 47:7, 27; 48:1, 5-6, 11, 21; 49:29-31; 50:12-13)

Entis calejn gubijdx che birii rebejtz José Egipto. Gajdreni chää zijtro ro' guejdxga che rájp José loj ni rnibee remos:

—Huij, huinajl reniguiire. Cheni guiga'reni, gojz lojreni.

“¿Xhicuent gulajntu xco'p pla't gubernadoor, ä?”

Sääti nani rnibee remos, bejnni gaan biga'reni, rájpni lojreni:

—¿Xhicuent gulajntu xco'p pla't gubernadoor, ä?

Laareni bazejcreni diidx, rájpreni:

—Xhet gulajndinu. Guila'tnu rexngodxnu. Suguet chutis xmostu ni guiga', ni ca' co'pga.

Dxejcti nani renibee remos rájp:

—Mbaj, hueenca. Xtebtis nani ca' co'pga gac xmosä.

Guiraareni gulätgajcreni xngodxreni lo yuj te baxhalreni ro'ni, cade tejreni bidxääl xmeelni nen_{xngodxni}. Dxejc nen_{xgodx} Benjamín bidxäjl xco'p José. Guc-huinduxh lajz rebejtzni. Gubisacre ni guejdxga. Cheni bidzujnreni roliz José, bazuxhijbreni nez lojni, bidzujn locuajreni lo yuj.

Rájp José lojreni:

—¿Xhini'c bejntu, ä? ¿La'tu bejntu xhigab dina gacbeä palga yu' xhi gulajntu, ä?

Dxejc rájp Judá lojreni:

—¿Xhi guiniinu lo guejblu, ä? Dios abiga'nu nen_{dojl}. Asuga'nu nez loj guejblu. Guiraanu najcnu rexmos guejblu.

Niluxh rájp José lojreni:

—Et guiraaditu rajptu dojl. Xtebtis nani biganäj co'p, ni'c gac xmosä. Guiraatu sajc guibi'tu roliz xtadtu.

Dxejcti gubig Judá loj José, räjpni:

—Narä räpä lo xtadä, narä fiä biuuxga, chanääni, luxh jiädnäsacäni. Xtradnu sejt xcuent yälnalas palga di biuuxre guibi' lojni. Ni'cni rniabä loj guejblu, gusa'n guejblu jia'nä si'c xmos guejblu xcuent biuuxre. Basaan suchanäni rebejtzni.

Che gucbee José abidxaduxh xmood rebejtzni, diruni niujn huant. Gunibeeni jiunejz guiraa rexmosni. Che abirii guiraareni ro'c, cayoonlini räjpni loj rebejtzni:

—Narä nacä José. ¿La guliit u nabajñ xtadä?

Rebejtzni bidxebduxhreni, di gacdi guzejcreni diidx.

Niluxh räjp José lojreni:

—Colguibig loä. Narä nacä bejtztu José, nani bato'tu loj reEgipto. Na'c guidxejbtu, na'cza guidxe'chtu loj sa'tu sa'csi bato'tu narä, sa'csi Dios baxhal narä ree te guslää xcälnabajñ xhidajl bejn. Agujc tio'p ijz yu' gubijñ neñ reguejdxre, luxh cayäädx sgaii ijz ni xhet cose'chdi gac. Per Dios baxhal narä te guinidä lojtu, te di guettu. Naj colchaxhii xtradnu näj guiraa rexíntu te jiädläjztu ree neñ guedx Egipto.

Gudääz José bejtzni, Benjamín, guiro'preni gusloj cayoonreni. Badedgajc José te bixhid loj Benjamín näjza lo guiraaza rebejtzni.

Che gojp rebejn ni yu' xpalaizj faraón razon abidzujñ rebejtz José, räjp faraón loj José:

—Gojz loj rebejtzlu gusuurenri rexmanreni te guibi'reni lo guedx Canaan, te jiädnäreni xtadreni näj resa'reni; narä sudedä xca'reni te yuj ni nasa'cru lo rexyuj Egipto. Nägajc gojz lojreni chanäreni regare't ni yu' guedx Egipto te gac jiädnäreni guiraa xhixtenreni.

Badeed José regare't lojreni si'c ni gunibee faraón, badeedzani xhi gaurenri lo nezsiuj; badeedzani xhabcoob lojreni. Loj xtadni baxhalni gajl bur ni nuu yälNASA'c. Rbalasduxhti rebejtz José biriireni guedx Egipto.

Cheni bidzujnreni rolizj xtadreni, bijreni diidx nabansijc José, luxh di lajzni nilii nani räjpreni lojni. Bazule'reni guiraa rediidx nani räjp José lojreni, bahuiizani loj guiraa yälNASA'c nani baxhal José, dxejcti räjp Jacoob:

—Naj sii nanä nabansijc José, xinä. Sia'ä chahuiäni.

Jacoob biu' nezsiuj, sanäni guiraa nani rajpni. Dxejcti guxhijn gunii Dios lojni lo te bacal, gurejdxnini, basä'tni lajni, ni'c bazejc Jacoob diidx, räjpni:

—Anaree.

Lał ni yu'ni neñ xque' bälga, basiejch lajz Jonás, dxejc guredgxunabni loj Dios, räjpni:

—Dad, narä rlazä silo'ä, luxh biendiajglu, baslaalu narä. Abejnpaclu xhigab gusälreni narä loj nisdo. Benä xhigab agulälajzlu narä, dipacna fiäru xquidoolu, luxh dilu nusaan nietä. Xcuent xcälrulaslajzlu nabañä. Naj sunäpac nani rlajz guejblu.

Che baza' chon dxej, bejn Dios gubig bälga ro' nisdooga te bidzujbni, guläro'ni Jonás loj yubijdz.

Dxejc gunisac Dios loj Jonás, räjpni:

—Huij, gunaaz nezyuj ni rij nez guedx Nínive, lo guejdxroga, ro'c guzule'lu nani guiniä lojlu.

Basquejn Jonás, gunaazni nezyuj ni rij nez guedx Nínive, te guejdx gurobduxh; nanab chon dxej te guidzujn bejn stelaad ro' guejdxga. Biu'ti Jonás guejdxga, gusajni guideb dxej. Cabedxa'ni cayäjpní:

—Teddts tiuu gubijdx, dxejc sinítloj guedx Nínive.

Si'c gunii Jonás cadrotis sääni. Biejn diajg rebejn xtiidxni, bidxebduxhreni. Dxejc bacua'nreni, guredx-gunabreni loj Dios na'c nitlojreni. Xreiireni bacua'nzani, luxh basiechlajzni guiraa rextojlni. Dxejc räpgajcni loj rebejn:

—Palga dirunu jien recosgуйdx nani cayennu, gaxhäsi di Dios gusnitloj nuunu. Pet siällajzni rextojlnu.

Dxejcti bahuii Dios guliipac rlajz reben Nínive gusa'nreni xnezyuguijdxreni, ni'c basiechlajzni, dini nusacsíreni si'c ni räjpni.

Luxh di Jonás nidxaglajz sa'csi di Dios nusacsí reben Nínive, bidxebduxhzani. Ni'cni guninäjni Dios, räjpni:

—Bahuii, Dad Dios, lagajc ni'c gunixgaä gunlu lał ni yusicä ladxa, ni'cni di rlazä niälä ree, ni'cni hua'ä Tarsis. Nanä luj najclu te Dios ni rajp yälrlulaslajz. Dilu guidxe'ch guyasi, niluxh lacti rajplu yälrinälajz. Rniilu gusacsílu bejn, dxejc riobgac riällajzlu redojl. Ni'cni Dad, rniabä gudzucajlu xcälnabanañä, maazru huen guetä que la chanuu guibañä.

Niluxh räjp Dios lojni:

—¿La rchalolu huen cadxechduxhlu, ä?

Biriiti Jonás guejdxga sääni nez dejtz guejdxga. Ro'c bejnni te ramaad te gurejni lo balaa, cabätzni don xhi guisajc guejdxga. Lał ni nabejni ro'c, bejn Dios gulejn te cuaan, biojb guroobni, dxejc rexpalagroni bejn balaa yejc Jonás te jiälyujni. Lał ni sobga' Jonás ro'c, lacti rbaalajzni xcuent balaa ni rudeed cuaanga. Niluxh bara yääl, bejn Dios te bichajw gudajw xlobaa cuaanga. Cheni birii

Di rlajz Jonás nijni; ni'cni baxhunni, bejnni xhigab: "Palga cha'a zijtro nez Tarsis, pet diru Dios guiniab cha'ä guedx Nínive."

Dxejtiru biäjt Jonás lo guedx Jope, ni tre' gajxh ro' nisdoo. Ro'c bidxälni te barcw nani agojl chää guedx Tarsis. Gudixhni xpasajni, huä'pni lo barcw te chääni Tarsis.

Luxh cahuii Dios xhi cayujn Jonás; dxejc bejnni huäjs te bedonduxh loj nisdooga, luxh renani cagusaj barcw bejnreni xhigab siräsy'a'ni. Reniguii nani cayujnuzuun lo barcwga cadxebduxhreni, luxh cade tejreni cabedx-canabreni loj xtiosni. Te di jiäsreni, basälzareni loj nisdooguira recargw ni sanäreni.

Lal ni bejnreni si'c, huij Jonás nez neñ barcwga te guesni. Dxejc biääd capitan xten barcwga, räjpni lojni:

—¿Xhi rujnlu ree nagaguejslu? Huistie te guredx-gunab loj xtioslu te donnu top sajpni yälrulaslajz loonu te guslaani xcälnabajnnu.

Reniguiiga räjp loj sa'reni:

—Do'o guicuaa daad te gacbeenu chu xcient casajcnu scree.

Bacuaareni daad, luxh biajbni xlad Jonás. Dxejc gunabdiidxreni lojni:

—Gunii xhicuent biääd liäadxre lojnu. ¿Xhicuent siäädlu ree? ¿Caro siäädlu? ¿Xhi guewdx najc lajdalu? ¿Chu najc rexcusajnlu, ä?

Dxejc räjp Jonás lojreni:

—Siälä reguedx Israel. Xtiosä najc Jehová, Dios ni yu' xhaguibaa, ni benchee nisdooguira nüjza guedxliu. Laani baxhal narä cha'ä Nínive, luxh di rlazä nia'ä te niäpä loj rebejngä rediidx nani naj Dios guiniä lojreni. Ni'cni siälä ree, yu'ä lojtu.

Dxejc räjp reniguiiga lojni:

—¿Xhicuent bejnlu si'c, ä? ¿Xhini'c jiennänu luj te gac cuedxi nisdooguira?

Dxejc räjp Jonás lojreni:

—Colgusä_l narä loj nisdooguira, te si'c cuedxi nisdooguira. Narä nanä sa'csi benä dojl, ni'c biääd bidonduxhre yejcnu.

Dxejc reniguiiga rlajz gusniibreni barcw, guideb xcälnadipreni bejnreni fuers guibi'reni lo yuj, niluxh direni niujn gaan sa'csi nisdooga maazru guncialajzni. Basältereñi Jonás loj nisdooguira, dxejc gucdxi nisdooga.

Cheni basälreni Jonás loj nisdooguira, biääd te bälroduxh ni gudajmnnini. Baxhal Diosni, guyu' Jonás xque' bälga chon dxejc, chon guxhijn, niluxh dini niet.

Dxejc räjp Dios:

—Narä nacä Dios, Xtios xtaglu. Na'c guidxejblu chäälu Egipto sa'csi ro'c gunä gac resa'luj te guedxro. Sisanää luj Egipto, dxjec lagajc narä sibää rexhagdoolu ro'c.

Jacoob näj guiraa resa'ni sääreni Egipto neñ regare't nani baxhal faraón te jiäädreni.

Guedx Egipto gunibee Jose jiädnäreni xcare'tni te chachaglojni xtaglu. Cheni badxaglojni xtaglu, gudääznini, biinni xchero sa'csi rbalazduxhni bahuisacni lojni.

Dxejtiru räjp Jacoob loj José:

—Naj sii sajc guetä, aguredxi lazä sa'csi abahuiä lojlu, ananä nabajnpaclu.

Huinä José xtaglu Jacoob te guluiinini loj faraón, luxh sarú gunii Jacoob loj faraón, räjpni:

—Aii, Dad Reii. ¡Dios gunleduxh guejblu!

Si'c gujc te bidzujn Jacoob näj resa'ni, biädläjzreni Egipto, lo te yuj ni laa Gosén. Guiraa rebejn nani bidzujn Egipto ni najc resa' Jacoob, näj tio'p xi'n José nani gojl neñ guedx Egipto, najcreni gayonbitzuu.

Cheni yu' Jacoob te gayuu tiubigajdz ijz, gusloj cayacxhuuni. Che biääd diidx lo José cagacxhuu xtaglu, huihuii Joséni, huinäni guiro'p rexil'ni, Manasés näj Efraín. Cheni bidzujn ro'c, räjp Jacoob loj José:

—Dina niunä xhigab nuhuisacä lojlu, luxh naj basa'n Dios bahuiä näjli rexil'nu, Efraín näj Manasés, renani gojl lo guedx Egipto ansde jiälä, xi'názareni. Sica'zareni xhixtenreni tebloj si'c ni xca' Rubén, Simeón, näj guiraa rexil'na. Palga churu xi'nlu, xtenlu gacreni. Direni xca' xerenspacreni, alga xca'reni te la' erens xten guiro'p rebetzgolreni.

'Guxhii cayäädx te guetä, luxh Dios sacnäjtu, laani gun guibi' rexagä loj guedx xten xtaglu.

Cheni guetä, na'c gucua'tztu narä lo yuj Egipto. Colchacua'tz narä lo yuj Canaán, nez guedx Mamre, cadro gusii toxtadgolä Abraham tla' yuj te guiga'tz guiraa resa'ni. Ro'c biga'tzni, laani näj toxmamä Sara, näj toxtadä, näj toxnanä näj tochälä ni laa Lea.

Che gujt Jacoob, rexil'ni huinäreni togoogla guedx Canaán. Bacua'tzrenini lagajc lo reyuj cadro biga'tz Abraham, Sara, Rebeca näj Lea.

Rcanäj Dios biuxbäz ni laa Moisés

(Exodo 1:6-16, 22; 2:2-23)

Resa' Jacoob bidalduxhreni lo guedx Egipto. Che agudejd xhidajl ijz, gujt José näj guiraa rebejn ni biääd lo guedx Egipto. Dxejcti gunibee stee faraón Egipto, luxh faraónga di gumbee José. Räjp faraóncoobga loj reben lajdxni:

—Rexpen Israel najcreni nadipru, xhidajlrureni loonu. Nanab guidiilnu xhi jiennu te na'c guidajlrureni.

Ni'cni gunibeeni gacreni xmos reben Egipto. Basacsídukhreni reben Israel, badeedreni xhidajl dzuun gunreni. Gojp rexpen Israel bencheereni tio'p guewdxro xtenreni, näj rebälguij. Guixeguixee runcheezareni basuu. Te dxej gunibee faraón loj rebejn lajdxni:

—Colchasäl lo gueuu guiraa rebäzniguii ni gal loj rexpen Israel.

Di gac xchej gojl te xpäzniguii te nan Israel. Lacti laguijni. Xnanni bacua'tznini si'cti chon báii. Che di niajcdiru nucua'tznini, benchee gunaaga te dxijm, gudääbni si'c te bajn nenga te di jiu' nisni. Basälni báz neñ dxijm, dxejc baslo'ni dxijmga lo gueuu. Bisiajn bázga bia'n gajxh ro'c te fiini xhini'c sajcni.

Di niaclaa bidzujn xindxa'p faraón, biäjtni ro' gueuu te gazni. Cheni bahuiini lo dxijm säblo' lo nis, baxhalni te xcriaadni chalää dxijmga. Cheni baxhalni ro' dxijmga, bahuini lo báz. Cayoon bázga, dxejc balazlajznini, najni:

—Dee najc te xpäz rexpen Israel.

Dxejcti gubig bisiajn biuxbázga, räjpni lo xindxa'p faraón:

—La rlajz guejblu quilä te gunaa ni gudeed dud yä' bázga?

—O'n —räjp xindxa'p faraón—, gudanä tejni gudejd dud yäni.

Sä'ti dxape'ga, biädnäni xnanni. Räjp xindxa'p faraón lo gunaaga:

—Huinä báze're, gusiä'luni dud. Siguixälu te fiiluni.

Gunaa nani najc xnan bázga, sanätini báz, basiä'nini. Cheni guroob bázga, huinärenini huiläjzni rolizj faraón. Gulälaj xindxa'p faraónni Moisés. Si'cti gujc biroob Moisés rolizj faraón, ro'c baluisa'crenini.

Te dxej cheni bahuii Moisés cagusacsí te ben Egipto te xpejn Israel, bagu't Moisés ben Egipto, biobgajc bacua'tznini neñ yujxh, naani rutliidi bahuii bagu'tni ben Egipto.

Che baraa yääl, biriini, bahuiini cadijl tio'p xpen Israel.

Dxejcti räjpni loj ni cagusacsí steega:

Mase gusunajd Naamán, rlajzni xca'nini, naadi Eliseo xca'nii. Dxejctiru räjp Naamán lojni:

—Najli näj neñ redxej ni jiääd, diruna gudedä yälrusalajz loj ste'ca redios, lojts Jehová gudedäni.

Dxejcti räjp Eliseo lojni:

—Huij rolijzlu, gulecdxi lajzlu.

Siiti Naamán. Agusajni tio'p-chon kilometro, che Giezi, xmos Eliseo bejn xhigab:

—Xlamä balaslajz Naamán. ¿Xhicuent xhetliidi cua'ni loj nani rlajzni gudeedni lojni, ä? Cha'a don la sajl guiga'ni te xca'ä tuche'n nani di rlajz Eliseo nica!

Dxejc sanajl Giezi Naamán, luxh che bahuii Naamán yu' chu siädguxun dejtzni, basudxini xcare'tni te gunabdiidxni:

—¿Xhi rguillu, ä?

Bazejc Giezi diidx, räjpni:

—Xhet rguilädi. Xlamä baxhal narä lojlu sa'csi entis bidzujn tio'p bi'n ni rnili xtidx Dios rolijzni. Siäädreni nez neñ dajn. Rniabni loj guejblu gudeedlu chon mil meel pla't näj tio'p muud laad.

Dxejc räjp Naamán lojni:

—Cua' xho'p mil meel pla't con tio'p muud lajd.

Cua'ti Giezini, gubi'ni rolijzni, luxh bacua'tzni guiraani.

Dxejcti biu'ní cadro suga' Eliseo, nani gunabdiidx lojni:

—¿Ca basajlu Giezi?

Laani räjpni:

—Ca't hua'ädi, Dad.

Dxejctiru räjp Eliseo lojni:

—Gucbee lastoä cheni biäjt niguiiga loj xcare'tni te bacuadiagjni xtiidxlü. Et laadi bejnlü, ni'cni xcälguijdx Naamán sidejd lojlu näjza loj rexfamily par tejas.

Biriiti Giezi nez loj Eliseo, guidebgajcni cayajc yälguijdx ni ral tiejxhni.

Jonás, ni rnili xtidx Dios

(2 Reyes 14:25; Jonás)

Guyu' te niguii ni rnili xtidx Dios ni laa Jonás. Te dxej gunii Dios lojni, räjpni:

—Jonás, huij nez guedx Asiria, lo guewdxro ni laa Nínive te gäblu lojreni xhini'c sajcreni sa'csi cuentro najc relatsiaj xtenreni, luxh abidzujnlini nez loä.

—Huij, gajdz huält chagajzlu neñ gueu Jordán te jiajclu.

Luxh lacti cadxe'ch Naamán, biunejzni ro'c, räjpni:

—Narä benä xhigab niriini te nusä'tni xcälrnibee Xtiosni, luxh guluiä caro racxhuä, te si'c ninitloj yälgujidxre. Regueuu ni yu' ladxä maazru saru najcreni loj guiraa regueuu ni yu' lo guedx Israel. Ni'cni palga rquinä te gueuu te jiacä, chagazä neñ regeuuga te jiacä.

Sä'tini, lacti cadxe'chni

Dxejcti rexmosni basgoodzreni lajzni, räjpreni:

—Dad, palga nuniidx dade' ni rnili ni xtidx Dios teuzuun ni nagajn, ¿la di guejblu niujnni, ä? Luxh najtisni chagaz gujebelu neñ gueu Jordán te jiajclu.

Dxejcti biäjt Naamán, huäjzni gajdz huält neñ nis xten gueu Jordán, si'c ni gunibee nani rnili xtidx Dios, luxh biajci.



Gubigajcni rolizz Eliseo, laani näj guiraa rebejn nani siädnäni, räjpni:

—Gulipac, naj ananä ruti stee Dios loj guideb guedxliuj, mas neñ reguedx Israel. Rniabä lojlu, xca'lü reyälrusalajz xtenä.

Dxejc räjp Eliseo lojni:

—Nabajn Dios, luxh si'cti suga'ä nez lojni, dina xca'äni.

—Xhicuent rusacsílu sa'lü, ni lagajc bejtzluni?

Ni cadxagdijlga räjpni lojni:

—Chuni'c basooblu te guinibeelu nuurnu? Luj dilu gac nani rnibee loonu. La sugu'tlu narä si'c ni bag'tlu beñ Egipto naii, ä? Bidxejb Moisés, bejnni xhigab: “Guiraa rebejn anajn xhi benä.”

Che gucbee faraón xhi bejn Moisés, rlajzni gugu'tnini, ni'cni baxun Moisés, salajzni nez reguejdx ni laa Madián. Ro'c bachnaani, dxejc gusloj bejnniuzuun loj xsuergrni, nani laa Jetro, gojpnri rexiiilni. Guläjz Moisés ro'c tiuu ijj. Guyu'za tio'p xi'nni.

Lał ni rbäzsijc Moisés nez reguejdx xten Madián, gujt faraón ni rnibee Egipto.

Gurejdx Dios Moisés te gacnäjni rexpejnni

(Exodo 3:1–4:18, 20, 27–31)

Te dxej, che cayajp Moisés rexii xten xsuegrni neñ te dajn ni laa Horeb, nejzga biricaj xangl Dios neñ te yaguejch nani ralguij, niluxh dini chec. Dxejcti bejn Moisés xhigab: “Chahuiä donnu xhicuent di yaguejchga chec.” Cheni gubigni ro'c, biejn diajgni xse' Dios canii lojni:

—Moisés, na'c guibigu ree. Gulää rexcura'chlu sa'csi nez loä suga'lü. Narä nacä Dios xten retotxadgoldoolu, Abraham, Isaac näj Jacoob.

Dxejcti basäuuni lojni dejtz xhajbni sa'csi rdxejbni, bejnni xhigab guetni palga fiini loj Dios. Dxejc räjp Dios lojni:

—Nanä cadedduxh rexpenä trabajw neñ Egipto, ni'cni siälä te guslääreni ladznaa reben Egipto. Guslääreni ro'c te chanääreni lo te yusa'c. Huij Egipto te gäblu loj faraón gusa'nni guirii rexpenä Egipto.

Dxejcti räjp Moisés lo Dios:

—Dina gapä yälrnibee te gäpä loj faraón gusa'nni guirii rexpenä Israel.

Bazejc Dios diidx lojni, räjpni:

—Narä sisianäalu te gacnäalu. Si'c sii sujnlu gaan. Cheni abejnlu gaan, aguläelu rexpenä lo guedx Egipto, ree jiäädreni te ganreni narä, lagajc yejc dajnre.

Räjp Moisés:

—Palga cha'a, chasule'ä diidx loj rexepnä, gäpä lojreni: “Dios baxhal narä”, laareni sinabiidixreni: “¿Xho laa Dios nani baxhallu?” ¿Xhi gäpä lojreni dxejc?

Dxejc räjp Dios lojni:

—Narä nacä Nani Najc par Tejpas. Ni'cni dee gäjblu loj rexpejñlu: “Jehová ni nafc Xtios rextadgoloonu toAbraham, toIsaac näj toJacoob, Nani Najc par Tejpas baxhal narä.” Dxejc batie' rebengool nani rnibee cade cuaa rexpejñlu nen guejdx. Dxejc colchäj, luj näjza laareni, colchahuij loj reicoob ni nafc faraón xten Egipto. Colye'tz loj faraón: “Bejn te hueen, basa'n choonu chon dxej nez lo reyubijdz, chonänu guiraa rexpejñnu te chole'cnu gojn nez loj Xtiosnu.” Laani dini gusaan chäätu, ni'c sapä gunä xhidajl seen te fiireni xcälhadipä. Dxejc si susa'nni jiunejztu. Narä sunä jia reben Egipto reben Israel, sudedxhlia'reni cossa'c lojreni che juinejzreni. Si'cti gac gudzucajtu xcälnasa'lc reben Egipto.

Dxejcti räjp Moisés lojni:

—DIRENI chalilajz. Siniireni loä: “Di Dios nuxhallu.”

Gunabdiidx Dios lojni:

—¿Xhini'c yu' ladznaalu?

Bazejcni diidx, räjpni:

—Te yajg nani ruscuäaz rexil cheni rlajzreni guxunreni loä.

Dxejc räjp Dios lojni:

—Bacuaanini lo yuj.

Cheni bacuaa Moisés yajgga lo yuj, gubixhlojni te bäl niälajz.

Lacti bidxejbni bälga, baxu'nni lojni. Dxejcti räjp Dios lojni:

—Gunaazni nez xhibaanni.

Che gunaaz Moisésni, gubixhlosacni te yajg.

Räjp Dios lojni:

—Basäl naalu nen xcamangwlu.

Basäl Moisés naani nen xcamangwni. Cheni guläänini, bahuiini nayudx naani.

Räjp Dios lojni:

—Basälsac naalu nen xcamangwlu.

Baslni naani nen xcamangwni, luxh che guläänini, abiajc naani.

Räjp Dios lojni:

—Cheni guininälu rebejn lajdalu, baluui reseenre. Palga direni chalilajzlu, palga dizareni guzoob diidx cheni fiireni reseenre, cuä'nis lo gueuu, baxhe'nini lo yuj, te guibixhlojni gacni rejn.

Niluxh räpsac Moisés:

—Dina ganä la sajc gunäni. Di gacdini guinisa'cä.

Dxejc räjp Dios lojni:

—¿Chuni'c badeed ro' nigui? ¿La et narädi? Ni'cni huij, narä guiniä lojlu xhini'c guiniilu.

Niluxh laareni sunajdreni cheli räjpni lojreni:

—Mbj, suchääreni.

Dxejc baxhalreni garol gayuu nigui, luxh chon dxejli huitilreni Elías, per direni nidxälni. Cheni gubi'reni guedx Jericó cadre bia'n Eliseo, räjpni lojreni:

—Agunixgaä na'c chäätu, sa'csi xlia'si chatiltuni.

Huij Naamán lo Eliseo te gusiajcnini

(2 Reyes 5)

Guyu' te niguii guedx Siria ni laa Naamán. Nafc niguiire te ni rnibee resoldaad xten reii ni rnibee guedx Siria. Laani nafc te niguii ni dipac guidxejb, luxh lacti sanälajz reiini, sa'csi xcentni bejnreni gaan loj guiraa reni rdxe'ch lojreni. Niguiiga gulipiä dini guidxejb, luxh cayacxhuuni, cayajni yälgujidx ni ral tiejxhni.

Rolijz Naamán guyu' te dxape', te ben Israel, ni biädnäreni ro'c te gacni criaad, yu'ni lo chää Naamán. Te dxej räjpni loj nane'ga:

—Nen reguedx Samaria yu' te niguii ni rnili xtidx Dios, palga chää chäällu chanabni gusiajcnini, laani sujnpacnini.

Che gucbee Naamán xhi gunii dxape'ga, huiye'tzni lo reii xten reguedx Siria. Dxejc räjp reiiga lojni:

—Mbj huenga. Huij loj reguedx Samaria te huininäj niguiiga ni rnili xtidx Dios. Narä gunidxä te guijtz ni gudeedlu lo reii xten rexpen Israel.

Dxejcti sää Naamán. Sanäni xhidajl meel, näj tzuu muud lajd si'c yälrusalajz te gudeednini loj niguii ni rnili xtidx Dios, näjza te guijtz nani caj diidxre: “Nani siädnä guijtzre, ni laa Naamán, najcni te xpenä. Laani rajc yälgujidx ni ral tiejxhni. Baxhaläni lojlu te gusiajclu yälgujidxga.”

Niluxh cheni bil reii xten rexpen Israel guijtzga, batäjsni xhajbni sa'csi bidxejbni. Dxejc räjpni:

—Narä dina gacä Dios te gac gugu'tä o te gudedä yänabajn. ¿Xhicuent baxhalni niguiire, ä? Narä digacdi gusiacäni palga rajcni yälgujidxga. Colhuiila xho rguiilni mood te guidxagdijlni narä.

Che gucbee Eliseo cadxebduxh reii, baxhalni chu räjp lojni:

—¿Xhicuent batäjslu xhajblu? ¿Xhicuent rdxejbzalu? Baxhal bejn racxhuuga loä, te gacbeeni yu'pac ni rnili xtidx Dios lo guedx Israel.

Dxejc huij Naamán näj rexcabaiini, näj xcare'tni, gusudxini roxiä' Eliseo. Dxejc Eliseo baxhal Giezi, xmosni, te räjpni:



Niluxh diru Eliseo nuhuii lojni.

Gulänsi xladbej Elías nani bastejbni, baxhob Eliseoni lo nis gueuuga, räjpzani:

—Jehová, gucnäj narä si'c ni gucnäjlu Elías.

Cheni bejnni scree, nisga guc gala' te guc gudejd Eliseo. Rebi'n nani rnili xtidx Dios suga'reni ro'c bahuiireni guira'ti, ni'c räjpreni:

—Eliseo arajp yälnadip sa' ni gojp Elías!

Biriireni, sachaglojrenini te guzuxhijbreni lojni, räjpreni:

—Lojnu, renani najc xmoslu, yu' garol gayuu niguidaan. *¿La dilu gun xhigab riäjl guixhalnurenini te chatilreni xmastrlu, ä?* Gaxhäjsi Spri't Dxan xten Dios gulänsi te basa'nnini yejc te dajn o loj te lajtz.

Bazejcní diidx, räjpni lojreni:

—Dina gunä xhigab rujn presis chääreni.

Räjp Moisés:

—Bejn te hueen, Dad, gule ste'ca bejn nani guxhallu.

Bidxe'ch Dios loj Moisés, dxejc räjpni:

—Bejtzlu, Aarón, rnisa'c. Ani siääd nezree. Laani gac xse'lu. Luj säjplu xhi guiniini xcuentlu. Chanälu yajgre ladzñaalu, te ni'c gunnäjlu reseen.

Dxejcti gubi' Moisés rolizxsuegrni, batie'ni rexhixtenni te biunejzni ro'c, näj chäälni, näj rexi'nni, näjza guiraa ni rajpni. Sä'tini nez Egipto, naani ca'ni yajgga, chela bidxaagni Aarón loj nezsiuj.

Agunixgaa Dios lo Aarón, räjpni:

—Huij nezloj reyubijdz, huininäj Moisés nez dajn Horeb.

Ni'cni bidxagsa'reni lo nezsiuj. Bij Moisés lojni guiralii nani räjp Dios lojni. Dxejcti gubisac guropreni Egipto.

Cheni bidzujnreni Gosén, lo reguedx Egipto, bachagsa'reni guiraa rebengool ni rbäjz lajdxreni. Basule' Aarón guiralii diidx nani räjp Dios lo Moisés, baluiizani reseen nani badeed Dios lojni. Rexpen Israel huililajz nani räjp Moisés con Aarón lojreni. Bibaa lajzreni biejn diajgreni Dios najn xcent guiraa reyälrusacsí ni cadejdreni, luxh agojl guslaaniren.

Chaninäj Moisés faraón xten Egipto

(Exodo 5:1-21; 6:10; 7:6, 8-13)

Te dxej huinä Moisés Aarón te huininäjreni faraón:

—Guinii Xriosnu loonu, chonäänu guiraa rexpejnnu nezloj reyubijdz te chogajnnuni ro'c —räjpreni.

Bazejc faraón diidx lojreni:

—¿Chuni'c najc Xrioslu? Narä dina gumbeäni luxh dipacna gusa'nä chääreni. *¿Xhicuent rujntu rusa'n rebenguejdx xtzuunreni?* Na'c rujntu ru' benguejdx yärsia!. Colchayejnuzuun. Palga cayäadx xtzuuntu, gunidxäruuzuun guntu.

Lagajc dxejga faraón guinibee lo reni rnibee remos:

—Najli na'cru gudeedtu guixha' loj rebejn nani runchee basuu, si'cni bejntu galoo. Naj lagajc laareni chatie'reni guixha'. Niluxh guiquiintu lagajcuzuun lojreni, gunreni lagajc rebasuu nani bejntreni galoo, na'c jiäädx rebasuu. Riäädx xhi gunreni, rlajzreni gunreni te lanij nez lo reyubijdz.

Renani rnibee rexmos xten faraón gunibeereni loj rexpen Israel gunreni si'c ni gunibee faraón. Ni'c gojp rexpen Israel huitojreni guixha' cadrotis guidväjlrenini. Niluxh sa'csi di niajcdi

niujnreni rebasuu ni gunibee faraón gunreni, ni'cni reEgiptos ni rnibee cade cuaa rexpen Israel basacsíduxhreni rebejngä.

Dxejcti rebengool ni rnibee cade cuaa rebejn Israel huijreni loj faraón, gunabreni ga'pni tudxe'n yälrulezajzreni. Dxejc räjp faraón lojreni:

—Benplotisreni. Naj colchäj, colchayejnuzuun. Nanab guntu basuu si'ctis ni bejntu galoo.

Che birii rebengool ni rnibee rebejn Israel ro'c, bidxaagreni Moisés näj Aarón, räjpreni lojreni:

—Guejtu najtu guslaatu nuure, naj alga cagusacsítureni nuure xcuenttu.

Ni'cni bidxe'ch rexpen Israel loj Moisés näj Aarón. Dxejcti guredx-gunab Moisés lo Dios te guluiinini xhi gunni. Räjp Dios lojni:

—Naj fiilu gan xhi gunnää faraón näj reben Egipto, te si'c lää rexpen ladxa, guirigajcreni ree.

Dxejcti huij Moisés näj Aarón stehuält nez loj faraón, räjpreni lojni:

—Dee najc xtiidx Jehová: “Basaan guirii rexpenä te ganreni narä.”

Räjp faraón lojreni:

—¿Chuni'c najc Jehová? ¿Xhicuent nanab gusobä xtiidxni? Baluui loä te yälrdxeloj te chalilazä Jehovápac baxhalta.

Dxejcti basäl Aarón yajg ni ca'ni lo yuj, luxh gubixhloj yajgga, gujcnii te bäl. Ro'c suga' reben najn, rebidxaa ni yu' lo faraón. Laareni bacuaazareni xyajgreni lo yuj, gubixhlojza reyajgga, gujcreni bäl. Dxejc gudajw xpäl Aarón rexpälreni. Dxejcti gunaaz Aarón nez xhibaan xpälni, gubixhlojny yajg stehuält. Per gucnajd lastoo faraón, dini niu xtiidxreni. Dini nusaan niunejz rexpen Israel guedx Egipto.

Baxhal Dios gaa cuaa plaag lo reEgiptos

(Exodo 7:15-17, 20-21; 7:24-8:2, 5-19, 24-32; 9:6-19, 22-28, 33-35; 10:3-4, 13-29)

Dxejcti räjp Dios loj Moisés:

—Guixee rsilru chäelu ro' gueuu che suga' faraón ro'c. Gojz lojni: “Gunisac Dios loonu sajp guejblu gusaan guirii rebejn Israel.” Palga di faraón gusobdiajg, cua' xpastonlu, batiajlni lo nis ro' gueuga te guibixhlojny gacni rejn.

Che bara yääl, bidxaag Moisés con Aarón faraón nez ro' gueuga. Räjp Aarón lojni nani gunibee Dios guiniini. Niluxh

Sä'tireni loj guedx Betel, luxh rebi'n nani rnili xtidx Dios nani yu' Betel biädcaglojreni guiro'preni te räjpreni loj Eliseo:

—¿La najnlu sinä Dios xmastrlu nadxej, ä?

Räjp Eliseo lojreni:

—O'n, nanäni, per xhet guiniiditu.

Dxejc räjp Elías stehuält:

—Eliseo, bia'n ree naj, sa'csi baxhal Dios narä cha'ä guedx Jericó.

Niluxh laani räjpni:

—Sianää lu.

Biäädreni lo guedx Jericó, dxejc rebi'n nani rnili xtidx Dios ni yu' Jericó räjpreni loj Eliseo:

—¿La najnlu sinä Dios xmastrlu nadxej, ä?

Bazejcnii diidx:

—O'n, nanäni, per xhet guiniiditu.

Dxejc räjp Elías lojni:

—Rniabä lojlu, jia'nlu ree sa'csi ruxhal Dios narä loj gueu Jordán.

Niluxh räjp Eliseo lojni:

—Sianää lu.

Ni'cni sää guiro'preni, luxh garol gayuu rebi'n nani rnili xtidx Dios, siädnajlreni. Cheni bidzujnreni gueu Jordán, gusudxireni, luxh rebi'n nani rnili xtidx Dios gusudxizareni zijtru. Ro'c cua' Elías xladbejni, bazeitnini te baxhobnini loj nis ro' gueuga, dxejc renisga gujc tio'p la' te gujc gudejd guiro'preni lo yubijdz.

Cheni bidzujnreni stelaad ro' gueuga, räjp Elías loj Eliseo:

—Gunab ni rlajtislu te gac gunäni ansde gudzucaj Dios narä xladlu, sa'csi sia'n xteblu.

Räjp Eliseo lojni:

—Rniabä lojlu, jiääd loä tio'p cuaa sa' yälnadip nani rajplu. Dxejc räjp Elías lojni:

—Naganduxh nani canablu, per palga filojlu cheni jiunezä lojlu, sacbeapaclu suniidx Diosni. Palga dilu fii, ni'c säloj dilu xca'ni.

Luxh si'c gujcnii; laj ni sanuu cayujyreni diidx, biricaj te gare't ni najc ganax bajl, näj recabaii ni najc ganax bajl te badzucajnireni lo sa'reni. Dxejctiru huäp Elías xhaguibaa ro' te bedondukh, luxh che bahuui Eliseo dee, guredxa'ni:

—¡Dadbiid! ¡Dadbiid! ¡Laa xcare't Israelni, näj rebejn ni rbijb rexcabaiini!

chiduj, ni saruduxh. Cheni biejn diajg Elías, basäuuni lojni con lagajc xhajbni, biriini te gusujni ro' biliääga. Dxejctiru biejn diajgni xse' te ni räjp:

—Elías, ¿xhicuent suga'l lu ree?

Laani bazejcni diidx, räjpni:

—Sa'csi rlajzreni ju'treni narä sa'csi yu'reni embiid xcuent xtuunlu näjza xcuent guejblu. Rexpenä agulälajzreni guejblu, abatzulreni rexpäänlü, luxh abagu'treni con spaad rexpejñlu ni rnili xtiidxlu. Xtebtis narä ria'nä; niluxh caguiilreni narä te ju'treni narä.

Dxejcti räjp Dios lojni:

—Huijga, gubisac lagajc lo nezsiuj nejz cadro siäädlu. Cheni guidzujñlu, gudiil Jehú, sa'csi narä aguleäni gacni reii loj rexpen Israel. Laani xca' cuentni te ju'tni guiragajc renani rinälajz Baal. Aguleäza Eliseo te gacni nani guinillii xtidxä lacuua luj. Na'c guidxejblu. Yu' gajdz mil niguii loj rexpejñlu ni gajd guzuxhijb nez loj Baal, gajdzareni guchagro'ni.

Che biriini ro'c, Elías bidxaag Eliseo, caya'nni te yuj con rexconni. Dxejc gulääni xladbejni, bahuajcwnini Eliseo, si'c te seen laani xca'ni xtuunni. Sanuuti Elías xnezyujni, chela biääd Eliseo, ruxuñni siädnajlnini, cayäjpni lojni:

—Rniabduxhä lojlu, gusaanlu gusadixhä xtadä näj xnanä, te dxejcru guirinalä luj.

Dxejc räjp Elías lojni:

—Huij pues, ni luxh basaalajzlu: xhet narädi guleålu te gunlu dzuunre.

Gubi' Eliseo, cua'ni rexcon ɻa'nni, bagu'tnireni. Con garaadga gule'cni guiboo, baque'ni xpääl reguidxaaga te badeednini gau rebejn. Dee bejnni si'c te seen abasa'nni dzuunga te gunni xtuun Dios. Säätini, sayejnni dzuun nani agule Dios gunii, si'c ni räjp Elías lojni.

Sanä Dios Elías

(2 Reyes 2:1-18)

Elías sugaräjru Eliseo cheni sanä Diosni. Sariireni guedx Gilgal cheni räjp Elías loj Eliseo:

—Bia'n ree sa'csi caguxhal Dios narä guedx Betel.

Niluxh räjp Eliseo lojni:

—Nezloj Dios näj nezlojzalu, rniä lojlu chanääpac luj.

faraón di rlajz gusaanni jiunejzreni. Dxejcti batin Aarón xpastoonni lo nis gueuuga, dxejc gubixhlojni gujcni rejn. Gujt rebäjl, luxh guideb guedx Egipto rliadxuudx. Luxh sa'csi di reben Egipto ga'p nis yääreni, gudäänreni bisie gajxh nez ro gueuu.

Che baza' gajdz dxej, räjp Dios lo Moisés gäbni lo faraón:

—Palga dilu cuadiajg xtidx Dios, su' xhidajl bedz guideb lajdxlu.

Stee dxej basgaa Aarón xpastoonni nez ro gueuu, dxejc birii xhidalduxh bedz. Guyu' bedz guiranejz, nejz lo yuj, neñ reyu', neñ reloon, nejz rodäj cadro rujnreni xhi rajwreni. Di Faraón niujnru huant cadajl rebedzre, ni'c räjpni loj Moisés:

—Guninäj Xtioslu. Gunab gusnjtni rebedzre dxejc gusanä chale'ctu gojn lojni.

Dxejc gunab Moisés lo Dios gusnitlojni rebedz. Che bara yääl gujt guiragajcreni, bia'ntisreni rogueuu. Nagadajn rebedz guideb nejzga, lacti rliadxuudxni. Cheni baraj rebedzga, gucnajd lastoo faraón stehuält, dini nusaan niujnru rexpen Israel.

Dxejcti räjp Dios lo Moisés:

—Gojz loj Aarón gusaanni xpastoonni, gutinnini lo guxhuj.

Cheni bejn Aarón si'c, gusloj carii be'tz lo yuj, per nicla si'c di faraón nicäjb niujnru rebejn Israel.

Cheni bahuii Dios di faraón guzobdiajg xtiidxni, räjpni lo Moisés:

—Huij, gojz lo faraón, palga dini guzobdiidx, suxhalä xhidajl rex gusacsíreni rebejn.

Dxejcti baxhal Dios xhidalduxh rex, luxh guideb guejdxga guchaj rex. Dxejcti gurejdx faraón Moisés näjza Aarón, räjpni lojreni:

—Colnab lo Dios nitloj rexre te jiojb gusa'nä chääreni te gunreni xlani jxtiosreni, per na'c chääreni zift.

Dxejcti gunab Moisés loj Dios. Bejnti Dios nani gunab Moisés lojni: che baraa yääl gunitloj rex. Luxh alga gucnajd lastoo faraón stehuält, dini nicäjb niujnru rebejn Israel.

Dxejc baxhal Dios stee yälguijdx ni bagujt guiraa reguidxaa xten reben Egipto. Gujt recabaii, rebur, recameii, näj rexiil. Niluxh di nicla tej reguidxaa xten reben Israel niejt. Luxh di faraón niu diidx. Laftis nacnajd lastooni, naadtini jiunejz reben Israel.

Dxejcti gunisac Dios lo Moisés näj Aarón, räjpni lojreni:

—Colchanä te bo'c cobdäj lo faraón, colgutie'chni lo bej nez lojni. Dxejc gunä guirii guejdx tiejxh reben Egipto.

Nicla si'c, di faraón xcäjb niunejz rebejn̄ Israel, sa'csi Dios bejn gucnadgajc lastooni.

Baxhal sac Dios Moisés saninäjni faraón, räjpni lojni:

—Xtiooznu baxhal diidx lo guejblu, najni: "Basaan guirii rexpenä te cue'creni gojn loä. Palga dilu jiu xtidxä, suxhaläru yälgujdx. Sa'csi paru rlazä, alabasnitloä luj, per cagusa'nä nabajnlu te fiilu xcälrnibeä, te gacbeeza guiraa rebejn̄ chu narä. Guixepac siajb guixob. Gunibee chatie' rebejn̄ rexquidxaareni, näj guiraa nani rajpreni loniaa, sa'csi guiraa rebejn̄, näjza guidxaa nani suga' loniaa, sugu't guixobreni."

Che bara yääl, gunibee Dios lo Moisés guzäabni xpastonni nez xhaguibaa. Dxejctiru dipduxh biejn bidinya' xhaguibaali, biajb nisgujj näjza guixob, basnitlojni guiraa reyajg, recuaan, näjza rebinij. Bagu'tzani guiraa renani di nuzoob diidx, bia'nreni loniaa. Per nez loj rexuyj xten Gosén di guixob njajb.

Dxejc baxhal faraón chu huitejdx Moisés con Aarón stehuält, räjpni lojreni:

—Palga cuääz guixobre, sajc jiunejztu.

Cheni birii Moisés ro' guejdxga, gulätzni naani, te si'c guläjj biajb guixob. Per di faraón nuzoob xtiidxni, luxh dini nusaan niunejz rexpen̄ Israel.

Stehuält huij Moisés con Aarón, huininäjreni faraón, räjpreni lojni:

—Palga dilu gusaan jiunejz rebejn̄, guixee suxhal Dios xhidajl guxha'tro te gaurení nani bia'n che biajb guixob.

Lagajc dxejega huij reni rujn̄ khuun loj faraón, gunabreni gusa'nni chää reben̄ Israel ansde gacru cosro, ni guxhin̄ guideb rexuyjreni. Dxejcti räjp faraón lo Moisés:

—Colchäj, colcue'c gojn lo Xtiostu, per colnixgaa churen'i'c chää.

Räjp Moisés lojni:

—Chonnu guiraanu, rexpiumuxnu, näj rebengool, näj rexiiilnu näjza guiraa rexquidxaanu.

Räjp faraón lojni:

—Didxxhii rniiitu, rlajztu gusgueetu narä. Xhet nanabti chäätu guiraatu. Suchää reniguiitis, chale'ctu gojn lo Dios.

Dxejc barilaagwreni guiro'preni nez loj faraón.

Che bara yääl baxhal Dios te bej ni birii cadro rliejn gubijdx. Bejga biädnä xhidalduxh guxha'tro. Biäädreni si'c te za, bascäjyreni lo gubijdx. Xhetlidi bia'n, nicla yajg, nicla cuaan

Badeed Dios te yälriäliuj loj Elías

(1 Reyes 19)

Chääl Acab, ni laa Jezabel, najcni te bejn̄ nani randuxh, nani rinälazduxtej, banäjb ni laa Baal. Cheni bijy chäälni diidx lojni xho bagu't Elías guiraa reni rcanaj Baal, baxhalni chu huisa'n diidx loj Elías, räjpni:

—Baxhal Jezabel narä, siädniä lojlu, abenpacni xhigab ju'tni luj ansde gal orre guixee.

Cheni gucbee Elías yu' riesjgw ju'trenini, huisuni te sääni nez lo reyubijdz. Cheni badxajgni, gurejni xhajn te yajg, rlajzni guettisni, ni'c räjpni:

—¡Agujc Xtiosä! Diruna gunä huant. Basaan suguetä.

Dxejc gojtni lo balaa xhajn yajgga, ro'cti nagaguejsni. Biädgajc te angl xten Dios ni bacuäänni, dxejc räjpni:

—Huistie te gudajw.

Chela bahuiiini, ro'c suga' te yätxtiil nani bigue' lo te dzujl näjza te bas guidxa nis. Gudajwni, gu'ni, dxjec gotsacni, gudiestini.

Niluxh anglga gubi'ni stehuält, bacuäänsacnini te räjpni:

—Huistie te gudajw sa'csi nanab chäälu zift.

Dxejc huistie Elías, gudajwni, gu'ni, dxejc gojpn̄ yälnadip xcuent ni gudajwni, ni'c gujc gusajni tiuu dxej näj tiuu guxhijn̄. Diruni niliaan, diruzani niajw stehuält, sa'csi nani badeed Dios gudajwni bachaj xque'ni.

Cheni bidzujnni yejc dajn ni laa Dan Sinaí, biu'ni neñ te biliää. Ro'c biääd Dios te guninäjnni, räjpni:

—Elías, ¿xhini'c cayujnlu ree, ä?

Laani räjpni:

—Dad, abenduxhä khuun xcuent xtzuunlu näjza par guejblu. Rexpenä agulälajzreni luj. Agulecbä'nreni rexpiaänlu, luxh abagu'tzareni con spaad guiraa renani rnili xtiidxlu. Xtebtis narä ria'nä. Naj caguilzareni narä te ju'treni narä.

Dxejctiru räjp Dios lojni:

—Birii neñ biliääga te guzuj yejc dajnre nez loä.

Lañ ni yu' Elías neñga, gudejd Dios nez ro' biliääga. Ganiddoo biääd te beduxhej sa' ni ruscubeduxh, ascanu gutiäsyä'ni redxajn näj gusubejni reguilaj. Niluxh di xse' Dios niääd loj bejga. Dejtz bejga, biääd te xu, niluxh di Dios ninii lo xuga. Dejtz xuga, biääd te bajl, niluxh di Dios ninii lo bajlga. Dejtz bajlga, biääd te xse'

—Baal, ¡gunii loonu!

Niluxh rut xse'di riejn; rutza ruzejcdi diidx lojreni. Niluxh agojl läidxej, ni'c ruxhisnäj Elíasreni, räjpreni:

—Colcuedxa'ru, gaxhäjsi diidx cayujyni, o yu' xhi casiini, o pet sääni zift, o nagayejsni, nanab gucuääntuni.

Dxejc guredxa'reni dipru, guslojza cua'reni guchiil, cagutiuugreni lagajc laareni, li surejnreri. Si'c gudejdti läidxej, niluxh sanu cabedxa'reni lo Baal che huäjsli gubijdx, luxh xheti nicla tej xse' ni nudzu' rediidxga.

Dxejc räjp Elías loj guiraa bejn:

—Colguibig.

Guiraa rebejn gubig cadro suga'ni. Biobgajc bensa'cni xpiäään Dios nani agubijl, dxejc gudäänni te charcw guideb gabii piäängä, dxejc gule'cni reyajg yejc sa'reni; dxejc batiuugni gonga, te telagajcni badzuubni yejc yajgga. Dxejc räjpni loj rebejn:

—Colguchaj tajp re' nis te colguida' nisga yejc gon näj yejc yajg.

Cheni gulujx guda'reni nis yejc piäään, gunab Elías gunrenini stehuält, luxh si'c bejnreni. Dxejc räjpni lojreni:

—Colyejnni ni riojn huält.

Guda'reni nis ni riojn huält, dxejc bidzujn nis guideb gabii piäängä, luxh gudxaj charcwga nis. Dxejc guredx-gunab Elías lo Dios; räjpni:

—¡Aii, Dad Dios! Baluilaa najcpac guejblu Dios nani guliipac, luxh narä nacä xmoslu luxh guejblu gunibee gunä guira'ti nani abenä. ¡Bacuadiaglaa xtidxä Dios! Badzu' diidx nani canabä te gacbee rebejnre Lujpac najclu Dios, niluxh Lujpac rlajzlu chalilajzreni xtiidxlu stehuält.

Dxejc biabgajc bajl xhaguibaali, luxh baze'cni gonga, reyajgga, reguijga, reguxhujga, näjza li baspijdzni nis ni guyu' nen charcw. Cheni bahuui rebejn ni guzajc, bazuxhijbreni, gudixh locuajreni lo yuj, räjpreni:

—Jehová najcpac Dios ni guliipac!

Dxejc räjp Elías lojreni:

—Colguiniaaz reni rnii xtidx Baal. Na'c gusaantu guxuñ nicla tejreni.

Dxejc gunaazreni rebejnga, dxejc Elías huinänireni ste laad te gueuu, te ro'c bagu'tnireni. Dxejc räjp Elías loj Acab:

—Gubi' rolizlu, sa'csi asiääd te nisguiro.

Lañ ni sasajni nez lo nezyuj, gusloj cayajb te nisguiro.

loniaa, sa'csi gudajw guxha'troga guiraa rebalaljg loj reyajg, guiraa reninejxh, guiraa recuaan.

Faraón guredxsacni Moisés näj Aarón, räjpni lojreni:

—Abenä dojl nez lo Xtiostu näjza lojtu. Rniabä lojtu, colsiäjl lajztu rextolä, colguiniab loj Xtiostu nitloj reguxha'trore.

Dxejc gusloj canab Moisés lo Dios, ni'cni bejn Dios biääd te beduxh ni birii nez cadro riäjz gubijdx, sanäti bejga reguxha't. Che sää reguxha't, di faraón nusaan niunejz rebejn, sa'csi bennajd Dios lastooni.

Räjp Dios lo Moisés gusgaani naani stehuält nez xhaguibaa te chu te xcäjy guideb lo guejdxga. Cheni basgaa Moisés naani, bicäiduxh. Si'c guc choñ dxejc, luxh nicla tej reben Egipto di niajcdini nirii rolizjni. Cadrotis rbäjz rebejn Israel, nianij. Faraón guredxsacni Moisés con Aarón, räjpni lojreni:

—Colchanä rechäältu näjza rexintu. Colchale'c gojn lo Xtiostu. Per sujia'n rexiltu, requidxaatu ree.

Dxejc räjp Moisés lojni:

—Nanab chonäzanu reguidxaaga te cue'cnu gojn lo Dios.

Che biejn diajg faraón diidxga, bidxe'chni, räjpni:

—¡Huij nezre'c! Diruna rlazä fiä lojlu. Sugutälu palga guibi'luree.

Räjp Moisés lojni:

—Mbjay huenga. Asiä'are. Diruna fiä lo guejblu.

**Ruxhal Dios stee yälgujidx, te biza'reni tzuu, biunejzti rexpejn
Israel Egipto**

(Exodo 11:1-2, 4-7; 12:1-38)

Dxejcti räjp Dios lo Moisés:

—Naj yu' xhi gunä lo faraón näj lo rexpejnni, luxh ni'c sujn lagajc laani siniaabni jiunejztu Egipto. Garol yäälti tedä guedx Egipto te guet xingangaloo cade tej rexfamil rexpen Egipto. Sejza guiraa rexingool xten reguidxaa. Niluxh nicla tej rexpejntu di guet.

Räjp Dios loj Moisés gusule'ni rediidxre loj rebejn Israel:

—Cade tejtu xca'tu te xile' ni laguij te gugu'ttuni, te gautuni naguxhijñ, la'tu näj rexfamiltu. Palga ditu gac te familro te guluuxtu xile'ga, sajc gaunäjtuni rexpisintu. Colgutie' rejn xten guidxaaga, coltaäbni guideb gabii rola' xten roliztu. Bääl nani gautu colguque'ni lo guiboo con recuaan ni nalaa, coltaunäjní yätxtiil nani xheti cobgulaj yejcni. Najc gajwtu nicla tla' bälja', na'cza guguiitu bälga.

'Colgusquejn, coltajw, guideb najcwtu xhajbtu, näj xcaj gura'ch ni'tu, näj xca'tu baston naatu, sa'csi dxejre najc dxe Pascw, dxej nani tedä loj guiraa reguejdx ni re' nejz Egipto te gugu'tä xingangaloo cade tej reben Egipto, näj xingaloo cade tej rexquidxaareni. Niluxh sidedcaä cadro fiä nadääb rejn xten xile'ga rola', ro'c rut guetdi.

'Dee najc te dxej nani sinaj lajztu, nani guntu lanij par tejpas. Casob ijjz guntu lanijga te guinaj lajztu narä. Gajdx dxej gajwtu yätxtil nani di cobgulaj chää yejcni: primeer dxejli gudzucajtu guiragajc cobgulaj rolijztu, guntu yätxtil ni xheti cobgulaj yejcni, luxh gusule'tu lo rexintu xhi säloj lanijre.

Bazule' Moisés loj reni rnibee rebejn Israel guiraa nani räjp Dios lojni, niluxh si'cpac bejn rebejnga. Cade tej famil bagu't te xile', biobgajc cuar'eni te dääz cuaan ni najc remeed ni rlianejxh te gudääbrenini rejnga guideb gabri reyajg nani naznäj ro' rolizreni. Garol yäälti gudejd xangl Dios rolizz guiraa reben Egipto. Gujt xingangaloo cade tej refamilga. Gujta xingangaloo faraón, dxej cayoon guiraareni xcuent yälhuin. Niluxh rexingaloo rexpen Israel, direni niejt, sa'csi ro' rolizreni nadääb xtiejn xiiil.

Che gucbee faraón gujt tejga bejn loj guiralii rexfamil rebejn Egipto, baxhalni chu huitejdx Moisés, luxh aguxhijn, räjpni:

—¡Colgusquejn, coljiunejz! Colguirii guiraatu ladxä, colchale'c gojn lo Dios, colchanä xiiltu, näj xquidxaatu si'ctis ni najtu. Colguiniabza te yälracle' par narä.

Ansde guiriireni Egipto, rexpen Israel gunabxlia'reni loj reben Egipto recossa'c, guiraa bia oor, näj pla't, näjza reladsacduxh. Bejn Dios balaslajz reben Egipto



—¡Bahui! ¡Nabajn xi'nlu!
Dxejc räjp gunaaga loj Elías:
—Naj sii nanäpac, najc guejblu te xpen Dios, niluxh guliipac rniilu xtidx Dios.

Elías bachagloj rexprofe't xten Baal

(1 Reyes 18:1-2, 5, 10, 17-41, 45)

Maasdi choq ijjz di nisguj niajb si'ctis ni agunixhgaa Elías loj Acab. Cadejd guiraa rexpen Israel yälrliaan, näjza rexquidxaareni, näjza rexiilreni.

Neñ redxejga, baxhal Acab chu huitil Elías, niluxh dini nidxälni. Bidzujnti te dxej huij Elías te guninäjni Acab. Cheni bahuui Acab lojni, räjpni lojni:

—¿La luj ni cayujn casacsí rexpen Israel, ä?

Dxejc bazejc Elías diidx, räjpni:

—Xhet narädi cayunä cadejd rexpen Israel trabajw, alga lujni, sa'csi dilu nusoob rextidx Dios, alga birinajllu reBaal. Naj scree gunlu: baxhal chu chatie' guiragajc rebejn Israel te chääreni yejc dajn ni laa Carmelo, dxejc jiäädza guidajp gayuu garol rexprofe't Baal, näjza guidap gayuu rexprofe't Asera nani caguijx chäällu Jezabel.

Dxejc baxhal Acab chu huiye'tz guiragajc rexpen Israel näj reprofe't te guidxagsa'reni yejc dajn ni laa Carmelo. Ro'c räjp Elías loj guiragajc rebejn:

—¿Gucli gusgueetu lajztu, cayuntio'p lajztu? Palga Jehová najc Dios, coltanajlni; luxh palga Baal najcni, colchanajl laani.

Niluxh di rebejn nudzu' nicla tej diidx. Dxejti gunisac Elías, räjpni lojreni:

—Narätis nacä ni rnili xtidx Dios; biädla reni najreni rnirenii xtidx Baal najcreni tapgayuu garol. Naj guihuiinu chuni'c najc Dios ni guliipac. Coltanä tio'p gon ree. Dxejc sucue renani rnii xtidx Baal tejreni, sugutiegreni gonga, te tlagajni gudzuubreni yejc yajg. Per na'c gusälreni bajlni. Sigajcza gunnää stee gonga. Sudzubázani yejc yajg, per dina gusäläa bajlni. Cheni abasutu gon te cuihyaalni, la'tu cuedxtu loj rextiostu. Narä cuedxä lo Jehová Dios, te Dios nani guxhal bajl, ni'c najcpac gueb Dios.

Bichaglajz guiraa rebejn diidxga, najreni:

—Laaca guniilu, si'c jiennuni.

Dxejtitru reni rnii xtidx Baal cua'reni gon te basucheereni te yärbibyaal, dxejc guslojreni cabejdxreni lo xtiosreni; si'c bejnreni rsilru asta läidxej. Caniireni:

—Huij loj guedx Sarepta ni ria'n gajxh Sidón, ro'c huiläjz. Mase dini gac te guejdx xten rexpen Israel, yu' te nanbiuud ro'c nani guniidx xhi gaulu.

Dxejc bazoob Elías diidx, huijni Sarepta. Che bidzujnni ro' guejdxga, bahuiini loj te nane' ni najc biuud ni cagutie' yajg. Gurejdxni nane'ga, räjpni:

—Bejn guejblu te hueen, banidxxlia' te bo'c nis te yä'ä.

Cheni huixiinini, guredxsacnini, räjpni:

—Näjza tla' yätxtiil balazlajz narä.

Dxejc bazejc nane'ga diidx, räjpni:

—Guiniliä lojlu: nez lo Xtioslu rniä dina gapä nicla tla' yätxtiil, rapätiis tuche'n harin̄ neñ te bo't näj te bo'c se't neñ te frascw. Naj cagutie'ä tuche'n yajg te chaque'ä te yätxtiil te gaunääni xi'nä, te dxejc jie'tnu xcuent yälriaan.

Dxejc räjp Elías lojni:

—Na'c guidxejblu, huij, bejn nani bejnlu xhigab gunlu, luxh ganiddoo bejn te yätbäz con haringa te gauäni, dxejc bejn steeni te gaunäj guejblu xi'n guejblu. Bacuadajg xtidvä, Xtios rexpen Israel agunii scree: “Di jiäädx se't neñ xfrascwlu, nicla harin̄ neñ xpo'tlu che galli dxej ni jiabsac nisgujj lo yuj.”

Sää nane'ga sayejnni guiraa nani räjp Elías lojni, luxh si'c gudajwreni, laani, nane'ga näj xi'nni, guideb reijz ni di nisgujj niajb. Niluxh neñ bo'tga di harin̄ niäädx, diza se't nibijtz, si'cpac bia'n Dios diidx, si'c ni bazule' Elías.

Guzajc neñ redxejga gucxhuu xi'n gunabiudga te yälracxhuu, cuentro gucxhuuni, dxejc gjutni. Dxejc räjp nane'ga loj Elías:

—Maazru hueen na'c niääd guejblu rolizä, sa'csi biädsanijtis guejblu rextolä, parsi gujt xi'nä.

Dxejc räjpni lojni:

—Gudanä xi'nlu.

Dxejc cua' Elías xi'nni, gudäänini te huinänini neñ yu' cadre rejzni. Gudixhnini lo xlonnni, dxejc guredx-gunabni loj Dios:

—Diosbidä, ¿xhicuent cagudeedlu yälhuin loj nambiuudre nani banidx cadre rbäzä, bagu'tlu xi'nni, ä?

Dxejcti bixa'tni yejc biuuxga chon̄ huält, te gunabsacni loj Dios:

—Diosbidä, balazlajz narä. Basaan guibisac xaim biuuxre lo tiejxhni.

Biejn diajg Dios diidx ni canab Elías. Gubisac aim neñ biuuxga, dxejc gubansacni. Dxejcti cua' Elías biuuxga, huinänini cadre suga' xnanni, räjpni:

laareni, ni'cni cheni biunejz rexpen Israel, sanäraeni xhidajl reyälnasa'c xten reben Egipto.

Reben Israel nani birii Egipto najcreni si'cti xho'p gayuu mil ganax niguii, et näjdi regunaa nicla rebiuux bigab. Sanäzareni guiraa rexilreni näj rexquidxaareni.

Badeed Dios leii xhoni gac xlanij pascw

(Exodo 12:40, 42-48; 13:1, 14-15)

Guxhijn̄ nani baslää Dios reben Israel najc guxhijn̄ cheni bisa' tajp gayuu galbitzuu ijz rbäjzreni neñ guedx Egipto. Räjp Dios lojreni nanab guinaj lajzreni guxhijn̄re casob ijz, gunreni te lanij ni guiliä'p xpala'n Dios, te lanij ni guirilaj Pascw.

Räjp Dios loj Moisés con Aarón:

—Dee najc releii nani guzoobtu xcuent lani Pascw. Rebejn̄ ni di gac rebejn̄ Israel, di gacdi gau xile' nani ruque'tu. Sajptu gautuni rolijztu, luxh di gacdi cuäätu nicla te la' bäälgä rolijztu. Na'c qui'chreni xtzujt xten xile'ga.

’Palga yu' te benzijt ni rbäjz rolijztu, palga rlajzni gunzani lani Pascw, ganid nanab xcabeni, näjza guiraa reniguii nani najc xfamilni, dxejcti sajc gunreni lanijga. Per nicla tej niguii nani xheti bee, di gacdi gauni xiilga.

Stehuält gunii Dios loj Moisés, räjpni:

—Xingangaloo cade tej refamíl nanab gacle'ni, chuni loä, gunini xtzunä, näjza xi'n ganid guiraa reguidxaa sajcreni xtenä.

’Che gac lani Pascw, palga guiniabdiidx xi'ntu: “¿Xhicuent riennu lanijre?” Colye'tz lojreni: “Cayennu lanijre te rnaj laaznu dxej nani xcälrnibeduxh Dios baslaa nuure neñ guedx Egipto cadro biläätznu si'c xmosreni. Cheni di rlajz faraón nusaan niriinu guedx Egipto, bejn Dios gujt xingangaloo cade tej refamíl xten reben Egipto näjza guiraa xingaloo rexquidxaareni. Ni'cni naj rudeednu loj Dios guiraa rexingangaloona, näj remanganid xten xguidxaanu, luxh rbe'cnureni si'c te gojn xcuent rexingangaloona.”

Rdejd rebejn̄ Israel stelaad nisdoo ni laa Xniaa

(Exodo 13:17-19, 21-22; 14:5-14, 14:19-15:1)

Che basaan faraón biunejz rebejn̄ Israel, bejn Dios gunaazreni nezsiuj ni naga' nejz reyubijdz, te bidzujn̄reni loj nisdooni laa Xniaa. Sääreni, nu'reni respaad näj relanz xtenreni, sanäzareni rextzujt toJosé, sa'csi ansde guetni räjpni: “Näjnanä sidzujn̄ dxej sibää Diostu guedx Egipto, te chanäni la'tu lo yuj nani bia'n diidx

loj retoxtadnu xca'reni. Che gacni si'c, rlazä chanätu rextzutä nejzga."

Ganid Dios huij nez lojreni, te caguluiini loj reben Israel nezyuj ni guiniaazreni. Rdxee rnidni lojreni nen te za ni rului nezsiuj. Dxejc guxhijn, nen te bajl ni rusanij nezsiuj lojreni, te si'c rajc rsiajreni rdxee näjza guxhijn.



Che bahuui faraón abiunejz rebejn Israel Egipto, basiejch lajzni, naani xhicuent basa'nni sääreni, räjpni:

—Xhet laadi basa'nnu biunejz rebejn Israel, luxh naj dirunu ga'p chu gun dzuun loonu.

Dxejc gurejdxni rexsoldaadni te chanajlreni rebenga, te jiädnäsacreni rebejngä lo guedx Egipto.

Che bidzujn rebejn Israel nez ro' nisdoo ni laa Xniaa, bidxebduxhreni sa'csi direni gan canejz tedreni, sa'csi guiro'p laadreni suj dajn, luxh nejz dejtzreni siädnajl reben Egipto. Dxejc räjpreni lo Moisés:

—¿Xhicuent biädnälu nuure nez ree te guetnu nez lo reyubijdre? Maazru huen na'c niriinu guedx Egipto, mase sanuu najcnu si'c xmosreni.

Dxejc räjp Moisés lojreni:

—Na'c guidxejtu, colcuecdxi lajztu, te fiftu xho gacnäj Dios la'tu.

Anacäjy che bidzujnreni ro' nisdoo. Dxejcti za nani njid lojreni te ruluiinireni nezyu', bidxani lajt, gudejdni nez dejtzreni, galäii nez reben Egipto con rebejn Israel. Scree gujc basanijni loj rebejn

nani bagu'tni gunibeeni rebejn. Si'cti gujc, balti rereii ni gunibee loj rexpen Israel gutxhiireni.

Che gudejd balti ijz, gunibee te nigui ni laa Acab. Reiire bejn dolduxh nez lo Dios, maazru dolduxh loj guiraa reni gubaj galoo, sa'csi bejnni guiraa redojl nani abejn toJeroboam. Cua'ni Jezabel gajc chäälni. Jezabel najc xindxa'p Et-baal, reii xten residonios. Acab guyu' loj banäjb ni laa Baal, rajanzanini. Bencheeni te guidoo xten Baal nen guedx Samaria. Bejnzani stee banäjb ni birilaj Asera.

Baxhal Dios xhi gauu Elías, bejn nani rusule' xtiidxni

(1 Reyes 17)

Gurejdx Dios te nigui ni laa Elías te guzule'ni xtiidxni. Dxejc baxhalnini te chaninäjni reii Acab. Huij Elías lojni te räjpni:

—Siädniä te diidx lojlu, niluxh guliipacni si'cpac ni nabajn Xtios xten rexpen Israel, nani najc xlamä. Di nisgujj jiajb, niclaza gojp di chu lo reyujre cheli guinibeä narä.



Dxejc räjp Dios loj Elías:

—Biunejz ree, huicuatzloj laad gueubäz xten Querit ni suga' dejtz gueu Jordán. Sajc yälu nis loj gueubäzga, dxejc suxhalä gaii baloo jiädnä xhi gaulu ro'c.

Bejn Elías guiraa nani gunibee Dios. Huiläjzni gajxh ro' gueubäz ni laa Querit, luxh rebaloo riädnä yätxtiil näj bää'l, rsil näj gudxej, dxejc rä'n'i nis loj gueubäzga.

Gudejd sgaii dxej, gubijdzti nis lo gueubäzga sa'csi di nisgujj niajb. Dxejc räjp Dios loj Elías:

rechäälni bejnreni gubicaj lastooni lo Dios, te gajnni rextiosreni. Bencheeni guidoo par rextios rechäälni. Ni'cni bidxe'ch Dios loj Salomón, räjpni:

—Sa'csi dilu nuza' diidx ni bia'nnu, luxh dilu nusooob rextidxä nani gunibeä gunlu, narä sudzucaä xcälrnibeeu niluxh sudzucaázani ladznaa xi'nlu. Dina gunäni lał ni nabajnlu, sa'csi rinälazä xtaldu toDavid. Cheni guetlu, xi'nlu gac reii, luxh sinibeeni tio'ptis cuua xfamil Israel: Judá näj Benjamín. Tzuu refamil ni ria'n sajpreni ste'ca reii.

Gujc gala' yälrnibee

(1 Reyes 11:43; 12:17, 20, 26-30; 14:22-24, 30-31; 15:1-3, 6, 8, 11-14, 15:25-16:33)

Si'ctis ni gunii Dios gac, cheni gujt Salomón, te xi'nni ni laa Roboam gunibee loj tio'ptis xfamil Israel: xfamil Benjamín näjza xfamil Judá. Dxejc lajt cadre rbäjzreni birilaj Judá.

Loj stzuu cuua rebejn Israel gunibee reii Jeroboam. Guideb reyuj cadre rnibeeni birilaj Israel.

Si'cti gujc te gunibee tio'p reii loj guiraa rexpen Israel. Niluxh bidxe'ch loj sa'reni guideb ni gubajnreni.

Guidoo nani benchee toSalomón sojbni neñ guejdx ni laa Jerusalén, nez rexuyuñ Judá. Ro'c rinä rexpen Judá näj rexpen Israel reyälrusalajz te rbibyaalrenini rolijz Dios. Biedy! Jeroboam, ni'c baxhalni chu benchee tio'p biceer oor te basujnireni tejgani cazob laad xyujni, dxejc räjpni loj rebejn:

—¡Xpejn Israel! ¡Aree redios ni gulää retotxadtgoldoonu nez guedx Egípto!

Dxejcli gusloj rebejn cayujn dojl, gusloj rajnreni rebanäjb.

Neñ guedx Judá, cadre rnibee Roboam, cagusoob rebejn rebanäjb neñ dajn te rajnreni rebanäjbga, luxh xhet bejndi Roboam te nuscuäznini. Rexpen Roboam näj xpen Jeroboam entis rucuanäj sa'reni. Cheni gujt Roboam, xi'nni Abiam gunibee Judá. Abiam bejnni lagajc redojl nani bejn toxtadni. Cheni gujt Abiam, gunibee te xi'nni ni laa Asa. Reiire laaca bejnni. Gunibeeni gubijl guiraa rebanäjb ni guyu' loj reyuj Judá. Ni'cni benleduxh Diosni, gucnäjzanini.

Cheni gujt Jeroboam, xi'nni bia'n si'c reii lo rexpen Israel. Laani bejnzani dojl sigajc bejn toxtadni. Dxejc te bejn ni laa Basa bagu't reii, dxejc laani gunibee rexpen Israel. Bagu't Basa guiraa rexin' Jeroboam. Che gudejd balti ijj, gujt Basa, dxejc xi'nni bia'n si'c reii, niluxh dini ninibee xchej, sa'csi guyu' chu bagu'tni, dxejc

Israel, lał ni basäuuni loj xnezyuj reben Egipto, sa'csi xcäjyga gulecyääl guideb nejzga, luxh di niajc nidzujn reben Egipto cadre tre' rebejn Israel.

Dxejc gunibee Dios loj Moisés, guiliäsni xpastonni nez lo nisdoo. Dxejc baxhal Dios te beduxh nani balejb guideb guxhijngä, ni'c bejn gujc gala' nisga te gujc gudejd rebejn Israel galäii nisdoo, lo te nezyuj ni nabijdz ni bixal galäii nisga, luxh nisga gujc si'c padeer ladbäjgw näj ladbee. Ni'cni, che bidzujn reben Egiptos nez ro' nisdoga, bahuiireni lo nezyubijdz, biu'reni. Nicla jiuren, biunäjreni rexcare'treni, näj rexocabaireni, sanajlreni rebejn Israel. Bahui Dios aligojl guiniaaz reben Egipto reben Israel, ni'c bastejbni rerueed xten rexgare't reben Egipto. Räjpni lo Moisés:

—Basäab xpastonlu lo nis te guibisac nisdoo yejc reEgipcos.

Che basäab Moisés xpastonni lo nisdoga, biäuuni. Gubi' nisdoo, basäuuni loj nezsiujga, gulo'ti faraón näj resoldaadni. Che bianij lo yuj, rebejn Israel bahuiireni agulo' reben Egipto, naga'reni nejz ro' nisdoga, dxjec bilreni te dij, badeedreni xquixtios lo Dios sa'csi baslaanireni ladznaa reben Egipto.

Badeed Dios xhi gauu rebejn Israel nez lo reyubijdz

(Exodo 15:22-25, 27; 16:1-8, 13-31, 35)

Agujc chon dxej sasaj rebejn Israel lo nezsiuj, luxh nicla telaad cadre rijreni direni guidxäl nis. Ni riojn dxejga, bidxäjlreni nis, per narop rdu'ni, di niajcdi niä'renini. Ni'cni bidxechduxh rebejn Israel lo Moisés, räjpreni:

—¿Xhi guidunnu? Nisre digacdi guidununi.

Che guredx-gunab Moisés lo Dios, baluui Dios te yajg lojni, räjpni lojni:

—Batin yajgre te basälnini lo nis.

Bazoob Moisés xtidz Dios, batinni yajgga, basälnini lo nis. Si'c gucsa'c nisga te gujc gu' guiraareni nisga. Ni'cni gulälajreni ro'c Mara, ni säloj: "narop."

Sanuu sasaj rebejn Israel nez lo reyubijdz te bejnreni gaan bidzujnreni nez lo reyuj xten Elim; ro'c yu' tzubitio'p bisie cadre rliejn nissa'c. Guideb gabí sobga' gayon-bitzuu yagzijn. Ro'c basilajzreni balti dxej.

Dxejc sanuurenri xnezyujreni nejz lo reyubijdzga te bidzujnreni nez lo xyuj xten guedx Zin. Agudejd te bäi-garol biriirenri guedx Egipto, niluxh abaraj xhi gaurenri. Dxejc bidxechnäj rebejn Moisés stehuält, räjpreni lojni:

—Maazru huen na'c niriinu guedx Egipto, sa'csi ro'c yu' xhi guidaunu. La'tu biädnätu nurnu ree te guetnu xcuent yälrliaan.

Dxejti räjp Dios loj Moisés:

—Naj xhaguibaali guxhalä xhi gautu, casob rsil cade tejtu gutie'tu nani rquiintistu gautu dxejga. Na'c cucheetu nicla te bo'c par ste dxej. Si'c gunä te fiä la suzoobreni xtidxä. Per ni najc dxej xho'p, dxejga sajptu gutie'tu xhidajlruni te galni par tio'p dxej, sa'csi ni rajc dxej gajdz, dina guxhalä xhi gautu.

Dxejti räjp Moisés loj rebejn:

—Suxhal Dios xhi guidaunu. Nagudxej suniidxni bää'l, dxejc guixersil suniidxni ste'ca yälrajw te fiitu rulazlajz Dios la'tu mase caniyajtuni, sa'csi et nuudi caniyajtu, alga lagajc Dios caniyajtu.

Lagajc gudxejga, bazoob Dios diidx nani bia'nni. Bidzundajn bato cadro suga'reni, ni'c gunaazreni, ni'c bagu'treni te gadajwreni. Che bara yää'l, che gubijdz gojp ni biajb, bia'n te cosnol, te cos nuij guideb nejz rolajtz. Ni'c najc ni baxhal Dios gaureni, ni'c gulälajrenini mana.

Räjp Moisés lojreni:

—Dee najc reyälrajw nani baxhal Dios loonu. Colchäj, colchati' nani guiquiintistu nadxej. Suxhalru Diosni guixee, ni'cni na'c chuchetuni par guixee.

Batie' reben Israel xhi gaureni. Niluxh guyu' te chinaareni nani di nucuadiajg xtidx Mois'es, balucheereni stuche'nni par stee dxej. Luxh guiraa nani gulucheereni guchajni bisiujg, guyudxni. Bidxechnäj Moisésreni.

Guixe-guixee, ansde gucha' gubijdx lo yuj, rutie' reben Israel mana, luxh nani ria'n lo yuj, gubijdx rusiaanini, rnitlojni.

Che gojl dxe xho'p, räjp Moisés loj rebejn:

—Guixee najc dxej nani rusilajznu, nani rapdazanu nezloj Dios. Nadxej coltajw nani rlajztistu, dxejc colchuchee par guixee nani jia'n.

Guiraa rebejn nani guluchee xhi gauni, bahuiireni ste dxej, dini nixhin, niluxh renani di nigucheeni, dxejga biriireni satiilrenini, luxh xhet bidxäjldireni, sa'csi aräjp Dios dxej ni rusilajzreni dini guxhal yälrajw.

Si'c bennäj Diosreni te baluiini lo reben Israel nanab gapdareni dxej ni rusilajz bejn.

Guixe-guixee badeed Dios mana guiraa retiuu ijj ni cuansajreni cheli bidzujnreni reguedx Canaán. Mana najcni nol, nagoodzni, rdaunejxhni si'c galle't ni caj dzujn lojni.

dzuun, gacnäjreni gacchee guidoo. Gunibeezani bire' galbitzuu mil niguii ni najc ben Israel, luxh loj reni'c maazdi choñ milreni rnibee remos nani rujnpac dzuunga.

Cheni gudejd gajdz ijj, baluuxreni bejnreni guidoo, gudääbzareni ganaxduj oor nejz neñni. Sigajc gucchee guidoguijd, gucchee guidocoob; najcni tio'p yu', najl te vel galäiiga, te nenga basujreni rexhicos sa' ni guyu' nen guidoguijdga.

Cheni gulujx dzuunga, batie' Salomón guiralii rexpen Israel te bejnreni te lanij, dxejc baxhalni rebixhojz huixireni xcaj xten Dios nani yu' neñ guidoguijd. Cheni biädnäreni cajga, basujrenini neñ guidocoob, dxejc gudxaj yu'ga xcälrädimbicha' Dios, ni'c gulä'preni xpala'n Dios, bilzareni dij. Gunab Salomón xcälräunle' Dios loj guidocoobga. Baze'c rebixhojzga xhidajl mil xiiil näj gon si'c te yälrusalajz loj Dios. Guiraareni rbalazduxhreni xcuent reyälräacle' nani badeed Dios näjza xcuent te reii ni sacduxh nani rnibeereni.



Guideb gubajn reii Salomón, huinälajzni xhidajl gunaa ni siääd ste'ca lajt, nani di chanälajz Dios. Niluxh cheni gujcni bengool,

Stee dxej biääd tio'p gunaguijdx, biäädreni nez loj reii.
Guiro'preni gääzreni badoo. Xi'n tejni nabajn, xi'n steega agujt.
Dxejctiru räjp tej regunaaga:

—¡Aii, Dadbid! Gunaare näj narä rbajznu neñ tejsi yu', luxh gojl xi'nä. Luxh ni riojn dxej, gojlza xi'nni. Rbäjztinu tejsi junt, luxh rutru rbäjzdi ro'c, guiro'ptisnu rbäjznu ro'c. Te guxhijñ gujt xi'n gunaare sa'csi laani gudääni yejcni. Dxejc laani huistieni lal ni nagayesä, cua'ni xi'nä nani naga' gajxh cuää te gudixhnini cuä'ni, biädla xi'nni nani agujt, gudixhnini cuää. Cheni huistieä rsilru te gudedä dud yä xi'nä, badedä cuent agujtni. Niluxh cheni bahuisa'cä lojni, bahuiä etlaadi xi'näni.

Dxejctiru stee gunaaga räjp:

—¡Xhet guliidini! ¡Xi'nä ni nabajn, xi'nlu ni agujt!

Stee gunaa badzu' diidxga, räjpni:

—¡Ajndi! ¡Xi'nuni gujt, xi'nä ni nabajn!

Si'c gudilnäj sa'reni nez loj reii.

Dxejc gunibee reii loj te soldaad:

—Coltanä te mached te colyejn biuux nabajngä tio'p la', te colgudeed garolni loj tejni, sgarolni loj steeni.

Dxejctiru gunaa ni najc xnanpac biuux ni nabajn, sa'csi sanälazduxhni xi'nni, räjpni loj reii:

—¡Dadbid! Colgudeed xi'nä loj gunaare, na'c gugu'tluni.

Niluxh steega räjp:

—Colyujnni garol, te si'c dini jia'n nicla con narä nicla con laani.

Dxejc gunibee reiiga:

—Colgudeed biuuxga loj gunaa nani di rlajz gacni tio'p la', sa'csi laani najc xnanni.

Rbalajz gunaaga, sanäni xi'nni.

Cheni gucbee guiraa rexpen Israel xcient yälguxhtis ni badeed reii, gusloj calä'preni yälpala'n reiiga sa'csi bahuiireni abadeed Dios yälnajn lojni te cuäxnejzni yälguxhtis.

Ruzuj Salomón guidoo xten Dios, dxejcti runijt lastooni xnezyuj Dios

(1 Reyes 5:5–6:38; 7:13-51; 8:1-6, 10-11, 65-66; 11:1-13)

Neñ redxej ni gujc Salomón reii, guslojni bencheeni guidocoob. Guidoo nani rajpreni galooli naccheeni ganax guijd näj baräjd, niluxh naj cayuncheereni te guidoro ganax guij näj yajg. Ni'cni gurejdx Salomón xhidalro nigui ni siääd ste'ca nación te gunreni

**Badeed Dios nis loj rebejn Israel nez lo reyubijdz, gucnäjzani
bejnreni gaan loj renani rdxechnäjreni**
(Exodo 17:1-6, 8-13; 18:25-26)

Che gudejd stio'p chon dxej, huinuu rebejn Israel xnezsiujreni, bidzujnreni nezloj rexyuj Refidim, ro'c basilajzreni. Luxh sa'csi xheti nis ro'c, bidxe'chnäjreni Moisés stehuält, räjpreni lojni:

—Baniidx nis guidunnu.

Dxejc räjp Moisés lojreni:

—¿Xhicuent rdxechnäjtu narä? Che rujntu si'c, ruche'chtu Dios. Niluxh reben Israel sanuu caniyajreni Moisés.

Dxejc gunab Moisés loj Dios, räjpni:

—¿Xhini'c gunä naj? Aligojl gacuaareni guij narä.

Dxejc räjp Dios lojni:

—Huinä gaii bengool, colchäj xhajn te guilaj nani guluiä lojtu. Gudingajc guilajga te guirii nis, te yä guiraareni.

Bejn Moisés guiraa nani gunibee Dios gunni. Cheni batin Moisés guilajga, bahuii rebengoolga lacti nis birii te gu' guiraareni.

Lañ ni guyu'reni Refidim, bidzujn reamalecitas, rlajzreni tilnäjreni reben Israel. Dxejcti räjp Moisés lo te ben Israel ni laa Josué:

—Gule te cuaa niguui te chatilnäjtu reamalecitas. Guixee chanää xpastonä, chä'pä dajn te gacnäj Dios nuure.

Bejn Josué nani gunibee Moisés gunni, dxejc che bara yääl, huä'p Moisés dajn con Aarón näj stee niguui ni laa Hur. Dxejcti gusloj cadijl reben Israel näj reamalecitas. Lañ ni naläs xhajcw Moisés, naazni xpastonni, rujn reben Israel gaan. Niluxh che rusajbnini, rujn reamalecitas gaan. Ni'cni, che abadxajg Moisés naläs rexhajcwni jiaa, bazuj Aarón con Hur te guij te gurejni, dxejc gunaazreni rexhajcwni, tejga xhajcwni cade tejreni. Si'c gulärsreni rexhajcw Moisés gudeb dxej, cheli huäaz gubijdz, te si'c bejn Josué gaan loj reamalecitas.

Moisés najc nani nanab gun yälguxhtis loj guiraa reben Israel, luxh baschagduxhnini. Ni'cni gule Moisés loj rebejngä renigui nani sajc gacnäjni. Dxejc laareni bahuiireni gujc yälguxhtis lo recosbäz, per Moisés bejn yälguxhtis loj renani nagajnga.

Badeed Dios tzuu madamient lo rexpen Israel lo dajn ni laa Sinaí
(Exodo 19:1-6, 10-18; 20:1-17)

Agujc chon bäii sasaj rebejn Israel cheni bidzujnreni gajxh lo dajn ni laa Sinaí. Gunibee Dios loj Moisés chä'pni dajnga te guininäjnni. Dee najc rediidx ni guniini:

—La'tu bahuiitu xho guläätu neŋ guedx Egipto. Palga guiraatu rrilajztu rextidxä luxh guntu guiraa nani rnibeä, sajtu rexpenä nani aguleä, luxh sacnäätu par tejpas. Huijdx jiälä nen te zaduxh te guininäätu. Gojz loj guiraareni, gaazreni, gacwreni ladya, sa'csi dxejga siälä lo dajnre te guininääreni. Guiraareni sajc jiädcuadijg xtidxä, per di gacdi chä'preni dajnga, di gacdi caanreni dajnga, nicla reguidxaa niclaza rexii di gacdi chä'p dajnga, sa'csi chutis ni chä'p lo dajnga, sejtni.

Biäjt Moisés dajnga. Räjpni loj rexpejnni agunibee Dios gaaz guiraareni, gacwzareni ladya.

Ni riojn dxej bidzujn te zaro ni gojt guideb dajnga. Guyu' guzii, näj yälrdinya', näj guxh näj te yälrubeduxh si'c te trompe't ca'ch. Te guxhduxh birii nez dajnga, sa'csi Jehová biäjt lo te bajl, bidxejb guiraareni. Dxejc basquejn Moisés sanä rexpen Israel nez ni' dajnga. Rnibsejz dajnga lał ni canii Dios. Dee najc diidx ni guniini lojreni:

—Narä nacä Jehová, Xtiostu. Narä nacä nani guläätu guedx Egipto, cadre gudejdtu trabawduxh si'c xmos bejn.

'Na'c chanälajzruntu chu stee bejn. Narätis chanälajztu.

'Na'c guncheetu rebanäjb ni najc si'c nani yu' guibaa, niclaza si'c nani yu' loj guedxliujre, niclaza si'c reni yu' loj nis. Na'cza guzuxhijbtu loj rebanäjb, na'cza chanälajztu rebanäjb, na'cza chutu lojreni sa'csi narä nacä Jehová, Xtiostu. Narätis nungäjl chanälajztu. Renani di jiädgan narä, nani di chanälajz narä, susacsäreni, näj rexil'nreni, näj rexhajgreni, näj rexhagdooreni. Niluxh sunleä renani suzoob xtidxä, renani sanälajz narä.

'Na'c guzä'ttu laä xlia'si, sa'csi narä susacsä nani ruzä't laä xlia'si.

'Colgusnaj lajztu dxej ni riäjl gusilajz bejn, colyapdani. Xho'p dxej colyejnuzuun, dxejc ni rgajdz dxej, colgusilajz, colgajn narä. Dxejga renani rbäjz rolijztu digacdi gunreniuzuun, nicla xmostu, niclaza xcriaadtu, niclaza rexquidxaatu, niclaza rexpurütu, niclaza rexpiooztu, sa'csi xho'p dxej benä guedxliuj näj guibaa, näj nis näjza guiraa nani nachee, dxejc basilazä ni rgajdz dxej. Ni'cni guläcaä te dxej te gusilajztu. Abenleä dxejga.

'Coljiu xtidx xtadtu näj xnantu te si'c sajc guibañsa'ctu xchero lo yuj nani narä, Xtiostu, gunidxä lojtu.

'Na'c gugu'ttu bejn.

'Na'c chunäj niguii chääl ste'ca niguii, niclaza gunaa ni najc chääl ste'ca gunaa.

xi'nä) gulen xi'nä Salomón te cueni cadre rbej reii te guinibeeni loj rexpen Israel. Najzani loä: "Xi'nlu, Salomón, gunchee rolizä. Narä guiniliä gac xcälrnibeeni par tejpas, palga laani jiuni guiraa rextidxä, guzoobni rextidxä näj xleiä, si'cni caguzoobnini najli."

Dxejc räjp David loj xi'nni Salomón:

—Luj, Salomón, xi'nbidä, biembesa'c Xtios xtadlu te gunlu xtzuunni guideb lastoolu, näj guideb xcäriejnlu, sa'csi ruhui Dios lastoo guiraanu, niluxh racbeeni xhi xhigab rujnnu. Palga rguiilluni, sidväjlluni; niluxh palga luj gusa'nlnuni, laani susa'nzani luj par tejpas. Bahuii, agule Dioslu te gusooblu yu' xtensi. Ni'cni bejn nadiplajzlu te gunpacluni.

Sa'csi anajc David bengool, basujni xi'nni Salomón gacni reii, badeedzani guiraa renani abatie'ni te gac rolijz xten Dios. Näj renani rnibee loj rexxfamil Israel näj rextad cade tej refamil badeedreni yälrusalajz: oor, pla't, bronz, guib, näj reguuj ni sajcru, luxh guiraareni bibalajzreni sa'csi cayacnäjreni gacchee te guidocoob xten Dios. Sbale'si dxej, gjitti David.

Cua' Salomón yälnduxh sa'csi gunabnini lo Dios

(1 Reyes 3:5-14, 16-22, 24-28)

Che yu' yälrnibee ladznaapac Salomón, te dxej gunixcalni biääd Dios lojni, räjpni:

—Gunab nani rlajztslu te narä gunidxäpacni.

Dxejc räjp Salomón loj Dios:

—Diosbidä, luj abasuulu narä, ni najc xmoslu, te gacä reicoob lacuua toxtadä David, luxh narä nacä te bi'ntis. Yu'ä galäii rexpejnlu, nani agulelu. Rniabä lojlu, guniidxlu yälnduxh te gac gunä yälguxtis loj rexpejnlu, te gacbeä xhini'c najc hueen, xhini'czani najc et laadi.

Bibalajz Dios sa'csi ni'c gunab Salomón lojni, ni'c räjpni:

—Sa'csi gunablu dee, niluxh dilu niniab te yälguibajnlu xchej, nicla yälnsa'c, niluxh gunablu yälnejn te guinibesa'clu rebejnre, narä rniä lojlu, abenä nani gunablu. Abanidxä te lastoo ni nanduxh, ni racbeepac, luxh gajdpac chu stee bejn si'cpac luj, niclaza jääjs chu stee ni najc si'cpac luj. Näj maazru, sunidxä nani dilu niniab: sunidxä yälnsa'cro, näj siliäpä xpala'nlu maazru loj guiraa rereii; di stee si'cpac luj chu guideb ni guibajnlu.

Dee najc nani biejn diajg Salomón loj xpacalni.

Cheni biejn diajgni cuentre, bidxecheduxh David, räjpzani loj Natán:

—Ni bejnta si'c, nanab guetni, niluxh nanab quiixni xcuent xilgunaaga tajp huält, sa'csi dini niajp yälrulaslajz.

Dxejc räjp Natán loj David:

—Luj najclu niguiiga, luxh diidxre rnii Xtiosnu lojlu: “Narä basuálu si'c reii loj guejdxre, näj baslaálu ladznaa Saúl. Najclu ri'cw, rajpzalu balti gunaa. ¿Xhicuent dilu niu rextidxä, alga bejnlu cosguijdx nez loä? Bagu'tlu Urás te cual'lu chäälni, ni'cni sidedduxhlu trabajw, niluxh sejt xi'n Betsabé.” Redee nacj diidx ni gunii Dios lojlu.

Rusäbdiidx David xi'nni Salomón gac reii nacoob

(2 Samuel 12:15, 24; 15:1-16; 18:6-15, 33; I Cr. 28:1-21; 29:1-9, 22-23, 28)

Xpäz Betsabé gucxhuuni, dxejc gujtni. Che gojl stebijz, guyu' stee xi'nni ni gulälajni Salomón.

Yu' stee xi'n David ni laa Absalón, ni nacj xi'n ste'ca rechäälni. Dios gule Salomón te gacni reicoob che guet xtradni David. Niluxh Absalón rlajz gacpacni reii, di rlajzni cuääzni guet xtradni te gacni reii, ni'cni xhiga'tz batie'ni bejn te jiätilnäjreni xtradni. Di rlajz David tilnäjni xi'nni, ni'cni baxunni, biunejzni guedx Jerusalén, sääni ste'ca guejdx.

Dxejc Absalón näj rexpejnni birinajlrenini, luxh che huichaglojreni rexsoldaad David neñ te dajn, nez cadre yuduxh yajg. Ro'c gudijlreni, niluxh rexsoldaad Absalón banijtreni, dxejc baxunreni ro'c. Nabijb Absalón te mul, niluxh cheni gudejd manga xhajn te yajg, bixid xquedchejcni neñ rexajcw yajgga, ro'c bia'nni, najlni loj yajgga. Biobgajc biääd te xsoldaad David, luxh che bahuiini najl Absalón loj yajgga, bagu'tnini. Guyu' David yälhuinduxh cheni gucbeeni agujt xi'nni. Dxejcti gubi' David loj guedx Jerusalén.

Cheni anajc David bengool, gurejdxni guiraa reguxhtis ni rnibee rexpen Israel näjza guiraa rexsoldaadni jiäädreni guedx Jerusalen. Che abire' guiraareni, räjp David lojreni:

—Colgucuadijg xtidxä betzbidä. Narä benä xhigab niuncheä te yu' xten Dios, luxh batopä guiraa ni rquiin te niaccheeni. Niluxh naj Dios loä: “Luj di gacdi gunlu yu' xtenä, sa'csi najclu te niguui ni rdiñäj bejn, niluxh abagu'tlu xhidajl bejn.” Per Dios gule narä loj guiraa rexil'n xtradä te par tejpas gacä reii loj rexpen Israel. Luxh loj guiraa rexil'nä (sa'csi Jehová baniidxni xhidajl

’Na'c cuaantu xhixten bejn.

’Na'c guiniitu didxxhii xcient sa'tu.

’Na'c guisia' lajztu nani rajp xpisintu: nicla rolizni, nicla chäälni, nicla renani najc xmosni, nicla rexquidxaani. Na'c guisia' lajztu nicla tej xhixten xpisintu.

Nadxagsa' guiraa rebejn ni' dajnga, cayejn diajgreni reguzii, rexse' trompe't ca'ch, cahuiireni loj reyälrdinya' näj guxh nani carii dajnga, luxh bidxebeduxhreni. Dxejcti räjpreni loj Moisés:

—Dad Moisés, guejblu sajc guininäjlu Dios, dxejc guiniili loonu xhini'c najni lojlu. Per na'cru guinii Dios loonu, sa'csi sejtnu.

Dxejc räjp Moisés lojreni:

—Na'c guidxejbtu. Caguluii Dios xcälrnibeeni lojtu te guidxejbtu guntu dojl lojni.

Rexpen Israel bia'n diidx guzoobreni rdtiidx ni guinibee Dios

(Exodo 20:21; 21:12, 14-15, 17; 22:20; 23:14-17; 24:3-8)

Dxejcti gurej rebejn zijtru. Biu! Moisés loj xcäjy xten dajnga cadre suga' Dios, te gudeedruni mandamient loj rexpen Israel.

Räjp Dios lo Moisés xhi yälrusacsí sajc gudeedni loj renani di guzoob rexleiini:

—Nani quilguijdx te bejn, niluxh guet bejnga, laani sajpzani guetni. Palga yu' tej ni rdxe'ch loj ste'ca bejn, niluxh gugu'tnini, bejnga sajp guetni. Nani quilguijdx xtradni o xnanni, sajpzani guetni, sigajcza nani guinijaj xtradni o xnanni, sajpzani guetni. Nani chale'c gojn loj ste'ca nani di gac Diospac, nanabza guetni.

’Chon huält neñ teb ijj, neñ redxe lanij, jiääd guiraa niguui nezloä, jiädnäreni te gojn si'c ni nacj yälñasa'c ni abadedä lojreni.

Che gulujx biejn diajgni releii xten Dios, biäjt Moisés dajnga te bazule'ni releiiga loj rebejn. Laareni räjpreni:

—Sujienpacnu guiraa nani agunibee Dios jiennu.

Biobgajc bacuaa Moisés guiraa releii nani gunibee Dios. Che bara yääl, rsilru baxhalni chu huitejdx guiragajc rebejn, te jiäädreni ni' dajnga. Benchee Moisés te piään ganaxhduj guij. Baxhalzani tio'p-chon bi'n te bagu'treni rebiceer te cue'creni gojn lo Dios. Cua' Moisés te trast te gujc bida' gala' xtiejn rebiceerga, sgala' rejnga baroobnini guiro'p cuä' piääñ. Dxejcti bilni guiraa releii xten Dios nani abacuaani. Che gulujx bil Moisés diidxga, räjp rebejn lojni:

—Jienpacnu guiraa nani agunibee Dios jiennu.

Dxejctiru cua' Moisés retrast cadre yu' rejn, cua'zani te däz cuaan ni rlianejxh te baroobni rejn yejc rebejn, räjpni lojreni:

—Rejvre najc te seen xcuent diidx ni bia'nnu nez loj Dios.

Dios ruluii lo rexpen Israel xho guncheereni te yuguijd cadro chuchee recosdyan

(Exodo 24:12-18; 25:1-27:21; 28:1-4; 29:38-42, 45; 30:1, 3, 7-8; 31:1-6)

Dxejctiru räjp Dios loj Moisés:

—Huä'p yejc dajn sa'csi rlazä guiniäru diidx lojlu. Sunidxä tio'p guij cadro bacuaä rextidxä, te gac guluiiluni loj rebejn.

Dxejcti huä'p Moisé yejc dajn. Sanätzani Josué, dxejc räjpreni loj rebengool:


—Ree colcuäjz nuure. Palga yu' xhi quej cue'c rebejn, Aarón näj Hur sajc gacnäjtu.

Si'c gujc huä'p Moisés dajn, dxejc biäjt za, basäusacni dajnga. Che baza' gjadz dxej, guninäcac Dios lojni nez neñ zaga. Baluiloj Dios xcälrdimbidxa'ni loj rexpen Israel, najcni si'c te bajl ni cayejc yejc dajnga. Guyu' Moisés ro'c nez loj Dios tiuu gubijdx con tiuu guxhijn.

Räjp Dios loj Moisés:

—Gojz loj rebejn gutie'reni te yälrlulaslajz lo guiraa nani abadedä lojreni te guniidxrenini loä si'c te gojn. Sajc jiädnäremi oor, pla't, cobr, retint sul, moraad o xniaa, sedfin, guijch xten dxib, guijd xten carneer ni nadii xniaa, guidfin, yagnadip, se't, näj laj xten yälrajw.

'Guiraa reni'c jiädnätu te gacchee te guidoo cadro cuäzä nez galäitu. Guncheetu guidoore si'c te yu' ni sajc guibijlni che agojl jiunejztu, te gac gususactuni stehuält cadrotis guinibeä. Yu're näj



Che bara yääl, refilisteos bacuanäj rexpen Israel, luxh bagu'treni Jonatán näj stio'p xi'n Saúl. Bacuanäduxh refilisteos rexpen Israel, luxh asäddzungajxh reni ca' fle'ch loj Saúl. Dxejc cua' Saúl xspaadni li biajbni yejcni. Cheni bahuii rexpen Israel agujt Saúl näj rexil'nni, biunejzreni rexquejdxreni, baxunreni, niluxh biääd refilisteos te biädläjzreni neñ reguejdxga.

Xcälrnibee David

(2 Samuel 5:3-4, 10; 7:16; 8:1-14; 11:1-5, 14-21, 11:27-12:14)

Che agujt Saúl, dxejc bazoob rebejn David gac xreiireni. Yu' David galbidzuu ijz cheni guslojni canibeeni, luxh gunibeeni tiuuli ijz. Benleduxh Diosni, sa'csi rusuobni guiralii rediidx nani rnibee Dios gunni. Guyu' te huält räjp Dios loj David:

—Tejga tejga rexagdoolu sinibee par tejpas, niluxh sinibeereni rebejn nani aguleä.

Benle' Dios David, ni'cni sanuu cayujnni gaan caca'ni reyuj nani bia'n Dios diidx loj retoxtadgolooni xca'reni, luxh cadrotis sääni, rcanäj Diosni.

Te huält cheni birii rexsoldaad David te satilnäjreni reamonitas, laani bia'nni guedx Jerusalén. Luxh te dxej lal ni cansajni nez rolizzni, bahuiini lo te gunaa ni sacruduxh rujn lojni. Laani Betsabé, luxh najcni chääl Urías, te xsoldaad David nani yu' lo yälrucuaaga. Bahuii David loj gunaare lacti sacru najcni luxh guyuguilajznini. Dxejcti baxhalni chu biädnänini lojni, te gudiesnäjnini. Gubi'ni rolizzni, luxh nuuni bätz, ni'c baxhalni chu huiye'tz lo David. Cheni gucbee David, baxhalni diidx loj xcapitanni: cheni guisloj yälrdijl, gusujreni Urías ganid nez lojreni te jiojb getu.

Che gucbee David agujt Urías, cua'ni Betsabé si'c chäälni. Che biza' xpaiini, gojl xi'nni, te bäzniguii. Niluxh di Dios nidxaglajz xhi bejn David, ni'c baxhalni bejn ni rnili xtidx Dios ni laa Natán te guininäjni David; cheni biääd Natán, räjpni lojni:

—Guyu' tio'p niguii nen te guejdx. Tejni rajp xhidajl rexhixtelli, steeni xhet rajpdi xhixtelli. Ni najc ri'cwga rajp xhidajl xiil näj baag. Niluxh steeni xhet rajpdi, xtebtis te xilgunaa nani guziini, luxh lagajc laani bastiobnini. Xiilga siädroob cuä'ni näj cuä' rexil'nni, niluxh rajpnini si'c te xindxape'ni. Te dxej biääd te biooz rolizz nigui ri'cwga. Niluxh dee dirlajz nica' te rexilni nicla te rexpaagni te nudeedni xhi niajw bioozga; alga cua'ni xilbungaa xten niguiproob te baguiinini te gudajw xpioozni.

—¿Xhicuent rchaloolu rlazä ju'tälu? Bahuii, ree ca'lä tla' ro' xhajblu ladzñaä, narä batiegäni. Paru rlazä ju'tälu, alabenäni. Xhet latsiajdi cayunnädi lo guejblu. Guniipac, ¿xhicuent rlajzlu ju'tlu narä, ä?

Cheni biejn diajgni rextiidx David, badzu' Saúl diidx, nalazduxh räjpni:

—Luj najclu te bensa'cru loä, sa'csi yälhueen caguijxlu narä, luxh narä benä yällatsiaj. Naj ananäpac luj gacluj reii xten rebejn Israel.

Dxejc biunejzti Saúl näj rexsoldaadni.

Rdxebduxh Saúl sa'csi agulälajz Diosni

(1 Samuel 28:3-19; 31:1-7)

Nen redxejga, bidxagsa' refilisteos te gucuanäjreni rexpen Israel. Cheni bahuii Saúl lacti xhidajl najc rexsoldaadreni, bidxebeduxhni. Rlajzni niujnni yälgunabdiidx lo Dios, luxh di Dios nudzudiidx lojni. Dxejc rlajzni nininäjni Samuel, nani ruzule' xtidx Dios, niluxh alagujtni.

Luxh mase abarilaagw Saúl renani najc bidxaa, bia'n stio'p-chonreni, dxejc baxhal Saúl rexmosni te quiilreni tejni, sa'csi rlajzni guininäjni toSamuel. Bidxälreni tej bidxaa nen guejdx ni laa Endor. Yu' te gunaa ro'c ni rujn yälbidxxaa. Ni'cni Saúl näj tio'p niguui gojtreni garenca lajd te rut jiembeedireni, luxh guxhijn huihuiireni gunaaga. Räjp Saúl lojni:

—Rlazä guininää toSamuel.

Dxejcti gurejdx gunaaga xspri't xten Samuel. Niluxh cheni bahuiini siäädni, bidxejbni, sas guredxa'ni:

—¿Xhicuent basgueelu narä? ¡Guejblu najc reii Saúl!

Dxejc räjp reiiga lojni:

—Na'c guidxejblu. ¿Xhi bahuiilu?

Dxejcti räjp gunaaga lojni:

—Te niguui bengool siääd, najcwni te ladsacdukh.

Biembegajc Saúl toSamuel, dxejc räjpni lojni:

—Lacti cadxebä sa'csi siääd refilisteo te gucuanäjreni narä, luxh Dios abiunejz loä, diruni guinii loä. Guredxä luj te guiniilu xhini'c nanab gunä.

Dxejcti räjp toSamuel lojni:

—Agulälaz Dios luj sa'csi dilu nusoob xtiidxni cheni najni nugu'tlu guiraa reamalecitas. Guixee sugu't refilistee luj näj rex'i'lalu, niluxh David sajc reicoob loj rexpejñ Israel.

guiraa reni yu' neñni nanab gacni mediddujtis si'ctis ni guinibeä: siool gacni tzu'n metr garol, ni gulajgw gacni tajp metr garol; ni jiaani gacni tajp metr garol. Chon laad cuä'ni gac ganax baräjd. Ni rdajp laadga ro'c guhuaultu lajd loj gaii post, ni'c gac ro' puert. Yu're gaccheeni con tajp ca'p: tej ca'p gac ganax lajd; loj jiaa dee chää si'c te ladlajz ni nachee con guijch xiil; detz ni'c chää guichlajd xiil ni guidii xniaa; lult chää te ca'p ganaxduj guidfin.

'Galäii yu're gal te cortin loj tajp yagpost nani nadejb ganax oor. Xhajn yu'ga guirilaj yudxanduxh; nenga guzucheetu te caj nani gacchee ganax barädnadip, nani nadejb oor, luxh nenga cucheetu reguij cadre caj releii. Par ni jiäuu ro' cajga guncheetu te tapadeer ganaxduj oor; lojni xcaj tio'p angl ni najc ganax oor, tejni cade tej laad tapadeerga. Reanglga nanab sureni nez loj sa'reni, nabijl xhigareni te gusätureni lo cajga, luxh nanab gusajbzareni lojreni, fiireni nez loj cajga. Cajre gac arcw xten diidx ni bia'nnu.

'Yejc tapadeerga, galäii guiro'p reanglga, ro'c gac cadre suoob bixhojz xtiejn reguidxaa nani cuibyaal te jiäuu loj rextojl rebejn. Yejcli arcwga guiniä narä, te gunidvä lojlu diidx ni guinibeä gun reben Israel.

'Stee laad yu'ga, nani najc gajxhru ropuert, ni'c gac yudxan. Nenga, lad nort, gusujtu te mex ni nadejb ganax oor. Ro'c cue'ctu guitzubitio'p yätxtiil nani ruluiloj cade tej reguitzubitio'p cuaa xfamil Israel, nalajznu xagdoo cade tej guitzubitio'p rex'i'n Jacob.

'Stee laad yu'ga, nezloj mex, gusujtu te gandileerro ni yu' xhidajl xhajcwni ni najc ganax oor. Dxejc nezloj cortin nani rujn gala' yu'ga, nani rusäuu ro' yudxanduxh, ro'c gusujtu te piää. Gushuajcwtuni oor, ro'c guze'ctu yaal. Guiraa redee chu nen yudxan, luxh te gusätu cadre jiu'tu, guzäabtu te cortin ni gal loj gaii yagpost ni guidejb ganax oor.

'Lole'ga, nez loj ro' yu'ga xca'tu barajd, gutejbtureni guiib, guncheetu te braser, te lojga guze'ctu regon, rexil ni cue'ctu si'c te gojn loä. Nen guida'p squiin xten braseerga guntu ca'ch ni nacchee guiib. Gusoobzatu te lavadeer guiib nani guchaj rebixhojz nis, te guidiib naareni. Guideb gabu yudxan guijd, näj lavadeerga, näj braseerga, guntu te bazaa ni najc tiuu metr ni sioolni, galbixhujn metrni gulajgni, con tio'p metr ni jiaani. Gac bazaaga ladnol ni gal loj gayojoñ yagpost, dxjec nani gusäu ro' xpuertni gac te lajd nani bidijb; galni loj tajp yagpost. Guiro'p rolä', ro' yudxanga näj ro' bazaaga, gacreni nez lad cadre rliejn gubijdx.

'Aguleä Aarón näj rexí'nni, Nadab, Abiú, Eleazar näj Itamar, te gacreni rexpixhozä. Aarón xcacuent, gacni nani rnibee rebixhojz, luxh la'tu guncheetu xhajbreni, ganax ladsa'c, laddxan nani rdimbicha', nani ruchaagpac dzuun ni gunreni.

'Guixe-guixee, casob rsil, gugu'reni te xiil nani yu' tebijz, nani najc maazru sacru, te cue'creni gojn loä. Guida' xtiejnni neñ te trast, dxejc guxob rebixhojz rejnga lo guiro'p laad braseerga. Dxejc guze'creni tiejh xiiłga loj braseerga. Colcue'cza xobniil näj se't, näj bin si'c gojn loä. Sigajcza guntu che gal gudxej. Guixe-guixee tio'p huält cue'ctu gojn loä sa'csi rinälajztu narä, nani nabannäj la'tu.

'Casob rsil, che gusuchee Aarón rebajl, guze'czani yaal lo dxan. Che gusanij Aarón rebajl che gal gudxej, guze'czatu yaal stehuält.

'Narä aguleä Bazaleel, xi'n Uri, xi'n Hur, xten xfamil Judä, agudxaj Xprit xtenä lastooni. Abadedä xcäriejnni, xcälnajnni, xcälnadxxällajzni, te guncheeni yu're näjza guiraa recos ni chuneñni.

'Narä abazuä cuä'ni Aholiab, xi'n Ahisamac, xten xfamil Dan, te gacnäjnini. Luxh loj reni ananduxh, abadedäru yälnajn, te gac gunreni guiraa ni agunibeä lojlu.

Runchee rexpen Israel te banäjb te gañrenini

(Exodo 32)

Lał ni yu' Moisés neñ dajn, bieed rexpen Israel cabäjzrenini, ni'c räjpreni loj Aarón:

—Benchee te dios nani guluii nezyuj loonu, sa'csi dinu guidon xhini'c cayujn Moisés, ni'c gadjni guibi'.

Dxejcti räjp Aarón lojreni:

—Coltanä rebiaoor xten rechäältu näj xten rexí'ntu.

Biädnäreni rebiaaga lo Aarón, dxejc laani basälnireni loj guiboo te bialreni, dxejc cua'ni oorga bencheeni te banäjb ni najc si'c te biceer. Dxejc baluiinini loj rebejn. Che bahuui rexpen Israel loj banäjbga, räjpreni:

—Ree suga' xtiosnu nani gulää nuure guedx Egipto.

Benchee Aarón te piänguij nez loj banäjbga ni najc si'c biceer, dxejc räjpni loj rebejn:

—Guixee jiennu te lanij par xtiosnu.

Che bara yääl, guiraareni huij cadro suga' banäjbga. Ro'c baze'creni xhidajl gojn lojni, guzuxhijbreni nez lojni, bayar'eni, gudajwreni, bejnreni te laniro.

Cheni bazule' resoldaad rediidxre loj David, bachaloni hueenca gacni xpagojdz reii. Ni'cni sääni te bagu'tni tio'p gayuu niguii xten refilisteos te biädnäni rexquidxhajnreni lo reii. Dxejctiru badeed Saúl xindxa'pni Mical te gacni chääl David.

Yu' te xi'n Saúl ni laa Jonatán. Räjp Saúl lojni näj loj guiraa rexsoldaadni ju'treni David. Niluxh najc Jonatán xamiigw David, ni'c huiye'tzni lo David, räjpni:

—Xtadä rlajz ju'tlu. Chacuatzlojlislu, luxh cheni agudejd tio'p chon dxej, jiälä te guiniä don laa sajc guibi'lu o la laltis cadxe'chrundi lojlu.

Dxejc huicuatzloj David lał ni gubi' Jonatán rolijz xtadni te fiini xhi xhigab cayujn xtadni xcent David. Di niaclaa gucbeeni rlajzpac xtadni ju't David. Dxejc huiye'tzni lo David nanabpac jiunejzni te laa xcälnabajnni. Che basädiidxreni, gudäzsa'reni luxh biinzareni, sa'csi sanälajz sa'reni. Biobgajc gunaaz David nezyuj ni rij nez reyubijdz, luxh Jonatán gubi' lo guejdxga.

Gunaaz David nezyuj nani sää nez lo reyubijdz, luxh che gudejdni nez ro' guidoo cadro suga' bixhojz Ahimelec, gusloj calaanni. Huinabni yätxtiil loj bixhojz, niluxh xheti yätxtiil ro'c, yu'tis nani najc rexcuxtiil guidoo. Dxejc badeed bixhojz yätxtiilga lo David näj loj reni siädnäni.

Dxejc sanuu caguxuñ David, bidzujntini cadro yu' te biliäro te ro'c bacuatzlojni xchej. Cheni gucbee rebejtzni näj rexfamilyni caro yu'ni, bidzujnreni cadro suga'ni. Luxh biäddxagsa'ru bejn lojni, gujcreni si'cti tajp gayuu niguii ni tre' ro'c.

Dxejctiru huininäj David reii xten Moab, räjpni lojni:

—Rniablaä gusaan guejblu jiädläjz xtadä näj xnanä lajdx guejblu lał ni gacbeä don xhini'c gunnäj Dios narä.

Dxejc cuäb reii xten Moab bia'n rexcuzajn David ro'c guiraa redxej ni guläjz David nen biliää.

Dxejcti räjpreni loj Saúl caro yu' David. Dxejctiru batie'ni chon mil soldaad te huitilnini te nugu'tnini. Cheni gucbee David caguuil Saúlni, huicuatzlojni neñ stee biliäro. Caguuil Saúlni, bidzujnni lagajc lo biliää cadro yu' David. Biu'ni ro'c te cayujnni quixh, per bia'nni gajxh ro' biliääga; luxh dini nudeed cuent yu' David ro'c.

Lał ni cayujn Saúl quixh, rlajz rexsoldaad David nugu'trenini, per di David nusaanreni, alga huijni chigaj, batiuugni tla' xhajb Saúl. Nicla Saúl niclaza rexsoldaadni niacbee xhi guzajc.

Biriiti Saúl ro' biliääga, säätin. Dxejc biriiza David lagajc nen biliääga, guredxa'ni loj Saúl:

—¿La nacä te bää'cw te jiädgucuanäjlu narä ca'lü te yajtis, ä?
Gudaa ree te gudedä tiejxhlu lo remanxhaguibaa näj loj reman niälajz.

Dxejcti räjp David lojni:

—Lacti nayechlu sa'csi ca'lü te spaad, te lanz näj te escud, luxh narä siädgucuanää luj xcient laj Diospac nani agulälajzlu; laani sujnni gaan luj, suniidxzani luj ladznaä te guira'ti bejn sacbee yunäj Dios nuure. Guiraa dee gun Dios sa'csi rajpni yälrnibeduxh, luxh sacnäjni nuure te guteedni la'tu ladznaanu.

Dxejcti biääd filisteega loj David te gucuanänini, luxh basquejn David, baxuñni te gucuanänini filisteega. Basälñi naani neñ guijxhga te guläani te guij, dxejc cua'ni guixhbiciä, te bacuaani guijga loj Goliat. Guijga gulaj locuaj niguiga, luxh biabgajcni loj yuj, gujtni. Baxungajc David te huisuuni cadro naga' Goliat, cua'ni lagajc xspaadni te batiu'ni bitiuyejcn. Si'c bejn David gaan lo filisteega, con te guixhbiciäl näj te guijtis.

Cheni bahuui resoldaad xten refilisteos agujt Goliat, baxunreni. Dxejctiru birinuu resoldaad xten Israelreni te bagu'treni xhidajl refilisteos.

Xhetlaadi bejn Saúl sa'csi dini nuzoob xtidx Dios

(1 Samuel 18:5-12, 20-27; 19:1-3; 20:24, 35-42; 21:1-6; 22:1-4; 24:1-12, 16-20, 22)

Che gubi' rexpen Israel, Saúl gule David te guinibeeni resoldaad xtelli. Niluxh che gubi'reni lo guerga, regunaa ni rbäjz guejdx xten rexpen Israel biriireni, cayolreni te dij che huichaglojreni reii Saúl, scree cayolreni:

—Bagu't Saúl mil bejn, niluxh David bagu't tzuu milni.

Bidxe'ch Saúl xcient nani caniiren. Dxejcli gusloj nayeddx Saúl loj David.

Te dxej, lal ni cayol David arp, bacuua Saúl te lanz nez lojni te nugu'tnini. Niluxh gusuj David te laad te xhet gujcdini. Dxejc rlajzpac Saúl nugu'tnini stehuält, niluxh gubigsac David te laad. Dxejc rdxejb Saúl David sa'csi anajnni Dios yunäj David, niluxh Dios agubicajni loj Saúl.

Xindxa'p Saúl, Mical, rsialajzni David. Cheni gucbee Saúlni, rbaalajzni, sa'csi bejnni xhigab si'c sajc guxhalñini chacuanänini refilisteos.

Dxejcti räjp Saúl loj rexsoldaadni:

—Colchaye'tz loj David, di rlazä yälñasa'c xcient xindxa'pä, alga rlazä te gayuu guidxhajn xten refilisteos.

Lal ni caninäj Mois'es Dios neñ dajn, räjp Dios lojni:

—Huij, huihui reben lajdxlu, alabiallajzreni xleiä, abencheereni te banäjb. Alagucbeä xho najc rebejnre, nadduxh lastooreni. Naj tant cadxechduxhä lojreni, susnitloäreni. Mas gunä guidajl rexajglu, rexagdoolu, gacreni xnacionroä.

Dxejctiru gunabdujh Moisés loj Dios, na'c gusnitlojni rebejnja:

—Dad, ¿Xho gusnitlojlu lagajc lajdxlu, lagajc rebejn nani guläelu guedx Egipto con xcälrnibeduxhlu? Palga gunluni, suxhiznäj rexpen Egipto luj. Basnaj lajzlu xho bia'nlu diidx con toAbraham, toIsaac, näj toJacoob, räjplu sutajllu rexfamilreni, gacreni si'c rebajle' ni yu' xhaguibaa, luxh sudeedzalu yuj cadre gac cuääzreni.

Dxejc di Dios nusnitloj rebejnja.

Che biäjt Moisés näj Josué dajnga, siädnä Moisés guiro'p reguij cadre caj xleii Dios, che bidzujñni loj campament, bahuui Moisés cayol rebejn, caguya'reni nez loj banäjb ni bencheereni. Bidxechduxh Moisés, bacuaani lo yuj reguij nani caj leii lojni, gula'reni. Gunazni biceer oor, basälñi loj guiboo, dxejc basuiinini, dxejc basälñi däjga lo gueuu, dxejc gunibeeni gu' guiraa rexpen Israel nisga.

Dxejc räjp Moisés loj Aarón:

—¿Xhicuent bejnlü si'c, ä? ¿La dilu gacbee dolduxh najc ganlu te banäjb lacuua ganlu Dios?

Badzu' Aarón diidx, räjpni:

—Laareni bejnreni dojl, najreni loä: "Benchee te xtiosnu", dxejc biädnäreni rexziaareni basälä lo guiboo, dxejc biriini te banäjb biceer nani bahuiliu.

Dxejc räjp Moisés loj guiraareni:

—Nani rlajz chanajl Gueb Diostis, sujiäädni, suuni lad ree.

Xtebtis rexfamil Leví huisureni nez cadre suga' Moisés. Dxejc räjp Moisés lojreni:

—Agunibee Dios colgugu't reni di chanälajz Dios.

Dxejcti rexfamil Leví gudejdreni lo campament, bagu'treni chon mil rexpen Israel.

Räjp Moisés loj rebejn:

—Abejntu te dolduxh. Guiniabä loj Dios xcienttu, don la siäjl-lajzni xcient xtojltu.

Dxejc räjp Moisés loj Dios:

—Bejn te huen, Guejblu Dad, basiäjl-lajz rexpenä xcient dolduxh nani bejnreni che bencheereni banäjb. Palga di gac jiäjl-lajzlureni, badzucaj laä neñ xquijtzlu te laa xcälnabajn rebejnre.

Dxejc badzu' Dios diidx lojni:

—Lajtis rebejn ni rujn dojl loä rudzucaä lo xquitzá. Naj huij, huinä rebejnre cadro aguniä lojlu, sa'csi xhanglä sinijtni lojlu. Niluxh che guidzujn dxej xten yälrusacsí, narä susacsíáreni xcient xtojreni.

Dxejc baxhal Dios te yälguijdx loj guiraareni sa'csi guzuxhijbreni nez lo banäjb nani bencheereni.

Runchee rexpen Israel te yuguijdro

(Exodo 34:1-4, 10-16, 27-35; 35:4-36:4; 39:32-43; 40:1, 17, 34-38; Levítico 1:1-17; 2:1-10, 13; 3:1-17; 4:27-31; 6:1-7, 20)

Räjp Dios lo Moisés:

—Gudanä tio'p guij ni nalag sa' nani gula' te gucuasacä guitzuu remandamient.

Huinäti Moisés tio'p guij ni nalag lo dajnga. Bazule' Dios diidx lojni xcient rexpen Israel:

—Sunä cosro xcienttu loj reguejdx cadro chaläjzu. Rebejn nani rbäjz ro'c naj direni chalilajz xtidxä, ni'cni gurilagwä guixho'p renación ni rbäjz ro'c te gac jia'n guiraatu ro'c. Colga'p cuidaad lagajc la'tu, na'c chaguchnätureni, na'cza guchnaatureni; colguscuecbä'n xpiäänenreni, colgusujy rexpanäjbreni. Nanab gudzucajtu rexyajgreni nani rchalorenai najc yagdxan, ni sobga' cuä' rexpiaänreni; te di näj la'tu gantuni; narätis nungäjl gantu.

'Bacuua diidx ni bia'nä con luj, näjza con rexpen Israel.

Che gudejd tiuu gubijdx, gubi' Moisés cadro bia'n rebejn. Lal ni guyu'ni neñ dajn, xhet gudajwdini, xhet gu'dini. Che gubi'ni, siädnäni guiro'p guij cadro bacuua Dios guitzuu releii. Bahuui rebejn lojni, lacti rdimbicha'ni, ni'c bidxebduxh rebejn, rut rlajzdi fii lojni; ni'cni gojp Moisés por basäuuni lojni gojtni te bel nani rusäuu lojni. Dxejcti räjp Moisés loj rebejn:

—Na'c guidxejbtu, colguibig te gucuadiajgtu diidx nani bazule' Dios loä.

Ni'cni, che rrinäj Moisés Dios, rudzucajni bel ni yu' lojni, per che rrinäjni rebejn rusäuu lojni, sa'csi rdxejb rebejn fiireni lojni.

Räjp Moisés loj rexpen Israel agunibee Dios guncheereni te yu' cadro chagajnrenini. Räjpzani jiädnäreni guiraa rexhicos nani gunibee Dios sajc jiädnäreni sa'csi rajpreni voluntaad. Ni'cni guiraa rebejn nani rajp xhixtanni huinäreni loj Moisés nani gunabni.

Che bire' guiraa recos, gurejdx Moisés Bezaleel, Aholiab näj guiraa rebejn nani agule Dios gun duunre, badeedni renani bidojp, näj reherramient ni rquiinreni te gacchee yudxanga.

—Na'c guidxejbtu, narä cha'ä te gucuanää Goliat.

Dxejcti räjp reiiga lojni:

—Luj digacdi chacuanäjlu Goliat, sa'csi luj najclu te biuuxtis niluxh laani najcni te niguii ni yu' loj guer che najclini bi'n.



Dxejcti räjp David lojni:

—Narä nacä te baxtoor luxh abagu'tä reman niälajz cheni rlajzreni guiniaazreni rexil. Gunazä requijaad ro'reni te bagu'täreni, sigajcza gunä niguiire, ben filisteos nani ruxhisnäj nuurnu ni najcnu xsoldaad Dios ni nabajnpac. Palga abaslaa Dios narä ladznaa reman niälajz, suslaazani narä ladznaa ben filisteore.

Dxejc räjp Saúl lojni:

—Huij, suchanä Dioslu.

Rlajz Saúl nudeedni loj David lad guib ni rajcwni, niluxh dirlajz David nica'nini sa'csi digacdi guunini. Cua'tisni bar ni yu' naani, guläzni gaii guij cua' gueuu te basälnini neñ guijxh xtenni, dxejc cua'ní xquixhbiciälni neñ naani. Ruxunni sääni cadro suga' filisteoga.

Che bahuui filisteoga loj David, baxhijnäjnini sa'csi najcni te biuux, räjpni:

Sa'csi di Saúl nucuadiajg xtidx Dios, agubicaj Xspril't Dios loj Saúl, niluxh baxhal Dios te spri't guijdx loj Saúl ni rusacsínini. Rguilni xho jiälyujni, ni'c baxhal Saúl chu chaxii te bejn ni rajc rol arp, sa'csi redij racnäj riälyuj xcäriejnni. Sa'csi rolsa'c David arp, gurejdxrenini biäädni rolizj reii Saúl. Saúl dini gaan alagule Dios David te gacni reii xten rebejn Israel. Rol David xarpni nez loj reii, dxejc cheni riälyujni nani runnäj Spri'tgani, dxejc rbi' David rolizjni te rigajpni rexii xten xtadni.

Che bejn David gaan lo Goliat

(1 Samuel 17:1-52)

Te huält bire' rebejn filisteos te gucuanäjreni rexpen Israel, bejnreni campament lo te lajtz. Dxejcti bire' Saúl näjza rexsoldaadni te gurejzareni loj ste'ca lajtz te gucuanäjreni refilisteos. Redee gurejreni yejc te dajn te laad lo lajtzga dxejcti gurejza rexpen Israel yejc dajn stee laad, dxejc lajtzga bia'n galäiireni.

Dxejcti huisu te niguii ni laa Goliat nez loj resoldaad xten refilisteos. Choñ metr sioolni. Niluxh yejcni siädnäni te cascw ganaxduj bronz, najcwzani te ni nacchee ganax bronz ni rusäu guideb xtiejhni. Xlanzni najc siool, luxh rajpzani te bi'n ni rnijd lojni ni nuu xescuudni. Goliat rsiuliini te rbedxa'ni loj rexsoldaad Israel, rniini:

—Colcue te niguii lojtu, te ni jiädcuanäj narä. Palga laani gucuanäjni narä luxh gunni gaan, nuurnu siajcnu xmostu. Luxh palga narä gucuanääni te gunä gaanni, la'tu gactu rexmosnu. Colgunidx te niguii ni gucuanäj narä!

Si'c bejn Goliat tiuuli dxej, ruluilojni rsil näjza gudxej. Che riejn diajg rebejn Israel rextiidx ben filisteosre, alga ractioplajzreni, li riu' yälrdxebduxh lastooreni.

Guidxon rebetzgool David yu' lo resoldaad xten Saúl. Te dxej baxhal xtadreni David te chanäni xhi gau rebejtzni. Cheni bidzujn David cadro suga'reni, biejn diajgni xhini'c canii Goliat. Niluxh bahuiini xho cadxebduxh rexpen Israel, rlajzreni nuxunreni lał ni cabedxa'ni. Dxejc räjp David lojreni:

—Chuni'c najc ben filisteos nani rajn rediosxhii, nani siädguche'ch rexsoldaad xten Dios ni nabajnpac? Narä cha'ä te gucuanääni, te gugu'täni sa'csi sacnäjpac Dios narä.

Che biejn diajg reii Saúl xhini'c canii David, baxhalni chu huitejdxni. Huininäj David reii Saúl te räjpni lojni:

Cade tej reniguiiga gusloj cayujnni dzuun ni bibe gunni. Che baluuxrenini, biädnärenini loj Moisés, bahuii Moisés guiraa dzuun nani bejnreni, najcni si'ctis ni gunibee Dios gunreni, dxejc benle'niren.

Dxejc räjp Dios loj Moisés:

—Che guisa' tebijz biriitu guedx Egipto, guiliästu yudxanguidre.

Niluxh si'c bejnrenini; che gojł primer dxej xten primer bääi xten naro'p iż, guläsreni yudxanguidga, basujrenini.

Cheni gulujx guläsreni yu'ga si'cni gunibee Dios, za nani baluiireni nezsiuj loj reyubijdz gojt yejc yu'ga, dxejc xcälrđimbicha' xpala'n Dios basanij neñ yu'ga. Dxejcli gusloj gojt za xten Dios yejc yu'ga guixe-guixee. Che rajl guxhijn, rbej bajl yejc yu'ga. Che räjz zaga, anajn rexpen Israel sajpreni por chanuurenri xnezsiujreni.

Dxejc räjp Dios loj Moisés:

—Che yu' chu rlajz jiädle'c te gojn loä, sajc jiädnäni te gon, palga dini ga'p te gon, sajc jiädnäni te xiil o te dxib. Palga dini ga'p xiil niclaza dxib, sajc jiädnäni tio'p gugue' o tio'p palom. Sajptu por jiädnäti gojnga rolä' xten loxle' yudxanguid te gudeedtuni lo te bixhojz. Baxhuaan xten gonga o xiilga gusoobni naani yejc manga, te cuib xtojlni yejc guidxaaga, dxejc ju'tnini. Gusuj bixhojz te trast te guida' rejnga te guroobni rejnga guiraa cuä' braceerga. Dxejc gudzucajni guidlajdni, silia'nini, dxejcru gudzuubnini lo braceer te guze'cni guidebni.

'Palga yu' chu rlajz jiädnä te gojn xten nani gule'cni, sajpni por jiädnäni dätriuu, o se't o yaal. Gugu'ch bixhojz dätriuu con se't, dxejc xca'ni te bo'c nani bagu'chni, chanänini loj braceer te guze'cnini. Sajc gauu rebixhojz nani ria'n; mase guze'creni te bo'ctis nani baniidxtu, narä suhuiäni si'c guiraa ni baniidxtu loä.

'Guiraa regojn nani jiädnäti rolizä, nanab gusälta zejd yejcni.

'Palga yu' chu rlajz jiädnäni te gojn sa'csi abenleduxhäni, sajc jiädnäni te gon, te xiil o te dxib, niluxh regojn nani jiädnäni nanab gacni mansa'cpac. Che abaroob bixhojz xtiejnni cuä' braceer, ganaxti saj, xhibaan, con zii xten manga guze'cni. Rnibeäpac lojtu: Na'c gautu saj niclaza xtiejn remanga.

'Che abejn te bejn dojl, mase dini nudeed cuent cayujnni dojl, najcni benđojl nez loä. Ni'cni che gudeedni cuent bejnni dojl, sajpni por jiädnäni te dxib o te xilsa'c loä si'c te gojn. Gudzubni naani yejc manga, te si'c gusoobni xtojlni yejc manga. Bixhojz

susuj trast te guida' rejn nenni te cääbnini loj reguida'p xca'ch xten braceer. Dxejc guida' rejnga nejz ni' braceerga, dxejc guze'cni ganaxtis saj xten manga. Si'c gunnäj bixhojz rejnga, luxh susiäjl-lazä bejn nani bejn dojl.

'Palga yu' chu bejn dojl, basgueeni te bejn, o bejnni ste'ca dojl loj sa'ni, sajpni por quijxni xcient latsiaj ni bejnni. Luxh et ganaxti nani sajc daan ni bejnni, sajpni por quiixni maazru de ni sajc daanga lagajc dxej cheni gunni reglaadni con sa'ni, lagajc dxejga, jiädnäni te gojn. Sibeeni lo rexquidxaani te rexiil ni laguij, chanänini loj bixhojz si'c te gojn xcient xtojl*ni*, te jiäjl-lazä xtojl*ni*.

Basacsí Dios tio'p bixhojz

(Levítico 10:1-15)

Guiro'p xingangool Aarón abibe te najcreni bixhojz; Nadab con Abiu laareni. Te dxej saguchajreni guiboo lo bacue, per huisälreni ste'ca guiboo, et nani yu' lo braceer, si'c ni gunibee Dios gunreni. Dxejcti che biu'reni neñ yudxan sanäreni guxhyaal, baze'c Diosreni con guiboo, dxejc gujtreni. Che gucbee Moisés xhini'c bejnreni, räjpni loj Aarón:

—Dee najc ni gunii Dios: "Renani rlajz gunuzuun xtenä, nanab guzoobreni xtidhä te gacbee guiraa rebejn yu' tejtis Dios nani nanab guzuxhijbreni nez lojni."

Sanä rexamil Aarón guiro'p rebixhojz ni gujt te biga'tzreni. Yu' stio'p rexiln Aarón nani laa Eleazar näj Hamar. Lojreni badeed Moisés dzuuun xten guiro'p rebixhojz nani agujt.

Dxejc räjp Dios loj Aarón:

—Nicla luj, niclaza rexilnlu, digacdi yätu bin che jiu'tu neñ yudxan te di guettu. Nanab gacbeetu xhini'c najc cos dxan näj xhini'c najc xten bejn; xhini'c najc cos naya, näj ni digac cos naya, te si'c gac guluiitu loj rebejn guiraa releii nani abadedä ladznaa Moisés.

Dxejc räjp Moisés loj Aarón, Eleazar näj Hamar:

—La'tu, rebixhojz, sajc xca'tu te la' ni najc regojn, si'c najc dätriuu nani riädnäreni loj Dios, sajc gautuni nez cuä' piääñ sa'csi najcni cos dxan. Sajcta gaunäjtu rexingaantu, rexindxa'ptu, repech, recujd xten guidxaa ni riädnäreni si'c gojn xten yälrbecdxilajz.

Ruzule' Dios loj rexpen Israel xhini'c sajc gaurení

(Levítico 11:1-23, 29-30, 42)

Räjp Dios loj Moisés con Aarón:

—¿Luja? ¿La rchalolu, rdxaglajzru Dios jiädnä bejn yälrusalajz lojni, o la rchaglazruni gusoobreni xtiidxni? Bacuadiajg nani guiniä: loj Dios yälgusoobni xtiidxni maazru sajc loj reyälrusalajz, sa'csi nani di gusobdiajg xtiidxni, rujnni te dojl ni najc tebloj lo dojl ni rujn renani rujn divinans; niluxh nani rsiunajd, ni dini gusoob diidx nani agunibee Dios, rujn dojl tebloj lo dojl ni rujn nani rajn rebanäjb. Naj, sa'csi gulälajzlu rextiidx Dios, laani agulälajzzani luj, te dirulu gac reii.

Dxejc räjp Saúl loj Samuel:

—Abenä dojl sa'csi bidxebä rebejn. Ni'cni bacuadiagä rextiidxreni, lacuaa nusobä xtidx Dios nani guniini loä.

Räjp Samuel lojni:

—Naj Dios abadzucaj lojlu yälrnibee, dirulu gac xreii reben Israel, luxh badeedni yälrnibeega loj stee ni najc maazru bensa'c. Coltanä reii xten Amalec.

Dxejctiru bazoob Samuel xtidx Dios, bagu'tni reiiga.

Che gudejd xchej, baluui Dios loj Samuel chuni'c gac reii nacoob xten rebejn Israel lacuaa Saúl. Räjpni gacni tej rexiln Isaí, ni najc te niguii ni rbäjz neñ guedx Belén. Ni'c huij Samuel guedx Belén.

Yu' xhujn xi'n Isaí. Cheni bahuui Samuel loj xi'n galooni, bejnni xhigab deepac najc nani agule Dios te gac reii, sa'csi najcni te niguii siool, niluxh rluisa'cni.

Niluxh räjp Dios loj Samuel:

—Na'c ruhuiilu xho rujn lojni, niclaza ni sioolni sa'csi et laadini guleä. Narä dina fiä nani ruhuiitu, sa'csi la'tu ruhuiitu nani suga' nez loj rebalojtu, alga narä ruhuiä lastooni.

Gurejdx Isaí tejga, tejga rexilnni; si'c baza' gajdz xi'nni biääd, niluxh di Dios nibe nicla tejreni. Dxejcti gunabdiidx Samuel loj Isaí:

—¿La ruti stee xi'nlu?

Dxejc räjp Isaí lojni:

—Ria'ntis nani najc biux huin, nani cayajp rexii.

Dxejc räjp Samuel lojni:

—Baxhal chu chaxiini.

Cheni bidzujn bi'nga, bahuui Samuel laguijni, dxejc baluui Dios loj Samuel laani najc nani aguleni. Dxejctiru bazoob Samuel se't yejc bi'nga ni laa David, dxejcli biääd Spri't Dxan xten Dios loj David, sunäjni David. Luxh sa'csi canibesijc Saúl rexpen Israel, di David nicagajc yälrnibee si'c reii.

nuure, si'c ni najc nen guiraa reguejdx ni tre' guideb gabi lajdxnu. Guiraareni yu' xreiireni.

Di Samuel nidxaglajz diidx nani guniireni lojni, ni'c gurejdx-gunab Samuel loj Dios, dxejc badzu' Dios diidx lojni, räjpni:

—Bacuadiajg xtiidx' rebejn, jiulu guiraa nani guiniireni, sa'csi xhet lujdi rusiäxhanreni, alga narä ni rbälazreni, sa'csi diru rlajzreni guinibeä lojreni.

Dxejc baluui Dios lo Samuel chuni'c agulen i gac reii. Räjpni lojni:

—Guixee, lagajc orre, jiääd te niguii, te ben guedx Benjamín, jiädhuiini luj. Cääblu se't yejc niguiire te laani gacni si'c reii loj rexpen Israel, te laani guslaanireni ladznaa refilisteos.

Che bara yääl, biääd te niguii ni laa Saúl, xi'n te dade' ni laa Cis, biädhuiini Samuel. Dxejc räjp Dios loj Samuel:

—Dee najc niguii nani guniä lojlu; laani guinibeeni rexpen Israel.

Dxejcti cua' Samuel te bidr se't, baroobnini guideb yejc Saúl si'c te seen: laani najc nani abibee te gacni reii loj rexpen Israel.

Te dxej räjp Samuel loj Saúl:

—Dee najc rediidx ni agunii Dios: "Narä gusacsfä reben Amalec sa'csi gusunajdreni loj rexpen Israel lo nezyuj cheni siädyä'preni, che biunejzreni guedx Egipto. Huij, bagu't reben Amalec: reniguii, regunaa, näj rebiuux, näj rexpaaagreni, näj rexiiренi, näj xcameiireni, näj rexppurreni."

Dxejc gule Saúl loj rebejn tio'p gayuubitzuu mil niguii, biriitini, bagu'tni guiragajc reamalecitas ganax ro' spaad. Niluxh dini nugut Agag, reii xten Amalec. Biädnänini, näj te chinaa rexilsa'c, näj regonsa'c, näj guiraa recossa'c nani di rlajzreni nusnitlojreni.

Dxejc räjp Dios loj Samuel xhi bejn Saúl. Dxejc Samuel huichaag Saúl nez lo nezyuj, dxejc räjp Saúl lojni:

—Abenä guiraa nani gunibee Dios gunä.

Dxejc gunabdiidx Samuel lojni:

—Aa mbaj. Palga abasoobpaclu xtidx Dios, xhi säloj ni cayejn diagä: xse' balti xiiл näj cagubeedz xten regon?

Dxejc badzu' Saúl diidxga lojni:

—Rebejnja biädnärenini desde Amalec. Resoldaad gule ni nasa'cru loj rexiiil, näj loj rebaag te cuibyaalni loj Xtiosnu. Niluxh guiraa ni bia'n ro'c basnitlojnuni.

Dxejc räjp Samuel lojni:

—Dee colchaye'tz loj rebejn: loj guiraa reguidxaa nani yu' loj guedxliuj, sajc gautu renani najc tio'p la' rebitiugñaani, näj reni rajw guijxh. Palga najcreni man ni rajw guijxh, luxh tejsi la' najc bitiuugaani, si'c najc cameii, na'c gautuni. Palgaza najc tio'p la' rebitiugga, per direni gauu guijxh, si'c najc cuch, na'c gautuni.

'Loj reman ni rbäjz lo nis, sajc gautu nani yu' si'c rexhigani näj ni caj si'c meel dejtzni. Niluxh renani xheti rexhigaani niclaza meel dejtzni, digacdi gautuni.

'Reman xhaguibae', dee najc nani digacdi gautu: si'c najc bisij, guiraa reman baloo, redam, guiracuaa rebisij, näj golbetz, näj baledzut, biuuz, näj baguidbizijn, reni'c digacdi gautu.

'Na'cza gautu nicla tej reman ni rutajt, ni rsiaj. Palga yu' ni'reni näjza cujdreni te rtiäjzreni, si'c najc betzuu, näj guxha't näj grii, redee sajc gautu.

'Na'cza gautu reman ni najc reni'reni dope', si'c bixej, näj bizijn, näj guraaggw.

'Na'cza gautu nicla tej reman nani rxheeb lo yuj, niclaza renani yu' tajp o xhidajlru reni'reni.

Xho gac naya te gunaa che chu te xi'nni, näj yälrnibee xcient reni rajc yälguidx ni rał tiejhni

(Levítico 12:1-8; 13:45-46; 14:1-13)

Dxejcti räjp Dios loj Moisés:

—Cheni rajl xi'n te gunaa dini gac naya guideb gajdz dxej. Bäz niguiiga su'ni bee che rajl xhujn dxej, per gunaaga sia'nruni roliznzi cheli guisa' galbitzubichon dxej. Dxejc sajc chääni guidoo. Palga najc xi'nni te dxape', dini gac naya guideb tio'p xman, luxh jia'nruni roliznzi gayojnbixho'p dxej. Che abisa' redxejga, chanäni loj bixhojz te xile' ni ayu' tebijz si'c te gojn. Palga dini ga'p te xile', sajc chanäni tio'p gugue' o tio'p bex.

'Che yu' tejtu ni rajc yälracxhuu ni rał tiejhni, sajptu por cuääztu xtebtu nez dejtz guejdx, luxh cheni fiini yu' chu rlajz guibig lojni, xhablojni siäu garol lojni, dxejc sibedxa'ni: "Cayacxhuä, cayacxhuä." Palga nitloj yälguidxga, sij benracxhuuga lo te bixhojz te fiini la abiajcn. Palga fii bixhojzga abiajcn, suxhaljni chu chaxhii tio'p manxhaguibaa. Sugu'tni tejni neñ te guejs, dxejc susälni mane' ni nabajnga loj rejng, te guroobni rejng, loj benracxhuuga, te gäbni abiajcn. Dxejcti suslaani mane' ni nabajnga.

'Nani abiajc yälgujidxga, sajpni por quiibni xhajbni, guhuajni yejcni, näj guichlojni. Dxejcti gazni te nayani, te gac cuääzni stehuält neñ guejdx. Che ted gajdz gubijdx, chanäni te gojn guidoo. Chanäni chon xile' ni ayu' tebijz, tio'p man niguui con te man gunaa, guniidxnireni loä, dxejctiru abia'n nayani nez loä.

Dxej ni gusiäjl-lajz Dios xtojlreni

(Levítico 16)

Cheni agujt tio'p rexí'n Aarón, räjp Dios loj Moisés:

—Gojz loj Aarón, digacdi jiu'ni xhitis or neñ yudxanduxh, dejtz bel, te di guejtni. Sajc jiu'ni tejtis huält neñ tebijz, dxejtit ni najc dxej ni riäjl-lajz Dios xtojl rebejn. Che guidzujn dxej che nanab jiu'ni, sajp Aarón por gaazni, guchaazani xhajbni, gacwni laad nol. Sugu'tni te biceer te cue'cni gojn loä xcuent rextojluni näjza xcuent xtojl rexí'nni. Siga'ni xtiejn biceerga neñ te trast, chanänini neñ yudxanduxh. Che guidzujnni ro'c, suoobni rejnga yejc arcw. Chanäzani yaal nenga te guxh xten yaalga gacw guideb arcw, te di fii Aarón loä, te di guetni.

'Dxejc guiriini nez rolä' xten loxle' yudxanga, ro'c jiädnä rebejn tio'p dxib nani gac gojn ni cue'cni xcuent rextojlreni. Sica' Aarón tejni, sugu'tnini, sutie'ni xtiejnni te chanänini lo yudxanduxh cadro guroobzani rejnga yejc arcw, dxejc guirisacni.

'Dxejc xca'ni stee dxib, sudzuubni naani yejcni te guxhobdojlni guiraa rextojl rebejn, te gacbeereri dxibga sanä guiraa rextojl rebejn. Dxejc cueni chu chanä dxibga zijtro te guslaanini nez lo reyubijdz.

'Siu' Aarón stehuält neñ yudxan, suchasacni xhajbni, gazni stehuält te gacwni xhabysi. Scree sajc guiniabni gudzucaj Dios xtojlni näjza xtojl rebejn casob ijjz.

'Lo piään suze'cni saj xten reman ni gubijb loj piään xcuent rextojl rebejn. Dxejc nanab chanä te bejn rest xten biceer con dxib nez dejtz campament, te ro'c guze'cni xquidlajdreni, xpäälreni, xqui'reni. Dxejc bejn nani baze'c redree, quiibni xhajbni, gazni, te sajc guibi'ni lo guejdx.

'Nani huisa'n dxib nez lo reyubijdz, siguibzani xhajbni, gazzani te sajc guibi'ni loj guejdx.

'Dee gac te leii nani digacdi guchaatu: rcatzuu dxej neñ rcagajdz bäii, gucua'ntu, na'cza guntuuzuun, nicla rexpen Israel, nicla reben biooz ni siääd stelca guejdx ni rbäznäj la'tu, sa'csi casob ijjz, dxejga guiniab bejn lo Dios gusiäjl-lajzni guiraa xtojltu.

rexpiceermi, nani gajd yuug nibijb guejnreni; lojreni bacuaareni yuug te cobreni gare't. Basäutireni expiceerreni neñ te gurajl. Biobgajc badzuubreni caj xten Dios loj gare't, dxjec cuä' cajga batzuubzareni te yälrusalajz lo Dios ni batie'reni. Dxejc basaanreni sää gare'tga. Rlajzreni nuhuiireni don laa sibi' rebaag dere'ch lo guejdx xten rexpejn Israel, te si'c gacbeepacreni laa Diospac ni cagusacsíreni. Luxh sääpac rebaag dere'ch lo guejdx xten rexpen Israel, cagubeedzreni sanuureni, tejsi nezyuj. Dejtzreni siääd reni rnibee loj refilisteos, siädnajlreni gare'tga. Si'cti gujc te gubisac caj xten Dios lo rexpejn Israel, luxh bibalazduxhreni cheni bahuiireni lojni.

Yusijc rexpejn Israel ladznaa refilisteos cheni gusloj rujn Samuel yälgustis lojreni. Gudejd gajl ijjz si'c, luxh guiraa rexpejn Israel rac-huin lajzreni sa'csi biunejz Dios lojreni. Dxejctiru räjp Samuel lojreni:

—Guideb lastootu colguibi' loj Jehová; colgudzucaj rebanäjb ni rajptu, colcuääz rujntu dojl. Colguiniab loj Dios te jiällajzni xtojltu, te si'c guslaani la'tu ladznaa rebejn filisteos.

Dxejc badzucaj rebejn Israel rebanäjb, luxh guredx-gunabreni lo Dios stehuält. Biobgajc bidxagsa'reni guiraareni neñ te guejdx nani laa Mizpa, cadre bacua'nreni dxejga te guredx-gunabreni lo Dios, te jiällajzni rextojlreni.

Cheni biejn diajg refilisteos re' rebejn Israel, nadxagsa'reni guedx Mizpa, bejnreni xhigab chatilnäjreni laareni. Ni'cni lal ni cabedx-canab rexpen Israel lo Dios, biääd refilisteos, ca'reni relanz. Luxh di rexpen Israel niädnä xlanzreni, sa'csi direni gun xhigab tilnäjreni rebejngä. Dxejc baze'c Samuel te xiil si'c te yälrusalajz, te gurejdxni lo Dios gacnäjniren. Lal ni cayejcrü yälrusalajz, guyu' te yälrubeduxh, ni bachebdouxh reben filisteos, li bire'chreni, dxejc bejn rebejn Israel gaanreni. Si'c gucnäj Dios rexpen Israel.

Saúl gujc reiganid xten rebejn Israel

(1 Samuel 8:1-9; 9:15-16; 10:1; 11:15; 15:1-16, 22-26, 32-33; 16)

Cheni gujc Samuel bengool, basa'nni gunibee rexí'nni loj rexpen Israel. Laareni direni ninuu xnezyuj xtadreni, niluxh rcaxhiga'tzreni meel. Ni'cni rebengool ni yu' Israel biäädreni loj Samuel, räjpreni:

—Sa'csi anajc guejblu bengool, niluxh rexí'nlu di chanuu gunreni si'c ni bejnlu, ni'c rlajznu cuelu te reii nani guinibee

dolgijidx, niluxh laani najncani xhi rujn rexilnni, niluxh dini guzadiidxreni.

Stee dxej, rsilru, huistie Samuel te baxhalni ro' guidoo. Di ralajzni niäjbni loj Elí nani räjp Dios lojni guxhijnga sa'csi rdxejbni. Ni'cni Elí gurejdx Samuel te räjpni lojni:

—Xi'nbidä, ¿xhini'c gunii Dios lojlu? Rniabä lojlu na'c gucua'tzluni loä.

Dxejctiru bijy Samuel guiraa rediidxga lojni, xhet bacua'tzdini. Dxejc räjp Elí lojni:

—Laani najc Dad. Sugunni xhitis ni rchaloni najc laaca.

Bidzujn dxej gujc Samuel juejz

(1 Samuel 3:19–4:4, 10-18; 5:1-4, 6, 11-12; 6:10-13; 7:2-13)

Guniks Samuel, luxh sunäj Dios laani. Guiraa rexpen Israel najn najc Samuel te niguii ni rniliipac xtidx Dios.

Nen redxejga, birii rebejn Israel, sacuanäjreni refilisteos, luxh direni niujn gaan, alga gujt si'cti tajp mil reben Israel. Dxejctiru rebengool ni rnibee reguedx Israel bejnreni xhigab, chanäreni xcaj Dios loj yälrdijl, niluxh di Dios niacnäjreni. Alga sanä refilisteos cajga, näj guiro'p guij cadre caj releii ni bacua Dios, niluxh bagu'treni balti mil rexpen Israel näjza guiro'p xi'n Elí. Dxejc bidzujn guiraa rexpen Israel ni di niejt.

Dxejc ruxun te niguii, biäädni loj Elí te biädnäni diidx lo Elí xhi gusajc. Räjpni lojni:

—Guiraanu reben Israel baxuñnu loj refilisteos, luxh bagu'treni xhidajl resa'ä. Bagu'tzareni guiro'p rexilnu, luxh sanä refilisteos xcaj Dios.

Yu' Elí tabitzubixhujn ijj, diru lojni jien, luxh cheni gunii niguiiga xhi guzajc caj xten Dios, bidxebduxhni, biabzajni, gujch xhaxi'ni, ro'cti gujtni. Agujc tzuu ijj najc Elí juejz xten lajdxni.

Che cua' refilisteos xcaj xten Dios, huinärenini lajdxreni te basujrenini nen guidoo cuä' xtiosreni ni laa Dagón. Bara yääl, cheni huistiereni, bidxäl refilisteos naga' Dagón lo yuj nez lo caj xten Dios. Dxejc guläsreni Dagón, basusacrenini xnejzni. Che bara yääl, bidxälreni nagasac Dagón lo yuj nez lo caj xten Dios, niluxh abiru' yejcni, näj agujch rexhajcwni, xtebtis xcuerpni bia'n tejsi la'!

Biäädza te yälgujidx loj refilisteos ni runnaduxhreni, niluxh xhidajlreni gujt. Ni'cni bidxejbreni niajprurenxi xcaj Dios, ni'c gunabreni lo rexreiireni gudedsacrenini loj rebejn Israel. Dxejc benchee rereii te gare'tcoob. Guleereni tio'p baag ni rusiä'ru

Rudeedru Dios leii näj yälrlului loj rexpen Israel

(Levítico 19:1-5, 9-12, 15, 18; 20:9-13; 23:5-11, 15-17, 24, 27-28, 34, 39, 42-43; 24:1-9, 16)

Gunii Dios loj Moisés, badeedni releiire loj rexpen Israel: —Colguibañsa'c, colyejn tejtis xhigab, sa'csi narä, Xtiostu, rbansa'cä, runä tejtis xhigab.

'Cade tejtu coljiu xtiidx xnantu näj xtadtu.

'Colgapda redxej ni rusilajztu.

'Na'c chanälajztu rebanäjb, na'cza guncheetu banäjb.

'Che jiädnätu te gojn, coljiädnäni si'ctis ni gunibeä, te gac xca'äni.

'Cheni guidzujn xpäii cose'ch, na'c gutie'tu guiraani, nicla quiltu nani bia'n lo yuj. Colgusa'nni te gac gutie' rebenproob näj rebenzitni. Na'cza quiltu guiraa reuub loj reyagub, niclaza gutie'tu nani abitejb loj yuj. Colgusa'nni te sajc gutie' rebenproob näj rebenzitni.

'Na'c cuaantu, na'cza guiniitu didxxhii.

'Na'c gusä'ttu laä che ria'ntu diidx, luxh cagusgueetu, sa'csi che rujntu si'c ditu guilia'p xpala'nä.

'Che rujntu yälgujhtis, rut xlaaddi chutu, nicla xlaad rebenproob, nicla xlaad rebenri'cw. Tebloj colyejn guxhtis lo guiraareni.

'Na'c rniyajtu nicla te bejn, mas colchanälajz rexpisintu si'cpac rinälajztu lagajc la'tu.

'Palga yu' chu guiniyaj xtadni o xnanni, nanab guetni.

'Palga guesnäj te niguii chääl ste'ca niguii, niguiiga näj gunaaga, nanab guetreni.

'Palga chaganäj te niguii xmadrastni, guiro'preni nanab guetreni.

'Palga te niguii ganäjni xculizni, guiro'preni sajpreni por guetreni.

'Palga te niguii ganäjni ste niguii si'c ranäjni gunaa, guiro'preni nanab guetreni.

'Nen bääi xten Abib, bääi ni rbäxtiej ijj xtentu, guntu te lanij xten Pascw, te gusnaj lajztu dxej nani biriit Egipto. Dxejc ni rtzudaj xchej bääi gautu xil ni yu' tebijz. Che guira yääl, gajdz dxejli gautu yätxtiil ni xhet yu'di cobgulaj yejcni, si'cni gunibeä guntu, te guinaj lajztu xho baslaätu.

'Che abiu'tu nez loj reyuj xten Canaán, che gutie'tu ganid cose'ch xten triuu näj sebaad, jiädnätu ganid dääz nani gutie'tu si'c te gojn par narä.

'Che guisloj lanij xten Pascw, gulabtu gajdz xman dxejcti guntu stee lanij xten cose'ch, che agulujx batie'tu recose'ch. Dxejc loj reyätxtiil nani gunxgaatu, jiädnätu tio'pni loä.

'Primeer dxej ni rgajdz bäii, gac te dxej parpac narä. Dxejga jiädnätu gojn loä, jiädgantu narä, golzatu retrompet ca'ch.

'Rdxej tzuu lagajc bäiiga, gac dxej ni rusiäjl-lajz dojl. Dxejga najc partis gucua'ntu, jiädnäzatu gojn te guiniabtu yälrusiäjl-lajz xcuent dojl xtentu.

'Ni najc rtzuun dxej xten rgajdz bäii, guntu te lanij xten ramaad, che abejntu gaan batie'tu recose'ch. Gajdzli dxej guiraa reni najc rexpen Israel cuääz nen reyubalayagzijn te gacbee rexi'nreni si'c guläjzreni che biriireni loj guedx Egipto, cheli bidzujnreni lo guedx Canaán.

Räjpza Dios loj Moisés:

—Gojz loj rebejnji jiädnäreni se't oliv te guida' nen lampr ni rcaguij. Guixe-guixee guchaj rebixhojzreni te na'c jiuiri reni nen yudxangujjd.

'Tej huält nen te xman, nen dxej ni rusilajztu, guchaa bixhojz guitzubitio'p reyätxtiil nani dzuub loj mex, gutzuubreni yättilcoob, dxejc gaureni reyätxtiil biejwga.

Räjp Dios loj Moisés:

—Chutis ni guiniyaj Dios, nanab guetni, gucuaa rebejnji guejdx guij yejcn.

Yälracle' par reni ruzobdiidx, näj xhi sajc nani di guzobdiidx

(Levítico 26)

'Narä nacä Xtioslu, palga guzoobtu nani rnibeä guntu, sunle'ätu. Che jiu'tu loj reyuj nani gunidxä lojtu, sanu siajb nisgujj neñ xpäiini, sicaj recosechsa'c lo reyuj, luxh sicaduxh ninejxh lo reyagninejxh. Ditu guiliaan, luxh sibandxitu. Xhetti man nialajz ni gudxejbtu. La'tu surilaagwtu rebejnji ni rdxe'ch lojtu, sujn pactu gaan lojreni; luxh narä sugaranää la'tu par tejpas, sa'csi narä nacä Xtiostu luxh la'tu najctu bejn nani aguleä te gactu xpenäpac.

'Palga ditu guzoob nani gunibeä guntu, suxhalä te yälrdxebduxh, näj yälracxhuu, näjza yälhuin. Xlia'si cue'ctu binij loj reyuj, sa'csi reni rdxe'ch lojtu sajwreni xcose'chtu. Sidxe'chä lojtu, luxh reni rdxe'ch lojtu, sujnreni gaan loj'tu, sinibeereni la'tu. Suxhalä reman nialajz guiniaaz rexi'ntu, sajwreni rexquidxaatu. Sidejdtu yälrliaan, di xcose'chtu chu; luxh su' gubijn, sidzujn dxej ni gautu lagajc xi'ntu. Siääd regubaan nani gusnitloj rexquejdxtu,

Dxejctiru sii Ana rolizjni. Xhetru nabaadini.

Abacuadiajg Dios ni gunabni lojni, ni'cni, neñ redxejga, guyu' te xi'nni nani gulälajni Samuel, sa'csi najni:

—Ni'c najc lajni sa'csi gunabäni lo Dios.

Dxejc siädroobti biuuxga. Cheni gulää xnannini dud, huinänini guidoo xten Dios loj bixhojz Elí. Dxejctiru räjp Ana lojni:

—Aii, Dadbiid, narä nacä gunaa nani biääd ree, ni biädnab lo Dios. Gunabä biuuxre, luxh baniidx Dios nani gunabä. Ni'cni neñ siädgudzu'äni loj Dios, te chuni lojni guiraa redxej nani guibajnni.

Dxejctiru badeedni xquixtios loj Dios.

Bia'n biuux Samuel neñ guidoo te cayujnni dzuun xten Dios, cayacnäjni bixhojz Elí.

Agujc xchej gajd te bejn chu nani rnii xtidx Dios loj rexpen Israel, te guzule'ni nani rlajz Dios gac.

Te guxhijñ, laj ni nagayejs Samuel neñ guidoo, biejn diajgni xse' Dios ni cabejdxni, ni'c ruxuñni huijni cadro naga! Elí, räjpni:

—Anarä ree. ¿Xhicuent gurejdxlu narä?

Dxejc räjp Elí lojni:

—Dina nibedxä luj. Huigues.

Sä'ti Samuel, gotsacni. Dxejcti guredxsac Diosni. Huistiesacni, huijni loj Elí, räjpni lojni:

—Ana ree. ¿Xhicuent gurejdxlu narä?

Dxejc badzu' Elí diidx, räjpni lojni:

—Xi'nbidä, dina nibedxälu. Gubi', gudiessac.

Sa'csi gajd Dios guinii loj Samuel, laani dini niembee xse'ni.

Dxejctiru gurejdx Diosni ni riojn huält, dxejc huistieni stehuält, huijni loj Elí, räjpni:

—Ana ree. ¿Xhicuent gurejdxlu narä?

Dxejcru gucbee Elí laa Dios ni cabejdx biuuxga, ni'c räjpni lojni:

—Xinä, huij te gotsac. Palga cueedxni luj stehuält, gojs:

“Gunii, Dad, narä nacä xmoslu, cagucuadiagä xtiidxlu.”

Sä'sac Samuel, gotsacni lo xloonni. Che goj stee rate', biääd Dios te gurejdxnini si'cpac gurejdxnini galoo:

—¡Samuel! ¡Samuel!

Dxejc räjp Samuel:

—Gunii, narä nacä xmoslu, cagucuadiagä xtiidxlu.

Dxejc räjp Dios loj Samuel:

—Rlazä gacbeelu nani gunä nez loj rebejnji. Gusacsä guiraa refamil xten Elí sa'csi rexi'nni ni najc bixhojz rujn xhidajl

Gunii Dios loj Samuel

(1 Samuel 1:1-2, 6-11, 17-20, 23-24, 26-28; 2:11; 3:1, 3-18)

Guyu' te niguii nez lo yuj Canaán ni laa Elcana. Yu' tio'p chäälni. Tejni guyu' rexilnni, steeni ruti xi'nni. Nani ruti xi'nni laa Ana, ronduxhni sa'csi stee gunaaga ni rbäznäj Elcana ruxhisnäjni laani, te guche'chnini, te gac-huin lajzni.

Te dxej, huij Elcana näj guiro'p regunaaga guidoo te huinäreni yälrbibyaal nez loj Dios, räjp Elcana loj Ana:

—Xhicuent roonlu? näj xhicuent dizalu gau? Xhicuentza nabaa lastoolu? Palga niu' tzuu xi'nlu, direni chanälajzlu si'c ni sanälazälu.

Niluxh xteb Ana huitedx-huinab lo Dios, biinni nez loj Dios, räjpni:

—Dios, palga filaalu yälhuin xtenä, palga guinajlajzlu narä, guniidzxzalu te xi'nä, narä sunidxäzani chuni loj guejblu guiraa redxej nani guibajnni.



Te bixhojz ni laa Elí cahuiini lo Ana lałni canabni lo Dios. Che baluuxni, räjpni lojni:

—Xindxa'pä, huij, gulecdxi lajzlu; Xtiosnu sujnni nani gunablu lojni.

dxejc la'tu sushuñtu susanxtebtu rexyujtu, rut xcanäjdireni. Luxh sejtu lo guejdx xten renani rdxe'ch lojtu.


'Mase rbäjztu neñ reguejdx xten reni rdxe'ch lojtu, dina gusnitloätu, dizana cuälazätu. Sinajlazä diidx ni bia'nä con toJacoop, näj toIsaac, näj toAbraham, niluxh sapä yälrlulazlajz par la'tu, sa'csi narä nacä Dios.

Bidzujn rexpen Israel loj rexpazaa guedx Canaán

(Números 4:1-49; 10:11-28; 12:16; 13; 14)

Casob rlajz rexpen Israel jiunejzreni, rutzujl rebixhojz yudxan te runcheereni cargw te guureni, si'c ni gunibee Dios gunreni. Dxejc riääd rexfamil Leví te guureni yudxanga lał ni sasajreni lo nejz. Si'c bejnreni guideb retiuu ijj nani cuansajreni nez lo reyubijdz.

Che ameer guiza' teb ijj ni cabäjz rexpen Israel nez neñ dajn Sinaí, gusloj sasaj za nani dzuub yejc yudxanduxh, dxejc gucbeereri agojl guisloj chasazacreni lo nejz. Dxejcti guläseni guiraa xhi xtenreni te guurenini, guläszareni yudxan.



Dee najc biaj ganid, cheli cuarreni remandamient xten Jehová, dxejc scree bejnreni: ganid sää rexfamil Judá, dxejc siädnauu

rexfamil Isacar, dxejc dejtzreni siääd rex famil Zabulón. Dejtzreni siääd te cuaa xfamil Leví, nuurenri yudxanduxh. Dejtz reben Leví sää rex famil Ruben, con Simeón, con Gad. Dejtz reni'c sää ste cuaa xfamil xten Leví, nuurenri arcw, näj piää, näj gandilier, näj retrast dxan. Lult sää rex famil Efraín, con Manasés, con Benjamín; ni rdajp cuaa najc rex famil Dan, con Aser, con Neftalí.

Cuansajreni xhidajl dxejc, dxejc bidzujnreni te lajt ni laa Parán, roxnezyuj Canaán. Dxejcti räjp Dios loj Moisés:

—Baxhal rexpejnlu chahuiireni xho najc yuj xten guedx Canaán, nani gunidxä lojtu.

Gurejdx Moisés tejga niguii lo cade tej famil xten rexpen Israel. Tzubitio'p bialojreni, räjpni lojreni:

—Colchäj, colchahuii xho najc reyujga, näj rebejn nani rbäjz ro'c, don la benroreni, la xhidajlreni. Cołtanäza ninejxh ni yu' loj guedxga. Saru chäatu.

Biunejzti reniguiiga, sayembeereni guideb reyuj xten Canaán. Che gubi'reni, batiu'reni te ramroduxh uub, nanab tio'preni nuurenini lo te yajg. Che gudejd tiuu dxejc, gulujx huihuiireni xho najc reyujga, gubi'reni cadro suga' Moisés nez Parán, najcni te lajt ni laa Cades.

Che gubi'reni, tzuureni bij diidx, räjpreni:

—Bionnu Canaán, bahuiiu lo reyujga rcaduxh ninejxh, niluxh racduxhza cose'ch. Ree siopnänu te muestr ninejxh nani rcaj ro'c. Rebejn ni rbäjz ro'c najcreni benro, bennadip. Reguejdxga najcreni guedxro, sutzutzzareni. Guiraa reniguii nani bihuiinu ro'c najc benziolduxhtej.

Biobgajc gunii stee reniguii nani huihuii xho najc reyujga, nani laa Caleb. Bazudxini rebejn te räjpni:

—Nanab jiojb choyennu gaan yujga. Nuunu sajc jiennu gaan sa'csi Dios sacnäj nuunu.

Per xtuureni duurtis caniiren:

—Na'c. Digacdi jiennu gaan. Reniguii ro'c nadipduxhreni, benroduxhreni. Digacdi jiennu gaan lojreni, sa'csi cuä'reni lascanu guxha't najcnu.

Cheni biejn diajg rebejn nani gunii guitzuu niguiire, guiraareni bidxejb, di rlajzreni nilii nani canii Caleb näj Josué lojreni. Dxecjti gusloj cayujnreni quej xcuent Moisés näj Aarón. Cayäp loj sa'reni:

—Do'o guibee stee bejn nani guinibee loonu te guibi'nu lo guedx Egipto!

Dxejcti räjp Noemí lojni:

—Bahuii, xconcuñlu agubi' lajdxni näj loj rextiosni. ¿Luj, xhicuent dilu guibi'za lajdxlu?

Dxejc räjp Rut lojni:

—Na'c guiniablu gusa'nä luj te guibicaä lojlu, sa'csi cadrotis chäälü, ro'c sia'äpac; cadrotis cuääzlu, ro'c sibäzáza. Lajdxlu sajczani ladxä. Xtioslu sajczani Xtiosä.

Cheni bahuii Noemí gulipac Rut chanänini, basaanni, xhetru guniidini lojni. Si'c huinuu guiro'preni ronezyuj; si'c bidzujntireni guejdx ni laa Belén.

Guedx Belén rbäjz te niguii ni laa Booz, xprim Elimelec, togool tochääl Noemí.

Cheni bidzujn Noemí näj Rut guedx Belén, meer najc xpäii ni rsiobloj recose'ch xten cebaad. Niluxh huij Rut, batie'ni doj lo camp. Te dxejc, huij Rut, satie'ni redoj lo niaa xten Booz. Che bahuii Booz lojni, biädnabdiidxni loj nani rnibee loj remos:

—¿Chu gunaare?

Dade'ga badzu' diidx, räjpni lojni:

—Laa gunaa ni siääd Moab ni biädnä Noemí. Laa xculijznini. Dxejcti huininäj Booz Rut, räjpni:

—Sajc gutie'lü redoj che rlajztislü. Palga jiojllu, huij cadro suga' rere' te ro'c yälu nis.

Laani bazuxhijbni nejz lojni te räjpni:

—¿Xhicuent riulu narä, te benzijt?

Dxejc räjp Booz lojni:

—Rujy bejn diidx loä guiralii nani bejnlü, lacti huenduxh najclu con xnansuegrlu. Rujyzareni diidx ahuililajzlu Jehová Xtiosnu.

Che gudajw Booz näj xmosni, badeedreni xhi gudajw Rut. Dxejcti che huisu Rut te chanuu chatie'ni doj, gunibee Booz loj rexmosni:

—Na'c gusieedtu gunaare; colgusaan guitejb redoj loj rexmanoju te gutie'nini. Na'c tilnäjtuni.

Dxejc huinuu batie' Rut doj lo niaaga. Che agudxej gubi'ni rolizj xnansuegrni. Che bahuii Noemí guiraa nani batie'ni, räjpni:

—¿Caro bejnlüuzuun nadxej? ¿Caro batieduxhlu doj? Sugacle' nani gucnäjlu.

Dxejc rujy Rut diidx loj xnansuegrni caro bejnniuzuun, näj chu najc xpaxuaan yujga. Si'c gujc, huinuu Rut batie' redoj cua' recriaad xten Booz cheli gulujx cose'ch xten cebaad.

Dxejcti bachñaa Booz Rut. Guyu' te xi'nreni nani gulälajreni Obed, nani gujc xtadgol David.

Elímelec, chäälni laa Noemí, rexingaanni laa Mahlón näj Quelión. Bidzujntireni nez yuj xten guedx Moab, ro'cti bia'nreni.

Gujt Elimelec, chäälni Noemí, dxejc laani biannäj guiro'p xi'nni. Laareni bachnaareni tio'p gunaa, ben Moab. Chäälni laa Orfa, steeni laa Rut. Guläjzreni ro'c si'cti tzu ijj, dxejc gujt Mahlón näjza Quelión. Bianxtebtii Noemí, sa'csi gujt guiro'p xi'nni näj chäälni.

Dxejctiru laani näj rexculijzni biunejzreni guedx Moab, sa'csi biejn diajgreni agudejd gubijn lajdxni. Birinäjni guiro'p rexculijzni, biunejzreni cadro guläjzreni te gusloj canzajreni te gubi'reni reguedx Judá. Dxejc räjp Noemí loj rexculijzni:

—Colguib'i rolijz xtadtu. Dios gajp yälrlulaslajz cade tejtu si'c balaslajztu rexi'nä näj narä; näj gun Dios guidxältu stee chäältu.

Badeedni te bixhid ro'reni, cayoonairenii, räjpreni:

—Na'c, nuure rlajznu guibinäjnu luj cadro najc lajdxlu.

Dxejc räjp Noemí lojreni:

—Colchäj, xindxpabidä. ¿Xhicuent jinätu narä? Rutiru xi'nä nani sajc gac chäältu. Coljii, colchäj rolijz xtadtu.

Sanuu cayoonairenii, dxejc badeed Orfa te bixhid loj xnansuegrni, gubi'tini rolijz xtadni. Niluxh Rut biannäjni Noemí.



Gunii Caleb näj Josué loj rebejn, räjpreni:

—Na'c guidxejbnu. Lacti saru najc reyuj Canaán. Sinäpac Dios nuure, suniidxpacni reyujga loonu. Na'c gactu bejn guyalajz nez lo Dios.

Dxejcti bidxe'ch rebenxhidajlga, rlajzreni nucuaarenii guij yejcreni, chela bahuii guiraarenii xcälrdimbicha' Dios nen yudxanro. Dxejc nez loj rebejn gunii Dios lo Moisés; räjpni:

—Balti huält abaluiä xcälrnibeä lo rebejnre, luxh nicla si'c di rlajz guiliä'preni xpala'nä. ¿Gucli chanuurenii rajc tio'p lajzreni, direni chalilajz xtidxä? Naj gojz lojreni guiraarenii guet nez loj reyubijdzre, dipacreni fii lo yuj nani räpä xca'reni. Luxh xpenä, Caleb näj Josué, sa'csi di lajzreni niajc tio'p, laareni sii siu'reni. Gulipac nichla tejtu ditu jiu' lo reyuj Canaán. Per rexi'ntu, sumbeereni yuuga cheni aguroobreni. Guixegajc guibi'tu lo reyubijdz te ro'c chacansajtu tiuu ijj, che guetlitu, te ijj por cade dxejc ni cahuiitu lo yuuga. Dxejcti siu' rexi'ntu näj rexajgtu lo guedx Canaán.

Luxh retzoo niguii nani huinä Josué con Caleb che sahuiireni xho najc reyuj xten Canaán, bejn Dios derepent gujtreni. Si'c bejn Dios sa'csi basqueereni rexpen Israel, te gujc tio'p lajzreni xcuent Dios.

Che räjp Moisés lojreni guiraa redee, guc-huinduxh lajzreni. Che barayääl, huitsereni rsilru, huä'preni yejc dajnga, dxejc räjpreni:

—Dxunnu ree gajxh Canaán, colcho', jiu'nu loj yuj nani rlajz Dios guniidz loonu.

Niluxh räjp Moisés lojreni:

—Na'c gactu benguyalajz, colguzobdiajg xtidz Dios. Digacdi chäätu xtebtu. Palga di Dios chanätu, sujn renani rdxe'ch lojtu gaan, susnitlojreni la'tu.

Per empac rlajzreni jiu'reni reyuj Canaán. Dxejctiru bidzujn reniguii ni rbäjz guedx Canaán, bagu'treni xhidajl rexpen Israel. Barilaagwreni, birinajlzarenii rebejnaga nez loj reyubijdz. Dxejc rexpen Israel ni bia'n, gubisacreni loj Moisés.

Rlajz Coré gacni bixhojz mase di Dios nibeeni

(Números 16:1-11, 16-49; 17:1-11; 18:19-20)

Guyu' te niguii loj rexpen Israel ni laa Coré nani najc te rexfamil Leví. Te dxejc laani näj schoñ niguii ni laa Datán, Abiram con Om, ni najc rexfamil Rubén, huäjsreni, bidxe'chreni loj

Moisés. Bachagsa' si'cti tio'p gayuu garol niguii nani rnibee lo rexpēn Israel te huitilnäjreni Moisés con Aarón, räjpreni:

—¿Xhicuent rniitu, luj con Aarón, rnibeetu lo guejdxre? Ni agule Dios guiraa nuure. La'tu, rut najcditu te jiädrniibeetu nuure.

Cheni biejn diajg Moisés rediidxre, bazuxhijbni, basujni locuajni lo yuj, räpgajcni lo Coré näj lo renani siädnäni:

—Guixee, rsilru suluui Dios chu reni'c najc nani agulen te guluiireni nezyuj lo rexpejnni. Luj, Coré, näj resa'l lu, bibeetu te gacnäjtu rebixhojz, et par gactu bixhojz. Xlia'si ga'ptu enbiid Aarón, luxh guiniyajtuni. Guixee jiäädtu nen yudxanguijd te jiennu preeb. Coljiädnä xpacueetu, te colgusäl guiboo neñni, näj yaal te gusujtuni nez lo Dios. Jiäädza Aarón te sigajcza gunni. Dxejc niguii nani guluii Dios, nani xca'ni xcärlusalajzni, ni'c najc nani agule Dios te gacni bixhojz.

Stee dxej, rsilru biääd Coré näj tio'p gayuu garol niguii, cua'reni xpacueereni, basälreni guiboo näj yaal nenga. Dxejcti nez ro' yudxanguijd gusunäjreni Moisés näj Aarón. Dxejc bienloj xcäldimbicha' Dios loj guiraa reben guejdxga. Räjp Dios loj Moisés näj Aarón:

—Colguibicaj loj rebejnre, sa'csi di gaclaa gusnitloäreni.

Niluxh laareni bazuxhijbreni, bidzujn lo cuajreni lo yuj, räjpreni:

—Aii Dios, luj ni rudeed yälnabajn loj guiraa reniguii, ¿la sidxe'chnäjlu guiraa rebejn xcient xtojl tejis niguii, ä?

Dxejcti räjp Dios lojreni:

—Gojs loj guiraa rexpen Israel, guibicajreni ro' reyulajd xten Coré, Datán, näj Abiram.

Dxejc birii Moisés ro' yudxanguijd, sanäni rebengool xten guejdx Israel, huiye'tzreni loj rebejn guibicajreni ro' reyulajd xten jion reniguiiga. Dxejcti birii Coré näj Datán näj Abirám, gusujreni ro' rexyulajdreni con rexcunaareni näj rexil'nreni ni najc báz. Gubicaj rebejn ro'c, dxejc räjp Moisés:

—Dee gajc te gacbeepactu agule Dios narä te gunä xtzuunni. Palga laareni guetreni te yälgujt si'cni rejt guiraa rebejn, dxejc et narädi nacä nani agulen. Niluxh palga gun Dios te cosro, palga guixal yuj te gämnireni, dxejc sacbeepactu bidxe'ch Dios loj reniguiire sa'csi direni niliä'p xpala'nni.

Che gulujx gunii Moisés rediidxga, bixal ro' yuj, dxejc gunitloj jion reniguiiga näj rexyulajdreni näj chäälreni näj rexinbäzreni. Dxejc biäuu ro' yujga, si'cti gujtreni. Guiraa dee gujc nez loj rebejn.

Yuroga guidxaj reniguii näj regunaa luxh näj reguxhtis xten refilisteos suga' ro'c. Yu' stee yu' yejc yu'ga, luxh ro'c yu' si'cti choñ mil niguii näj gunaa nani cahuii xho caguxhisnäjreni Sansón.

Dxejcti gunab Sansón loj Dios, räjpni lojni:

—Dad, basnaj lajz narä naj te baniidx yälnadip steetis huält. Rniabäni lojlu, Xtiosä, te gusquixä refilisteos xcient rebaloä.

Biobgajc gudajn Sansón guiro'p repilajr; che gunaazniren, guredx'a ni:

—¡Colguetnäj narä, la'tu refilisteos!

Bejnni te fuerzduxh, balañaani repilar te gurebä'n yejc yu'ga, bitejbni yejc reguxhtis näj yejc guiraa rebejn ni suga' ro'c. Xhidalroru refilisteos najc ni bagu't Sansón cheni gujtni loj renani bagu'tni guideb ni gubajnni.

Gajl ijz gujc Sansón te juejz loj rebejn Israel, dxejc biga'tzni nen xpaa toxtadni Manoa.



Xcient Rut, te gunaa ni siääd ste'ca lajt

(Rut 1:1-2:23; 4:13-17)

Gusajc nen redxej nani gunibee rejuejz, guyu' gubijn loj reyujga. Ni'cni te niguii ni najc beñ Belén, te guejdx ni naga' nez rexyuj Judá, huij loj reyuj xten Moab ni yu' stee laad gueu Jordán. Sanäni chäälni näj guiro'p xingaanni. Niguiiga laa

Niluxh Dalila räpsacni loj Sansón:

—Basgueelu narä stehuält, guniilu ganax didxxhii. Naj gunii didxgulii, xho gunreni te guliibreni luj.

Dxejc räjpni lojni:

—Paru gusaalu gadz trens rexquichecä con lajd xten telajr, dxejc guschääzlu te xtaj lo yuj, dina gapä yälnadipduxh.

Si'cpac bejnni, dxejc guredxa'ni:

—Sansón, siädnaaz refilisteos luj!

Dxejc laani gubajnni, gulädxa'ni xtajga näj telajr lo yuj.

Dxejc räjp Dalila lojni:

—Xhicuent najlu sanälajzlu narä? Abasgueelu narä choñ huält, niluxh gajdlu guinii xhini'c runiidx xcälnadipduxhlu.

Gunaaga sanuutis rsiunajdni, duurtis rniabni lojni, ni'cni diru Sansón niujn huant, räjpni lojni xhini'c rudeed yälnadip lojni:

—Dipac yecä guigaj —räjpni—, sa'csi nacä te ni agule Dios. Palga guigaj yecä, sinitloj xcälnadipä, dxejc sacä si'c chutis stee niguui.

Cheni gucbee Dalila aguniini didxgulii, baxhalni chu huitejdx reguxhtis xten refilisteos te räjpni:

—Coltaa! Naj sii anajpacni xhi najc yälxhiga'tz xten xcälnadipduxhni.

Dxejcti reguxhtis xten refilisteos biäädreni rolijzni, ca'reni meel ni gudeedreni lojni. Dxejc Dalila bejn gudies Sansón yecxhijbni, te gurejdxni te niguii te guhuajni yejcni. Dxejc guredxa'ni:

—Sansón, siädnaaz refilisteos luj!

Cheni gubajn Sansón, bejnni xhigab:

—Naj siriä si'cpacni biriä galoo, sajc laä ladzñaareni.

Luxh dini gacbee agubicaj Dios lojni. Dxejc gunaaz refilisteos Sansón, gulääreni rebalojni, sanärenini guedx Gaza. Ro'c cua'reni cadeñ baliibrenini loj te molin nen latzguiib, te gusacsírenini. Ro'c gusloj caga' xquidxejcni.

Te dxej bire' reguxhtis xten refilisteos te gudeedreni xquistios loj Dagón, ni najc xtiosreni; cayujnzareni lanij sa'csi abiga' Sansón. Dxejc räjpreni:

—Coltanä Sansón te guibaalajznu.

Huijtireni, huilääreni Sansón neñ latzguiib te guxhisnäjrenini. Basujrenini galäii tio'p pilajr. Dxejcti räjp Sansón loj mos nani naaz naani:

—Batzug narä loj repilajr nani naaz yejc yu' te gac sucaä ro'c.

Cheni bahuii rexpen Israel xho gusajc reniguiiga, gunitlojreni nez neñ yuj, baxuñreni, cadxebduxhreni, caniirení:

—Top näj nuure gäm yuj!

Dxejcti birii te bajl nez neñ yudxanguijd, te bagu'tni tio'p gayuu garol reniguii renani huinä bacuää. Guyejc guiraarení, niluxh sa'csi rebacuee najc ganax guiib, direni niejc.

Dxejctiru räjp Dios loj Moisés:

—Gojs loj Eleazar, ni najc xi'n Aarón, gutie'ní rebacuee nani bia'n che gudejd yälrejc, zift chasälni guiboo näj reyaal ni bia'nga. Dxejcti gusalni rebacuää lo guiboo te gunni te guiib ni gusäu lo piääñ. Guiraa dee gac te par tejpas guinaj lajz rebejn nicla tej bejn ni di gac rexfamil Aarón, sajc guibig te jiädsälreni guxhyaal nez loä.

Räjp Moisés loj Eleazar xhini'c gunibee Dios gac, dxejc si'c huiyejn Eleazar.

Che bara yääl, gusloj camojm rebejn lo Moisés con Aarón, cayäjpreni:

—La'tu cagugu'ttu rexpejn Dios.

Dxejctiru guiraarení bahuiireni nezloj yudxanguijd sa'csi za ni tzuub ro'c gubixhloj, gujcni te balguiboo, dxejc räjp Dios lo Moisés näj Aarón:

—Colguibica' lo rebejn te agojl gusnitlöäreni.

Baxhalgajc Dios te yälgujdx nani cagugu't xhidajl rebejn. Dxejctiru guzuxhijb Moisés näj Aarón nezloj Dios. Biobgajc räjp Moisés loj Aarón:

—Cua' te bacuee, te basäl neñni guiboo nani yu' loj piääñ, basälza yaal, te jiojb chanäluni nez galäii rebejn, te gunab loj Dios gusiäj-lajzni xtojlenreni, sa'csi cadxechduxh Dios lojreni xcient xtojlenreni, ni'cni cayejtreni.

Bejn Aarón si'cni räjp Moisés gunni. Huisuni galäii rebejn te gunabni lo Dios gusiäj-lajzni rextojlenreni, ni'cni diru rebejnäga niejt. Renani gujt dxejc gujcreni si'c tzudaj mil rebejn, niluxh direni nigab renani gutnäj Coré.

Dxejcti räjp Dios loj Moisés:

—Gojs loj rebejn ni rnibee loj cade tej refamil, jiädnäreni te baston yajg, nalajznu gacreni tzubitio'p baston yajg. Bacuua laj cade tej beñrnibee loj xyajgni, loj xyajg xfamil Leví, bacuua laj Aarón. Huidzuub reyajgga neñ yudxanguijd nez loj arcw xten yälria'n diidx, sa'csi narä gunä guixhal guii lo tej reyajgga, si'c te seen te gacbeereni laani najc niguui nani aguleä. Gunä dee te cuääz caniyaj rebejn la'tu.

Dxejc bejn Moisés nani gunibee Dios gunni. Badzuubni guitzubitio'p yajgga neñ yudxanguijd. Che bara yääl, che gulääreni reyajg neñ yudxanguijd, agulejn balajg lo xyajg Aarón, acaj guii näj almendr lojni. Guiraareni bahuirenlo yajgga, dxejc stzubiteb renigui huixiireni xyajgreni. Dxejc räjp Dios loj Moisés:

—Huinäsac xyajg Aarón neñ yudxanguijd, batzubcheenini ro'c si'c te seen, te gacbeetu naräpac aguleä Aarón. Si'c gunlu te na'cru guinijay rebejn narä, te na'c guet guiraareni.

Dxejc räjp Dios loj Aarón:

—Guiraa reyälrusalajz nani siädnä rebejn si'c te gojn loä, narä sunidxäni lojlu, näj loj rexilnlu te gac guibajntu. Dee najc te diidx ni jia'nnu par tejpas. Digacdi ga'plu yuj, nicla xhixtenlu si'c ni rajp rexpen Israel, per narä sunidxä guiralii nani rquiintu, luj näj xfamillu.

Rulaslajz Dios rexpen Israel mase rbe'creni quej

(Números 20:1-12, 22-29; 21:4-9, 21-24; 22:1)

Che agudejd si'cti tiuu ijj ni birii rexpen Israel loj guedx Egipto, luxh lał ni sanuu sasajreni, bidzujnreni lo te yuj ni laa Cades nez loj reyubijdz xten Zin. Ro'c xheti nis yäreni, ni'c bire'reni te gunabtijprenini lo Mois'es con Aarón, räjpreni:

—¡Malaii nie'tnu cheni gujt resa'nu nezloj Dios! ¿Xhicuent bejntu bio'pnu nurnu näj xquidxaanu parsi guetnu nez lo reyubijdre, ä? ¿Xhicuent guläätu nurnu guedx Egipto parsi siädnätu nurnu ree? Ree xheti triuu guidaunu, xhettiza nis guidunnu.

Dxejcti huij Moisés näj Aarón lo yudxanguijd, dxejc nez ro'ga bazuhijbreni, bidzujn locuajreni lo yuj, dxejc biejn xcälrdimbicha' Dios nez lojreni. Gunii Dios loj Moisés, räjpni:

—Cua' xpaston yajglu, dxejc gacnäj bejtzlu, Aarón, gutie'tu rebejn. Dxejctiru nez loj guiraareni, gunibee guniidx guilajga nis lojtu, te fiilu gaan, lacti sijl nis guirii te yä guiraa rebejn näj rexquidxaareni.

Dxejcti cua' Moisés xpaston yajgni si'cni gunibee Dios gunni, dxejc gucnäj Aarón batie'reni rebejn nez lo guilajga, räjpreni lojreni:

—Colgucuadijg naj, benguyalajz. ¿La nanab jiennu guirii nis nez neñ guilajre, ä?

Dxejc guläs Moisés naani, batiajlni xpastonni cua' guilajga tio'p huält. Dxejctiru birii sijl nis te gu' rebejn näj rexquidxaareni.

Cheni gucbee reben Gaza abidzujn Sansón lo guejdxga, gusloj cagula'tzreni ro' guejdxga guideb dxejc te di guiriini. Niluxh che biu' guxhijn, saguejsreni, cayujnreni xhigab che jianij guiriini dxejctiru sugu'trenini.

Niluxh huistie Sansón garol yääl, gulädexa'ni rolä' xten guejdxga näj guiro'p xpilaarreni, gubibreni ro' xhajcwni, dxejc huisa'nnireni yejc te dajn ni suga' nez lo guedx Hebrón, te gacbeereni digacdi gusäurenini.

Sansón näj Dalila

(Jueces 16:4-30)

Bidzujn te dxejc, guninäj Sansón te gunaa xten refilisteos ni laa Dalila. Te dxejc huij renigui nani rnibee refilisteos, huihuiireni Dalila, räjpreni lojni:

—Basguee Sansón te guiniini lojlu xhini'c rudeed yälnadipduxh xtelli, te gacbeenu xho gac jiennu gaanni, te gajc guliibnuni. Palga guiniiluni loonu, cade tejnu suniidxnu te mil con te gayuu meel pla't.

Dxejc bidzujn te dxejc räjp Dalila loj Sansón:

—Rniabä lojlu guiniilu loä xhini'c runiidx xcälnadipduxhlu, näj xho gac guiliiblu te di laalu.

Dxejc badzu' Sansón diidx, räjpni lojni:

—Palga xca'reni gajdz bijucya' guliibreni narä, dxejc xhetiru xcälnadipä, sacä si'c chutis nigui.

Ni'c huinä refilisteos gajdz bijuc naya' loj Dalila te guliibnini. Luxh laani abacuatzxgaani tio'p chon refilisteos rolizni. Dxejc cheni gulujx baliibnini, guredxa'ni:

—¡Sansón, asiädnaaz refilisteos luj!

Dxejc laani batiugya'ni rebijuc si'cni rugya' tla' dojb cheni rejci lo bajl. Niluxh dini nicäjp xhini'c rudeed yälnadip lojni.

Dxejc räjp Dalila lojni:

—Basgueelu narä, guniilu loä ganax didxxhii. Rniabä lojlu naj guiniipaclu xhoni gac guiliiblu.

Laani bazejcn diidx, räjpni lojni:

—Palga xca'reni dulas, ni nacobdoo, guliibreni narä dipduxh, dxejc dina gapä yälnadip, sacä si'c chutis nigui.

Dxejctiru Dalila cua' redulascoob te balibnäjnireni, dxejc räjpni:

—¡Sansón, siädnaz refilisteos luj!

Stehuält batiugya' Sansón reduuga, ascanu najcreni te duguilieer las ni naliibni.

gudejd xchej, gubi' Sansón, biädhuiini chäälni, luxh bidxälni rbäznäj chäälni ste'ca niguui. Dxejctiru bidxechdukhni. Huijni, huinaazni chongayuu bätz. Baliibni xhibaanreni te bacuaduuni te yaguejd loj cade tio'p xhibaanga. Dxejcti bahualguijni reyaguejd, baslaatini rebätz lo reyuj cadro caj xtriuu refilisteos. Dxejc huejc guiraa triuu näj xhidajl reyajg uub näj yagoliv xtenreni.

Gucbee refilisteos Sansón bejn ni'c sa'csi xsuegrni badzucaj chäälni. Dxejctiru biääd refilisteos te baze'creni gunaaga näj xtdn. Che biejn diajg Sansón xcuent ni'c, huijni te bagu'tni xhidajl refilisteos, dxejc biobgajc bacuatzlojni neñ te biliää nejz Judá. Dxejcti huij refilisteos guedx Judá te guiniaazreni Sansón.

Dxejcti gunabdiidx reniguii xten Judá lojreni:

—¿Xhicuent siätdilnäjtu nuurnu, ä?

Dxejc räjp refilisteos lojreni:

—Sio'pnu sioptilnu Sansón te quiixni guiraa nani abennäjni nuure.

Dxejc bire' chon mil niguui, ben Judá, te huijreni ro' biliää cadre yu' Sansón, räjpreni lojni:

—¿La dilu gaan rnibee refilisteos nuure? ¿Xhicuent bennäjlu nuure scree? Naj sio'pnu te chonänu luj te gudeednu luj loj refilisteos.

Badzu' Sansón diidx lojreni, räjpni:

—Mbj, hueenca, per coljia'n diidx, na'c ju'ttu narä.

Dxejc badzu'reni diidx, räjpreni lojni:

—Ajndi, dinu ju'tlu. Rlajztisnu guteednu luj ladznaa refilisteos; dinu guigu'tlu.

Dxejc cuareni tio'p dulaznacoob, baliibrenini te biädnärenini loj refilisteos.

Cheni bahuiireni guideb naliibni, siääd Sansón, birii refilisteos te xcacuentrenini. Rtiässjaareni sa'csi rbalajzreni. Dxejctiru biääd Spri't Dyan xten Dios loj Sansón te batiugya'ni reduuga, ascanu najcreni duxiil ni huejc loj bajl. Biobgajc cu'a'ni tzutro' xten te bur ni bidxälni; ni'c naazni, bagu'tni te mil refilisteos. Dxejcti biolduxh Sansón. Räjpni lo Dios:

—Dios, luj gucnäjlu narä te benä gaan loj dee; jla susaanlu guetä naj xcuent yälriojl, te jiabä ladznaa reni rdxe'ch loä, ä?

Dxejc baxhal Dios te gueed yejc te guij, luxh gulejn nis ro'c. Gu' Sansón nisga, guyu'ti xcälnadipni, bibalazsacni.

Te dxej huij Sansón Gaza, te guejdx xten refilisteos. Ro'c bahuiini lo te gunaguijdx, biu'ni rolizn te gudiesnäjnini.

Che gulujx gujc redee, gunii Dios loj Moisés näj Aarón, räjpni:

—La'tu ditu niliä'p xpala'nä loj rebejn cheni batäjltu yajg te guläetu nis cuä' guilajre. Ni'cni naj dina gusanä jiunäjtu rebejnre loj yuj nani bia'n diidx gudedä lojreni.

Dxejcti birii rexpen Israel nez Zin, bidzujnreni te dajn nani laa Hor. Ro'c räjp Dios loj Moisés:

—Ree guet bejtzlu Aarón, dini jiu' lo yuj nani bia'n diidx gunidzxä lojtu, sa'csi dini nuzoob xtidzxä.

Dxejc basule' Dios lo Moisés guiraa nani nanab gunni ansde guet Aarón, luxh basobdiajg Moisés xtiidxni. Huinäni Aarón näj Eleazar, xi'n Aarón, lo dajn Hor. Cheni yu'reni yejc dajnga, gulä Moisés xhajb Aarón te bashuajcwnini Eleazar, ni'c säloj laani najcni bixhozcoob. Di niaclaa, gujt Aarón, dxejc bacua'tz Moisés con Eleazar Aarón neñ dajnga.

Cheni gucbee rebejnäga alagujt Aarón neñ dajn, gojtreni xhabyasreni, näj biinreni galbitzuu dxej.

Gunazsac rexpen Israel nezyuj. Luxh sanuutis cadxe'chreni loj Dios näj loj Moisés, räjpreni:

—¿Xhicuent guläelu nuure guedx Egipto? ¿La partis jiopguetnu nez reyubijdzre, ä? Ree xheti yätxtiil nicla nis niluxh abieednu rdaunu ganax maná.

Lacti basieed rexquejreni Dios, ni'cni baxhalni rebäl nialajz ni yu' benen ro'ni te gauya'reni rebejn, te guet xhidajl bejn. Dxejc basiechljzreni, huijreni, räjpreni loj Moisés:

—Abiennu dojl sa'csi rdxechnäjnu Dios näjza luj. Gunablaa loj Dios te gudzucaj Dios rebälre nez cadre dxunnu.

Dxejc gunab Moisés loj Dios, räjpni abasiechlajz rebejn. Dxejc badzu' Dios diidx räjpni:

—Cua' guiib ni laa bronce, benchee te bäl, bahualni yejc te yajg, te chutis bejn ni gauya' te bäl, palga fiini loj bälguiibga, dini guet.

Dxejcti benchee Moisés te bälguiib, bahualnini yejc te yajg. Si'c cheni yu' tejreni ni gudauya' bäl, palga fiitisreni loj bälguiibga, biajcreni, direni niejt.

Dxejcti bidzujnreni loj yuj xten reben amoreos. Baxhal Moisés gaii niguui huijreni loj Sehón nani najc reii xten reben amoreos te sanabreni xtidxbree tedlaareni loj rexyujreni. Diidxre räjp reni baxhal Moisés loj reii:

—Gunlaa guejblu te hueen, basanlaa guideednu loj rexyujlu. Xhet guidoobdinu lo reyajg uub, dizanu guiduñ nis ro' rebisie.

Gusaantis guejblu guideednu te chonnu lo yuj nani abaniidx Dios loonu.

Niluxh reiiga badxojnreni, dini nusaan nidejdreni nez lo rexyujni, alga batie'ni rexpejnni te gudilnäjreni rexpen Israel. Niluxh rexpen Israel bejnreni gaan, cua'reni yujga, dxejcti bagu'treni reii Sehón. Sanuuti sasajreni che bidzujnlireni ro' gueu Jordán, nez lo xyuj Moab. Moab tre' gajxh Canaán, riäädxtis tedreni gueu Jordán, ati bidzujn reben Israel lo yuj nani abia'n diidx gudeed Dios lojreni.

Di Dios nusaan nusobde Balaam renani aguleni

(Números 22:2-41; 23:3-24:17)

Balac najc reii xten rexpen Moab. Bahuiini xho bejn rexpen Israel gaan loj reben amorreos, niluxh cadxejbni xcuent rebejn lajdxni sa'csi xhidajl najc rexpen Israel. Dxejcti guninäjni rebengool ni siääd loj remadianitas, räjpni lojreni:

—Sujn rebejnre gaan nurnu, sudzucajreni rexyujnu.

Dxejcti gunibee reii Balac chäää rexgustisni chahuiireni te dade' nani laa Balaam te gudeedreni diidxre:

—Abirii xhidajl bejn guedx Egipto, acaguchajreni reyuj guideb gabinu. Gudaa te gudzubdelu rebejnre sa'csi maazru nadipreni lojnu. Caxäjsi si'c jiennu gaan lojreni te gac gudzucajnurenlo reyujre. Abiejn diagä nani rudzubdelu, racdeni, biäda nani runle'lü, racle'zani.

Rebengool ni siääd Moab näjza rebengool ni siääd Madián, sanäreni yälnasa'c gudeedreni lo Balaam. Räjpni lojni rextiidx Balac, dxejc laani badzu'ni diidx, räjpni:

—Colja'n, guestu ree naguxhijn, dxejc guixee rsil guiniä xhi naj Dios loä.

Bia'n rebengoolga roliz Balaam. Guxhijngä gunii Dios loj Balaam, gunabdiidxni:

—¿Caro siääd reniguiire nani yu' rolizlu?

Dxejc räjp Balaam lojni:

—Balac, reii xten Moab baxhalreni te jiädnäreni diidx loä xcuent te chiñaa bejn ni birii guedx Egipto. Rlajzreni chanäreni narä te chadzubdeä rebejnäga, te gac gunreni gaan gurilaagwreni rebejnäga guideb nez loj rexyujreni.

Dxejc räjp Dios loj Balaam:

—Na'c chänäluren, na'c gudzubdelu rebejnäga sa'csi narä abenle'äreni.

Dxejc huistie Balaam rsilru, räjpni loj rexpengool Balac:

Cheni bidzujnni roliz gunaa, bejn Sansón te lanij gajdz dxej, si'c rujnreni costumbr che rajc te sa!. Dxejc gurejdx xtag gunaaga galbitzuu rexamiigni te gunreni compañni. Loj redade'ga räjp Sansón:

—Guiniä lojtu te divinanz, luxh palga neñ gajdz redxej ni cayajc lanij gudzu'tu xtiidxni, sunidxä galbitzuu muud lajd. Niluxh palga digacdi gudzu'tuni, la'tu guniidxtu galbitzuu muud lajd loä.

Dxejc räjpreni lojni:

—Gunii xdivinanzlu pes.

Dxejc räjpni lojreni:

—“Loj nani rajw, birii yälrjaw; loj ni nadipduxh birii cosnejxh.”

Sa'csi di niajcdi nidxälreni divinanzga, räjpni loj xcunaa Sansón:

—Guninäj chäällu te guiniini xhi säloj divinanz, palga dilu gunni, suse'cnu luj näj roliz xtagdu; sa'csi gurejdxni nuure parsi gudzucajni xhi xtenuu.

Dxejc xcunaa Sansón roon nez lojni räjpni:

—Rbälajzlu narä, dilu chanälajz narä. Dilu naa xhi säloj divinanz nani räjplu loj rebejnä ladzä.

Dxejc badzu' Sansón diidx, räjpni:

—Palga nicla loj xtagä, niclaza loj xnanä dina niniäni, xhiciuent alga lojlu guiniäni?

Sanuuti roon gunaaga guideb gajdz dxej ni cayajc lanija. Che gojl rgajdz dxejga, räjp Sansón xhi säloj, sa'csi diruni niujn huant xcälroon gunaaga. Dxejc gunaaga huiyetzgajcni loj rebejnä lajdxni. Lagajc dxejga, ansde guicäjy gubijdz, huiye'tz refilisteos loj Sansón:

—Ni maazru nejxh najc dzujn, ni maazru nadip najc leon.

Dxejc badzu' Sansón diidxga lojreni:

—Paru ditu niujn fuers guiniabdiidx chälä, ditu niujn gaan nibäxnejztu divinanzga.

Dxejctiru biääd Spir't Dyan xten Dios loj Sansón te huijne te guejdx ni laa Ascalón. Ro'c bagu'tni galbitzuu nigui xten refilisteos, cua'ni rexhajbreni te badeednirenloj renani guläxnejz divinanz.

Che abaadeedni relajdga, basa'nni chäälni roliz xsuegrni, gubi'tini roliz rexczajnni. Cadxechduxhni sa'csi basguee chäälnini, räjpni rextiidxni loj rebejnä lajdxni, ni'cni basa'nini.

Xcälnadipduxh Sansón

(Jueces 14:20-16:3)

Dxejc xtag suegr Sansón bejn xhigab diruni chanälajz xindxa'pni, ni'cni cuäjbni bachñaa gunaaga ste'ca niguii. Che

—Mascäza jia'nä, digacdi gauä xhuejtu. Palga rlajzlu, sajc gunlu te yälbibyaal loj Dios.

Di Manoa gaan laa xangl Dios ni caninäjni sa'csi rluiini si'cpac te niguui.

Dxejc räjp Manoa loj angl:

—Guniila xho laalu, te guniidxnu xquiixtios cheni chale' rextiidxlu.

—¿Xhicuent rlajzlu gacbeelu laä? Najcni te yäldxeloy luxh nagajnza gacbeeluni.

Gunaaaz Manoa te dxibe' te bejnni te yälbibyaal lo Dios yejc te guilaj, luxh cheni huä'p bajl loj piäänga nez xhagubaa, xangl Dios huä'p lo bajlga nez loj Manoa näj nez loj chäälni, niluxh laareni guzuxhijbreni, basajb locuajreni loj yuj. Dxejcli gucbee Manoa laapac xangl Dios nani guninäjni, räjpni lo chäälni:

—Naj sejtnu sa'csi abahuiiu lo Dios.

Dxejc badzu' chäälni diidx, räjpni:

—Palga Dios rlajz nugu'tni nuure, dini nicäjp nica'n'i yälbibyaal, luxh dizani ninii rediidxre loonu.

Gudejdti rebäii, dxejc gojl xi'n gunaaga, gulälajnini Sansón.

Guniz biuuxga luxh benle' Diosni.

Sa' xten Sansón

(Jueces 14:1-19)

Cheni anajc Sansón te bi'n, bidxaglajzni te gunaa ni najc te ben filisteo, rlajzni nuchnaanini. Räjpni loj xtradni, xnanni, niluxh laareni direni nichaglajzni sa'csi dini chalilajz xtidx Dios.

Niluxh di xtradni näj xnanni gaan rlajz Dios guchnaa Sansón te dxape' xten refilisteos te dxejc gac cue'cni xquejreni te guisloj tilreni, te gugu'tnireni.

Rlajtzis Sansón guchnaapacni gunaaga, ni'c baxhalni rexcurzajnni te huiti'nrenini. Te huält cheni sahuiini gunaaga, lo nezyuj biricaj te leon ni niälajz, rlajz gauya'nini. Dxejc biääd Spri't Dxan xten Dios loj Sansón, te gujc batzujlni leonga con naani. Niluxh dini niäjp loj xtradni nicla loj xnanni xhi bejnni.

Gudejdti balti dxej, che gubi' Sansón te guchnaani dxa'pga, gula'n'i lo nezyujga te huihuiini loj leon nani bagu'tni. Nen tiejxhni bidxälni xhidajl bässeer näj dzujn. Cua'ni dzujngi lo patnaani te säätini lo nezyuj, cayajwnini. Cheni bidzujnni lo rexcurzajnni, badeedni che'n dzujn lojreni, niluxh dini niäjp guläani dzujngi tiejxh leonga.

—Colguibi' lajdxlu, sa'csi di rlajz Dios chanäå la'tu.

Dxejc gubi' rebengoolga loj Balac, räjpreni lojni:

—Di rlajz Balaam jiääd.

Per baxhalsac Balac gaii dade' renani rnibeeru loj rebejn lajdxni. Reni'c huinä diidx loj Balaam, räjpni:

—Ruxhal Balac diidxre lojlu: "Rniabduxhä lojlu, na'c gudxojnlu jiäädlu. Narä sunidxä xhi xca'lü, siliä'pä xpala'nlu sunäza guiraa nani guinibeelu gunä. Naj gudaa, te gudzubdelu rebejnre."

Niluxh badzu' Balaam diidxre:

—Mase guniidz Balac rolizn guidxa pla't näj oor, di gacdi guibixhlaä xtidz Dios. Narä xtebä xhet sajcdi gunä. Coljia'n ree naguxhijñ te guihuiiu xhini'c guinisac Dios loä.

Lagajc guxhijngä gunii Dios loj Balaam, räjpni:

—Sa'csi siädtejdx redade're luj, huistie te chanäluren, luxh guntislu nani guiniä gunlu.

Che bara yääl, huistie Balaam rsilru, bacuaani xhajb xpurni, sanäni redade' ni baxhal Balac. Per cadxe'ch Dios loj Balaam sa'csi di rlajzni gusobdiajgni xtiidxni.

Ni'cni, lał ni sasaj Balaam nez lo nezyuj, nabijbni xpurni, sanäzani tio'p xmosni, biääd te xangl Dios, gusujni lo nezyuj, meer nez lojreni. Che bahuui burga loj angl, ca'ni te spaad naani, biriyälni lo nezyuj, sääni nez loj camp. Dxejc gudijñ Balaam xpurni te guibi'n'i lo nezyuj. Dxejc gunijd angl xten Dios, gusujni lo te nezyuj nani rdejd nez tio'p padeer. Dxejc bahuisac burga loj angl, gubigni nez cuä' tej padeer, bata'cwni ni' Balaam, dxejc gudiñsac Balaam xpurni.

Dxejc gunijd angl lojreni, huisujni cadro maazru dää nez yuj, cadro di gac chääni nicla ladbee, nicla ladbjägw. Che bahuisac burga loj angl, guretänni, ni'c gudijñ Balaamni con xpastonnii. Dxejcti basaan Dios gunii bur, räjp bur loj Balaam:

—¿Xhini'c benä lojlu te caguijñlu narä, con dee agujc chon huält?

Dxejc badzu' Balaam diidx loj bur:

—¡Caguxhisnäjlu narä! ¡Malaii rapä te guchiil, nagajc sugu'tä luj!

Badzu'ti bur diidx loj Balaam, räjpni:

—Narä nacä xpurlu, luxh agujc xchej rbijblu narä. Naj gunii, ja aguyu' te huält benälu scree, ä?

Niluxh laani räjpni:

—Ajnti.

Lagajc dxejc baxhal Dios baloj Balaam te bahuiini loj xangl
Dios ni suga' nez loj nezyuj, ca'ni te spaad. Bazuxhijb Balaam nez
loj angl, räjpti angl loj Balaam:

—*Xhicuent gudij_nlu xpurlu agujc cho_n huält, ä?* Bahuii gaan,
narä biälä te guscuäsä luj, sa'csi et laadi nani rlajzlu gunlu. Cheni
bahuii xpurlu loä, gubicajni loä; paru dini nibicaj, nugu'tä lujtis,
per laani nibajnni.

Dxejctiru räjp Balaam loj angl:

—Abenä dojl, dina niacheä luj suga'lu nez loä lo nezyuj. Naj
palga rlajzlu guibi'ä, sibigacä.

Dxejc badzu' angl diidx lojni, räjpni:

—Huinä redade're, per rediidx nani guiniä lojlu, rediidxtisga
guiniilu.

Dxejc sanä Balaam redade' nani baxha_l Balac.

Che biejn diajg Balac asiääd Balaam, biriini, sachaglojnini,
räjpni lo Balaam:

—*Xhicuent dilu niääd, cheni ganid guredxålu? La di lajzlu
chalii sajc gunidxä nani bia'n diidx gunidxä lojlu?*

Badzu' Balaam diidx, räjpni:

—Asuga'ä ree naj, per di gacdi guiniä nani rlazäris. Diidxtis
nani rlajz Dios guiniä, diidxtisga sajc guiniä.

Dxejc Balac huinä Balaam yejc te dajn cadro sajc fiireni loj
guiraa reyulajd xten rexpen Israel. Dxejc räjp Balaam lo Balac:

—Guläjz narä ree cadro gule'cnu gojn loj Dios. Narä cha'a
jiaaru te chahuiä xhi guinii Dios loä.

Dxejc huä'p Balaam xtebni, te räjp Dios lojni:

—Gubl' lo Balac, gojs lojni rediidx nani aguniä lojni.

Dxejc gubi'ni loj Balac, räjpni lojni:

—Di gacdini gudzubdeä renani abenle' Dios. Cahuii Dios
rebejnre, luxh laani abenle'ni rebejnre, ni'cni najcreni beñxhidajl.

Dxejc räjp Balac loj Balaam:

—*Xhini'c bennäjlu narä? Narä guredxålu te gudzubdelu
renani rdxe'ch loä, luxh alga benle'luren.*

Badzu' Balaam diidx, räjpni:

—Agunixgaä lojlu nani gusaan Dios guiniä, ni'ctis najc nani
sac guiniä.

Dxejc räjp Balac lojni:

—Gudaa, chä'pnu stee dajn cadro gac fiilu loj rexpen Israel
nani yu' maazru gajxh. Ro'cli gac gudzubdelu guiraareni.

Huinätinini yejc dajn ni laa Pisga. Ro'c räjp Balaam:

—Sajc chäälu.

Dxejc cuansaj xindxa'pni nez redajn, cayonnäjni rexamiigwni
tio'p bääi, sa'csi di niajldi niu' xi'nni. Che gudejd tio'p bääiga,
gubi'ni rolizjni, dxejc xtadni bazoobni diidx nani bia'nni con
Dios.

Si'cti gusloj te costumbr, naj casob ijj, guiraa redxa'p ni najc
ben Israel rijreni riyoonreni tajp dxejc xcuent xindxa'p Jefté.

Dxejc gunibee Jefté Israel xho'p ijj, dxejcti gujtni.

Rusäbdiidx Dios gal Sansón

(Jueces 13:1-24)

Guslosac rajn rexpen Israel banäjb. Dxejc bateed Diosreni
ladznaa refilisteos tiuu ijj.

Ne_n redxejga guyu' te niguii, te ben Israel, ni siääd loj xfamil
Dan, ni laa Manoa. Ruti xi'n chäälni. Te dxej biricaj te xangl Dios
loj gunaaga, räjpni lojni:

—Narä nanä gajd xi'nlu chu, niluxh najru chu te xi'nlu. Ni'cni
naj digacdi yälu biñ, niclaza xhi stee yälrä'; na'cza gaulu renani
abadxojn Dios gaulu. Xi'nlu nani chu, na'c gutiu'l u xquichejcnii,
sa'csi agule Diosni te guslaani rexpen Israel ladznaa refilisteos.

Dxejc biääd gunaaga, bijyni diidx loj chäälni guiraa nani räjp
anglga lojni. Dxejc gurejdx-gunab Man oa loj Dios, räjpni:

—Aii, Dad, rniabä lojlu, guxhalsac guejblu xmoslu ni biääd te
guibi'ni loonu te guluiini xhini'c jiennäjnu bázre ni gal.

Bacuadiag Dios diidx nani gunab Manoa lojni. Dxejc biricaj
xangl Dios loj gunaaga stehuält cheni suga'ni lo niaa. Niluxh ruti
chäälni, Manoa, ro'c, ni'cni huiguxu_n gunaaga, bejnni bis loj
chäälni, te gubinäjni chäälni te gunabdiidxni loj angl:

—*La guejblu ni gunii lo chälä xhi dxejga, ä?*

—O'n, laa naräni —räjpni.

Dxejctiru räjp Manoa lojni:

—Cheni chale' rextiidxlu, *xhoni jia'pnu biuuxga, xhini'c
jiennäjnuni?*

Dxejc räjp Xangl Dios lojreni:

—Chäällu sajp por guibicajni loj guiraa nani aräpä lojni. Na'c
yäni biñ, niclaza renisnejp, na'cza gauni nicla tej nani abadxojn
Dios gauni. Nanab guzoobni guiraa rediidx ni aguniä lojni.

Dxejctiru räjp Manoa loj angl xten Dios:

—Rniabä lojlu, jia'nlu gaunäjlu nuure, te guidaunu te dxibe'.
Niluxh räjp angl lojni:

lajt cadro najc tela' yujga xtentu galoo. Ro'c baxhalreni sgaii bejn lo Sehón, reii xten reamorreos, räjpreni lojni: "Rniabnu gusaan guejblu guideednu nez loj rexuyjlu te guidzujnna lajdxnu."

"Niluxh Sehón guctio'p lajzni xcuent retoxtadgoloonu, dini nusaan nidejdreni nez lo rexuyjni. Alga batie'ni resoldaad xtelli te bacuanäjni reben Israel. Dxejctiru bateed Dios Sehón näj guiraa rexpejnni ladznaa retoxtadgoloonu, bejnreni gaan lojreni, ni'c biannäjreni guideb reyuj cadro rbäjz reamorreos. Si'cti baniidx Dios guiraa reyujre, luxh biennu gaan loj guiraa renani rdxe'ch loonu. Niluxh naj, bla rlajz guejblu guidzu'nu nani abaniidx Dios loonu, ä? Palga yu' xhi runiidx Quemos, xtioslu, lojlu, bla dilu gun xhigab xtenpacluni, ä? Naj si'cza riennu xhigab. Guejblu najc te malbejn pac. Balac, reii xten Moab gujcni maaazru huen loj guejblu. Laani dini nibe'c xquej retoxtadgoloonu, dizani nidilnäj laareni.

'Aguc chon gayuu ijz rbäjznu lo reyujre; xhicuent gajdlu guiniabsac reyujre guiraa reijzga? Narä xhet benädi lojtu. Laa guejblu ni xhet laadi cayujn, siätdilnäj guejblu nuure. Xtiosnu, ni rgubeenu, najnni caniä didxgulii.

Luxh mase laaca najc guiraa redree, di reii xten reamonitas niu xtiidx Jefté, guslogajc cayujnni guerr. Niluxh Sprit Dxan xten Dios biääd yejc Jefté te gujc sacuanäjni reamonitas. Dxejcti badeedni te promes loj Dios; räjpni:

—Palga gacnäjlu narä, gurilagwä reamonitas, narä sunidxä si'c te yälrbibyaal nani ganiddoo guirii rolizä jiädcagloj narä cheni guibi'ä lo yälrucuanäj reamonitas.

Si'cti sacuanäj Jefté reamonitas, luxh gucnäj Dios bejnni gaan lojreni. Cheni gubi'ni roliznzi, ni najc tejtis xindxa'pni birii roliznzi, siädcagloj. Niluxh rutiru xi'nni, nicla niguii nicla gunaa. Cheni bahuiini lojni, batiäjsni xhajbni, guyuduxh yälhuin lastooni sa'csi bia'nni diidx con Dios. Dxejc räjpni loj xindxa'pni:

—Ay, xindxa'pä! Lacti yälhuin yu'ä xcuentlu, sa'csi bia'nä diidx con Dios, luxh naj nanab guzobä diidxga.

Bazejc dxa'pga diidx, räjpni lojni:

—Xtadbidä, palga bia'nlu diidx con Dios, gunlu xhitis ni nanab gunlu te soob diidxga, sa'csi abasoob Dios xtiidxni lojlu, abejnni gaan loj renani rdxe'ch lojlu, reamonitas.

Räjpza dxa'pga loj xtadni:

—Rniabäatis lojlu, guniidxlu tio'p bääi te cha'a nen redajn te chayonää rexamigwä sa'csi nungäl guetä luxh di niajcdi nuchnaä.

Dxejc räjp xtadni lojni:

—Guläjz ree cadro gule'cnu gojn lo Dios laj ni cha'a maaazru jiaa te chahuiä don xhi naa Dios loä.

Dxejc biääd Dios guniini lojni diidx ni gäbni loj Balac. Dxejc gubi' Balaam cadro suga' Balac, dxejc gunabdiidx Balac lojni:

—Xhi naj Dios lojlu?

Dxejc badzu' Balaam diidx, räjpni:

—Di Dios gac si'c niguii; dini gusguee, dizani guchaa xhigabni. Nani aguniini gunni, ni'c gunpacni. Laani abenle'ni rebejnäga; dini nidxäl xhi dojl bejnreni. Ni'cni yunäjnireni, runle'zanireni.

Per Balac basejc diidx lojni, räjpni:

—Palga di gacdi gudzubdelureni, na'c gunle'lureni.

Badzu' Balaam diidx lojni:

—Agunixgää lojlu, ni rusaan Dios guiniä, ni'c rniä.

Dxejc räjp Balac loj Balaam:

—Gudaa, chanääu yejc ste'ca dajn te ro'c gudzubdelureni.

Huinä Balac Balaam yejc stee dajn nani laa Peor. Luxh anajn Balaam rlajz Dios gunle'ni rexpen Israel. Ro'c bahuiini nejz cadro suga' guiraa rexylajdreni, dxejc biu' Sprit xten Dios lojni te räjpni:

—Guejdx xten Israelre agucle'duxhni. Gulää Diosreni guedx Egipto. Abadeedzani yälnidipdukh lojreni te cayujnreni gaan loj guiraa reni rdxe'ch lojreni.

Dxejcti bidzechduxh Balac loj Balaam, gudajpni lojni, räjpni:

—Guredxä luj te gudzbdelu loj reni rdxe'ch loä, niluxh alga chon huält benle'lureni. Malaii na'c nibedxälu. Naj, gubi' cadro siäädlu. Narä rlazä niliäpä xpala'nlu, niluxh di Dios nusaan.

Badzu' Balaam diidx, räjpni:

—Narä aräpä loj redade' nani baxhallu loä, mase nuniidx guejblu rolizzlu guidxa pla't näj oor, narä digacdi guchaä nani agunii Dios loä; rediidx ni guinii Dios loä, ni'ctis guiniä. Agojl guibi'ä ladxä, per ganiddoo bacuadiajg nani rnii Dios xcuent rexpen Israel.

Dxejctiru gunii Balaam xtiidx Dios:

—Ruhuiä te nani churu, gac ruhuiä te cos zitduxh: loj reben Israel guirii te reii nani guta'cw bitiuyejc Moab, niluxh sigajcza sujnni loj guiraa reni rdxe'ch loj rexpen Israel.

Gujt balti rexpen Israel sa'csi huile'creni gojn loj rexpanäjb Moab
(Números 25:1-18; 26:1-4, 51, 63-65; 28:1-15)

Che gudejd balti bääi, gusloj reniguii xten Israel guyunäjreni regunaa xten Moab. Rigajn regunaaga reniguii che rigajnreni rextiosreni. Ni'cni xhidajl rexpen Israel huigajn rextios reMoabitas.

Ni'cni bidxechedduxh Dios loj rexpen Israel, baxhalni Moisés te chaye'tzni loj rejejz gugu'treni guiraa renani gule'c gojn lo Baal, sa'csi si'ctis siälyuj xcälrdxe'chni.

Batie' Moisés guiralii rebejn nez loj ro' yudxanguijd te bazule'ni diidx nani gunibee Dios. Ni'c bejn gusloj cayoon guiraareni. Lal ni nadxaagreni, cayoijnreni, bidzujn te niguii xten Israel, siädnäni te gunaa madianita, luxh nez loj guiragajcreni, biu'ni nen xyulajdni te gotnäjni gunaaga. Cheni bahuui bixhojz ni laa Finees, ni najc xi'n Eleazar, lojreni, gudobni te lanz, biu'ni nen yulajdga dejtz niguiiga. Ro'c bateedni lanz lastoo niguiiga näj lastoo gunaaga. Ni'c bejn gulujx yälgujdx nani cagugu't rexpen Israel, luxh ala gujt si'cti galbitajp milreni.

Dxejc räjp Dios loj Moisés:

—Bejn bixhojz Finees biälyuj xcälrdxe'chä loj rebejn. Ni'cni con laani jia'nä diidx, te laani näj rexajgni gacreni rexpixhozä par tejpas, sa'csi gopdani narä, Xtiosni, ni'c bejn basiällazä xtojl rebejn.

Lal ni rbäjz reben Israel nez ni' redajn xten Moab, räjp Dios loj Moisés:

—Balab guiraa reniguii nani abasa' gajl ijjz.

Si'c bejnreni. Diren iulab regunaa niclaza rebiuux.

Balabreni maazde xho'p gayu mil niguii. Guiraa rextadreni nani di nucuadiajg xtidx Dios nen Cades, gujtreni nez loj reyubijdz. Niluxh loj rebengalooga nabajntis Moisés, näj Caleb, näjza Josué.

Dxejcti räjp Dios loj Moisés:

—Gojz loj rexpen Israel na'c gusaanreni jiädnäreni yälrusalajz loä. Guixe-guixee jiädnäreni tio'p xile' ni yu' teb ijjz, tejni rsil, steeni gudxej, luxh guida' bin yejcreni. Jiädnäzareni tio'p kil arin'sa'c nani anacxgaani cojb con te li'tr se't oliv, si'c gojn ni najc yälribbyaal, rejci rdxee, yääl.

'Che gaal dxej ni rusilajzni, cue'ctu gojn, tio'p xile' ni yu' tebijz, näj arin nani nu'ch se't näj bin, te najcni cojb.

Dxejc primeer dxej casob bäii, jiädnätu te gojn, jiädnätu tio'p bicer näj te gon näj gajdz xile' ni yu' tebijz. Näj par cade tej redee, jiädnätu bin näj arin ni anacxgaa cojb, nu'chni se't. Jiädnäzatu te dxib si'c gojn te guiniabtu gusiällajz Dios rextojltu.

Rejt remadianitas sa'csi basgueereni rexpen Israel

(Números 31:1-18, 25-54)

Biobgajc räjp Dios loj Moisés:

—Luj xhet xca'dilu lo yälnsa'c xten roliz xtadnu, sa'csi najclu xi'n ste'ca gunaa.

Baxun Jefté loj rebejtzni, te huiläjzni nejz reguejdx Tob, cadro bidxagsa'ni sgaii niguii.

Che gudejd sgaii bäii, te guejdx xten reamonitas biädcuanäj rebejn Israel. Cheni biejn diajg rebengool xten Israel xhi bejnreni, huijreni te huitejdxreni Jefté nez guedx Tob, räjpreni lojni:

—Gudaa, rlaaznu gaclu capitän nani guinibeenu te guicuanäjnu reben amonitas.

Badzu' Jefté diidx lojreni, räjpni:

—¿La et rdxe'chtu loä, barilaagwtu narä roliz xtadä?

¿Xhicuent naj ni yu'tu lo te yälrdxejb, najru siädtiltu narä?

Dxejc räjp rebengoolga lojni:

—Ni'cni sio'pnu naj, te gaclu nani guinibee loj guiraanu.

Niluxh räjpni lojreni:

—Palga chagucuanää reamonitas, niluxh guniidix Diosreni ladznaä, ja sacä narä nani guinibeetu, ä?

Dxejc räjp rebengoolga lojni:

—Diospac cahuui, siejnpacnu nani aguniilu.

Dxejcti huinä Jefté rebengoolga. Guleti rebejngä Jefté te guinibeeni lojreni.

Dxejc baxhal Jefté renani huinää diidx loj reii xten reamonitas te räjpreni:

—¿Xhi quej rajp guejblu con narä ni'c jiäädlu ladxä te tilnäjlu narä?

Dxejc reii xten reamonitas badzu'ni diidx loj remos xten Jefté, räjpni:

—Si'c ni cua' retoxtadgooltu reyuj xtenä cheni biriireni lo guedx Egipto, sigajcza rlazä saru gudzu'tuni loä.

Dxejc baxhalsac Jefté reniguii loj reii xten reamonitas te gäbreni lojni:

—Di retoxtadgoolnu nica' reyuj xten remoabit, niclaza reyuj xten guejbtu, sa'csi che biriireni guedx Egipto, gudejdreni lo nisdoo ni laa Xniaa, dxejc cuanzajreni nez loj reyubijdz. Bidzujntireni nez Cades. Dxejc baxhalreni gaii niguii loj reii xten Edom te räjpreni lojni: "Rniabnu gusaan guejblu guidejdnu loj xyujlu." Niluxh di reii xten Edom nicäjb nidejdreni lo xyujni.

'Baxhalzareni gaii bejn loj reii xten Moab, niluxh dizani nicäjb. Ni'cni guzajc, gudäjyreni rexyuj xten reedomitas näjza remoabit, te sääreni nez loj reyubijdz. Bidzujnreni lo xyuj reamorreos, lo te

Gedeón gula'ni rechon gayuu niguii, bejnnireni chon cuaa.
Dxejc badeedni lo cade tejreni te trompe't ca'ch näj te guesxhuaag
cadro bazälreni te la' guejd ni nialgujj, dxejc räjpni lojreni:

—Che guidzujntu cadro rsiobloj recampament xten
remadianitas, fiitu loä te gunpactu si'ctis ni gunä. Cheni
guscuedxa'ä trompe't ca'ch, tejsi con guiraa renani sugaranää, näjza
la'tu guscuedxa'tu retrompe't ca'ch, guilia'zatu reguesxhuaag
guideb gabí campament, lał ni cabedxa'tu: “¡Xcient spaad xten
Dios näj xten Gedeón!”

Bidzujnti Gedeón näj te gayuu niguii nani sanäni ro'
recampament lagajc or nani rsloj turn garol yääl xten reni rcanäj
ro'c. Bascuedxa'reni retrompe't ca'ch, gula'reni reguesxhuaag ni
naazreni. Dxejcti jion recuaaga bascuedxa'reni retrompe't ca'ch,
gula'zareni reguesxhuaag, gunaazreni guejd nen naareni ladbjägw,
dxejc xladbeereni naazreni trompe't ca'ch ni caguscuedxa'reni,
cabedxa'zareni:

—¡Xcient spaad Dios näj xten Gedeón!

Bia'n rexpen Israel guideb gabí xcampament remadianitas,
luxh guiraa remadianitas bidxebduxhreni, baxuñreni, rbedxa'reni,
luxh rechon gayuu niguii xten Israel laltis caguscuedxa'reni
trompe't ca'ch. Bejn Dios yu' remadianitas ni bagu't lagajc sa'reni.
Dxejc stee cuareni baxun, biunejzreni.

Rexpen Israel birinajl renani baxun. Niluxh baxhal Gedeón
chu huinää diidx loj rexfamil Efraín, räjpni: “Coljiäjt, colguxun, te
colyejn gaan loj remadianitas, colsuza nejz cadro tedreni gueuu.”
Dxejctiru bire' guiraareni te bacuanäjreni rebejnga; gunaazreni
tio'p capitauxten rexsoldaad remadianitas, bagu'treni guiro'preni.

Dxejctiru räjp rexpen Israel loj Gedeón:

—Rlajznu lujpac guinibeelu nuure, te luj näj rexagdoolu
guinibeetu nuure, sa'csi abaslaalu nuure loj remadianitas.

Dxejc räjp Gedeón lojreni:

—Nicla narä niclaza rexii'nä guinibeenu la'tu. Xtebtis Dios gac
Dad xtentu.

Xcient te niguii ni laa Jefté

(Juecés 11; 12:7)

Guyu' te niguii ni laa Jefté, te niguii ni najc biñdaan, xi'n te
gunaguijdx näj xi'nza te niguii xten Israel ni laa Galaad. Guyu'za
xi'n chääl Galaad, reni'lç, cheni aguroobreni, barilaagwreni Jefté,
räjpreni lojni:

—Bagutgajc remadianitas sa'csi basgueereni rexpen Israel.
Dxejctiru che luuxni, sejtzalu.

Dxejc räjp Moisés loj rebejn:

—Colcue te mil benniguii loj cade tej refamilro, te
chacuanäjreni remadianitas, te si'c guzoobtu xtidx Dios nen
guedx Madián.

Dxejc gulereni te mil niguii loj cade tej refamilro, dxejc
baxhal Moisésreni lo guer. Sanäzareni bixhojz ni laa Finees,
ni sanä recos dxan ni ru' lo Dios näjza retrompet ca'ch te
satijlreni. Bacuanäjreni remadianitas, bagu't rexpen Israel guiraa
remadianitas näj guigaii xreiireni si'c ni agunibee Dios gunreni.
Bagu'tzareni Balaam, niluxh huinäreni regunaa madianitas, näj
rebiuux näjza reguidxaa, näjza guiraa rexhixtenreni ni najc
yälnasa'c. Base'creni reguejdx, näjza reyulajd xtenreni. Dxejc
guiraa nani badzucajreni lojreni, huinärenini loj Moisés.

Che bahuii Moisés direni nugu't regunaa, bidxe'chni, räjpni
lojreni:

—¿Xhicuent ditu nugu't regunaa, ä? Balijdx Balaamreni,
laareni rajp dojl sagajn rexpejñnu extiosreni. Colgugu't
naj guiraa rexii'n niguiireni näj guiraa regunaa nani digac
dxa'p. Biädla regunaa ni najc dxape' colgusaan guibajñreni,
coljiannäjreni.

Dxejc räjp Dios loj Moisés:

—Luj näj bixhojz ni laa Eleazar, näj renani rnibee rebejn,
colgulab guiraa rebejn näj reguidxaa nani badzucajtu lo
remadianitas, dxejc colyujn tio'p gala' guiraani, te gudeedtu
gala'ni loj renani huitijl, sgalan'i loj rebejn guejdx nani bia'n
ree. Dxejcti gutie'lü te gojn par narä loj reniguii nani huitijl. Loj
cade gaigayuu, rebejn, sigajc regon, rebur, näj rexiiil, cua' tejni,
gudeedtuni loj bixhojz Eleazar si'c te gojn par narä, ni najc Xtioslu.

Stee gala'ga nani riäl xca' renani di nitijl, xca'lu tejni loj garol
gayuu, bejn, näj loj guiraa reguidxaa, te gudeedluni loj relevitas,
renani rcanäj yudxanguijx xten Dios.

Dxejc bejn Moisés näj Eleazar si'c ni gunibee Dios gunreni.

Dxejc balabreni guiraa ni badzucajreni loj reni rdxe'ch
lojreni. Xho'p gayuu gayojñbitzuubigaii mil rexiiil, näjza
gayojñbitzuubitio'p mil gon, näjza gayojñbiteb mil bur. Luxh
reni najc dxa'p najcreni galbitzubitio'p mil. Dxejc bejnreni tio'p
gala' guiraa reyälnasa'cre te ro'c guläcajreni gojn ni xca' Dios näj
relevitas, si'c ni gunibee Dios gunreni.

Dxejcti renani rnibee loj resoldaad xten rexpen Israel, biäädreni loj Moisés, räjpreni:
—Abilabnu renigui nani bionnänu lo guer, ni yu' xladnu, niluxh rut riäädxdi; ni'cni ree siopnäänu recos oor nani bidxälnu, renani ru' guejn dxape', renani ru' naareni, näj niil näj caden, si'c gojn loj Dios sa'csi laani gucnäjni nuurnu loj yälrucuaa.

Dxejc cu'a Mois'es näj bixhojz Eleazar oor nani biädnä resoldaad loj yudxanguid xten Dios si'c te gojn te gudeed reben Israel xquixtios lo Dios. Luxh gojnga bisina'ni tegayuubitaj kil.

Rca' rexfamil Rubén näj Gad yuj nejz cadro rliejn gubijdx

(Números 32:1-27, 33)

Lal ni cabäjz rexpen Israel neñ reyulajd nejz ni' redajn xten Moab, huij rexfamil Rubén näj rexfamil Gad loj Moisés, räjpreni lojni:

—Reyujre najc huen te ga'pnu guidxaa, sa'csi yuduxh guixa' näjza nis. Guniidx guejblu reyujga loonu te ro'c guilajznu par tejpas, te na'c jionnu loj reyuj Canaán.

Niluxh di Moisés nichaglajz diidxre, räjpni lojreni:

—Di gac huen jia'ntu ree lał ni rebejtzu sajpreni por chagucuanäjreni renani rbäjz Canaán te cuäreni rebejngá. Maazru hueen jiannäjtu sa'tu, gacnäj sa'tu, te tebloj xca'tu ni nungäj xca'tu.

Luxh laareni räpreni loj Moisés:

—Na'c, et ni'cdi ni rlajznu. Nuurnu rlajznu gusoobnu yu' ree par rexfamil. Rlajznu gusoobnu padeer guideb gabi reyu' näj regurajl cadre chu rexquidxaanu. Dxejcti chonnänu rebejtzu lał ni xca' cade tejreni reyuj ni riäjl xca'reni stelaad gueu Jordán. Dinu guibi' rolizjnu ansde cuedzu'tzreni lo rexyujreni. Niluxh dizanu xca' yuj stelaad gueu Jordán, sa'csi arajpnu rexyujnu ladree.

Dxejc cuäjb Moisés guzojb xtiidxreni, te badeedni yuj nani agulereni loj rexfamil Rubén näj rexfamil Gad näj garol rexfamil Manasés. Ria'n reyujre ladree ro' gueuu Jordán, luxh nanab tedreni gueuuga te gac jiu'reni loj yuj xten Canaán.

Balijdx Moisés rexpen Israel steetis huält

(Deuteronomio 1:1, 3; 6:4-7; 8:1-3; 14:22; 16:18-19; 18:9-15, 18-19; 21:22-23; 23:24-25; 34:1-8, 10)

Te dxej räjp Dios loj Moisés:

—Lałtis yu' xhidaltej bejn. Huinäreni ro' gueuu te ro'c narä gutedäreni stee preeb. Nani guniä: "Dee chanälu con luj", suchanäluni, niluxh renani guniä: "Dee di gacdi chanälu", na'c chanäluni.

Dxejc huinä Gedeón reniguiiga ro' gueuu, cadro räjp Dios lojni:

—Guiraa renani di suxhijb te yä'reni nis, alga naareni rlä'preni nis ro'reni te rä'reni, redee gudzucajlu te laad.

Cheni gusloj renigui cayä'reni nis, xhidajlreni bazuxhijbreni te gu'reni. Chon gayuutisreni direni nuzuxhijb, alga gulä'preni nis loj patnaareni. Dxejc räjp Dios loj Gedeón:

—Chon gayuu reniguiire gunä guslaätu, sutedäza remadianitas ladznaalu. Stee cuaa reniguiire sajc guibi'reni rolizreni.

Si'cti baxhal Gedeón guiraa stee cuaa renigui xten Israel rolizreni, biannäjtisni chon gayuu reniguiiga.

Rujn Gedeón gaan lo remadianitas

(Jueces 7:9-25; 8:22-23)

Suga' rexcampament remadianitas näj reamalecitas lo te lajtz, luxh Gedeón näj rexpen Israel rajc ruhuiireni lojreni cadre suga'lireni jia yejc te dajn. Lagajc guxhijngä räjp Dios loj Gedeón:

—Huistie, te biäjt lo xcampament remadianitas, sa'csi abanidxäreni ladznaalu. Palga rdxejblu jiäjtlu xteblu, huinä xcriaadlu Fura. Huicuadiajg xhini'c canii remadianitas, te ni'c suspaalajzlu te gac guxa'tlu lojreni, cuanäjlureni.

Dxejcti biäjt Gedeón näj xmosni Fura loj xcampament remadianitas. Remadianitas näj reamalecitas sobga'reni lo lajtzga. Rluiireni si'c te chinaduxtej guxha't, luxh rexcameiireni najcreni xhidaltej, ascanu reyujxh ni tre' ro' nisdoo.

Cheni bidzujnreni lo campament, biejn diajgreni cayujy te niguii diidx xcient te xpacalni loj xcompanieerni, räjpni:

—Gunixcalä te yättilro siädroł nez lo xcampamentu, luxh cheni gulajni xyulajdnu, li batzujlnini.

Räjp xcompanieerni lojni:

—Ni'c xhet xhi steedi sälojni; laapac spaad xten Gedeón, xi'n Joás, niguii xten Israel ni gunixcallu. Abateed Dios nuure ladznaani.

Cheni biejn diajg Gedeón xcient yälrnixcalni näj xhi sälojni, badeedni xquixtios lo Dios. Dxejctiru gubi'ni loj xcampament Israel, räjpni:

—Colchastie sa'csi abaniidx Dios xcampament Madián ladznaanu.

Dxejc yu' chu räjp lojreni:

—Gedeón, xi'n Joás, bejnni.

Dxejc reniguii xten guejdxga räjpreni loj Joás:

—Gulää xi'nlu. Nanab guetni sa'csi batiexhätni xpiääñ Baal, batiuugzani yag dxan nani sobga' ro'c.

Niluxh badzu' Joás diidxre loj guiraa renani abiré:

—¿Laa sidijltu xcient Baal, ä? ¿La nanab xcanäjtuni? Palga Baal najc dios, su jiädtiñäjni lagajc laani bejn nani batiexhätni xpiäänni.

Racnäj Dios Gedeón te rbeni resoldaad ni gunibeeni

(Jueces 6:33-7:8)

Nen redxejga, bidxagsa' resoldaad xten remadianitas näj reamalecitas lo te lajtz te tilnäjreni rexpen Israel. Dxejctiru biääd Sprit Dxan xten Dios loj Gedeón, luxh cheni bilni te xca'ch carneer ni najc si'c trompe't, tajp cuaa rexfamil reben Israel bidojp te chacuanäjreni resoldaadga. Cheni abidxagsa'reni, räjp Gedeón loj Dios:

—Palga guliilu con narä guslaalu ladxa si'cni biannäjlu diidx, banidxsac te seen loä. Chagudzubä te guidludx xten te xiiil cadro ria triuu. Palga guixersil loj guijchisga dzuub gojp, niluxh nabijdz lo yuj, dxejc sacbeä suslaacalu ladxa por naä si'c ni bia'nlu diidx.

Niluxh si'c gujcní, sa'csi rsilru, cheni huistie Gedeón, baxhiini yejc guijch, guläani te tasro nisgojp.

Stehuält räjp Gedeón lo Dios:

—Na'c guidxe'chlu loä xcient rediidx nani guiniä lojlu. Rlazätiis gunä stee preeb con lagajc guijchre. Rniabduxhä lojlu, naj guijchre ni jia'n nabijdz, sujajb gojp loj yujtis.

Guxhijngä si'c bejn Dios; nabijdz guijchga, lał ni biajb gojpga guideb lo yuj.

Rsilru cheni huistie Gedeón näj guiraa reniguii ni sugaränjni, huijreni te huijja'nreni gajxh te bisie, gajxh cadro tre' remadianitas nez jiäjt nez lo lajtz. Dxejc räjp Dios loj Gedeón:

—Xhidaltej bejn biädnälu te narä gunidxälu gunlu gaan lo remadianitas, sa'csi palga si'c gunnäni, la'tu siliä'ptu xpala'ntu, naatu: "Lagajc naanu baslaa nuure lo reni rdxe'b loonu." Ni'cni gojs loj rebejn: "Renani rdxejb, guixee sajc guibi'reni rolizreni."

Che bara yääl, gubi' galbitio'p mil niguii. Huijja'ntis tzuu milreni.

Dxejc räpsac Dios loj Gedeón:

—Batie' guiragajc rexpen Israel te guluiilureni guiraa releii näj guiraa rediidx nani abanidxä lojlu, sa'csi luj dilu jiu' nez Canaán, alga sejtu nez lad ree xten gueu Jordán.

Dxejctiru gurejdx Moisés guiragajc rebejn, räjpni lojreni:

—Nuurnu, ni najc rexagdoo Israel, riajpnú tejtis Dad, ni najc Diospac. Ni'cni guejbtu nanab chanälajztuní guideb lastootu, näj guideb xcäriejntu, näjza guiraa xcältractzu'tztu. Colguchee rediidxre nen lastootu te guseedtu rexí'ntu te guzoobpacreni xtiidx Dios. Colguinii xcient Dios lal ni yu'tu roliztu, näjza che sasajtu lo nezyuj. Nanab guiliä'ptu xpala'n Dios, lojtsni chuzat. Na'c guteedtuní preeb, si'cni bejn retroxtadtu cheni bida' nis cuä' guilaj. Colgusnaj lajztu xcient guideb nezyuj nani bejn Dios gusajtu loj reyubijdz tiu ijj. Neñ reijzga bejnni gudejdtu trabajwduxh, gudejdtu preeb te gucbeeni xho najc xhigabtu: la sucuadiajgtu rextiidxni, o laa ditu guzoob rextiidxni. Laani bejnni biajbtu, bejnzani gojptu yärliaan, dxejcti baniidxni te yälnabajn ni laa mana, te gacbeetu et ganaxti yätxtil rudeed yälnabajn loj rebejn, sa'csi näjza xtidx Dios rudeed yälnabajn.



'Rlajz Dios gusnajni lajztu rextiidxni, te na'c jial-lajztu releiiga.

'Casob ijj, na'c jial-lajztu jiädnätu lojni tej la' loj cade tzuu la' xten rexhixtentu ni bejntu gaan ijjga.

'Nanab cuetu reniguii ni guinibee loj guiraa rexpenä nen guiraa reguejdx, te gunreni yälguxhtis loj guiraa rebejn.

'Na'c guxh_{intu} yälguxhtis, niclaza guiliä'ptu xpala'n tej bejn_{loj} xtee bejn_{loj}. Na'c xca'tu xmeel bejn_{loj} ni rbe'c quej, sa'csi sa' meełga rusäuu loj rebenajn, luxh ruxhi_{nni} xtiidx reben_{sa}'c. Nanab chanuutistu loj reyälguxhtissa'c, te si'c sajc guibaj_{ntu} xchej lo yuj nani anaj Dios guniidxni lojtu.

'Cheni abiu'tu lo reyuj nani guniidx Dios lojtu, na'c guisieedtu guntu cosgijdx si'c rujn rebejn_{nen} reguejdxga. Laareni rajpreni rebidxaa näjza bejn_{loj} ni rninäj rebengut. Nicla tejtu chanabdiidx lojreni, niclaza chahuiitureni, sa'csi rbälaz Dios renani rujn recosga. Sacnäj Xtostu te guntu gaan loj rebejn_{ga}, gurilaagwtu reben_{loj} guejdxre, sa'csi abaniidxni reyujre lojtu. Sidzuj_{nta} te dxej che jienloj te niguui ni ruzule' xtidx Dios sa'pac narä. Colguzoob guiraa xtiidxni, sa'csi guiraa renani di guzoob xtiidxni, siniab Dios cuent lojreni.

'Aguniiza Dios palga yu' chu tejtu gun te dojl, luxh nungäjl guetni xcuent dojlga, ni'cni gugu'ttuni, gusääbtuni lo te yajg, colgusnaj lajztu, na'c gusa'ntu tiejhni lo yajgga guideb yääl. Gucua'tztuni lagajc dxejga, sa'csi ni rsiäbnajl lo yajg agubibdeni nez loj Dios.

'Cheni jiu'tu cadro sobga' reyaguub xten sa'tu, sajc gautu nani guchajtis xque'tu, niluxh na'c chanätu uub neñ xchimyagt. Näjza cheni jiu'tu xcäjl resa'tu, sajc gutiu'tu nijs con naatu, niluxh digacdi chanäätu guiboz lo xcäjl sa'tu. Si'c agunibee Dios.

Che abasule'ni xhidajl rexçälrnibee Dios lojreni, huä'p Moisés yejc te dajn ni laa Nebo. Ro'c baluui Dios lojni guideb reyuj Canaán, desde reyuj Juda, guideb nez ro' nisdoo. Dxejc räjpni loj Moisés:

—Dee najc reyuj nani bia'nä diidx lo toAbraham näjza lo toIsaac näj lo toJacoob gudedä loj rexajgreni. Ni'cni rlazä filoipaclu yujga, mase di gacdi jiu'l_{loj} ro'c.

Si'c gusajc Moisés, xmos Dios, dxejc gujtni lo yuj ni laa Moab. Dxejc bacua'tz Diosni nejzga, luxh rut najndi caro yu' xpaani. Yu' Moisés tegayuubigajl iżj cheni gujtni; niluxh dini nunijt xcäluhuiini nicla xcälnadaanni. Che gucbee rexpen Israel agujt Moisés, biñduxhreni galbitzuu dxej. Luxh diru niricaj stee niguui loj rexpen Israel nani ruzule' xtidx Dios nani guninäj Dios nez lojpacni, nani bahuiloj Dios lojni si'c ni bennäjni Moisés.

Gule Dios Josué te guinibeeni rexpen Israel

(Josué 1:1-7; 2:1-24)

Cheni gujt Moisés, dxejc räjpni loj Josué:

Bazejc Gedeón diidx lojni, räjpni:

—Dad, ¿xho gac guslää rexpenä? Rexfamilä xhet rajpdi, niluxh narä nacä maazru huin loj guiraareni.

Dxejc räjpni lojni:

—Narä sugaräälu. Luxh sujnlu gaan loj remadianitas ascanu najcreni tejtis niguui.

Niluxh räjpni lojni:

—Rniabä lojlu guniidxlu te seen te gacbeäpac la lujpac ni gunii loä. Rniabä lojlu na'c jiunejzlu ree lal ni guibi'ä, chaxhiä te yälrulazlajz ni cue'cä loj.

Badzu' dade'ga diidx, räjpni lojni:

—Sibäzälu ree cheli guibi'l_{loj}.

Biu' Gedeón rolizni, bagu'tni te dxibe', bejnni yätxtiil. Basälñi bää'l neñ te dxijme', guda'ni te cald neñ te guejs, huideednini loj angl.

Dxejc räjp angl xten Dios lojni:

—Cua' rebälgä näj reyätxtiilga te batzuubreni loj guilaj ree, dxejc guda' caldga yejc yälrulazlajzre.

Si'c bejnini. Dxejctiru gulä'p angl xten Dios te baar ni ca'ni neñ naani, luxh che batinnini yejc bäälgä näj yätxtiilga, birii balguiboo yejc guilajga, basnitlojni yälrusalajzga. Gunitlogajcza xangl Dios lojni.

Dxejcti najn Gedeón najcpacni te xangl Dios, ni'c räjpni:

—¡Aii, Dad! Abahuiä lojpac xangllu.

Dxejc räjp Dios lojni:

—Na'c guidxejblu. Dilu guet sa'csi bahuilojlu lojni.

Dxejctiru benchee Gedeón te piään lo Dios lagajc ro'c.

Lagajc guxhijng_{ga}, räjp Dios loj Gedeón:

—Cua' te gon xten xtradlu, dxejc huij, batzuj_{loj} xpiään Baal ni rajp xtradlu. Batin_{loj} yag dxan nani sobga' gajxh ro'c, dxejc bejn te piään par narä, ni najc Xtiospaclu. Dxejc jiojb guse'clu gonga si'c te yälrulazlajz loä. Cua' yag dxanga, base'cni lo piään coobga.

Si'cti gurejdx Gedeón tzuu xmosni ni gucnäjni te bejnni si'c ni gunibee Dios gunni. Per guxhij_{loj} bejnnini, sa'csi rdxebdukhni xfamil_{loj} xtradni näj guiraa reniguii ni yu' neñ guejdxga.

Che bara yääl, rsilru, che huistie rebejn_{loj} guejdxga, bidxälreni agubixhät xpiään Baal niluxh abidin_{loj} yag dxanga, luxh lacuua reni'c ro'c suga' te piäncoob, näj rest xten gon ni gubibyaal.

Cayäjp loj sa'reni:

—¿Chu bejn dee?

Israel ladznaa reii xten Canaán, luxh tiuu ijzli guyu' yälrbexdilajz lo reyujga.

Niluxh stehuält sanälajz rebejn Israel ste'ca redios. Dxejcti bateed Diosreni ladznaa rebejn Madián. Gajdx ijz gunibeereni rexpen Israel. Basacsíduxh reben Madiánreni. Ni'cni guläjzreni neñ rebiliää neñ redajn, sa'csi che luux rbe'c rexpen Israel binij lo xyujreni, siääd remedianitas näjza reamalecitas, ruxhiñreni rexpiniñreni. Xhet rusa'ndireni gauu rexpen Israel. Rilääzareni guiraa rexquidxaa xten rexpen Israel. Rdzunnäjreni guiraa rexhixtenreni näj reyulajdreni. Biääd xhidalduxh bejn, näj recameii, niluxh ascanu guxha't najcreni, di gacdi guigabreni. Baxhiñreni reyujga, bia'nti rexpen Israel probduxh xcuent ni bejn remadianitas lojreni.

Dxejcti gunab rexpen Israel loj Dios te gutzucajnireni loj remadianitas. Dxejcti badzu' Dios diidx, guleni te niguii nani rnii xtidz Dios nani räjp lojreni:

—Agunii Dios rediidxre: “Narä guläáä retotadgoldootu lo guejdx Egipto cadro guyu'reni si'c mos. Narä guläáreni ladznaa reben Egipto näj ladznaa guiraa reni rusacsíreni; guiraa reni'c abarilagwä. Badedä reyujga lojreni, gunibeáza na'c chanälajzreni rextios reamorreos cadro rbäjzreni, sa'csi narä nacä Xtiosreni. Niluxh la'tu ditu niu xtidzä.”

Te angl xten Dios rrinäj Gedeón

(Jueces 6:11-31)

Te dxej biääd te xangl Dios, gurejni xhajn te yajg nani sobga' neñ Ofra, lo xyuj te ben Israel ni laa Joás. Gedeón, xi'n Joás, cagusiani triuu neñ lajd cadro ruxhiirenii nis yejc reuub. Ro'c yu'reni te rucuatzlojreni loj remadianitas. Dxejctiru baluiloj xangl Dios si'c te niguii, räjpni lojni:

—Suganäj Dioslu, abaniidxni yälnadip näj yälrsiutzu'tz lojlu.

Dxejc räjp Gedeón lojni:

—¡Aii Dad! Palga Dios yunäj nuure, ¿xhicuent casajenu guiraa redee? ¿Con guiraa remilaargwr nani naj retotadgoloonu che rujujreni diidx loonu, xho bejn Dios te guläänirenii guedx Egipto? Naj agulälaz Dios nuure, luxh abasaanni bejn remadianitas gaan nuure.

Dxejc bahuui dade'ga lo Gedeón, räjpni lojni:

—Narä abanidzä yälndiplajz lojlu, naj huij, te huislaa rexpejñlu ladznaa remadianitas. Narä ruxhalä luj.

—Xmosä Moisés agujt. Naj huitie, te chanälu rexpen Israel te tedreni gueu Jordán. Narä sunidxä guiraa reyujga lojreni si'c bia'nä diidx con toMoisés. Lal ni nabajñlu, rut gacdi gun gaan lojlu, sa'csi narä gacnäálu sigajc gucnäáä toMoisés. Dina cuälazä luj, di jialza lazä gacnäálu. Sunidxä yälnadip näjza yälñadaan lojlu sa'csi luj sajplu por quislu loj rexpen Israel reyuj nani bia'nä diidx loj retotadgoolu xca'reni si'c te yälñasa'c. Na'c guidxejblu; alga guideb lastoolu jiulu guiraa releii nani badedä lo toMoisés.

Dxejc bejn Josué si'c ni räjp Dios lojni gunni. Baxhalni tio'p niguii tegula'tzreni xho najc yuj Canaán; xhiga'tz baxhalnireni. Räjpni lojreni:

—Colchäj guedx Jericó nani tre' stelaad gueu Jordán te colchahuii loj guiraa nani yu' nejzga.

Dxejcti huijreni ro'c. Che bidzujñreni, biäädreni roliz te gunaguijdx ni laa Rahab. Niluxh ro'c bia'nreni. Dxejc guyu' tio'p chon bejn ni huiye'tz loj reii xten guedx Jericó, räjpreni:

—Siopsa'nnu diidx, abiääd tio'p ben Israel lo guejdxre naguxhijn te siädgula'tzreni xho dxunnu, niluxh suga'reni roliz Rahab.

Dxejcti reii xten guedx Jericó baxhalni chu huiye'tz loj Rahab:

—Guläáä reniguii ni yu' rolizlu sa'csi najcreni bejn nani rula'tz.

Niluxh alabacua'tz Rahab reniguiiga, ni'c räjpni lojreni:

—Guliican, biääd reniguiiga rolizä, niluxh dina ganä caro siäädreni. Cheni bicäjy lo yuj, sa'csi agojl jiäuu rolä' xten guejdx, birigajcreni, niluxh dina ganä canejz sääreni. Palga chanajtureni naj, pet sujtu gaan guiga'reni.

Niluxh laani ala bacua'tznireni. Huä'preni yejc yu', bacuatzlojreni neñ redäz lin ni nabijl ro'c te guibijdreni.

Dxejcti reniguii nani baxhal reiiga, sanajl dejtzreni lo nezyuj xten Jordán, che bidzujñlireni nesiät cuä' gueuu. Niluxh abiäuu rolä' xten guejdxga che birii remos xten reii.

Dxejcti huä'p Rahab yecyu'ga ansde gues guiro'p rexpen Israel, te räjpni lojreni:

—Narä nanä abaniidx Dios reyujre lojtu, sa'csi guiraanu rdxeebnu la'tu. Abiejn diajgnu xho bejn Dios renis xten nisdoo xniaa, xho baspijdzni te nez yuj nezlojtu cheni biriitu guedx Egipto, niluxh xho bejntu che bagu'ttu guiro'p reii stelaad gueu Jordán. Bagu'tzatu rexpejñreni. Che riejn diajgnu dee, lacti rdxejbnu, niluxh nicla tejnu rlajz su nez lojtu sa'csi anajnnu nani najc Xtistou najc Diospac ni rnibee xhaguibaa näjza lo guedxliuj. Ni'cni rniabä lojtu naj, jia'ntu diidx con narä nez lo Dios: si'c ni

agucnäǟ la'tu, sigajcza gacnäjtu narä näj resa'ä. Guniidxtu te seenpac te gacbeä sacnäjtu narä, colguinilii suslaatu xtdä, näj xnanä, näj rebisianä, näjza rebälä lo yälgujt.

Dxejcti badzu'reni diidx, räjpreni lojni:

—Palga dilu guxhal xhiga'tz chu guiniaaz nuure, siennu nani rniablu; cheni guniidx Dios yujre loonu, sicanäsa'cnu luj näj guiraa rexfañillu.

Dxejc räjp gunaaga gusiäjtnireni con te duu ni gustejbni loj te ventaan, sa'csi sobga' rolijzni ro' padeer ni dejd guejdxga. Dxejc balijdxnireni räjpni:

—Che jiä'ttu, colchäj nez nen dajnga te di reni caguil la'tu guidxältu, coljia'n ro'c chon dxej. Colgucuatzloj, te cheni agubi'reni, dxejc sajc guiniaaztu xnezyujtu.

Dxejcti räjpreni lojni:

—Che jiu' rexpejnnu loj reyujre nani najc lajdxlu, guliiblu duu xniaare ro' xpentaanlu cadro jiä'tnu, dxejc rolijzlu gutie'l u xtadlu, xnanlu, näjza bisajnlu näjza guiraa xfamil xtadlu. Palga yu' tej ni guirii rolijzlu, dinu guidon xcuentni. Niluxh renani yu' rolijzlu, ni'c sii sidonnu palga yu' chu falni.

—Abia'nnu diidx si'c gacni —badzu' Rahab diidx.

Dxejc basadiidxnireni, te gulätnireni nez ro' ventaan te biunejzreni. Dxejcti baliibni te duxniaa ro' ventaan.

Gusaj reniguiga te bidzujnreni nen redajn, ro'c bacuatzlojreni chon dxej, lał ni gubi' renigui nani sanajlreni, luxh gudilreni guideb nezyujga, direni nidzälreni. Dxejc guiro'preni bejnreni xhigab sajc guibi'reni lo rexpejnreni, biäjtreni nen redajnga, gudejdreni nez gueu Jordán, te cheni bidzujnreni loj Josué räjpreni:

—Abanijdx Dios guiraa reyujga ladznaanu, sa'csi guiragajc renani rbäjz nen guejdxga rdxejbreni nuurnu.

Biu' rexpen Israel nez reyuj Canaán

(Josué 3:1-6, 13-17; 4:1-24; 5:10-15)

Gunibee Josué cuchee rexpen Israel xhixtenreni te chanuu chasajreni. Gusloj rebixhojz cagutzujlreni yudxanguijd. Niluxh relevitas gojp por guurenini te chanärenini. Cheni bidzujnreni ro' gueu Jordán, räjp Josué lojreni:

—La'tu, rebixhojz, colca' caj xten pacto, nalajznu caj xten Dios, te colnijd loonu.

Guidxa gueuuga sa'csi redxej gusgijni. Che baläj rebixhojz nani sanä caj ro' gueuuga, nis nani siääd ladjiaa, guläsgajcni,

Bacua'tz rexpen Israel Josué lo yuj nani abadedxgaa Dios lojreni. Näjza rextzujt José nani siädnäreni Egipto bacua'tzreni lo Siquem, lo yuj ni gusii Jacoop loj rexi'n Hamor.

Gule Dios rejuejs te laa reben Israel

(Jueces 2:7, 10-19; 3:7-15, 29-30; 4:1-6, 23-24; 6:1-10)

Cheni bejn reben Israel gaan cua'reni reguedx Canaán, direni nurilaagw guiraa rebejn nani rbäjz lo reyujga. Ni'cni yu'ru reben guejdxga ni rbäjz nez galäiiren. Niluxh rajp rebejngä garenca xtiosreni. Che gudejd xhidajl ijj, rexpejn Israel bejn dojl nez lo Dios. Gusloj bazuxhijbreni loj rectios rebejn nani rbäjz nez galäiiren. Birinajlreni, huinalajzreni rediosga. Gulälajzreni Xtiospacreni, alga huinalajzreni Baal näjza Astarot. Ni'cni bidxe'ch Dios loj rexpen Israel, dxejcti bateednireni ladznaa renani rdxe'ch lojreni.

Dxejcti lagajc loj reben Israel biricaj bejn ni gujc juejs ni rgubee reni reni najc reguxhtis, te gudzucajreni rebejngä ladznaa renani rdxe'ch lojreni. Niluxh nicla si'c direni niu rejuejs, sanuutis sanälajzreni rebanäjb. Ni'c, cheni rbee Dios te niguii ni gac juejs ni rgubee, rsiunäjni juejsga te rudzucajni rebejn ladznaa renani rdxe'ch lojni guiraa redxej nani nabajn juejsga. Niluxh che rejt juejsga, rbisacreni rajnreni rexpanäjbreni.

Ni'cni ganidoo bateed Diosreni ladznaa reii xten Mesopotamia, dxejc bejnreni dzuu xten rebejngä xhujn ijj. Dxejetiru gurejdx-gunab rexpen Israel lo Dios, ni'c baxhalni te niguii ni laa Otoniel te guslaanireni ladznaa reiiga, dxejc baslaanireni. Gujc Otoniel juejs lojreni guideb tiuu ijj. Cheni gujtni, gubisac rexpen Israel loj xmod guijdxreni. Ni'cni gucnäj Dios reii xten remoabitas te bejnreni gaan lo rexpen Israel. Dxejcti guyu'reni si'c mos loj reben Moab tzunbichon ijj. Dxejc stehuält guredx-dijreni lo Dios, ni'c gulee Dios te niguii ni laa Aod. Lałni gujc Aod juejs loj rexpen Israel, guyu' te yälrbedxilajz guideb nez reyuj xten Israel. Si'c gudejd taj ijj.

Che gujt Aod, stehuält huinalajz rexpen Israel ste'ca redios. Dxejc stehuält bateed Diosreni ladznaa stee reii, reii xten reben Canaán. Dxejc gajl ijj guyu'reni si'c mos loj reben Canaán. Che gudejd gajl ijjga, gunab rexpen Israel lo Dios gacnäjnireni. Nen redxejga, guyu' te gunaa ni laa Débora nani gule Dios te rnibeeni reben Israel. Baxhal Débora chu huitejdx te niguii ni laa Barac te gulubeeni resoldaad xten Israel. Guiro'preni baslaareni rexpen

Dxejc Josué benle' Caleb te badeedni guedx Hebrón gac xtenni, näj xten rexfamilni. Gulää Caleb rebejn nani rbäjz ro'c.

Che gudejd redxejga, diru rexpen Israel niujn guer, dxejc guyu' yälrbexdilajz lo guideb guedxliuj. Niluxh nezree nezrec rbäjzru bale'si bejn ni najc reben Canaán galooli, sa'csi di rexpen Israel nurilaagwreni lo rexquejdxreni.

Te dxej guiraa rexpen Israel bire' nen te guejdx ni laa Silo, te ro'c guläsreni yudxangujd xten Dios.

Che acuacuent rexpen Israel guiraa xyujreni, refamil xten Rubén näj Gad näj gala' rexfamil Manasés, gubi'reni rolizreni stelaad gueu Jordán.

Gudejd xhidajl ijj, che agujc Josué bengool, gunibeeni biääd guiraa rexpen Israel te yälrdxagsa', bidojpreni nen te guejdx ni laa Siquem. Ro'c basnajni lajzreni xho bejn Dios, xho gucnänireni lo guiraa reyälrdijl nani agudejdreni, dxejc räjpni:

—Sa'csi abejn Dios guiraa redee, colga'p yälrlia'p xpala'n Dios, colyujn xtzuunni si'cni nungäj gacni, colga'pza xpala'nni. Palga rapsijctu redxanbanäjb, colgudzucajni nez dejtz yu' te colyejn xtzuuntis Dios. Palga yu' chu di rlajz gun xtuun Dios, nadxejpac colcue chu loj rlajztu guntu dzuun: laa loj rebanäjb nani huinälajz retoxtadgoloonu nani guläjz neñ Caldea näj Egipto, o loj rebanäjb xten rebejn nani biläänu guedx Canaán. Per narä abenä xhigab resa'ä näj narä siennu dzuun xten Dios; lojitsni chunu.

Biobgajc badzu' rebejn diidxre:

—Dipacnu guisa'n Dios te guzuxhijbnu lo rebanäjb, sa'csi Xtiosnu najc ni gulää nuure näj retoxtadnu Egipto, luxh maazru: Dios najc nani gunijd nez lojnu te bejnni gaan loj guiraa reguejdxre, luxh barilaagwni renani rbäjz nejzga. Ni'cni sienpacni xtuunni sa'csi laatisni najcni Xtiosnu.

Dxejcru badzu' Josué diidx, balijdxzani bejnga, räjpni:

—Digacdi guntu xtuun Dios palga ditu guzoob xtiidxni. Palga cuälaztu Dios te guzuxhijbtu loj rebanäjb, sidejdtu trabajwdxu.

Dxejctiru räjp rebejn loj Josué:

—Nuure sienpacnu xtuun Dios, suzoobzanu xtiidxni, dipacnu guzuxhijb loj rebanäjb.

Guiraa rediidxga bacuaa Josué loj te guijtz xten xleii Dios.

Dxejcti gubi' rexpen Israel rolizreni.

Cheni yu' Josué tegayuubitzuu ijj, gujtni.

lascanu te pres bascuääzni, luxh nis nani sää nez lo nisdoo, gubijdzni. Dxejc suga' rebixhojz lo yubijdz galäii gueu Jordán, ro'c guzudxireni te gudejd guiraa rebejn.

Che gudejd guiragajcreni, gurejdx Josué guitzubitio'p reniguii nani agulen, tejni loj cade tej refamil, te gunibeeni:

—Cade tejtū colcob te guij ni naga' galäii gueu cadro suga' rebixhojz; coltanäni te colquixhni cadro guidxunnu guisilaaznu.

Cheni biädnäreni reguijga, gule'cdajn Josué reguijga ro'c, te räjpni loj rebejn:

—Che guihuiju lo reguijre, guinaj-lajznu xho gucnäj Dios nuure te bideednu loj gueu Jordán, te cheni guiniabdiidx rexinu: “¿Xhi sälöj reguijre?”, jieiuu diidx xho gucnäj Dios nuure.

Gule'c dajnza Josué tzubitio'p guij galäii gueu Jordán, cadro gusuj rebixhojz nani sanä caj xten pacto. Dxejcti birii rebixhojz galäii gueu Jordán, niluxh entis biriireni ro'c, chela gubi' nis gueuuga, gudxajni stehuält.

Dxejc basilajz rexpen Israel te laad cuä' gueu Jordán cadro laa Gilgal, te gudixcheereni guitzubitio'p reguij nani gudoobreni nez galäii gueuu. Ro'c gusloj basusacreni yudxangujd näjza reyulajd xtenreni. Dxejc bejnreni lanij ni laa Pascw. Che bara yääl, cua'reni triuu nani bidxälreni lo xyuj Canaán te bejnreni yätxtiil ni xheti guilaj. Dxejliga diru Dios nuxhał yätxtiil ni laa mana lojreni, sa'csi naj asajc gauurenri renani rcaj nez reyuj Canaán.

Te dxej, che cansaj Josué gajjh guedx Jericó, golpya' bahuiini suj te niguii nejz lojni, ca'ni te spaad. Gubig Josué lojni, räjpni:

—La najclu te rexpejnnu o la najclu te bejn nani rdxe'ch loonu?

—Narä siälä si'c bejn ni rnibee rexpejn Dios nani rdijl

—badzu'ni diidx.

Dxejcti bazuxhijb Josué, bidzujn locuajni loj yuj, dxejc räjpni:

—¿Xhini'c rlajzlu gunä, Dad? Narä nacä xmoslu.

Dxejcti badzu'ni diidx loj Josué, räjpni:

—Gulää rexcura'chlü, sa'csi yuj cadro suga'lü najcni dxan.

Bazoobti Josué xtiidxni.

Sibebä'n Jericó (Josué 6:1-25)

Niäudzu'tz guiraa rola' xten guedx Jericó. Rut rajcdi riu', rutza rajcdi rii, sa'csi rdxebduxhreni rexpen Israel. Dxejc räjp Dios loj Josué:

—Bahuui, narä abatedä guedx Jericó, näj xreiini, näj rexpejnni ladzñaalu. Cua' guiraa rexsoldaadlu, gule'c huält guideb gabi guejdxga. Xho'p dxejli gudeedtu tej huält guideb gabi guejdxga. Gajdz bixhojz chanid loj caj xten pacto. Chanä cade tejreni te trompe't ca'ch nani nacchee xca'ch xilro. Che guiza' xho'p dxej, che guiraa yääl, gudeedreni gajdz huält guejdxga, lał ni caguscuedxa' rebixhojz retrompet ca'ch. Che guiza' gajdz huält, cheni jiejn diajgreni xse' retrompe't ca'ch, cuedxa' guiraa rebejn guideb xcälnadipreni, te cuebä'n repadeer xten guejdxga, dxejc sajc jiu'tu ro'c cade tejtu cuä' sa'tu.

Gurejdxti Josué rebixhojz, räjpni lojreni:

—Colchanä caj xten pacto, dxejc gajdztu colchanijd lo caj xten Dios, colguscuedxa'za xca'ch xilro ni najc trompe't ca'ch.

Räjzpzanloj guiraa rebejn:

—Colchäj te colchadeed te huält guideb gabi guejdxga; luxh gala' renani najc soldaad chanid lo caj xten Dios.

Si'c bejnreni. Te gala' resoldaad sää ganid. Dxejc dejtz reni'c sää guigajdz bixhojz caguscuedxa'reni guigajdz reca'ch ni najc trompe't ca'ch. Dxejc siääd rebixhojz ni nuu caj xten Dios. Dejtzreni siääd sgala' resoldaad, dxejc dejtz reni'c siääd guiraa rexpen Israel.


Dxejc gunibee Josué loj rebejn:

—Dxitaj chäätu, nicla tej xse'tu di jiejn. Niluxh cheni guiniä “Colcuedxa!”, dxejctiru cuedxa'tu, guideb xcälnadipitu.

Si'c badeedreni te huält guejdxga, sanäreni caj xten Dios. Dxejc gubi'reni lo reyulajd xtenreni cadro gudejdreni yääl. Xho'p dxejli bejnreni si'c. Ni rajc gajdz dxejga, huitiereni rsildooru te badeedreni gajdz huält guideb gabi guejdxga. Cheni gulujx



dxejga, nicla galoo, nicla najli, te dxej ni bazobdiajg Dios guredx-gunab xten te niguii, dxejc bazadiidxni, basudxini gubijdx, näj bääi, sa'csi sugannäj Dios reben Israel.



Lal ni cacuaareni, guigaii rereii huicatzloj neñ te biliää. Che yu' chu bidxälreni, huiye'tzreni loj Josué. Dxejcti huij Josué ro' biliääga, bagu'tnireni, dxejc bejni gaan guiraa xyujreni.

Si'c gujc te cua' Josué guiraa reguejdxga, gulecbä'nni guiragajcreni, bagu'tni guiragajc rebejn, si'cpac gunibee Dad gunreni.

Lult diidx nani balijdx Josué reben Israel

(Josué 14:1-14; 15:63; 18:1; 22:9; 23:1; 24:1-29, 32)

Guiraa nani gunibee Dios loj Moisés, räjp Moisés loj Josué te laani bazoob guiraa reyärnibeega. Niluxh chäii, chäii guc caca'reni rexyuj Canaán, si'ctis ni agudixhyejc Dios loj rextadreni. Laa Josué nani gudis reyujga lo cade tej refamil.

Te dxej, biääd Caleb, räjpni loj Josué:

—Mase yu'ä tabigaii ijj, nadanä. Baniidx yuj nani gudixhyejc toMoisés guniidxlu loä, cadro suga' guejdx nani laa Hebrón. Ro'c rbäjz rebejn ni najc benro, ben nadipduxh, niluxh narä nanä Dios sacnäjni narä te gunä gaan lojreni.

Dxejcti gunabdiidx Josué lojreni:

—¿Chuni'c najctu; caro siääädtu?

Dxejc badzu'reni diidxre, ganax didxxhii, räjpreni:

—Nuure sio'pnu lo reyuj ni tre' ziftro. Dxej ni biriuu rolijznu te sioptilnu la'tu, nadxa' reguxtiil ni siopnänu, naj ruhuiitu xho agubibdäjni. Rebols guijdre par bin nacoobni cheni bachajnuren, luxh naj abiujxhreni. Rexcurachcoobnu, abiujxh sa'csi nez yuuga najc ziftro.

Di Josué niniabdiidx lo Dios xhi gunnäjni reniguiga. Ni'cni bia'nni te diidx lojreni, dini gucuanäjnireni. Che gudejd balti dxej, gucbee Josué biädgusgueerenini, luxh rexuyjreni nagagajxh. Niluxh sa'csi abia'nni diidx dini gugu'treni, di rexpen Israel nugu'treni, alga basaanreni gubajnreni lo xyujreni si'c mos, rguereni yağ näj nis ni rquiin rexpen Israel.

Yu' te guejdx nen yuj Canaán ni laa Jerusalén. Che biejnza diajg reii xten guejdxga xho bejn Josué, xho bejnni gaan guedx Hai, näj xho gulecbä'nni guejdxga. Biejnza diajgni xho bejn reben Gabaón yälrbedxilajz con rexpen Israel, näj xho nabajnreni lojreni, cayujnreni xtzuunreni si'c mos, dxejcti bidxejb xreii Jerusalén. Ni'c baxhalni te guijtz loj reii xten Hebrón, näj loj reii xten Jarmut, näj loj reii xten Laquis, näj loj reii xten Eglón. Räjpni lojreni:

—Coltaa te gacnäjtu guicuanänu reben Gabaón te guigu'tnureni, sa'csi anachaagreni loj Josué näj loj rexpen Israel.

Guigaii reiire bidxagsacreni te basujreni te campament gajxh nez Gabaón, näj guiraa rexsoldaadreni, dxejc bacuanäjreni reben Gabaón.

Dxejctiru reben Gabaón baxhalreni diidx lo Josué, räjpreni:

—Nuure najcnu rexmostu. Naj, colgusquejñ, coltaa cadre rbäjznu te gacnäjtu nuure, sa'csi gaii rereii näj guiraa rexsoldaadreni abire' te gucuänäjreni nurnu.

Dxejctiru batie' Josué guiralii resoldaad, luxh gusajreni guideb guxhijn. Cheni bidzujnreni Gabaón, golpya' gunaazreni rexsoldaad reni rdxe'ch lojreni. Bagu'treni xhidajlreni, birlinuzareni reni baxuñ. Lal ni caguxuñreni, baxhal Dios guixobro lojreni, bagu'tni xhidajlreni, maazru najc nani bagu't Dios loj renani bagu't rexpen Israel con spaad.

Lal ni sanajl reben Israelreni, räjp Josué:

—Gubijdx, gusudxi nez Gabaón. Bäii, gusudxi nez Ajalón.

Bacuadijg Diosni. Dxejc gusudxi gubijdx, gusudxiza bäii lal ni bejneni gaan loj rennani rdxe'ch lojreni. Gajd stee dxej chu sa'

bascuedxa' rebixhojz trompe't ca'ch gajdz huält, räjp Josué loj rebejn:

—¡Colcuedxa!, sa'csi abaniidx Dios guejdxre loonu, luxh susnitlojni guejdxre, näj guiraa rexhixtenreni nani yu' nenni. Xtebtis Rahab, nani najc gunaguijdx, näj renani yu' rolijzni, direni nitloj sa'csi laani gucnäjni guiro'p rebejn nani baxhalnu te huila'tzreni guejdxga. Nicla tejtu digacdi xca' renani yu' nen guejdxga, te di gusacsí Dios nuure. Niluxh pla't, näjza oor, näjza renani nacchee bronce, näjza rexhicos ni najc guuib, näjza rexhicos nani nacchee guuib, guiraa reni'c gac si'c te gojn, te yälrusalajz loj Dios.

Dxejctiru bascuedxa' rebixhojz trompe't ca'ch, luxh cheni biejn diajg rebejn, guiraareni gusloj cabedxa'reni dipduxh, dxejc gurebä'n repadeerga. Si'c biu' rexpen Israel nen guejdxga. Cade tejreni biu' nejz cadro suga'reni te cua'reni guejdxga. Dxejc cua'reni xspaadreni te bejneni gaan lo guiraa nani yu' nen guejdxga, nigung, gunaa, bi'n näj bengool, näjli regon, näj rexii näjza rebur.

Räjp Josué loj guiro'p reniguii nani huila'tz guejdxga:

—Colchäj roliz Rahab te coltanäni näj guiraa ni najc xtenni, si'cni bia'ntu diidx con laani.

Dxejc huij reniguii ni bala'tz guejdxga, huilääreni Rahab näj xtradni, xnanni, rebisiajnni näj guiraa xfamilni näjza guiraa xhixtenni. Dxejcti baze'creni guejdxga näj guiraa nani yu' nenni. Ganaxtis repla't, reoor, revas guuib, näjza guiraa nani nacchee guuib gulääreni, dxejc gulucheereni reyälnsa'cga nen yudxanguijd.

Xtojl Acán

(Josué 7)

Bejn rexpen Israel dojl cheni guyu' te niguii ni laa Acán ni gulajn renani abadzubde Dios nen guedx Jericó. Dxejc bidxechduxh Dios loj guiraa rexpen Israel xcuentni.

Che gudejd sgaiitis dxej, baxhal Josué tio'p chon renani rula'tz, te chayembeereri xho najc te guejdx ni laa Haí, te guedxbäz ni suga' yejc te dajn. Che gubi'reni, räjpreni loj Josué:

—Di guiquiin chää guiraa resoldaad. Nanabtis tio'p, chon mil bejn te jiennu gaan reni rbäjz Haí, sa'csi najcni te guedxbäz, niluxh guxiiza renani rcanäj guejdxga.

Dxejc baxhal Josué chon mil bejn ro'c. Niluxh guiraareni baxuñreni lo rebejn Haí sa'csi bagu'treni balti rexpen Israel,

luxh birinuureni reben Israel, barilaagwreni rebejngä nejz ste'ca guejdx. Dxejc banijt rexpen Israel yälrbalajz, sa'csi biu' yälrdxejb lastooreeni.

Rachuinduxh lajzreni sa'csi baxunreni. Josué näj rebengool batiajz xhajbreni, guideb gudxej bazuxhijbreni, bidzujn locuajreni lo yuj nez loj caj xten Dios. Bazälzareni guxhuj yejcreni si'c te seen rachuinduxh lajzreni. Dxejctiru räjp Josué loj Dios:

—¡Aii, Dad! ¿Xicuent basaanlu bideednu gueu Jordán, te parsi jjajbnu ladznaa reni rdxe'ch lojnu te guluuxreni nuure, ä? ¡Maläii nia'nnu stelaad gueuu! ¡Aii, Dad! ¿Xhini'c sajc guiniä naj sa'csi baxun rexpen Israel nez loj renani rdxe'ch lojreni? Naj guiraa reni rbäjz Canaán sacbeereni, luxh siäädreni guideb gabi nuure te ju'treni guiragajcnu. ¿Naj xhi guizajc lajlu?

Dxejctiru räjp Dios:

—Huisului, ¿xhicuent nazuxhijblu guideb cuajzlu lo yuj? Abejn rebejnre dojl. Direní nucuadiajg diidx nani gunibeä, sa'csi acua'reni xhixten bejn nani narä badxonä xca'reni; agulajnreni, abasgueereni narä, luxh gulucheereni recosga nen rexhixtenreni. Ni'cni di gadci suu rexpen Israel nez loj reni rdxe'ch lojreni, luxh susnijtreni rexpen Israel palga di jioib gusacsä nani abejn dojl. Naj, huisu, te gojs loj rebejn gunreni ni riäj gac te guixee jiädsujreni nez loä. Abejnreni dojl, luxh narä rniliä xcuent dojlga digacdi chanuu gucuanäjreni reni rdxe'ch lojreni. Nanab guibicaj dojlre lojtu. Guixee nanab jiädluijlojtu nez loä, guidxaag sa'tu, cade tej famiilro, te guluiä chuni'c bejn dojl. Nani bejn dojl nanab checni, näj guiraa nani rajpni, sa'esi dini nusobdiajg diidx nani agunibeä.

Che bara yääl, rsildooru bejn Josué biääd guiragajc rebejn, nadxagsa'reni xfamili'reni te baluui Dios chu loj refamili siääd nani bejn dojl. Dxejcrú räjp Josué loj rexfamili Judá laatisreni jia'n nez lojreni, luxh stzubiteeb refamili, guiraareni sajc jiireni. Dxejcti biääd guiraa rebejn xten famili Judá nez lojni. Guredxgajc Josué rexi'n te niguui nani laa Zara. Redee gubigreni nez loj Josué. Dxejc gurejdx Josué Zabdi, te bengool loj tej famili. Dxejctiru gubignäj Zabdi guiraa rexi'nni, rexajgni, te lojreni gule Josué tej ni laa Acán, xajg Zabdi.

Dxejc räjp Josué loj Acán:

—Xinganbidä, gunii xhini'c bejnlu. Na'c gucua'tzluni loä.

Dxejc badzu' Acán diidxre:

—O'n, sicäpä, abenä dojl, xhet laadi benä nez lo Dios. Dee najc renani benä: nen guedxbiujyga bahuiä lo te ladsacdukh,

näj tio'p gayuu meel pla't, näj tla' oor ni siool, ni na' garol kil. Bidxaglazduxhäreni, ni'c cua'äreni, bacua'tzäreni nen xcarpä.

Dxejc baxhal Josué tio'p niguui, ni ruxuñreni huijreni lo xcarp Acán te huilääreni nani naga'tz nen yuj ro'c; meel pla't, näj oor. Huinärenini loj Josué nez loj rebejn, dxejc huinä Josuéni nez loj Dios nen yudxanguijd xten Dios.

Dxejcru Josué näj guiraa rebejn gudoobreni Acán, näj remeel pla't, näj oor, näj lajd, näj chäälni, näj rexii'nni, näj rexindxp'ni, sa'csi näj laareni cuäjbreni bacua'tzreni redee. Gudoobzareni rexconni, expurñi, rexilni, xyu'ni näj guira'ti ni rajpni.

Huinärenini loj te lajtz cadro räjp Josué lojni:

—Abiändälu liäädix yejcnu, naj jiädnä Dios liäädix yejclu.

Dxejc guiraa rexpen Israel bacuaareni guij yejcreni, baze'creni guiraareni, dxejc gulecdajnreni guij yejcreni. Si'c guläjz cadxe'chnäj Dios rexpen Israel.

Basguee regabaonitas Josué

(Josué 8:10, 25-27, 30, 34-35; 9:3-21; 10:1-12:24)

Che agujt Acán, huinäsac Josué rexsoldaadni lo guedx Hai. Dxejc bagu'treni guiragajc rebejn nani rbäjz lo guejdxga. Bagu'treni reniguii näj regunaa, tzubitio'p mil bejn ni rbäjz guedx Hai. Biannäj rexpen Israel rexquidxaareni näj reyälnasa'c ni bia'n nen guejdxga, si'c ni agunibexga Dios gun Josué. Dxejc base'c Josué guejdxga.

Dxejc benchee Josué te piään lo Dios nen te dajn ni laa Ebal. Ro'c badeedni te yälrusalajz näj yälrbibyaal lo Dios sa'csi agucnäj Diosrenini. Dxejc bil Josué guiraa rextiidx Dios nani bacuua toMoisés lo leiiga, dxejc gubil' guiraareni lo xcarpreni.

Lajni yu'reni nen xcarpreni, bidzujn tio'p-choñ niguui te guininäjreni Josué. Siäädreni te guejdx ni laa Gabaón ni ria'n si'cti tio'p dxej zift cadro yu' reben Israel.

Laareni abiejn diajgreni xho bennäj Dios rexpen Israel, niluxh anajnreni xho najc xcälrnibee Dios. Ni'cni, sa'csi bejnreni xhigab direni gun gaan gucuanäjreni reben Israel, bejnreni xhigab gusgueereni Josué. Gojtreni ladyuxh, bacuaareni gurachyuxh ni'reni, nani abiräjz, ni caj remiend, dxejc nuureni guijd ni abiujxh ni ru' bin nenni, ascanu zift siäädreni, siädnäreni yätxtiil nani agubibdäj. Si'c bidzujnreni loj Josué nez lo yuj ni laa Gilgal, räjpreni loj Josué näj loj rebejn Israel:

—Sio'pnu lo te yuj ni naga' zift, don la sicäjbtu jia'nnu te diidx, te chu yälrbedxilajz con nuurnu.